

UTL AT DOWNSVIEW



D RANGE BAY SHLF POS ITEM C
39 10 10 07 10 009 3

DR
403
H3

Hayreddin
Veṣā'ikī tārīhiye ve
siyāsiye

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY



HAYRETTİN

VE SAİKİ TARİHİYE VE SİYASİYE
TETEBBUATI 5000 in 1

1326

L 4/10/10

Digitized by the Internet Archive
in 2010 with funding from
University of Toronto

Hayreddin

قناؤنا بحیدر سیتنا

Vesā'iki tārīhiye ve
siyāsiye


تبعاتی

ایک میاں

الحمد لحسن و حسنہ

۱۳۲۶

DR
403
H3



1015324

برنجی کتاب



ماضي به .. حال واستقباله متعلق صحايف تاريخيه واوراق
سياسيه مطالعه سنه نه درجه محتاج اولديغمزي، وشيمدي به قدر
اهمال اتيكمز بوامر مهمي بعدما بحق تقدير اتممه من لازم
كله جكني، آرتق اعتراف زماي حلول اتمشدر، صانيرم .
مشروطيت، تعبير ديكرله، دوره انتباه عثمانى بزي بك
كوزل ايقاظ ايله دي . شيمدن صوگرا تيقظ وتفيض بزه عائددر .
واقعا عثمانيلق عالمي، بوكون، ماضي ايله قطع حساب
وعلاقه اتمشدر؛ ياخود، اويله صايلمق لازم كليور . لكن هر
هانكي زمين وزمانه عائد اولور ايسه اولسون، تاريخ عمومي به
تعلق، ياخود، سياسيانه تماس اده جك يازيلرك مطالعه سندن
دائما بر حصه انتباه چيقاروب آلمق، انسان ايچون، بك طبيعي
وبوده بك فائده لي دكيدر؟

يا عموميتله لزوم وفوايدي تسليم اولونان برشيئك، تاريخ
عثمانيزه تعلق واختصاصي اعتباريله، بزه نه درجه حائر
اهميت وتيمت اولاجغني بيانه حاجت وارميدر؟
ايسته شو اساسلره بناء، اوتهدن بري مشغول اولمش
اولديغم بعض تبعات تاريخيه وسياسيه يي، تكرار كوزدن
كچيره رك، پي درپي طبع ونشر آرزوسنه دوشدم .

تاریخ ، بیک دورلو وقایع مهمه نك ادوار مختلفه ده
تکررندن عبارت و بونلرده مندرج دقایق .. حکمت تجربه
کبی قیمتدار بردرس انتباهی ده شامل بولوندیغندن ، عرض
آیله دیکم نمونه لرك مطالعه سی فائده دن خالی دکدر ، اعتقادنده یم .
شوراده نقصان آثار تاریخیه مزدن بحث اتمک ایسته مم .
دور مشروطیتله باشلایان نشریات تاریخیه دوام ادرسه ، آرزوق
مؤلفات مهمه وجوده کله جکنه شبهه یوقدر . بزم ایچون
اُک زیاده تأسف ا دیله جک شی : رشید ، عالی ، صفوت ،
فواد پاشا لركی رجال دولتمزک بیله خاطرات سیاسیهلرینی
یازمامش اولمالریدر . قالدی ، که بونلر خاطرات سیاسیهلرینی
یازمانک لزوم و اهمیتنی تقدیر اتمه ینلردن دکل ایدیلر .

خاطرمددر : صدر اعظم خلیل رفعت پاشا مرحوم ،
بیمارقک ملاحظات و خاطراتندن ، بزه متعلق مطالعاتنی تدقیق
و ترجمه ائدیرمش ایدی . او آره لق آوروپادن کلن و ممنوعیتی
جهتیه کیزلیجه اده ا دیلن تورکجه و فرانسزجه برچوق غزته لری
دائرة صدارتک تنفس اوطه سنده باش باشه اوقومق ، و کندیسی
بویوک اوطه یه کچدکن صوگرا ، کوچوک اوطه نك قاپیلری
کلیدلی اولدینی حالده ، یازین بیله محافظه موقع وقارادن بویوجک
بر صوباده یاقوب کول اتمک معتادیمز اولدیغندن ، برکون ،
خاطراتنی یازمق اوزره اخطارده بولوندم . حتی بونک ایچون
آوروپاده متخذ اصوللردن عریض و عمیق اده ایرادیه بحث
آیله دم . تکلیفم خوشنه کیمکله برابر ، أمثال کورولمه دیکسندن
غایت محویتکارانه بر جواب ویردی . حال بوکه رفعت پاشا ،

اوپك سادە كورونن پير محترم ، پك كوزل و قيمتلى خاطر دل يازا بيلير
 ايدى . اواخر عمرينه قدر توارىخمزى مطالعه اتمك ، ياخود ،
 او قوتوب ديكلمكه متلذذ اولور و غايت حكيمانه مقايسه لريپار ايدى .
 ينه بركون ، بويوك ايلچيلردن بريله ملاقاتنده ، ترجمانلق
 ادييوردم . ايلچي مملكتندن ، اوكون ، كلش . . مهم برمساله
 ايجون جواب قطعى ايسته يور ايدى . صدر اعظم ، ايلچينك
 ايضاحاتنى كمال اهميت و دقتله ديكلمه دكن صوگرا ، زانا معلومى
 اولان مسالهي مجلس مخصوصده تكرار مذاكره ايله عرض
 ادييورده جكنى سويله دى . آكلا تدم . سفير ، ايشك اهميتندن
 وخامتندن بحث ايله دى . صدر اعظم ده تكرار « ايجابنه باقارم »
 جوابى ويردى . لكن سفيرك مقصدى باشقه . ايشك پارلامنتويه
 دوشه جكنى ، شويله بويله اولاجغنى بيان ايله ايكي دونتك
 انقطاع مناسباتنه ايماده بولونوركي اولدى و بروعد صريح آلمق
 ايسته دى . پاشا مرحوم ايسه : « بن باب عاليجه نه ياپيلمق لازم
 كليرسه ياپاجغم » ديهرك سفيرك ايمالرينه قطعياً ياناشمق بيله
 ايسته مه ديكندن ، بكا قيزدى : « يا سن ديديكى آكلامايو-
 رسيك . ياخود ايلچي بك حضرتلرينه ياكليش سويله يورسيك .
 تكرار ادييورم : مسالهي تماميله واقفم ، ايجابنه باقاجغم »
 ديدى . بن ، قطعاً متأثر اولمقسزين ، مرحومك بوسوزلرينى
 دخی سفيره حرفياً ترجمه اتم . سفير ايسه ، پك بويوك بر
 عرفان و ذكاصاحي اولديغندن صدر اعظمك اداره لسانده كي
 ايجاز و قطعيتنى تقدير و كمال تشكرله همان باب عالیدن عودت
 ايله دى . مرحومك علو جناب و رقت قلبنه باقاليدير ، كه

متعاقباً بنی زردینه چاغیردی : « سنی مجبوری تکدیر اَدم ، بعضاً بویله شیلرده اولور » دیهرک و کولومسه یهرک تلطیف اَدی . دیمک ایستهرم ، که بوتون رجال حقیقه دولت ، آرتق ، بولونمش اولدقلری احوال و مأموریتلره عائد خاطرات و مطالعاتی یازمق . . کندیلری ایچون پک مهم بر خدمت وطنیه اولدیغی اونو تاممالیدر . بو خاطراتک شیمدی نشری جائز اولمایه جق اقسام سیاسیه سی ده بولونایلیر . بآس یوق ، شیمدین اُسکیلری قید اَتمه لی و بوندن صوگرا کیلری ده منتظماً ضبط اَیله مه لیدر ، که عثمانلی تاریخی ، زماننده ، مستفید اولایلسین . مع مافیله بو وظیفه یالکیز و کلایه ، رجاله مخصوص و منحصر ده دکلدر . بودواتک وظیفه کتابتلینی ایفا اَتمش بولونانلر دخی ، بعض مهم شیلر یازایلیرلر ، که بونشریات ، عنعنات تاریخیه مزنی تدقیقه یاردیم ادر و پک لازمدر . آل ویریر ، که شو یازیلر ساده و عین حقیقت اولسون و کیسه ناک شخصه ده تعرض اولونماسین .

شیمدی مؤلفات اَجنیه یه کله لم :

أرباب قلم و سیاست ، بوبابده ، کلیات مهمه نشریله افکار عثمانیه نی تنویره همت و غیرت بویور و ورسه ، بویوک بر خدمت وطنیه ده بولونمش اولور . چونکه حس موجودیت اَدن بر ملت ، تنویر فکر و تأمین آتی اَده بیلیمک ایچون او یله آئارده ده محتاجدر . بونلرک فقدانی ، اومت ایچون ، بویوک بر نقصان عدا اولونور . مثلاً : آوروپاده او یله دیپلوماتلر واردر ، که موقع اقتدارده برر محور سیاست عالم رولی اوینامش اولدقلرندن ، عثمانلی

پولیتیکه سنجه کمال اهمیتله تدقیق ادیه جک مطالعات و محرمات بیر ایشلدردر .

مثلا: برلین قونغرده سی مذاکرات ومقرراتی، ألفاظ وتعبیرات رسمیه ایچنده صیقیشمش اویله حقایق جامعدر ، که دیپلوماسی خاطر دلری اوقونمادجه، ماهیت وأهمیتلری آکلاشیلاماز. بوکون بوکا متعلق خاطرات، بالجه ارباب سیاست کمال دقتله تعمیق وتبعه مجبور اولدینی برپولیتیکه زمین وسیعیدر . ناصل، که الیوم آوروپاده ، رجال سیاست وقلمک بووادیده پک مهم اثرلری موجود وهربری دقایق وحقایق سیاسیه نی محتویدر .

مثلا : صمیمیت متقابله ایله یاشاماسی لازم کلن عثمانلی وروس ملتلرینک مناسبات قدیمه تاریخیه وسیاسیه لرینی ناطق مؤلفاتی تدقیق ایله عالم مدنیت وانسانیتی ده ، اوایکی بویوک ملتیده ارشاد اتمک ینه ارباب قلم وسیاستک خدمات نشریه حکیمانه وموشکافانه سنه مقتدردر .

مثلا: مه ترنیک، تاله یران، یسمارق، پلمه رستون، نه سه لرود، غلادستون کبی اعظم اجنبیه نک فکر سیاسیلرینی تدقیق اتمک ایسته سه ک ، شیمدی یه قدر یادیغمز کبی ، برصاحب قلمک اثرینی علی العمیا ترینات کلامیه ایچنده بوغوب نقل وترجه اتمک کافی دکلدردر .

مثلا: یسمارق ایچون، کندندن ماعدا، دوست ودشمنلرینک یازدقلری آثار عدیده نی اوقومادجه، نه یازیلسه، بوندن صوگرا معقول ومقبول اولامایه جقدر .

الحاصل آروپا دیپلوماتلرینک بزه عائد خاطراتی .. پارس

قونغر دسی .. ویانه ، پارس و لوندره قونفره انسلری کبی برچوق
مبجتلر داهاتشکیل آددجک مهام سیاسیه نك کافه سی ، بزجه ، نه قدر
تدقیق و تتبع اولونسه یری واردر .

اما بونلرده تدقیق و تتبعك قیود و شروطنه رعایت ، شرط
اعظمدر . ترجمه اولونا جق شیر وار ، تتبع اولونا جق شیر وار .
اول امرده تقدیر اهمیت و تدقیق ماهیت مسأله لازمدر . چونکه
حکم زمان بونی امر آدیور .

بالذات تجربه آتم : بوندن اون ایکی سنه مقدم ، قریم
محاربه اخیره سنك بر تاریخ سیاسینی یازمق امانه قایلیمش
ایدم . برچوق اثر لر جلب و جمعنه تشبث آیلدم . بو آلد
آدیكم اثر لك هر برنده يك چوق پارلاق صحیفه لر بولدم .
هپسندن ، پارلاق ألفاظ و تعییرات ایله مزین ، آیری آیری برر
باشلیجه اثر وجوده کتیرمك مشکل اولمایه جغنی در حال کوروب
آکلادم . لیکن یایمادم . وجدانم مانع اولدی . چونکه اوقودیم
آثارك هیچ بری ، عثمانلی فکر و قلمی محصولی دكل . نه قدر
تعديل و تغیره غیرت آدیاسه کندی تاریخمز اولمایه جق .
و ثایق لازمه بی آلد اتمه دجکه ، مسوداتی نشر اتمك خاطریمه
بیاه کله دی . بو خطایه دوشمش اولسه ایدم ، ظن آدرم ، که
بوکون تأسف و ندامتن باشقه بر نتیجه حاصل اولمایه جقدی .
زیرا او آثار اجنبیه ده کوردیکم نیجه مبجتلرک یا گلش بر
معلومات ، یا خود ، محاکمه محصولی اولدیغی نجه بوکون ثابت .
ایشته بونلری شیمدی بعدالتتبع آکلایا بیلدم .

قالدی ، که آوروپا آرشیولرنده ، آرباب عرفان و اقتداریمزك

تتبع اُدهجکی پک چوق حقایق تاریخیه و دقایق سیاسیه محفوظدر .
 بر « بویوک عثمانلی تاریخی » ایچون ، غربک خزانه عرفانلرنده
 مکنوز نیچه نیچه وقایع و دقایق بولونا بیلیر، که بوکون اونلری
 اخذ و اقتباس اتمکده وظایف اولیه مزدن صایلسه بجادر .
 چونکه هر بری ، مصادف اولدینی زمانک ماهیت مخصوصه
 و پولیتیکه سنی کوسته دریر . بناء علیه دوغرودن دوغرویه تاریخ
 ملیمزه تعلق ادر شیلردر .

ماضیمزک ألواح کونا کوتی .. رجال أسلافک ، یاخود ،
 أسلاف رجالک بر چوق احوال و خصوصیاتنی آنجاق آرشیو
 دینیلن او منابع حقایقندن استنباط ایلهده آز چوق میدانه
 چیقارا بیلیرز . بونده آرتق تردد و تأخر آتمه ملیز .

دیپلوماسی عالنده ، مرویاتک [دیدی قودی] بیله برموقع
 وزمین مخصوصی واردر . و تتبعات تاریخیهجه بونلرکده اهمیت
 و تأثیری انکار اولونماز . خلاصه کلام ، بزم ایچون ، میدان تتبعات
 پک واسعدر . ارباب تتبع و مراقز نه قدر چوق اولسه ..
 نشریات موجوده بی احاطهده موفقیت ، زمانه محتاجدر . شیمدی
 هنر و معرفت ، لازمه حمیت .. آرتق طورمایوب بو زمانی طی
 و قطعه باشلامقدر .

*
* *

بوکتابده کورولهجک شیلر ، ترجمه ، یاخود ، اقتباس وتالیفدن
 عبارت دکلدر . معلومات تاریخیه مزنی توثیق اُدهجک اوراقک
 عیناً نقلنده تردد اولونماشدر .

شوراسی شیمیدین بیانمه لیدر، که مندرجاتی، معین بر زمانه
مختص اولمایه جق ؛ کلیشی کوزل فوائد سیاسییه و تاریخیه
درج و قید اولونا جقدر .

آیاسته فانوسده : ۱۰ تشرین ثانی ۳۲۴ - شباط ۳۲۵

خیرالدین





عهد مجیدی به عائد بعض خاطره‌لر

جنت مکان عبدالمجید خان عهد سلطنتی ، حقیقهٔ وجوه
عیدیله ایله مغبوط الاعصاردر . خاقان مشار الیه ، طالعک پک
یویوک و مستاشنا مظهریتلریله شرفدار اولمشدن . دور سلطنتی ،
عثمانلیلرک ائک مهم بعض وقایع سیاسیہ سندن وجود بولمش
پارلاق موفقیتلرله تمایز بولونیور . اقتدارم اولسهیدی ، بودورک
برتاریخ مکملنی تألیفه جرأت ایله ردم . نه چاره که عجزیمی بالذات
معترف اولدیغمدن ، بوشرف عظیمی اهلنه ترک ادهرک ، یالکیز
تبعات و مطالعات تاریخیه ائناسنده مصادف اولدیغم بعض وثایق
و فقرات مخصوصهینی — اوزمانی تتبع ادهجک ذواته مخصوص
خاطره‌لر قیلندن اولمق اوزره — شوبرقاج صحیفه‌یه صیقیشدیردم .
جنت مکان ، رشید پاشا کی برنادره روزکارک وجودیله
بختیار صایلیر ایدی . بو خارقه سیاستک تدبیر عرفان و حکمتی
ایله ، اوزمان ، ملک وسیع عثمانیده جلوه پیرای ظهور اولان
معالی موفقیات ، جدأً و حقیقهٔ حیرتله لایقدر . دولت علیه
عثمانیه‌نی شهراہ جدید مدینته سوق وادخال ادن ، آوروپا

عائله معظمه دوليه سی میاننده موقع مخصوصنی احرازه.
ظفریاب ایلهین دوره حکومت . . خاقان مشارالیهک زمان
سلطنتی در .

قریم محاربه مشهوره سندن اقتطاف اولونان ثمرات مهمه ،
بیك دورلو مشکلات سیاسیه نك اقتحامیه حیز وجوده کلمش
اولیه قیمتمدار موفقیتلردر، که بونلرک هر بری تاریخ دوانک
خط زرین ایله یازیلا جق معالی مخصوصاتندن معدود اولسه سزادر .
آشنای محاربه ده ، دول متفقہ قوماندانلرینک طرف پادشاهییدن
نائل اولدقلری تلطیفات وتشویقات بویوک خدمتلر ، مهم همتلر
انتاج آتمشدر .

بالفعل قریم محاربه سنه اشتراک آتمک اوزره در سعادتہ کلن
و پارسدن طولونه قدر سفیریمز طرفندن تشییع یاخود رفاقت
آدیلن پرنس ناپولیون ایله لوندره دن کلن دوق دوکه مبرنج ایچون
نشاط آبادده کائن ساحلسرا و فرعیه دائره علمیه سی تخصیص
اولونمش ایدی .

پرنس ناپولیون ، قریم فرانسز باش قومانداننک تدابیر
و حرکات حربیه سنده ، هیچ بر موقع وصفتی حائر اولمادیغندن ،
بالفعل اشتراک آتدیکی (آلمان) محاربه سی مظفریتندن صوگرا
- خسته لیک دولایسیله - استانبوله دونمش ، فرانسه سفارت خانه
سنه مسافر اولمش ایدی .

تشرین ثانی ۱۸۵۴ اواسطنده ، اینکدرمان مظفریتی خبری
آلتماسی اوزرینه ، فرانسه سفارتی باش ترجمانی موسیو شه فہر ،
برجمعه کونی سلاملق رسم عالیسندن صوگرا ، ذات حضرت

پادشاهی به تبشیر کیفیت آتش و بومژده دن پک مسرور اولان جناب پادشاه، پرنس ناپولیونی زیارت آده جکینی ترجان مومالیهه بیلدیرمشدر. پرنس ناپولیون، ایرته سی کونی، شه فهری سرای هایونه کونده دره رک، تشریف شاهانه دن دولایی عرض تشکرات آیه مشدر. آنجاق، شه فهر، ذات حضرت پادشاهی نی سرایدن چیمق اوزره بولمش.. رکوب پادشاهی به مخصوص آتلرده طوبخا- نه به کونده رلمش اولدیغندن، سفارت خانه جه استقبال و قبول لرینه عائد تدارکات و تهیئات ایفا آدیه بیلیمک ایچون، هیچ اولمازسه ایکی ساعت تأخر بویورولماسنی عرض واسترحام آتمشدر. ذاتاً سفارت خانه ده فوق العاده برحاضرلق یاپیلاجق دکل ایدی. چونکه امکان وزمان یوق ایدی. فقط آمالی اولما دیغندن اوآنه قدر پادشاهک سفارت خانه به کیمه سی استبعاد اولونمش، تردد ایچنده قالمش ایدی.

« وقت معینده، عبدالمجیدخان سفارت خانه به کیده رک، سریاور آدهم پاشا ایله ترجان شه فهر حاضر اولدیغی حالده، پرنس ناپولیونله ملاقاتده بولونمشدر. پرنس ناپولیون، اول بأول اینکدرمان غایبته قدر تعاقب وتوالی آدن صفحات حریبه یی، کندینه مخصوص بر قدرت عسکریه ایله ایضاح و تفصیل آیه مش؛ ذات شاهانه، بومعلومات مهمه یی کمال دقت و مراقایه دیگله مش و پک زیاده ممنون قالمشدر. بوناک اوزینه پرنس، فرانسه یی تشریف ایله ایمراطوری زیارت بویور- مالریخی استرحام آیه مشدر. سلطان مجید مرحوم، ابتدا بوتکلیفدن متحیر قالمش ایسه ده خوشنده کیمه مشدر. مع مافیه حنکار پرنسه برنیم وعدهده بولونمقله اکتفا آتمشدر. شوقدر وارکه،

ایرته‌سی کونی ، صلحک تقررندن صوگرا ، فرانسه‌یه برسیاحت
اجراسی تصورنده بولوندیغنی بعض بندکاننه سویله مشدر . «
پرنس ، ایکی آیدن زیاده فرانسه سفارت خانه‌سنده مسافر
قالمشدر . او آردلق سفیر یوق ایدی . بر مصلحت کنار وار
ایدی . بوذاتک ، خصوصی اشعاراتنه نظراً ، پرنس ، کیجه
کوندوز دارالحرب و سفارت آره‌سندگی مخبرات ایله توغل
و حرکات عمومی عسکریه‌یی بحق تنقید و مواخذه ایدیوردی .
و فی الحقیقه بوانتقاداتنده کی اصابتی ده ، بری برینی ولی اذن وقایع
رتبه بداهته چیقاریور ایدی . آنجاق بو حاللر ، مشکلات
حربیه‌یی اصنافدن باشقه بر شیئه یارامادیغندن ، ایمپراطور ، کندیسنه ،
پارسه عودت آمرینی ویرمشدر .

شوصیراده ، احوال کیتدکجه کسب وخامت ایدیور ایدی .
ایمپراطور ناپولیون ، محاربه‌نک بر آن اول بیتیورمه‌سنی بکله یوب
طورورکن ، هرکون بیك دورلو مشکلات چیقور ایدی و هر
غلبه چالندکجه ، میدان حربده برچوق قهرمانلر قربان اولوب
کیدییور ایدی . بونکله برابر سیواستاپول بردورلوفتیج ادیله مه‌یور
ایدی .

ناپولیون ، بالذات قریمه کیدوب قوماندانلق اتمه‌یی تصور
ایله‌دی . بوتصور ، تلاش و اندیشه‌لره سبب اولدی . انکلتزه ،
فرانسه ایمپراطورینک دارالحربده دول متفقه عسکرینه قوماندانلق
آتدیکنی طبیعی ایسته‌یه مزایدی . فرانسیز دیپلوماتلری ایسه ، تصور
واقعک دوست دولتلرجه مظهر اولاجنی صورت تلقیدن دولایی ،
پک اندیشناک ایدیلر . لکن ایمپراطور ، بودیپلوماتجه دوشونجه‌لره

مقیّد اولابیلیرمی ایدی؟ اونک دوشوندیکی برشی وار ایدی :
سیواستاپول !

بیك دورلو فداكارلقلر اولویور .. بیك دورلو قصورلر
ایشیدیلیور ایدی. بونك ایچون بالذات دارالخر به کیتمك ..
بالذات حرب اتمك ... قطعياً أمين اولدیغی نتیجه ظفری
استحصال ایلهمك ایسته یور ایدی . ناپولیونك برچوق پروژه-
لری ، یاخود ، غائله لری داها وار ایدی . شو غائله یی آرده دن
چیقاریویرمك ایسته مه سی پك طبعی دکل ی ایدی ؟

بو سیاحت تصویری ، فرانسه خارجیه نظارتنده .. ارکان
عسکریه آرده سنده ، غایت آلت پرده دن ، کمال اهمیتله موضوع بحث
اولویور و برچوق محذورلر کورولیوردی . حتی قریم محاربه سنك ،
روسیانك مغلوبیت قطعیه سیله ختام پذیر اولاجغنده ذرتماشبه سی
اولمایان رجال سیاسیة و عسکریه ، ایمپراطورک بالذات قوماندا
آده چکی بر محاربه ده ، قسماً و موقتاً بر مغلوبیت وقوعی احتمالی
درمیان ایله بونك وخامت ی دوشونمکدن خالی قالامایور ایدی .
لیکن اوچنچی ناپولیون ، بویله اندیشه لره قولاق آصه جق برحالده
دکل ایدی .

پارس سفیری ولی الدین رفعت پاشا ، قبل الاتفصال ، ایمپرا-
طورک بوقرارینی باب عالی یه یازمش اولاجقدیر . فرانسه خارجیه
ناظری دروئین دولویس ، درسعادت سفارتنه برشی یازمق
ایسته مه دیکی حالده ، ایمپراطور ، سرای مدیری میرالای « بهویل »
نام ذاتی مأمور آده رک ، اقامت لری ایچون یاپیلاجق ترتیباته باقق
اوزره ، استانبوله کوندرمشدر .

به وایل ، استانبوله کیش وَ شه فەرله برابر، بالدفعات، حضور
پادشاهی به قبول اولومشدر . به ویک تبلیغاتی ایمپراطورک
زوجه سی ایله برلکده در سعادت کله جکنی و کندیس داراخر به
کیدجکنی ، ایمپراطوریچه نک استانبوله مسافرتله قالارق
زوجنی بکله به جکنی متضمن ایدی . ذات شاهانه، متفق محترمی اولان
فرانسه حکمدارینک نیت واقعه دوستانه سندن پک زیاده اظهار
ممنونیت آتمش وَ ایمپراطور ایله ایمپراطوریچه نک اقامت لرینه، بالذات
اقامت بویوردقلری سرایک بر قسمنی ترک و تخصیص جهتی وارد
خاطر اولمشدر . آنجاق موسیوبه وایل، تخصیص و تفریق ایدله جک
دائرة نی کزوب کوردکن صوگرا، بوکا امکان اولمادینی
آکلاشیلدیغندن ، باراده سینه بوتون سرایلری کزمش و بالظه
لیماننده کی قصر عالی نی ترجیحاً انتخاب ایله مشدر [۱] . بونک
اوزرینه، قصر مذکور جوارنده لزوم کورون برچوق کوشلرک،
بنالرک همان انشاسنه باشلامشدر .

پادشاه ، ناپولیون کبی بویوک بر حکمدارک زیارتنی کمال
مباهات ایله قبول اده جکنی و بوزیارتک، هرایکی حکمدارک صحیف
تاریخیده ، بر آرده ، یادنام لرینه وسیله اولاجغندن پک ممنون
بولوندیغنی به ویله اشعار آتدیردیکی کبی، تدارکات واستحضارات
لازمه به بالذات اماله لحاظه نظارت بویورمشدر .

ذات شاهانه نک تراکت و ظرافتی، فرانسر لرحه، اون بشنجی

[۱] بو برای، رشید پاشا مرحوم طرفندن مبالغ کلیه صرفیله
وجوده کتیرلش ، بالاخره خاقان جنت مکان طرفندن مباحعه بویورولش
ایدی .

لوتی یه قیاس ایله یاد و تقدیر اولونیوردی. عبدالحجید خان، فوق العاده حسن طبیعت صاحبی اولدیغندن، مسافر مکرملرینک اقامتگاهلارینی تزئین و تنظیم خصوصنده کی اعتنای مخصوص، خارق العاده درجه لرده ایدی. ایمپراطوریچه اوژدنئی نك یا تاغنه قونولاجق جینلک، سراپا نادیدداینجیلرله دونامش ایدی. ایمپراطورایلر زوجه محترمه سنك دائر دیرینه، تاساطحان مراد اولدن انتقال آتمش و اولوقته قدر سرای خلقنه بیله مجهول قالمش او یله قیمتدار و نادیده نفایس اشیا وضع اولونمش ایدی، که بونلری بالذات کیدوب کورن سفارت مأمورلری [« ألف الیل والیله » نك حقیقه تجسم آتمش بر صحیفه سنی کورده جکیز !] دییه رنک اعتراف حیرت آتمش لدر.

بوزیارت خبرلری و سرای تدارکاتی، برمدت، در سعادته مدار یکانه بحث و مقال اولمش ایدی.

استانبول اهلایسی، بویله حکمداران زیارتلرینه آلیشماش ایدی. خصوصیه ناپویون، قریم محاربه سی دولایسیله، عثمانلار نظرند غایت پارلاق بر موقع قازانمش ایدی. بونك ایچون هر کس سه وه سه وه ناپویوندن بحث ایدیور. استانبوله کله جکنی، بالذات حربه کیده جکنی، و آلهایه ایش بیتیورده جکنی دوشونه رنک سه وینور ایدی. فرنك عائله لری ایسه، عثمانلی پادشاهنک فرانسه ایمپراطوریچه سنه ناصل قول ویره جکنی، ایمپراطوریچه نك حرم هلیونه ناصل کیده جکنی موضوع بحث اده رنک عادتاً استبعاد درجه لرینه قدر واریورلر ایدی. حال بوکه ایمپراطورک کله جکی، ایمپراطوریچه نك برلکده بولوناجنی ایکی

سرای حکمداری آردسندہ تقرر اُتمش شیلر ایدی .
 پارس سفارتی مصلحت کذاری محمد حلیمی آفندی، فرانسه
 حکومتدن یانکیز تبلیغ رسمی به منتظر ایدی . ایمپراطورده
 ویانه قونفرانسک قرارینی، داها دوغروسى، قرارسزلغنى بکله یور
 ایدی . ذاتاً لوندرا وُپارس قابینه لری، قونفرانسک نتیجه سز
 قلا جغه شبه اُتمه یور ایدی . مع مافیه انتظار ضروری ایدی .
 ۱۶ نیسان ۱۸۵۵ ده ایمپراطور و ایمپراطور یچه لوندرایه
 کیتدیلر. قرالیچه و یقتوریا، انکلترونک خصم اکبری اولان بویونک
 ناپولیونک یکنی ایله و بونک زوجہ سی ایمپراطور یچه اوژدن ایله
 ملاقاتدن او قدر ممنون و خصایص ممتاز دلرینه اولیه مقتون اولمش که
 بالذفات بونی اعترافدن چکینمه مشدر. فرانسه — انکلترونه اتفاقی
 حاضر لایان لورد پالمه رستون، زوجہ سیله برابر، قرالیچه نک
 و انکلیز ملتک اوچنجه ناپولیونک اماله سنه بدل مساعی اُتمشیدی .
 ملاقات واقعه، اومساعی حکیمانه و دور اندیشانه نک نتیجه موفقیتی
 ایدی . لیکن ایمپراطورک قریمه عزیمتی تصوری . انکلیز دیپلوماتلرینی
 دوشوندیریور ایدی . ناصل که فرانسزلرده ایسته مزلر ایدی .
 حتی ماردهال قاسته لالان، بو تصوری ایشیدینجه متأثر اولمش :
 « روسلر حاضر لایانمش بولوندینى صیراده کیدیله بیلیر ایدی .
 لکن شیمدی مهلکدر » دییه فکرینی سویله مکده تردد
 کوسترمه مشیدی .

قرالیچه و یقتوریا ایسه، ایمپراطورک قریمده وجودی، انکلیز
 باش قوماندانی و عسکری ایچون باعث مشکلات اونقله برابر
 موقعاً کنديسنک مهالک عنیده به معروض قلاجنی فیکرنده

ایدی. و رالیچه بورالینی معیت ایمپراطوریده بولونان ماره شال وایانه ده سویله دی و: «ایمپراطوره بعض اخطارلرده بولونمایه جسارت اَدم» دیدی. حال بوکه ماره شال ده ایمپراطورک فکرینه مخالف اولدیغدن: «جسارت اَدیگز، مادام، جسارت اَدیگز» دیهرک قralیچه نی تشویقندن خالی قالمادی. غریبدر، که بو اخطاراته رغماً ایمپراطور،ینه فیکرنده ثابت و مصرقالیورایدی.

حلیمی اُفندی، بر مکتوبنده دیور، که:

«ایمپراطور، یارینکی بازار کونی لوندرایه کیدیور. اوراده»
 «برقاچ کون قلوب عودتنده قریمه کیتمک نیتنده در. بونک»
 «ایچون، مأمورین عانده سی طرفندن، شیمدین تدارکات سفریه یه»
 «باقیلیور. لیکن نه وقت کیده جکلری هنوز رسماً تعین»
 «اَتمه مشدر. هر حالده بوایش وایانه ده بولونان مجلس مکالمه نک»
 «مذاکراتنه موقوفدر. مذاکرات واقعه نک قریمه عزیمت»
 «تصویری تأخیره سبب اولاجنی مأمول دکلدر. مایس فرنکی»
 «غردنده (?) پارسده سرکی کشاد اَدیلوب انکتره قralیچه سی»
 «او اُتاده پارسده حاضر بولوناجق و بعده ایمپراطور شهر»
 «مایسک اواسطنه دؤغرو قریمه متوجهاً حرکت آیله یه جکلدر.»

دیگر بر مکتوبنده ده دیور، که:

«ایمپراطور، لوندرادن عودت اُتدی. شهر مایسک بشنده»
 «قریم جانبه کیتمک اوزره بو طرفدن حرکت آیله یه جکلری»
 «روایات و تدارکات واقعه دن استدلال اولونیور».

شو مکتوبلاردن ده آگلاشیلیور، که ایمپراطور، تصورندن وازچکمه مشایدی.

استانبولده، تمسور واقعك عقدۀ تأخره اوغراياچنى كيمسەنك
خيال و خاطرندن چىمزايدى. باب عالي، ايمپراطور و ايمپراطورچەنك
صورت استقبالىرىنه دائر مفصل بر پروغرا تىظيم و ترتيب اتمشىدى.
حتى مشاراليمانك بخرأ كله جكارى جهتهله از ميره اوغرامالرى
ملحوظ بولونديغندن، اورا جه دىخى تداركات واحترامات لازمه
ايفاسى تقرر اتمش ايدى .

ايمپراطور و ايمپراطورچە، دارالسلطنت سنيه نك قايسى اولان
بحر سفيد بوغازنده [چاناق قلعه] سرعسكر پاشا و خزينه خاصه
ناظرى داماد على غالب پاشا طرفندن استقبال اولوناجق .. ذات
شاهانه ، معيتمده و كلای دولت اولدينى حالده ، واپور همايون ايله
سرای بورنى پيشكاهنده مسافرين كرامى بکله يه جك .. اورادن
بر ليكده سراى عالي يه كيديله جك .. شو صيراده بوتون طابيه لردن
يوزر پاره طوپ آتيلاجق .. دوناماي همايون حکمداران
حضراتى سلاملاياجق .. محاربه سبيله « کليتولوجه عسا کر شاهانه
موجود اولما دىغندن » خاصه و نظاميه و مصر و تونس عسا کرندن
موجود بولونان بر قاچر طابور عسکره رسم کچيد اجرا
آتديريله جك .. الحاصل دولتک متفق محترمی و شان واستقلال

عثمانينك محافظه سى امرنده هر دورلو فدا کارلنى كوزده آنديرمش

اولان بر دولت معظمه حکمدار مكرمى حقنده نه كى معاملات

متمايزۀ احتراميه و مراسم فائقۀ اكراميه ياپيلمق ممكن ايسه

مع زياده ياپيلاجق ايدى . حتى حرم همايونده ايمپراطورچە يه ترجانلق
أتمك اوزره هيأت سفر ايه منسوب مادام ايسته پويچ ،
سفارتله بلماذا كره ، انتخاب قيلنه مشيدى .

ایمپراطور یچہ اوژدنی ایسہ، ناپولیونک عزم و قرارندن پک
ممنون کورونیور ایدی . باخصوص استانبولده کی تدارکات
واستحضارات ، تخصیص اولونان سرایده بذل واسراف ایدیلن
ترتیبات و ترتینات موسیو به وبل طرفندن عرض اولوندیچہ بر آن
اول بورایہ کمک ، هرشیئی کوزیلہ کورمک ایستہ یور ایدی .
انکلتره قرالیچہ سنک ، ارکان دولتک اختصار ایلدیکی شخصی
اندیشه لر ، طاتلی بر رة یایہ منجر اولان تصویری اصلاً اخلاص
آدمه مشیدی . استانبول ، بوغاز ایچی غربیلر ایچون برخزینہ
لایضای لطافت ، پادشاه سرایی ایسہ بردفینہ یکانہ نفاست ایدی .
بونیکیم کورمک ایستہ مز !

نه چارده که ، بیك دورلو دیپلوماسی دوشونجه لری .. دوست
اندیشه لری ناپولیونی قرارندن واز کچیرده دیکی حالده ، پارسده
پیانوری نامنده بر ایتالیان آنارشیستک سوء قصده تصدیقی
قرار واقعی زیروزر آتمه یه سبب اولمشدر . بوندده اُک زیادہ
ایمپراطور یچہ اصرار آتمش وَ حقیقته اقترا ن آتمک اوزره
بولونان حال ، فقط غایت طاتلی برخیا لدن عبارت قالمشدر .

*
* *

ایمپراطور وایمپراطور یچہ نک تأخر سیاحت لری قطعاً آکلا .
شیلنجہ ، باب عالی . ولی الدین پاشایہ خانف اولان محمد جمیل بکی
پارسه کوند رمش ، استانبولده فرانسه سفیری صفتیایہ موسیو
طووه نهل کشدر .

محمد جمیل بک ، فرانسه ده ، مأمولدن زیادہ نائل حرمت و محبت

اولمشد . ناپولیون . سفیر من را رسم قبول نموده ایراد آتدیکی نطقده :

« ایاجی بك ، ذات شاهانه یه اولان اخلاصی و دولتنك محافظه »
 « استقلال ایچون . انكلتره ایله صرف مساعی ایله دیکمی بیلیورسیگیز »
 « ایستهرم . که تورکیما هم مستقل ، هم صاحب قوت و شوکت »
 « اولسون . سفارتة انتخاب اولونان ذاتك ، برچوق احوالده مملکتته »
 « عرض خدمات ایله یین بر بویوك آدمك اولادی اولماسندن »
 « ایسه منونم » دیمشدر .

طوودنهل ایسه غایت درایتلی بر دیپلومات اولدیغندن و ایکی حکمدار آردمند کی و دوغخالصتی پك کوزل تقدیر آتدیکندن ، فوق العاده تأیید مناسباته خادم اولمشد .

عبدالمجیدخان ، فرانسه یه قارشی اودرجه صمیمیت حاصل آتمش ایدی ، که لژیون دونور نشانی اخذ و قبولده تردد کوسترمه مشدر . پادشاهك بوموافقتی پك چوق جالب دقت ایدی .

بعض سفرای اجنبیه ، متبوع مفخمترینك برر نشانی قبول آتدیرمك ایچون اولجه چالیشمشدر و موفق اولامامشدر ایدی . حتی برقچ سنه اول ، پورته کیز قرالی طرفندن نشان کلدیکی حالده اعتذار اولونمش ایدی .

نشانی استحصال ایچون خارجییه ناظری قونت واله فسکییه مراجعت آدن طوودنهل ، درحال جواب موفقت آلمش ؛ مراسم فوق العاده ایله ذات حضرت پادشاهییه تودیع ایله مشدر .

عثمانلی پادشاهنك ایلك قبول آتدیکی بونشان ایدی . بونك اولوقته قدر اُمالی کورولمه دیکندن ، مراسمده فوق العاده دیمك ایدی . فقط حقیقتده باشقه بر فوق العاده لك داهار ایدی . فرانسه

سفیرینی سرای هایونه ایصال آدن سلطنت آراباسی، آزوقت
اول بالذات ایمپراطور ناپولیون ایچون یاپدیراش اولان آرابا
ایدی . سرایده رسم استقبال، بالذات صدر اعظم عالی پاشا
ووکلائی دولت طرفندن اجرا قیلنمشیدی .

طوودنهل: « بفرانسه حکمدارینک برعثمانلی حکمدارینه
درجه حرمت ومخادتی، بویله پارلاق صورتده - ایلاک دفعه
تظاهر آتدیکنی » تذکار آتمش ؛ بونک اوزرینه خاقان جنت
مکان، غایت علوی بیانات ایله مقابلهده بولونمقله برابر، سفیریده
مستغرق من والتفات ایله مشدر .

ذات شاهانه فرانسزجهیه واقف اولوب ، پک کوزل تسکلم
و « ددبا » غزته-نی منتظماً مطالعه ادرلردی . بناءً علیه طوودنهل،
بیاناتک دوغروندن دوغروییه تأثیراتی کورمکله مفتخر اولور
ایدی .

ناپولیون ، محظوظیت سنییه بی حاوی نامه هایونی عرض
وتودیع آدن محمدجیل بکه : « طرف شاهانه دن نشانک حسن قبول
اولونماسندن دولایی بیان ممنونیت وبونشانی دها اولویرمه دیکنه
بیان تأسف » صورتیله ابراز اخلاص ایله مشدر .

سریاور آدهم پاشا، رسم تعلیقده طوودنهل ایله کوروشدیکنده،
دیشکده :

« عثمانلی حکمدارلری ، شیمدی یه قدر یالکنز نشان »
« ویرمشلر؛ لکن کنیدیلری آمامشردر . بودفعه وقوع بولان »
« معامله استثنائی ، ایکی مملکت اتفاقت برهان مطلقیدر . »
« ذاتاً فرانسز نشانینک برمزیت مخصوصه سی واردر، که، بوده »

« بوتون اديان ومذاهبك اُمر اُتيكي » ناموس » و « شرف » د
 « نسبتيدر . بوايسه دوغرودن دوغرويه حمايت صمدانيه
 « مودوع اولوب برمذهبه مختص دكلدر . بونك ايجوندر، كه »
 « له ژيون دونور ، ديكر آوروپا نشانلرندن باشقه در . »

*
 * *

۱۲۷۳ ده انكلتره قرايچهسي ويقتوريا طرفندن مشهور
 (ديز باغي) نشاني اهدا قيلنمشدرد .

*
 * *

صدراعظم عالي پاشا، قونغرده بولونقمق اوزره پارسه كيتمش
 ايدى .

فرانسه سفيري طووندهل، ۴ شباط ۱۸۵۶ ده سفارت خانه ده
 بويونك بربالو ويردى . عبدالحجيد مرحوم، بالذات بوبالويه عزيمته
 بوس بوتون جهاني حيرتده بيراقدى . عوام وخواص حقيقه
 متحير ايدى . پادشاهك بو عزمى، يالكنز مثلى غير مسبوق دكل،
 غير متصور برشى ايدى .

بر مقصد مخصوص تعقيب اذن عثمانلى حكمدارى، بلاتردد،
 مرصع له ژيون دونور نشاني حامل اولدينى حالده، فرانسه
 سفارت خانه سنه كيتدى . ياور مخصوص، تشریف شاهانه يي خبر
 ويريجه . سفير وفرانسز جنرال لريله ديكر امرای عسكريه، سفارت
 خانه قاپيسنه قدر استقباله شتابان اولديلر . رسم استقبالده خاصه
 وبحريه عساكر شاهانه سندن ماعدا، او آردلق استانبولده بولونان
 فرانسز عسكركل رينك مختلف آلايلرندن مركب وكزيدد بريهايت
 عظيمه عرض سلام واحترام اتدى؛ فرانسز عسكركرى موزيقه لرى

يك آهنگ اولارق عثمانلی مارشنى طنين آنداز آيلهدى .
 سفارت خانه سراپا نورلرايچنده مستغرق ايدى . خاقان مرحوم ،
 برمدت ، سفارت خانه نك بر صالوننده سفيرايله يالگىزجه قونوشه رق ،
 فرانسه دوامتك و ناپوليونك سلطنت سنيه لرى حقنده كى آثار
 مخالست و مودتندن بحث ايله بيان ممنونيت و شكران آتمش ؛
 بعده قونغرده مرخص اول صقيله حاضر بولوناجق اولان
 صدراعظم عالي پاشاي ، نام هايونه اولق اوزرد ، امپراطوره توصيه
 آتمه سنى ايلچيدن التماس بويورمشدر . سفير ، تشریف شاهانه دن
 ذاتاً يك مفتخر و متشكر اولدينى حالده ، خنكار ، نام هايونه
 منسوب اولان نشان عالي دن بر قطعه سنى ده اهدا و تصويرى
 يادكار اولارق ويره جگىنى باشقه جه بيان و تبشير بويورونجه
 اياچي بوتون بوتون منتدارقالمشدر . بونك اوزرينه ، پادشاه ، بوتون
 سفر اى اجنبيه و فرانسه و انگلتره جنرال لرى ايله وكلائك و رجال
 دولت منتظر اولدقلى صالونلرد كچرك جمليه آرى آرى
 بذل التفات و بويوك ايلچيلرله آرى آرى ملاقات
 بويوردقن صوگرا ، بالو صالونه كيرلدى . بر ساعت قدر
 دانسلرك تماشاسنى متعاقب ؛ حضارك جمليه سنى تسخير اده جك
 مآثر نواز شكارى يى شاهانه بر صورتده ابزال بويوردى . بعده
 بر اسب صبا رفتار ايله عودت سنيه وقوع بولدى .

خارجيه ناظرى قونت واله فسكى يه يازيلان بر مكتوبده ،
 شرف پادشاهى يه اولارق ويريان بو بالونك فوق العاده پارلاق
 بر موفقيت ايله هيئات سفر انك دخى مغبوطى اولمش اولدينى و بندگان
 شاهانه دن حتى قيزلر اغاسنك حاضر بولوندينى ، محكي كوردولمشدر .

ناپولئون، بوزاکت پادشاهی به، عین درجه نزاکت و محالضته
مقابلهدہ بولونمشدر :

۱۰ نیسان ۱۸۵۶ به مصادف پنجشنبه کونی آقشامی ،
پارس سفارت سنیه سنده بویوک بر بالو ترتیب اولومش و
ایمپراطور بویوک اونیفورما ایله و سلطنت آرابالریله اورایه
کیدرک بر بوچوق ساعت قالمشدر . ناپولئون ، قونغرہ برنجی
عثمانلی مرخصی صدر اعظم عالی پاشا ایله سفیر محمدجیل بکی ، ذات
شاهانه حقندہ کی خلوص و موالاتی تکرار ایله برابر ، آری
آری تلطیف آتمشدر .

هنوز سفارت خانه مزده بر حکمدار قبول اُدجات آشیای
لازمه موجود اولمادیغندن — عالی پاشانک باب عالی به وقوع
بولان توصیه و اخطاری اوزرینه — کوموش و بالور و پورسہ لن
طاقلریله خدمه اَلبسہ سی کبی لوازم اَساسیه ایچون دولتیجه یوز
آلی بیگ فرانق حتی داها فضله صرفنه مأذونیت ویرلش و
بنابٹ بوتون تنظیمات و تزیینات و تنویراتی، بالذات ایمپراطورک
دخی صورت مخصوصه ده تقدیر و استحسانلرینه لایق کورولمشدر .
بالو، رسمی اولدیغندن بوتون رجال حکومت و سفرا دخی
رسمی اَلبسہ ایله حاضر بولونمشلردر

قونغرہ اثناسنده وقوع بولان بو زیارت رسمیه حکمداری
و بالخاصه ایمپراطورظرفندن پک زیاده صمیمیت اظهاری، پارس
محافلنده حسن تأثیر عظیم حاصل آتمش و بالونت رونق و اطاقتی
ایسه سفرا و کبار سالونلرنده ورد زبان اولمش ایدی .

سلطان مجید مرحوم ، موسمہ کورد تبدیل اقامتگاہ ادرلر ایدی . یازین بر قاچ آی بکاربکی ساحلسراینده امرار وقت بویورورلر؛ بعدہ چراغان سراینه کورلر؛ ایستہ دجہدہ طوبہ باغچہ یہ کلیرلر ایدی .

سرایدن سرایہ نقل وقوع بولدیغی زمان ، ارکان دولت ، بالخاصہ اورایہ کیدوب ذات شاهانہ یہ عرض تبریک قدوم ادرلر ایدی . ییلدیز موقعندہ و آیاستہ فانوس ساحلندہ ایکی اوفاق قصر هایون وار ایدی . بولردہ تنزہ و صیدہ مخصوص ایدی .

آردصیرا باب عالی یہ کیدہ رک مجلس وکلا مذاکراتندہ بالذات حاضر بولونمق و بعضاً اورادہ امرلر و یرمک معتادلری ایدی . قیشلای هایونلری ، ترسانہ یی ، البسہ آنبارلری بالذات کیدوب کورلر و ہر شیئی عین الیقین کورورلر ایدی .

جوامع شریفہ دہ اجازت مراسمندہ و مکانب عسکریہ امتحانلرنندہ اثبات وجود بویورورلر ایدی . اکثریتاہ تشریف بویورولان قصر علی ، طوبخانہ قصری ایدی . بعض ولایانہ سیاحت هایونلری پک کوزل خاطرلر بیراقشدر . بومیانندہ جزایر بحر سفید سیاحتی شایان تخطردر :

۲۰ رجب ۱۲۶۶ جمعہ ایرتہ سی کونی چراغان سرایندن (طائف) واپور هایوننہ عزیمت و مارماردیہ متوجہاً حرکت اتمشدر . واپورده وکلا و علما و رجال مأمورین عرض وجائب تشییع و تعظیم ایلمشدر . رفاقت شاهانہ دہ ولی عہد سلطنت عبدالعزیز آقندی ایلمہ مراد آقندی وار ایدی . سرعسکر رضاپاشا ، طوبخانہ مشیری فتحی احمدپاشا و تجارت ناظری اسماعیل

پاشاده معیت سنیہ دہ ایدیلر. او کیجہ مارمارہ لیماندہ قانہ رق، بازار کونی آقشام اوستی، یعنی آطہ سندہ کبار اهل اللہدن مصری حشر۔ تارینک تربہ لری زیارت وَلِیْنِیْ نَک کورولہ جک یرلری سیرو تماشا بویورولمشدر . ایرتہ سی صباح اورادن حرکتلہ صالی کونی بوتون عثمانلیلرک محبوب جانی اولان کرید جزیرہ جہان قیمتنہ موصلات اولونمشدر .

حضرت پادشاه ، اُول بانول سودا لیمانی تشریف واورادن حانیہ یہ عزیمت بویورمشلردر . قدوم شہریازی یہ منتظر اولان بویوک کوچوک، شہرلی و کویلی بوتون افراد اہالینک ناصیہ لرندہ لمعان اُدن مآثر فخر و سرور، ذات شاہانہ یی لبریز نشاط و تأثر ایلہ مشدر .

برکیجہ حانیہ والی قوناغندہ و برکیجہ حانیہ خارچندہ کی قصردہ قالدقدن صوگرا پنجشنبہ کونی لیمانہ عودت و اورادہ ایکی کیجہ واپورہمایونده اقامتلہ لیمانک قلعه سنی و ہر جہتی تمامیہ زیارت بویورمشلردر .

جمعہ ایرتہ سی کونی رتمویہ اوغرائیلارق دوغروچہ قندیہ یہ تشریف بویورولمش واورادہ دہ ایکی کون قانمشدر . جزیرہ نک نقاط عدیدہ و مہمہ سی شو صورتلہ پادشاہانہ مشمول نظر اولدینی اُتاندہ ہریردہ اعلان سرور و شادمانی اُدیایور . . برچوق اُشراف و معتبران مملکت، ہر کون حضورہمایونده بولونمقلہ مباہی اولویور ایدی . ہریردہ شاہانہ احسان ، پادشاہانہ التفاتلر ابدال بویو۔ رولویور ایدی .

صالی کونی قندیہ دن حرکتلہ ایرتہ سی صباح رادوسہ

مواصلت بویورولمشدر. خدیو مصر عباس پاشا، جزایر بحر سفیدی
تشریف هایون وقوعی خبر آلیز آماز رادوسه کش ایدی .
ذات شاهانه بوندن ممنون اولارق کندیسنه برقطعه امتیاز
نشانی ویرمشدر. جمعه ایرتهسی رادوسدن قالقیلاروق مارماریس،
سونبه کی، بودروم، استانبکوی، سیسام، قوش آطهسی اوکنده
توقفاه بعض یرلر منظور شاهانه اولمش .. صالی کونی آقشامی
ساقیز جزیره سنه مواصلت قیلنمشدر .

جناب پادشاه ساقیزده ، قائم مقام قضا سبجودی أفندیك
قصبه خارجنده کائن قله سنده اوچ کیجه مسافرتدن و جمعه
نمازینی نام هایوننه نسبتله مجدداً انشا بویورولان مجیدیه جامعه ده
ادا آتدکن صوگرا چشمه و اورلادن کچیلرک جمعه ایرتهسی
صباحی از میره کیدمشدر . از میرده اوکون آقشامه قدرقالمش
و اهالی معتبره ایله قونسولوسلر حضور عالیده شرفیاب مثول
اولمشدر .

پازار کونی بوزجه آطه دن مرور ایله کلیولی یه تشریف
هایون وقوع بولمش و بوراده قطب العارفین یازیچی زاده محمد
أفندی و احمد بیجان حصارتنک تربهلری زیارت و محمد افندی
قدس سر دنک کراماتی مصور منظومه لری آیریجه مشمول لحاظه
دقت بویورولمشدر .

سیاحتک یکر می دوردنجی پازار ایرتهسی کونی، عبدالمجید
خان، پای تخت سلطنته عودت بویورولمشدر . والد لری و سائر
اولاد هایونلریله و کلا و علما و رجال دولت طرفدن آیاسته فانوس،
زیتون برونی، یدی قله موقعلرندن استقبال اولولمشلر و

جمله سی واپور هایونه آندیریلوب آیری آیری مظهر التفات
وتلطیفات اولمشلردر .

آفراد ملتک و عموم مکاتب طلبه سنک صوک درجه ده
صمیمیت و محبتله رسم استقباله شتابان اولماسی ، استقبال طوپلرینه
ضمیمه اولارق رسم سلامه مأمور قطعات عسکریه نک نوبت
آتش اجراسی ، کیجه تنویرات کونا کون ایله بوتون دار
سلطنتک بر نور دریاسنه غرق اولمش بولوماسی اونودولمایه جق
خاطرات مایه دندر .

*

**

اوزمانک بعض خصوصیات احوالی مصور اولدیغی جهتله
نشریات رسمیه دن انتخاب و اقتباس اولونان بعض خط هایونلری
عیناً و حرفیاً نقل و درج ادیورز :

(بنم وزیر درایتسمیرم)

- (خارجیه ناظری رفعت پاشانک امور مأموره سنی لایقیه)
- (اداره ایده مدیکی معلوم شاهانه من اولوب حالبوکه نظارت)
- (مذکوره دولت علیه مزک مأموریت جسیمه معتناسندن اوله رق)
- (هر بر مواد و متفرعاتنک حسن تسویه ورؤیتنه اقدام و غیرت)
- (اولمنسی لازمه دن بولمنش و بوجه تله مشار الیه ک عزلیله)
- (یرینه مقدم و انتخاب جر بر زدن بر مناسبتنک نصب و تعیینی)
- (ایجاب ایلش اولدیغنه بناءً بودفعه مشار الیه نظارت مذکوره دن)
- (عزل اولنهرق سابق تجارت ناظری صارم افندی اوصاف)
- (مذکوره ایله متصف اولدیغندن کندوسنک رتبه سی کما کان)
- (حائز اولدینی رتبه اولی راده سنده اولمق و فقط نظارت)

- (مذ کوره مأموریت مستقله جسیمه دن بولنسی جهتله صدارت)
 (مستشارلنك مافوق اعتبار اولنقى وركاب شاهانه مز رسملر نده)
 (دخی بولنقى اوزره افندی ءمشار اليهك خارجيه ناظری نصب)
 (وتعیینیه حضور ملوكانه مزده مأموریتی اجرا اولنمش اولغاه)
 (اولوجهله مأموریتی اعلان اولنه رق دفتر تشریفاته دخی قید)
 (ایتدیرلسون وبو کا نظراً خارجیه مستشارلنك بالطبع)
 (لزومی قالمش ومستشار عالی افندی دخی لوندره سفارتنه)
 (مأمور اولنمش اولدیغندن مستشارلق مذ کور الفاقلنسون)
 (ومشارالیه رفعت پاشانك دخی خانه وساحلخانه سنده اقامت)
 (ایسی کندو طرفنه بیلیدیرلسون)

فی ۸ ایلول سنه ۵۸ صالی

*
* *

(بنم وزیر حمیتسمیرم)

- (مجلس احکام عدلیه مز رئیس بولنان نافذ پاشا)
 (بودقمه بالاینجاب ریاست مذ کوره دن عزل اولنمش اولمسیله)
 (یرینه آخر مناسب ذاتك مأموریتی لازمه کیش ومجلس)
 (مزبور اعضا سندن احمد فتیحی پاشانك درایت)
 (واستقامتی معلوم شاهانه مز اوله رق حقنده محاسن توجهات)
 (ملوكانه مز برکال اولوب ریاست مذ کوره مصالحی دخواه)
 (شاهانه مز وجهله حسن اداره ایتیمی مأمول ملوكانه مز)
 (بولنمش اولدیغندن ریاست مز بوردنك عهدۀ لیاقتنه توجیهی)
 (نزد پادشاهانه مدده بالتنسب مشارالیه بوکون جلب اولنه رق)

(مأموریتی اجرا و نشانای تعلیق و اعطا قلنوب باب عالمیزه)
 (کوندرلش اوغلله کیفیت مأموریتی اعلان ایلیمه سن همان ربمز)
 (تعالی و تقدس حضرتلری موفق بیورسون آمین)
 (فی ۱۵ ل سنه ۵۹)

*
 * *

(بنم وزیر صداقتسمیرم)
 (مجلس احکام عدلیه من رئیس احمد فتیحی پاشا ا کرچه)
 (صدقای وکلای دولت علیه من دن ایسه ده بو کره بالایجاب)
 (عزلیله یرینه دیگر برذاتک تعینی لازم کلدیکندن و دار)
 (شورای عسکریمز رئیس سلیمان پاشانک مشهود من اولمقده)
 (اولان درایت ذاتیه واستقامت کامله سی جهتیه ریاست)
 (مذکور دنک بروفق صرام اداره سنه مقتدر اوله جنی مأمول)
 (و مجزوم من بولندیفندن عهده سنه رتبه والای وزارت)
 (و مشیری توجیهیه ذکر اولنان مجلس عالمیز ریاستنک)
 (مشارالیه حاله سی نزد شاهانه منزه بالتصویب اولوجهله)
 (مأموریتی اجرا و ریاست مذکوریه مخصوص نشان اعطا)
 (قلنهرق باب عالمیزه کوندرلش اوغلله اولوجهله مأموریتی)
 (اعلان ایلیمه سن همان ربمز تعالی و تقدس حضرتلری موفق)
 (بیوره آمین فی غره ذاسنه ۶۰)

*
 * *

سلسره و سائر ألویه سیاحت شاهانه مناسبتیه صدور
 اذن خط هایون مندرجاتی بالخاصه جالب دقتدر :

(بن وزیر معالیسمیرم)

- (هر صنف اهالی و تبعه سلطنت سانیه من حق لرنده)
 (در کار اولان نیت خیریه و افکار مشفق شاهانه من)
 (اقتضای سنجه ممالک دوات علیه منی مظالم و تعدیات دن قور تار منه)
 (و معصورت ملکیه و راحت عمومیه نك اسباب صحیحیه منی ارشیدیر)
 (مغه نوجهله سعی و اقدام ایتمکده اولدیغم جمله نك معلومیدر)
 (اگر چه شمدی به قدر تشبث اولنان تدابیر و تدقیقات ثمر دسی)
 (اولمق اوزره اصول ضلاییه به لله الحمد خیلجه ضعف کش)
 (ایسه ده کلیاً من دفع اولدی دنیله میوب حال بوکه و دیعه السیه)
 (اولان بونجه عباد الله په ادنا درجه بیله تعدی و قوعنه شفقت)
 (شاهانه من قائل اولمق احتمالی اولدیغدن ممالک دوات)
 (عایه مزدن بعضیلرینی کوروب احوال حقیقیه لرینی بالذات)
 (اکلامق و بعده سائر محمللرک حانی دخی انلردن اولدجه)
 (استدلال ایله اکا کوره جمله نك رفاه و اسایشنی بعونه تعالی)
 (اکمال ایتمک نیت خیریه سیله بودفعه بتوفیق الله تعالی روم)
 (ایلی جانبیه سیاحت سنیه من تصمیم قانمشدیر و سنك ووکلای)
 (سائر مزك مجرب اولان عفت و استقامت و غیرت و حمیت کنز)
 (ایجابجه مقاصد مشروحه پادشاهانه منی قوودن فعله ایصاله)
 (غیرت ایتمکده اولدیغکنز آشکار ایسه ده اشبوسیا حتی فصل)
 (نیت عادلیه منی اختیار ایتدیگمی دخی دریش ایدرک و بعد)
 (ازین ارباب مظالمک جنحه ثابته و متحققه لرینه کوره مجازات)
 (لایقه لرینی اجرایی قطعیا تصمیم ایتمش اولدیغدن ایشته)

(بوراسنی دخی بیلهرک اومقوله لرك تحریء احواته والحاصل)
 (اهالی وتبعه دولت علیه مزك ازهرجهت رنجش و آزاردن)
 (وقایه لرینه کمالیه اعتنا ودقت ایلكز مطلوب قطعی ملوكانه-)
 (مزدر قالدیکه سن وکالت مطلقه مز خدمتده بولندیغکدن)
 (بالطبع کافه امور سلطنت سنیه مزه نظارتك شامل وضبط)
 (وربط مملکت ومحافظه اسایش ماده سی دخی سرعسکر)
 (پشانك ذمت همتته عانداولمغله اشبوسیاخت سنیه مز مدتده)
 (دخی مأموریتلریکزی کاینی اجرا ایلكز ایچون سزله)
 (رخصت کامله ویرلشدر اومارم که كرك سزله وكرک سائر)
 (وکلامز بربریکز ایله تأکید اتفاق ایدرك کانه مصالح)
 (دولت علیه مزك حسن تسویه سنه غیرت ایده چککز مثالو)
 (چونکه محافظه اسایش قضیه سی اهل عرض اولنلرك حمایت)
 (وارباب جنجهنك تأدیب وتربیه سی ایله حاصل اوله جغندن)
 (بوخصوصه دخی لایقیله دقت ایدرسکز همان ریمز تعالی)
 (وتقصد حضرتلری جمله یی توفیقات صمدانیه سنه مظهر)
 (بیورسون آمین بحرمة سیدالمرسلین)

(غره جاسنه ۶۲) یوم اثنین

بونك اوزرینه ۵ جمادی الآخره ۱۲۶۲ جمعه کونی بحراً
 عزیمت هایون واقع اولمش ایسه ده هوانك عدم مساعدیه سی
 واپورله سیاحته امکان بیراقماش ، برآ تشریف بیورولشدر .

* *

(بنم وزیر معالیمیرم مصطفی رشید پاشا)
 (مدت مدیددندن برو وکالت مطلقه مز خدمتده بولنان)

- ﴿ رؤف پاشا اگر چه عفت واستقامتله متصف افانم وکلای ﴾
 ﴿ دولت علیه مزدن اوله رق ذاتندن ازهر جهت خشنود ﴾
 ﴿ ایسه مده ممالک دولت علیه مزک حسن انتظام و معموریت ﴾
 ﴿ کامله سی و اهل اسلام و سائر هر صنف تبعه مزک دائماً ﴾
 ﴿ مظاهر عدالت اولملری مواد مهمه سنک متوقف و محتاج ﴾
 ﴿ اولدینی تدابیرک اجرا سنده و خصوصات سائره ملکیه یه ﴾
 ﴿ دائر شمدی یه قدر بتون عالمه نشر و اعلان ایلدیکمز ﴾
 ﴿ و علی الدوام صرف مساعی ممکنه و ایفای تشویقات متادیه ﴾
 ﴿ ایله کندوسیه وکلای سائره مزه اجراآت فعلیه سنی اخطار ﴾
 ﴿ و تأکیددن خالی اولمادیغمز تدابیر و افکار خالصانه مزک ﴾
 ﴿ دخواه و ارزوی شاهانه مز و جهله تمامیه حصوله کلسی چون ﴾
 ﴿ لازم کلان غیرت و اقدام حقیله صرف اولنه مامش و بونلرله ﴾
 ﴿ سائر اتخاذ و اجرایی ایجاب ایدن تدابیر مهمه نک فعله ﴾
 ﴿ کتورلمسی ایسه کمال درجه سعی و دقت و بذل رویت ﴾
 ﴿ و مقدرته متوقف بولنمش و بو جهتله بو خدمتک اهمیت ﴾
 ﴿ احوال و مصالح ملکیه یه وقوف تامه و درایت و معلومات ﴾
 ﴿ کامله سی اولان و بالجمله وکلا و مأمورین مصالح دولت ﴾
 ﴿ علیه مزده مشترک اولملری جهتله انلرله بالاتفاق حسن ﴾
 ﴿ تسویه مصالحه بالذات صرف سعی و غیرته و وکلا و مأمورین ﴾
 ﴿ مشار و مومی الیهی اجرای وظائف مأموریتلرینه تشویقه مقدم ﴾
 ﴿ بر ذاته احاله سی لازم کلش و سن اوصاف مذکورده یی ﴾
 ﴿ جامع اصدقا و وکلای سلطنت سنیه مزدن بولنمش اولدیغکدن ﴾
 ﴿ بو دفعه مشارالیه عزل ایله خدمت جلیله مذکورده سنک ﴾

- (عهدهٔ لیاقت و استیصال که احاله و تفویض اولمیش اولمنه)
 (عهده کده بولنان امور خارجیهٔ دولت علیه من نظارتک)
 (مأموریت جلیلهٔ جدید که جهتله دیگر بر ذاته احاله سی ایجاب)
 (خالدهن اولدیغنه و دولت علیه من له بالجمله دول متحابه بیننده)
 (جاری و موجود اولان مناسبات سلمیه و روابط اتحادیه نک)
 (دوام و بقای و مناسباتک آن بآن تزیید و استقرار ی نزد)
 (شاهانه مزده ماتزم اولد ر ق مستشار عالی افندی اهلیت و درایت)
 (و صدق و استقامتی جهتله بو خدمتک حسن ایفاسنه و مأموریت)
 (مذکوریه متفرع سائر مواد و مصالح مجبور لایقنده)
 (حسن اداره و تسویه سنه مقتدر بولندیغنه بناءً نظارت جلیله)
 (مذکور دخی افندی مشارالیه احاله و توجیه قلمشدر .)
 (سنک اشبو وکالت مطلقه من خدمته مأموریتدن ناشی)
 (بالطبع کافی مصالح سلطنت سنیه مزه نظارتک شامل اولمق)
 (و مقام صدارت بالجمله مأموریتک مرجعی بولمق حسبیه)
 (مرتب عهدهٔ حمیت و صداقتک اولدینی اوزره عون و عنایت)
 (جناب باری و امداد و روحانیت حضرت رسالتپناهی یر توسل)
 (ایله اوتهدن برو نخبهٔ آمال و افکار شاهانه من اولان معصوریت)
 (ملکیه و امن و اسایش اهالی و تبعه و سائر خیر و منفعت)
 (عامه یری مستلزم اولان مواد نافع نک اجراسنه و هر حالده)
 (عباد اللهک رفاه و استراحتلری اسبابنک استحصالی و مصالح)
 (عادیه و جاریه نک سرعت تنظیم و تسویه سی و بالجمله مأمورین)
 (طرفلرندن کافی احوال و مصالحده اقتضای احکام جلیله)
 (البیه دن اولدینی اوزره اصول عدل و حقانیتک التزام)

- (اولنسی خصوصلرینه دقت و بتوفیق ادا تعالی تأسیس و اجراسنه)
 (موفق اولدیغیز تنسیقات عسکریه و امور بحریه حرك حسن)
 (محافظه سیاه آن بان ایلر و لمسنه و در دست تنظیم و اجرا بولتان)
 (مکاتب عسکریه و سائر دنك اتمام اجراءات و اكمال مقتضیاتنه)
 (دائر کافه تدابیر لازمه نك سر عسکر معالیسمیرم محمد خسرو)
 (پاشا و سائر بالمله و کلای فحائمز و مأمورین سائر ایلله بالاتفاق)
 (استحصال و اجراسنه بذل ماحصل سعی و غیرت ایلیمسن)
 (همان حضرت رب العالمین سنی و سنکله بالاتحاد مصالح دولتمزك)
 (کمال خلوص و استقامتله حسن رؤیت و تسویه سنه چالیشوب)
 (غیرت ایدنلری توفیقات صمدانیه سنه مظهر بیورسون آمین)
 (فی ۷ ل سنه ۶۲)

بوخط همایون مذجراتی ، بویوا رشید پاشانك مسند صدارتی
 نه درجه مهم اسباب و اساسات اوزرینه احراز ایله دیکنی مثبت ،
 بناءً علیه بالوجوه شایان دقتدر .

* *

- (بنم وزیر معالیسمیرم)
 (دیگر خط همایوننده بیان اولندینی وجهله خارجیه)
 (نظارتی ایاق مسلمه سنه مبنی عالی افندییه توجیه قلمش)
 (و مأموریتك اهمیتته افندی مشارالیهك حیثیت ذاتیه سی)
 (دخی منظم اولدیغندن کندوسنه رتبه بالا ویرلمش و اولوجهله)
 (باب عالیمزده کوندولمش اولغله مأموریتنی اعلان ایلیمسن)
 (همان ریمز تعالی و تقدس حضرتلری جمهله بی توفیقات صمدانیه سنه)
 (مظهر بیوره آمین بحرمة سید المرسلین فی ۷ سنه ۶۲)

* *

(بنم وزیر معالسمیرم)

- (خلیجہ زماندنبرو مسند مشیخت اسلامیہ دہ بولنش)
 (اولان مکی زادہ مصطفیٰ عاصم افندی کبی اخلاق منتخبہ)
 (وعفت مجربہ اصحابندن بردانک ارتحالی کیفیتی کمال تأثر می)
 (موجب اولمش ایسہ دہ حکم جلیل الہی بہ رضادن بشقہ چارہ)
 (اولماغلہ همان مرحوم مشارالہی رحمتہ یاد ایتمکدہ یم جملہ بہ)
 (معلوم اولدینی اوزرہ مقام فتویٰ مجموع علمای دین مینک)
 (مرجع منفردی وکافہ امور شرعیہ نک محل حل وعقدی)
 (اولمسیلہ اول مسند معتنایی بوکرہ عصمت بکزادہ حکمت)
 (بک افندی بہ تقویض واحالہ ایلدم میر مشارالہک فضائل)
 (ذاتیہ وخصائل حمیدہ سی والخاصل جامع کالات انسانہ)
 (اولدینی ہرکسک مسلمی اولماغلہ ان شاء اللہ تعالیٰ مصالح)
 (مؤکلہ سندہ توفیقات صمدانیہ بہ مظہریتنی الطاف ربانیہ دن)
 (مأمول ایدرم چونکہ محافظۂ حقوق ناس کرک در سعادت مزہ)
 (وکرک ایا لتلردہ دعاوی شرعیہ نک بروجہ دقت کورلمسنہ)
 (موقوف اولہرق بوقضیہ ایسہ اقدم امالم اولدینغہ وبواملمک)
 (حصولی دخی اقدامات متوالیہ بہ محتاج بواندینغہ بناءً جملہ)
 (علمای کرام ایلہ بالاتفاق میر مشارالہک بو خصوصہ صرف)
 (مساعی جمیلہ ایدہ کی مثللو عرفان باہر البرہانی جہتیلہ)
 (مصالح نازکۂ ملکیمہ دہ وکلای دولت علیہ مزہ معین توی)
 (اولہ جغندہ دخی اشتباہ یوقدر ومیر مشارالہک مأموریتی)
 (حضور ہایونمزہ اجرا اوانہرق اصول قدیمہ وجہلہ اول)
 (امردہ باب عالمزہ کتمش اولماغلہ اورادن دخی باب فتواہ)

﴿ عزیمتندہ تشریفات معتادہ و مراسم احترامیہ مع زیادۃ ایفا ﴾
 ﴿ اوانسون همان ریمز تعالی و تقدس حضرتلری جملہ کزی ﴾
 ﴿ امور مأمورہ کزده موفق بیورہ آمین بحرمة سیدالمرسلین ﴾
 ﴿ فی ۲ ذ سنہ ۶۲ ﴾

*
 **

﴿ بنم وزیر معالیسمیرم ﴾ ابراہیم صارم پاشا
 ﴿ بوکرہ صدر سابق رشید پاشا مجالس عالیہ و خارجیہ ﴾
 ﴿ ناظری سابق عالی پاشا و مجلس احکام عدلیہ اعضاسندن ﴾
 ﴿ عارف پاشا مجلس مذکور رئیس سابق خلیل پاشانک ﴾
 ﴿ و اوقاف ہایون ناظری سابق حسید پاشانک یرلرینہ مأمور ﴾
 ﴿ و تعین اوانہرق باب عالمزہ کوندرملشاردرد ریمز تعالی ﴾
 ﴿ و تقدس حضرتلری جملہ مزی ہر حالده موفق بیورہ آمین ﴾
 ﴿ بحرمة سیدالمرسلین فی ۲۳ ب سنہ ۶۴ ﴾

*
 **

﴿ بنم وزیر معالیسمیرم مصطفی رشید پاشا ﴾
 ﴿ متصف اولدیغک درایت کاملہ واستقامت ومعلومات ﴾
 ﴿ ذاتیہک اقتضاسنجہ حقکده حسن توجهمز درکار اولمغله ﴾
 ﴿ سلفک صارم پاشانک یرینہ خدمت صدارتظامانک عہدہ ﴾
 ﴿ لیاقتک توجیہی و بجایش صورتیہ امور خارجیہ نظارتہ ﴾
 ﴿ عالی پاشانک و مجلس احکام عدلیہ ریاستہ رفعت پاشانک ﴾
 ﴿ مأموریتلری نزد مزده بالتذیب اقتضالری اجرا اولنمشدر ﴾
 ﴿ ہر بر مصالح دولت علیہ مزک حسن رؤیت و اداردسنہ نصب ﴾
 ﴿ نفس اہتمام ایدہ جکنی مأمول ایدرم ریمز تعالی و تقدس ﴾

(حضرتلری توفیقات الیه سنه مظهر بیوره آمین بحرمه)
(سیدالکونین) (فی ۱۳ ن سنه ۶۴)

*
* *

(بنم وزیر معالیسمیرم)

(سرعسکر سابق رضا پاشانک یرینه قپودان دریا محمد)
(علی پاشانک اہلیت و لیاقت مسلمہ سی جہتیلہ عسا کر)
(شاہانہ مزحقارندہ اولان حسن توجہاتمزی عارف وتنسیقات)
(مؤسسہ عسکریہ مزک محافظہ سیلہ عسا کر شاہانہ مزک ہر)
(خالدہ حسن انتظام و آسایشلری امرندہ اولان افکار)
(و آما مزہ واقف اولدیغدن سرعسکر لاک مأموریت جاہلہ سی)
(مشارالہ محمد علی پاشانک عہدہ استیالانہ توجیہ اولمش)
(و قپودانلق دریا خدمت علیہ سنک حسن ادارہ سی وتنسیقات)
(مؤسسہ بحریہ مزک وقایہ سیلہ عسا کر بحریہ شاہانہ مزک)
(دخی ہر خالدہ حسن انتظام آسایشلری مطلوب و ملتزمز)
(اولدیغدن تجارت ناظری سلیمان پاشانک اولابادہ غیرت)
(ایتمسی مأمولمز اولمسیلہ خدمت عالیہ مذکورہ یہ دخی)
(مشارالہ سلیمان پاشا تعین قلنمش و مشارالہمانک لازم)
(کلن نشان عالیلری اعطا و تعلیق اولنہ رق باب عالی مزہ)
(کوندریشلردر رمز تعالی و تقدس حضرتلری جملہ نی)
(موفق بیوره آمین بحرمہ سیدالکونین)

(فی ۱۶ ربیع الآخر سنہ ۶۵) یوم بازار

(بنم وزیر معالیسمیرم) (رشید پاشا)
 (بخدومك على غالب بك اوصاف مطلوبه ايله متصف)
 (اولسياه بلطفه تالی کریمه فاطمه سلطانك وقت وموسمی)
 (حاونده میر موسی الیه تزویج وتنکیچی و شمیدین)
 (نامزدلیکایه عهده سنه رتبه وزارت و مشیریت توجیه)
 (اولنه رزق مجلس احکام عدلیه مأموریتی نزد شاهاندمزده)
 (بانئسب میر موسی ایه بو کون جلب ايله کیفیت کندویه)
 (افاده قلوب سر قرنای شاهاندمز سلیم افندی مرافقیله)
 (باب عالمزده کوندرلش اولغله کیفیتی اعلان ایلیم سن ریمز)
 (تعالی وتقدس حضرتلری بوخصوصی قرین یمین ومسعات)
 (وكافه عبادی هر حالده رهین شادی ومسرت بیوره آمین)
 (بحرمه سیدالمرسلین)

(ف ۲۸ شوال سنه ۱۲۶۷) یوم بازار ایرتسی

(بنم وزیر معالیسمیرم) (رشید پاشا)
 (وقوف کاملی جهتیله قپودانلق مأموریتك مجالس عالییه)
 (مأمور محمد علی پاشایه وامور مالییه معلومات تامه سی)
 (اقتضاسنجه یولنه قویمق و خدمت و مأموریتلری امور)
 (مالییه متعلق اولملر حقلرنده شکر وشکایتی مشمر ومؤثر)
 (اولقی اوزره مالییه نظارتك دخی اوقاف هایون ناظری)
 (نافذ پاشایه توجیهی و قپودان سابق سلیمان پاشانك مجلس)
 (احکام عدلیه اعضاغنه و مالییه ناظری سابق خالد افندینك)
 (دخی ذکر اوانان اوقاف هایون نظارتنه مأموریتلری نزد)

(شاهانه مزده بالتنسیب مشارالیهم جلب ایله اقتضالری اجرا)
 (اوله رق باب عالیمزه کوندرلش اولمغله کیفیتی اعلان ایلیه سن)
 (ربمز تعالی و تقدس حضرتلری جمله یی موفق بیوره آمین)
 (بجرمة سید المرسلین) (فی ذا سنه ۱۲۶۷)

(ینم وزیر معالیسمیرم محمد امین رؤف پاشا)
 (بودقمه مصطفی رشید پاشانک خدمت صدارتدن)
 (انفصانه مبنی سن قدمای وکلای دولت علیه مزدن اولدیغکن)
 (خدمت مذکورده نک عهده که توجیهی نزد مزده بالتنسیب)
 (ایجابی اجرا قلنمش اولمغله ربمز تعالی و تقدس حضرتلری)
 (جمله یی موفق بیوره آمین بجرمة سید المرسلین)
 (فی ۴ ن سنه ۶۸) بازار ایرتسی

*
*

(ینم وزیر معالیسمیرم)
 (اکثر مصالح دولت علیه من مجلس احکام عدایه ده)
 (تدقیق ومذا کرده اولنمقده اولدیغنه وکافئه امور سلطنت)
 (منیه مزک حسن رؤیت وتسویه سی پک ملتزم بولندیغنه)
 (بناءً مجلس مذکورک تأکید اصول ونظاماتی اقتضای حال)
 (ومصلحتدن اوله رق صدر سابق رشید پاشانک مصالح دولت)
 (علیه مزه اولان وقوفی وذاتاً اهلیت ولایاتی جهتمله)
 (بوخصوصلری مطالعه و بیان ایلک اوزره رفعت پاشانک)
 (عزایله مجلس مذکور ریاستنک مشارالیه رشید پاشایه توجیهی)
 (نزد مزده تنسیب اولنمش واقتضاسنی بالاجرا مشارالیه باب)
 (عالیمزه اعزام قلنمش اولمغله ربمز تعالی و تقدس حضرتلری)

(جمله‌ی موفق بیوره آمین بحرمه سیدالمرسلین)
(فی ۶ ر سنه ۶۸) چهارشنبه

(بنم وزیر معالیسمیرم رشید پاشا)
(مسند صدارت عظمی بالجمله مصالح دولات علیه مزك مركز)
(اجتماعی اولوب سنك شمدي به قدر درایت واستقامت)
(اتقنا سنجه مصالح دولات علیه مزده اولان اقدام وغیرتك)
(نزد مزده تقدیر اولنمش اولدیغدن سنك رؤف پاشانك یرینه)
(ذکر اولنان صدارت عظمی مسندی ینه عهدۀ لیاقتكۀ توجیه)
(قلمش ومجلس احكام عدلیه ریاستی دخی شایان اعتنا)
(اوله رق مجلس مذکور اعضا سندن کرید والیسی مصطفی)
(پاشا بوایشه اهل وارباب کورندیکندن ریاست مذکورده به)
(دخی مشارالیه مصطفی پاشا تعیین اولنمش اولمغله ربمز تعالی)
(وتقدس حضرتلری جمله‌ی موفق بیوره آمین بحرمه)
(سیدالمرسلین .) (۱۵ جا سنه ۶۸) یوم سبت

(بنم وزیر معالیسمیرم عالی پاشا)
(صدارت خدمت مزده بولنان رشید پاشا ایله طوبخانه)
(عالمه مز مشیری نتیجی پاشانك عزللری لازم کیش اولدیندن)
(سنك مجرمز اولان حایه صدق واستقامت ودرایت وایاتك)
(جهتیه وکالت مطلقه مز خدمتی عهده که ومشیرك مذکور)
(دخی اوصاف مرضیه ایله متصف اولمسیله عسا کر خاصه)
(شاهانه مز مشیری رشید پاشایه سرعسکر لکه اولان مربوطیت)
(قدیمه سی ابقا اولنه رق توجیه اولنمش واهلیتته مبنی خیرالدین)
(پاشا دخی ضبطیه مشیری نصب قلمش وخارجیه نظارتنه)

(آخرينك مأموريتى در دست اجرا اولوب خاصه مشيرلكنه)
 (كردستان واليسى عبدی پاشانك و كردستان واليكنه آتقره)
 (واليسى وجيهی پاشانك و آتقره واليكنه دخی مجلس)
 (اعضاسندن محمود پاشانك مأموريتى ايجاب مصلحتدن بولنش)
 (اولمغله ايجاب حاك اجرا سنه مبادرت ايله سن .)
 (۲۰ ل سنه ۶۸) يوم جمعه

(بنم وزير معاليسميرم)

(امور خارجه نظارتى سلطنت سنيه مزك مصالح معتناسندن)
 (اولديغنه و صدارت مستشارى بولنان فواد افنديك اهليت)
 (وياقتى مسلم بولنديغنه بناءً افندى مشاراليه جلب ايله)
 (نظارت مذكوره عهده سنه بالتوجيه باب عاليمزه اعزام)
 (قلندى .) (۲۲ ل سنه ۶۸)

(بنم وزير معاليسميرم محمد على پاشا)

(سن اوصافى مطلوبه ايله متصف تدمای و كلاى دولت)
 (عليه مزدن اولديغكه و مقام صدارت كافه مصالحه مركز)
 (بولنديغنه بناءً على پاشانك عزليله بوكره خدمت صدارت)
 (عهده لياقتكه توجه واحاله قلنش و هر بر مصالح دولت)
 (عليه مزك حسن رؤيت و تسويه سى نزد شاهانه مزده نوجهيله)
 (ملتزم اولدينى بياندن مستغنى بولنش اولمسييله اكا كوره)
 (اجراى مأموريته اهتام و دقت و عهده كن منجل اولان)
 (قيودانلق مأموريته دخی محمود پاشا تعيين اولنديغندن نشر)
 (و اعلاننه مبادرت ايله سن ريمز تعالى و تقدس حضرتلى)
 (جمله يى موفق بيوره آمين بحرمه سيد المرسلين .)

(۱۸ جا سنه ۶۸) بازار

عهد مجیدی به متعلق تتبعات صیراسنده تصادف اولونان
برچوق اوراق و وثایق وارد، که سراپا مطالعیه سزادر . شو
نقل آتدیکمز خط هایونلرک مزایای او زمانک حکم و محیطی
رُپادشاهک عزم و جزمی حقنده پک کوزل بر فکر ویریر .
بر ذاتک دلائیمه، خاقان مرحومک بعض خط دست هایو-
نلرخی کوردیم . دییه بیایرم، که بو یازیلر بوتون مأمورین دولته
مشق اتخاذ اولونسه لایقدر . حروفک تماماً حق ویریایور ؛
کله لرده بر آهنگ مخصوص انسجام وار ؛ فضله یاخود نقصان
بردیش بیله یوق .

*
* *

(بنم وزیر معالیمیرم)

- (امور خارجیه دولت علیه من نظارتی خدمتده بولنان)
- (فؤاد اندینک بودفعه وقوعبولان استرحانه منی یرینه برینک)
- (تعینی لازم کیش و رفعت پاشانک نظارت مذکوره مصالحه)
- (وقوف و معلوماتی درکار اوله رق اهلیت و لیاقتی مسلماندن)
- (بولنش اولدیغندن مشارالیه جلب ایله نظارت مذکوره عهده سنه)
- (بانوجیه باب العیزه اعزام قلمش اولمغه ربمز تعالی و تقدس)
- (حضر تلمری جمله منی موفق بیوره آمین بحرمة سید المرسلین)
- (۲۵ جا سنه ۱۳۶۹) یوم بازار

(بنم وزیر معالیمیرم مصطفی پاشا)

- (سلفک محمد علی پاشانک بودفعه خدمت صدارتدن انفصالی)
- (وقوعنه منی خدمت جالیله مذکوره عهده لیاقتنه توجیه)

(قلمش و صدر اسبق رشید پاشانك خارجیه نظارتنه و مشارالیه)
 (محمد علی پاشانك سر عسکرلکه و سر عسکر سابق محمد)
 (پاشانك دخی خاصه مشیرلکنه مأموریتلری و عهده کزدن)
 (منحل اولان مجلس ریاستنك دخی خارجیه ناظری سابق)
 (رفعت پاشایه احواله سی تزد مزده بالتسیب مشارالیهم جلب)
 (اولنه رق اقتضاسی بالاجرا باب عالمیزه کوند رملش اولغله کیفیت)
 (اعلان ایایه سن) (٦ شعبان سنه ١٢٦٩) یوم جمعه

(بنم وزیر معالیسمیرم)

(قبودان دریا محمود پاشانك حسب الایجاب عزلیله)
 (درایت و غیرت کامله سی جهتیله قبودانلق مأموریت جلیله سنك)
 (رضا پاشا عهده سنه توجیهی تزد مزده بالتسیب مشارالیه)
 (رضا پاشا جلب اولنوب اقتضاسی اجرا اولنه رق باب عالمیزه)
 (کوند رلدی قوؤ بحریه مزك تکشیری و کائنه مهماتك منتظم)
 (بولنسی فریضه دن اولغله اشبو امر اهمه صرف اهتم)
 (اولنسون و چکنده سینوب لیماننده وقوع عبولان کیفیت مکدره)
 (عدم اتحاددن نشأت ایتش اولدیغندن مشارالیه محمود پاشا)
 (ایله امرای بحریه قرار سابق وجهله بالماواجهه استجواب)
 (اولنه رق وقوع حال عرض و بیان و ترسانه عامره مستشار لغنه)
 (دخی مجلس والا اعضاسندن شفیق بکك مأموریتی اجرا)
 (و اعلان قلنسون)

(١٧ ربیع الاول سنه ١٢٧٠) یوم جمعه ایرتسی

ولادت هایون :

شوکت مآب سلطان محمد رشاد خان خامس حضرتلرینک
ولادت هایونلری اوزرینه صادر اولان خطّ عالی :

- (بنم وزیر صداقتسمیرم محمد امین رؤف پاشا)
(ربمز تعالی و تقدس حضرتلرینک لطف و احسان)
(ربانیه سیله بوکیجه براو غلم دنیا یه کلمش واسمی سلطان محمد)
(رشاد تسمیه قلنهرق بوکیفیت شادینک تبشیری ضمنتده)
(اشبو خط هایونمر تسطیر و طرفکه تسیر اولتمش اولمغله)
(یدی کون بشر نوبت طوب انداختی و ایام مذکوره)
(کیجهلری محال معتادهده وسائر استکلو اولنلر طرفلرندن)
(ایقاد قنادیل اولتمشی خصوصنی لازم کلنلره تنیمه ایلیمسن)
(همان حضرت رب العالمین عمرینی نامحدود و قدومنی مبارک)
(ومسعود بیوروب نسلیمزی الی یومالقیام باقی ایلیمه آمین)
(۲۱ لسنه ۲۶۰) یوم سبت کیجهسی

برصاحب جریده ، بوخط هایونک باب عالی یه صورت
وصولی ایله قرائتتی و دآب دیرین سلطنتی بر مقاله مخصوصده
لسان حال وزمان ایله یازمش اولدینندن - اصول و تشریفات
قدیمه حقنده معلومات اولمق اوزرد - عیناً درجی مناسب
کوروندی :

- (اشبوالتمش سنهسی شهر شوال مسرت اشمالک یکرمی)
(برنجی سبت کیجهسی کلستان صلب پاک فیضناک حضرت)
(شاهانهدن مانند غنچه نو شکفته بر شاهزاده جوان بخت)

- (قدمهاده عالم شهود وزیاباش بخشنده کهواره وجود اوله رِق)
 (اسم سامی لری سلطان محمد رشاد تسمیه بیورلمش و بو کیفیت)
 (شادینک نبشیرینی متضمن شرف صدور اولان خط مکارم)
 (نقط حضرت شهنشاهی دارالسعادة الشریفه اغاسی طیفور)
 (اغا حضرت لری واسطه سیله باب عالی یه ارسال و لاجل الاستقبال)
 (کوندریلان قرق نفر قواسان و بخوردانلر ایله ورودنده)
 (موزیقّه طاقی سلاملیه رِق سنک رکابه وصولنده حامل)
 (اولدینی خط شریف مسرت ردیف شاهانه بی ذات حضرت)
 (و کالتپناهی یه اعطا و ذات صدر عالی دخی اخذو تقیل)
 (ونهاده سر تحیل بیوردقلرنده صف بسته اولان چاوشان)
 (دعاوی القش الهرق طوغری عرض اوطه سنه ایصال)
 (وجهله وکلا و بندگان سلطنت سنیه حاضر اولدقلری حانده)
 (خط شریف مذکوری یوم مذکورده خارجیه ناظری)
 (نصب و تعیین بیوریلان شکیب افندی حضرت لری قرائت)
 (و ایاصوفیه شیخی یوسف افندی حضرت لری دعا یه ابتدار)
 (و دست کشای اجابت بیوررق ختامنده جمله وکلا و رجال)
 (علی مراتبهم دامبوس صدر عالی ایله مراسم تشکر و محمدتی)
 (ایفا بیوردقلرنده اغای مشارالیه و یالکنز وکلای عظام)
 (ورتبه اوایده بولنان ذوات کرام حضرتانی اقعاد و قهوه و چای)
 (ویریلهرک اقتضا ایدن جواب عالیسی تحریر و وضع کیسه)
 (و تمهیر اولندقدده شربت ویریلهرک جواب مذکور اغای)
 (مشارالیه بالا عطا حرکت و زردبان باشنه قدر رسم تشییعه)
 (مبادرتله تهیه اولنان اسبه سواراً عزیمت ایتمشدر و بر موجب)

(مضمون خط شریف مسرت ایف یدی کون یدی کیجه)
 (بشر نوبت طوبلر انداختيله کافه بندکان دولت عایمه واستکلو)
 (اولان داعیان ساطت سنیه خانه لری پیشگاهلرنده ایقاد)
 (قنادیل و اظهار مسرات بیعدیل ایشلردر و اوچنجی)
 (بازار ایرتسی کونی ساعت بشده چراغان سرای معلاسنده)
 (رکاب عمومی رسم عالیسی اجرا بیوراشدر .)

عادت قدیمه وجه ایله صدر اعظم لر خط هایونی حامل
 اولان ذاته بر کیسه آتون و طاقیله بر آت یاخود - تعبیر -
 قدیمی وجه ایله - دونامش بر آسب احضار و اهدا آتدکلی
 کبی مژده جی و بالطه جیلرده مناسب مقدار عطیه لر ویریرلر
 و سرای هایونه باشقهجه دایه تقدیم آیلرلر ایدی .

رکاب عمومی رسم عالیسنه کلنجه : بونده صدر اعظم ،
 شیخ الاسلام ، وکلا ، قاضی عسکر لر ، نقیب الاشراف و استانبول
 قاضیسی ایله داخلیه مستشاری ، والده سلطان قیوکتهداسی
 کبی ذوات معدوده حاضر بولونور ایدی . رکابده بولوناجقلر ،
 عرض واستیدان اولونور ، یاخورد ، رأساً اراده سنیه ایله بورسمه
 داخل اولورلر ایدی .

۱۲۶۵ سنه سننده جنت مکانث مابین هایونلری ارکان
 و مأمورینی آتیده محرر ذواتدن مرکب ایدی :

سر قرنای حضرت شهر یازی سلیم افندی فریق

» قرنادن حسن افندی

» قرنادن راغب اغا

قرنادن زیور اغا میرلوا

قرنادن مصطفی اغا »

مایین هایون باش کاتبی فرید آفندی اولی

» » ایکنجی کاتبی رضا آفندی اولی ثانیه

» » اوچنجی کاتبی صفوت آفندی »

» » دردنجی کاتبی حلیم آفندی »

» » بشنجی کاتبی محمد بک »

سریاور ارکان حربیه میرلواسی ادهم پاشا

مایین هایون مدیری محمد بک ثانیه

» اثوابی حضرت شهریارى سامی اغا

بری ارکان حرب، یدیهی خاصه سواری و پیاده ضابطلرندن

سکیز یاور حرب

اصطبل عامره مدیری مصطفی اغا (اصطبل عامره)



عهد مجیدیده، سفرای آجنبیه، باب عالینک عرضیه - يوم وساعت و محل ملاقات تعیین بویورولماسی اوزرینه - شرف مشواه نائل اولورلر ایدی. یالکیز انکلتزه سفیری ایستراتفور، بعضاً بر ایکی کون اول عرض معلومات آتدیریر و سرای هایونه کیدیوریر ایدی. بوده شخصنه منحصر بر مساعدۀ مخصوصه کبی ایدی.

۱۲۷۰ تاریخنه قدر: « در سعاده کلن سفرای آجنبیهیه مقام صدارتدن ویزیتیه ایدلمسی معتاد دکل ایدی. » حتی خارجیه

ناظرينك اعاده زيارت وظيفه سى ده محتاج استيندان كورولور ايدى . رشيد و على پاشا زماننده ، بونك سبب و حكمتى آكلاشيلا مايور . شو اصولك سبب و منشاى شاين تدقيق و تحريدر .

عجبا ناصل بر مسأله يا خود وقعه نتيجه سيدر ؟ يوقسه ، مرور زمان ايله حادث اولمش بر كوره نك سيئه سى اولوب ده عهد مجيدى يه ده اويله جه انتقال مى آتمشدر ؟ هر حاله منشاى يولونورسه مهم بر حقيقت تظاهر آده جكدرد .

هدايى سنيه :

اوزمان ، جارى اولان عادات جمله سندن اولمق اوزره ، سفر ايه و زوجه لرينه طرف پادشاهيدن ذى قيمت هديه لر ويريلر ايدى . بوده بذل نشانه محل بر اقليمامق ايچون اختيار اولونور ايدى . فرانسه سفيري لاوالهت ، فرانسه يه عودتنده اوچنجى نومرودن نشان على ي حائز اولمق جهتييله تصوير همايون ايله مزين بر قطعه مرصع قوطى و مادامه سى بر چيفت شال ايله تلطيف اولونمشدر . انكلتره سفيري قانين ، كنديسى حسب الاصول برشى آلاماديغندن زوجه سنيه بر دفعه مرصع بيله زيك ، بالاخره بر چيچك اهدا قيلمشدر . بويله هديه لك بدلى آللى ايله يوز بيك غروش راده لرنده ايدى .

پارس قونغرده سى مناسبتييله فرانسه دولتى مرخصاره خايت قيمتدار هديه لر ويرمش ايدى . باب عاليجه قونغرده رياستنده بولونان واله فسكى نك مادامه سنيه يوز يكرمى بيك ، فرانسه مرخص ثانيى ايله خارجيه مستشار قونغرده باشكانيك و درساعات

نمسه ایلچیسینک زوجه لرینه یتیمش بشر بیك ، آوستریا خارجه ناظری ایله فرانسه سفیر کیرینهک مادامه لرینه یوزربیک وانکلتره ، آوستریا سفارتلری باش ترجمانلرینک زوجه لرینه یکرمی بشر بیك غروش قیمتندره برر کردنک و فرانسه سفارتی باش ترجمانی موسیو شفه رک مادامه سنه یکرمی بش بیك غروشلق بر بیله زیك ، ساردنیا سفارتی باش ترجمانه یکرمی بیك غروش قیمتندره بر قوطی و ایکنجی ترجمانه اون بش بیك غروشلق بر یوزوک اهدا ادیلشدر . انکلین مرخصلری اعتذار آتمشدر .

احتمال که شو هدیه لرک قیمت تقدیه لرینی یازیشمدن دولایی بعض طرفدن مواخذه اولونورم . لکن مواخذه آده جک ذات ، کیم اولور ایسه اولسون ، بر حکم ویرمه ده عجله آتمه مه ایدر . اوتهدن بری شرقده متکین غریبلرک ، مملکتتمزده کوردکلری مسافر پرورلکه رغماً ، بزى مفتور آده جک درجه ده خلاف حقیقت شیلر اشاعه سنه قاپیلقلری معلوم ومسلمدر . بوقیلدن اولمق اوزرد ، مثلاً : یکرمی بش بیك فرائق دکرندره بیله اولمایان برهدیه یی ایکی یوز آللی بیك فرائق قیمتندره برهدیه ، داهادوغر و سی ، بر رشوت ماهیتندره و بونی ده سفرای اجنبیه نک طرف سلطنت سنیه دن اطماعی صورتندره کوسته رده جک نشریات و اشاعات وقوع بولمش و بومفتریاتی بالذات متأثر اولان سفرای اجنبیه رد و جرح ده مضطر قالمشدر . لکن مفتریاتک سوء تأثیری پک تولای زوال پذیر اولورمی ؛ ایشته بونک ایچوندر ، که بومسأله یی قویومجی باشی قیودیه تحقیق و تهقیقه مجبور اولدم .

ر سنه ۷۴ ده ، فرانسه سفیری ، ایمپراطورک ذات شاهانه یه

مخصوص بر « یادگار » نئی اتصاله مأمور اولدیغندن ، عبدالمجید مرحوم، سفیره اون اون بش بیك فرائق قیمتندہ تصویر هایون ایله مزین بر قوطی و ترجمان شه فہرہ دہ باشقہ جہ بر ہدیہ مناسبہ ویرمشدہ .

ایمپراطور ناپولیون ، ولی الدین رفعت پاشایہ بر (سہور) طاقی ویرمشایدی ، کہ قیمتی ہدایای سائرہ درجہ لرنده ایدی . حتی (کیکہ دورسہ) دیپلوماتلرندن بری ، اویلہ نفیس بر طاقک کیتدیکنی یانہ یاقیہ بر مسلکداشنہ بیلدیرمشدہ . حالبوکہ بویہ شیلر ہپ متقابلاً واقع اولور . بو آلمانیا و آوستریادہ دہ بویہ ، روسیادہ دہ بویہ . ہر دولتہ دہ عین قاعدہ تراکت بحرین اادیور . بوجملہ دن اولوق اوزرہ ، بیسمارق خاطر اتندہ دیر ، کہ : چار آلہ کساندر ایلہ برلینہ کیدن پرنس غورچاقوف ، بوتون آلمان نشانلرینی حامل اولدیغندن ، ایمپراطور ویلہلم طرفندن کنڈیسنہ نہویریلہ بیہ جکی صور ولدقده : لطفاً پیرلانطہ لی قیمتدار بر طبقہ احسانہ دلالت اولونماسنی پرنس بیسمارقندن رجا اتمشدہ . فطیمی اویلہ ویرمشدہ . واقعاً بیسمارق . غورچاقوفک سوزلرینی ، مقصد استخفاف ایلہ ، یازمشدہ . لکن حقیقتہ ذات مادہ بر عادتہ اتباعدن باشقہ برشی دکلدہ .



فرانسہ ایمپراطور یچہ سنہ اہدا اولونمق اوزرہ تخمیناً یوز آلی بیك فرائق ، یاخود ، یدی یوک آلی بیك غروش قیمتندہ

(۷۵۰,۰۰۰) پیرلانطه ایله مزین برکردانلق ، قویومچی باشی
هوجه بوغوص معرفتیله ، یاپدیریلوب کونده رالمشدر .



ایمپراطور ناپولیون ، لوندرادن عودتئنده ، پارسده بر
وقدن بری ترتیب واحضار اولونمش اولان سرکی بی کشاد
ایله مش و بوکا هر طرفدن اشران اولوندیگی کبی ، دولت علیه ده
بی کانه طور مامش ایدی . طرف سلطنت سنیه دن مأموراً سرکی به
اعزام قیلان خارجه تشریفاتیجیسی کامل بک ، فرانسه ایمپراطور یچه سنه
بعض هدایای سنیه ایصانه دخی مأمور اولمش ایدی . بو هدایا
معمولات بلدییه مزدن فستائلق ایشاهمه و دستمال کبی بعض
نفیس و ظریف اشیان عبارت ایدی . کامل بک ، سرای ایمپراطوری به
کیدرک اشیای مذکورده بی عرض و تقدیم آتمش ؛ ایمپراطور
و ایمپراطور یچه نزدنده مظهر حسن قبول اولمشدر .



قالیما کی بکک پارس اورته ایچیلمکندن عزایله یرینه بویوک
ایلمچیلکله ولی الدین رفعت پاشانک تعیینئنده : کندیسنه یوزاللی بیك
(سابق ۲۰۰,۰۰۰) ، باش سرکاتبی حلیمی آفندی به اوتوز بیك
(سابق ۳۵۰,۰۰۰) ، ایکنجی سرکاتبی محمد بک آفندی به اون بیك
(سابق ۱۵۰,۰۰۰) ، سفارت ترجمانی مناسه اون بیك (سابق
۱۵۰,۰۰۰) غروش خرج راه ویرلمشدر .

بعض قیود حسابیه به نظراً ، محمد جمیل بکک حین تعیینئنده ،
اون بش بیك فرائق سفارت معاشی و ایکی یوز بیك غروش

خرج راه تخصیص واعطا اولونمش ؛ خانه بدل ایجار شهریمی
اولوق اوزررده باشقهجه بش بیک غروش تخصیص قیلنمشدر.



سلطان عبدالجید خانک یمینی و اصول تحلیف

بویوک رشید پاشانک ایکنجی دفعه صدرتندده، دولتجه اتخاذ
اولونان مقررات ملکیده دن بری ده، هدایای ممنوعه و غیر ممنوعه نک
تعیین و تحدیدی ماده سی ایدی .

اولوقت شیمدیکی شورای دولت مقامنه قائم بولونان مجلس
والاچه برنظام نامه قلمه آلنهرق مقام صدرته تقدیم قیلنمش
ورشید پاشا مرحوم بونظام نامه ایله مضبطه سنی و بوتون وکلا
ایله رجال شرعیه و عسکریه و ملکیده نک و سائر باجمله مأمورین
دولتک صورت تحلیف لینه دائر بر اصول وضعی تدقیق و تذکر
ایچون باب عالیده مجلس عمومی بی عقد ایله مشدر .

۲۵ محرم سنه ۱۲۶۶ بازار ایرته سی کونی مجلس مذکور
منعقد اولدینی ائنادده، جنت مکان عبدالجید خان باب عالی بی تشریف
آده رک مذاکراتی استماع بویور مشر و نتیجه قرار وکلای دولتن
بدأ ایله اصول تحلیفک عموماً اجراسنه منجر اولور اولماز،
ذات شاهانه در حال قیام آده رک اول بأول بالذات یمین آتمشدر .
بونک اوزرینه مجلس عمومیده حاضر بولونان هیأت وکلا ایله
آجلاه رجال دولت، مصحف شریف زیور دست تعظیم بولوندیغی
حالده ، حضور پادشاهیده برر برر :

« پادشاهمه و دولت علیه لینه صداقتدن آیرلمیه جغمه »

« و هر فصل نام و تأویل ایله اولور ایسه اولسون رشوت »
 « المیه جغمه و پادشاهک رخصت سینه سیله قبولی مجاز اولان »
 « هدایای رسمیه دن بشقه ممنوع اولان هدییه نی قبول ائتمیه جگمه »
 « و اموال میریه نی ارتکاب و تلف ایتیموب و هیچ کسه یه ایتدیر- »
 « میه جگمه و لزوم حقیقیسی تبین ایتدجکه خزینۀ میریه مصارف »
 « وقوعنی تجویز ائیمیه جگمه و ایجاب صحیحی اولمدجقه مجرد »
 « رعایت خاطره منی مأمور استخدا مننه لزوم کو ستر میه جگمه »
 عباره سنی او قویه رق یمین ایله مشلردر .

اتخاذ ادیلن قرار وجه ایله « بعد ما وکالت مطلقه ایله مسند
 مشیخت اسلامییه مأمور بویور و لاجق ذوات جلیله نك حضور
 معالی نشور حضرت پادشاهیده مأموریتلری بالاجرا رسماً
 باب عالییه ورود لرندۀ عرض اوطه سنده خط همایون قرائتی
 عقینده قرآن کریم اوزرینه یمین آتمه لری » اصولدن اولمشدر .
 وکلای فخام ایله مجالس اعضا لغمه و سائر مصالح ملکیه یه تعیین
 بویور و لاجق رجال علمیه و علی العموم مناصب دیوانیه اربابی
 و طشره لر ایچون انتخاب اولوناجق مأمورین، مأموریتلرینک
 اعلان و اجرایی عقینده، دوغرو مجلس والایه کیده رک کذلک
 کلام قدیم باری اوزرینه مجلس مذکورده بولوناجق علمای
 کرام طرفندن ، عباره معرفه نك قرائتیه ، تحلیف اولوندقن
 صوکر ا مصلحت مأموره لرینه شروع و قیام ایله مه لری قرار-
 لاشمشدر . صدور عظام و علمای فخام ایله مأمورین شریعت
 مطهره نك تحلیف لرینک حضور فتوا پناهیده اجرایی و بونلر
 ایچون پادشاهه صداقت و هدییه فقره لرندن صوکر ا :

« وَطَرْف پادشاهیدن مأمور بیورلدیغ امور شرعیه نك »
 « اجراسنه و مال یتیمك احكام شرعیه تطبیقاً حسن محافظه . »
 « سیله براقچه سی تلف اولماسنه کمالیه تقید و اهتمام ایده جگمه »
 « ومعتاد اولان رسم قسمتدن زیاده اقچه المیه جغمه الحاصل »
 « خلاف شرع شریف ومغایر قانون منیف حرکتی بروجله »
 « تجویز ایتیمه جگمه »

فقره لرینك دخی جمله تحلیفیه یه علاودسی جمله مقرر اتدن
 کورولمشدر .

درسعادته بولونان عسا کر خاصه ونظامیه حضرت شاهانه
 امرا ورؤسای دار شورای عسکریده وَطوبخانه عامره وَترسانه
 معموره امراسیله ضابطانی کندی مجلسلرنده وَطشره اردوی
 هایونلرنده بولونانلر دخی مجالس محلیه عسکریده تحایف
 اولونمق اوزره ، جمله تحلیفیه لرینه ، صداقت وَهدیه فقره لرندن
 صوگرا :

« وقانون ونظام عسکری یه مغایر حرکتده بولنیه جغمه »
 « ومأمورا اولدیغ خدمتلرده صداقت واستقامت اوزره حرکت »
 « ایده جگمه وزیر اداره وقوماندامده اولان عسا کر شاهانه نك »
 « تعینات وملبوسات وسائر مهماتلرینی دائماً حسن محافظه »
 « ایله تلف ایتیمه جگمه وایتدیریمه جگمه وهیچ بر صورتله »
 « ارتکابه میل ایتیمه جگمه وضابطان ونفرا تدن ترفیع رتبه یه »
 « وضابطلکه کسب استحقاق ایدنلرک حق لرینی کتم ایتیمه جگمه »
 عباره سی مندرجدر . طشره عائد قرار عیناً شویله در :
 « طشره لرده دخی وزرای عظام ومتصرفین وقائم مقاملر »

« بولنان محالدرده ادای صلاۃ ایچون جمع اولدقلری موقعدده »
 « یاخود اکامائل دیکر بر محل وسیعده اول ملکیتک والیسندن »
 « ویا متصرف یاخود قائم مقامندن بدأ ایله دفتر دار و مال مدیری »
 « و کتبه موظفه سی و مجلس اعضاسی کافهٔ اجتماع ایدرک وبر »
 « مرتفع محله کلام قدیم وضع ایلیه رک اوراده حاکم الشرع »
 « بولنان ذات مواجهه سنده مأمورین ملکیه ایچون مرتب »
 « اولان اصول وجهله جمله سی یمین ایده جکلردر . و حکام »
 « شرعیه و مفتی افدیلر دخی علمایه مخصوص اولان صورتله »
 « تحلیف اولنه جکلردر واشیو قسم مجاسنده ملکیتک علماسی »
 « و مشایخی وائمه و خطباء و وجود و معتبران و افراد اهلیدن دخی »
 « استیائلر حاضر بولنه جکلردر ورشوت و اندن فرقی اولیان »
 « هدایای غیر مشروعه نك ممنوعیت کلیه سی و بوبدن صکره »
 « بویله شیلری و اموال میریه یی ارتکاب ایدنلره انسان نظریله »
 « باقلمیه جنی والی یاخود متصرف و قائم مقام بولنانلر طرفندن »
 « هر کسه اعلان قلنه جکلردر و قضا مدیرلریله نایبلری اندیلر »
 « و مجلس اعضالری دخی منسوب بولندقلری ایالت و یاخود »
 « لوا مجلسلرینه جلب ایله اصول تحلیفلری بالاجرا صورت »
 « خال اول قضا اهلینسه اعلان ایدیه جکلردر »

هدایای ممنوعه و غیر ممنوعه نظام نامه سنک خلاصهٔ اخلاصه سی شودر:
 « فیما بعد هدیهٔ علنیه و رسمیه اولوب امر و فرمان حضرت »
 « ملوکانه ایله صورت احسانده بولنان هدیه دن ماعدا مجوهرات »
 « و سیم و زردن مصنوع ذی قیمت اشیا و چبوق طاقی و کورک »
 « و شال و اقشه و غلام و جواری و آت و بارکی و سائر حیوانات »

« جسيمه وانواع ذخائر و ذخيره دن معدود اولان قوری یمشیر »
 « وخطب وکمر مثللو شیرل عینیه رشوت حکمنده اوله رق »
 « بونلرک تعاطیسی کلیا ممنوعدر . فقط اوزم قانون قارپوز »
 « وسائر انواع فواکه و شکوفه وکلبشکر و بوقیلدن بولنان »
 « سائر حلویات ویغورت و تردیانی و سود و قوزی و آو و بالق »
 « و طاق و سائر طیور ویمورطه کی شیر محبة بین الاحبا »
 « تعاطی اولنه بیله جکدر »

مع مافیه بونلرک کلیتی اولماسی جائز اولمایه جغندن میوم ایسه
 آرمقدارده اولماسی و یاغک قیه سی بش و قاوون و قاربوزک
 و طائوئک و قوزینک و حلویات کسه سنت و شروب صراخینسنت
 عددی بش آتی ی و یومورطه مقدارینک نهایت اللی یی تجاوز
 آتمه سی و شاید ، ولوکه جزئی مقدارده اولسون ، کونده رن
 آدیده بر شائبه غرض آکلاشیلیر ایسه رد اولونماسی شرط
 آدیشدر . بین الاقربا تعاطی هدا یا بختنده ، ترویج غرض محسوس
 اولور ایسه ، بونک دخی ممنوع اتدن عد اولونماسی مصر حدر .

شومقررات صیراسنده ، ختان و ولیمه و بدأ جمعیتلرینه دائر
 بعض مواد دخی یازیشدر . بونلرک مآلنه نظراً : « بعدازین »
 « هرکیم اولور ایسه اولسون ، سایه شوکتوایه حضرت »
 « پادشاهیده ، دوکون ایدوبده احبانی دعوت آیه دکه مدعو »
 « اولان ذوات اجابت آده رک هیچ برکونه هدیه کوتورمه مک »
 « و نکاحلرده زوج طرفندن کلنلره و زوج جانندن بولونانلره »
 « کذلک هیچ برکونه یعنی نه آغیر نه خفیف هدیه لر ویریله به رک »
 « یالکز امام و مؤذن و بکچی کی نکاحده بولونماسی مشروط »

« وَمَتَادِ اُولَانِلَرِه اَجَرَتِ مَقَامِنْدِه اِقْتِضَاسِنِه كُورِدِه آقِيَه وَسَاَر »
 « شِي وَيِرْمَك نِظَامَاتِ مَقْرُورِه اِقْتِضَاسِنْدِن اُولْمَغْلَه بُونَك عَكْسِنِه »
 « حَرَكَتِ اَدْنَلَرِ مَظَاهِرِ مَحَازَاتِ اُولَه جَقْلَرِدَر »

برده : « مَجْرَدِ خَلْقِ بِيهُودِه بِر طَاقِمِ مِصَارِفِدِن وَ اَمْرِ »
 « تَنَاسُخِ صَعُوبَتِدِن وَقَايَهْ بَعْدَازِينِ مِهْرِ مَعْجَلِ وَ نِشَانِ طَاقِمِي »
 « كَبِي شِيلَرِكِ قَدَرِ مَعْرُوفِي تَجَاوُزِ اَتْمَهْمَه سَنَك ، اُبُوينِشْ »
 « قَدَرْتَلَرِينِه كُورِدِه قِيزِلَرِينِشْ وَ اَوْغُولَرِينِشْ تَزْوِجْلَرِنْدِه »
 « وَيِرِيَهْجَكِ شِيلَرِ اَنَلَرِكِ دَائِمَا ايشلَرِينِه يَارَايَهْجَقِ وَ تَلَفِ »
 « اُولَايَهْجَقِ صُورِتْدِه اُولْمَاسَنَك ، كَلِينِ اَوْطَهْلَرِينِشْ وَ خُصُوصَا »
 « عَرُوسِ مَحَلْلَرِينِشْ تَزِينِنْدِه بُورُوجْجَكِ وَ قُورْدَالَه اِيلَه بَاغْلَامَه »
 « كَبِي مُؤَخَّرَا اِيْجَادِ اُولُونَانِ اَصْقِيلَرِ كَلِيَا تَرَكِ اُولُونُوبِ يَالِكُزِ »
 « چُورِدِه وَيَاغْلِقِ وَ شَالِ كَبِي اَصُولِ قَدِيمَه سَنِه مُوَافِقِ وَ هَرَكَسَاتِ »
 « حَالْنِه مُنَاسِبِ شِيلَرِلَه تَزِينِ قِيلْمَاسَنَك وَ آيَاقِ يَاغِيَسِي اَصُولِي »
 « تَرَكِ اِيلَه زُوجْجَكِ زُوجَه سَنِه يُوزِ كُورُومَلِكِي وَ قَايِنِ پَدْرَلَه »
 « قَايِنِ وَالِدَه نَكِ جَمْعَه كُونِي دَامَادْلَرِه مُنَاسِبِ هَدِيَه وَيِرْمَه سَنَكِ »
 « بَا اِرَادَه سَنِيَه جَنَابِ پَادِشَاهِي ، مَعْرُضِ نَصِيحَتْنْدِه ، هَر كِسَه »
 « اَخْطَارِ وَ اِفَادَه سَنِه » مِبَادَرَتِ اُولُونْمِشْدَر .

عساكر بریه و بحریه استبدالی :

عبدالمجید خان مرحوم ، هر سَنِه عساكر بریه وَ بحریه دِنِ
 استبدالِ اَدِلَه جَكَلَرِكِ دَقْتَرَلَرِي تَرْتِيبِ وَ تَنْظِیمِ اُولُونْدَقْدِن صُوكُرا ،
 بِر رُكُونِ تَخْصِیصِ اِيلَه بِالذَاتِ قِیشْلاَلَرِه عَزِیمَتِ بُوْیُورُورْلَرِ اَیْدِي .
 تَشْرِیْفِ شَاهَانَهْلَرِينِه مُنْتَظَرِ اُولَانِ وَ كَلَا وَ اَمْرَايِ عَسْكَرِيَه

طرفدن رسم استقبال ایضا قیلندقدن وَ بوتون عساکر شاهانه
رسم سلامی اجرا ایله برابر «پادشاهم چوق یاشا» دعاسنی تکرار
آتدکن صوگرا استبدال تذکره‌لری - تشویقات و تملیقاتی
متضمن برر نطق ایرادیه برابر - ضابطلر معرفتیه یداً بید
افراد مستبدله‌یه تودیع و تسلیم اولونور ایدی .

شو معاملهنک حین اجرا سنده نفرات مستبدله‌دن بعضلری
خدمت عسکریه‌نی ترجیح ایله تذکره اخذدن صرف نظر
آدرلر ایدی . دیکرلری سرعسکر ، طوبخانه مشیری ، قپودان
پاشا وَ خاصه مشیرینک آلرنده بولونان صانجاقلری اوپرلرایدی .
بعده پارلاق برعسکری رسم کجیدی اجرا اولونور وَ مواقع
معینه‌دن طویلر آتیلارق عودت شاهانه وقوع بولور ایدی .

نشان آفرین :

مکاتب رشديه امتحانلرینک دخی حضورهایونده اجرایی
مقتاد ایدی . ۱۲۶۵ شعباننده برپازار ایرته‌سی کونی، ذات
شاهانه باب عالی‌یه کیده‌رک، مجلس والا اوطه‌سنده بتون وکلا
وَ بعض رجال علمیه وَ ملکیمه حاضر اولدینی حالده داود پاشا ،
بایزید ، اسکدار وَ سائر رشديه مکتبلری شاگردانک، حضور
پادشاهیده ، منارف ناظری کمال افندی [۱] معرفتیه، صرف
ونحو وَ کلمستان وَ جوغرافیا ، حساب مقدماتی کبی دروس
مرتبه‌دن امتحانلری اجرا قیلمشدر . ذات شاهانه ، مکاتب

[۱] تنظیمات دائره‌سی رئیس فاضلی سعید بک افندی‌نک پدرلری
کمال پاشا مرحومدر .

مذکوره شاگردانک اَللی قدرینه برر نشان آفرین ویرمکه
برابر، باجمله معلمین و سائر متعلمینه عطیه سنیه احسان ایلهمشدر
و تحصیل علم و معرفت لزوم و وجوبی بالذات شاگردانه توصیه
و اخطار آتمشدر .

مناصب و مراتب :

بودفعه اتفاق آرا ایلهم رتب سنیه و نشان ذیشان حقنده قرار
کیر اولوب خاکپای همایون حضرت شاهانه دن بالاستیدان
اجراسنه امر و فرمان مکارم نشان حضرت ملوکانه متعلق
و شرف صدور بیوریلان ماده لرك نظامنامه سیدر : را سنه ۲۶۵
مطلقا رتبه و نشان اعطاسی ولی نعمت بیمنه نرشو کتساب افندمن
حضرتلرینک عنایت و احسان ملوکانه لرینه محتاج و متوقف
اولد یغندن عواطف علیه شهنشاهیدن احسان بیوریله جق
رتبه و نشانلر ایلهم برده بندکان سلطنت سنیه دن خدمت واقعه لرینه
مقابل و ذاتنه مخصوص اولمق اوزره مراد عنایت اعتیاد ایلهم
ویریله جک امتیاز نشانلری مستثنا طوتیلهم جقدر .

رتبه اعطاسی در سعادت و طشهرجه حسن خدمت وجوده
کتورنلر و جدّاً و حقیقه کسب لیاقت ایدنلره مخصوص اولهم جقدر .
بوندن بویاه اولیاه عادی التماسلر ایلهم هیچ کسه ایچون رتبه
اعطاسنه مساعدده بیورلیهم جقدر و استیدان اولیمه جقدر .

بوندن صکره بندکان سلطنت سنیه یه اعطا بیوریله جق
نشانلر مطلقا مناصب و مأموریت معینه یه مخصوص اولهمرق مأموریندن
غیریده بولنان نشانلر شمذیلک حالی اوزره ترک وابقا اولنهم جقدر .
چونکه مناصب رسمیه حضور حضرت و کالتپناهیده توجیه

عنوانیه اعلاان اولنان و مأموریت معینه دخی کذلک حضور حضرت صدرعالیده احاله نامیه تفویض قلنان خدمت لر اولدیغندن الحاله هذه اعطا واحسان بیورلمش اولان مرصع نشانلرک ابقاسیه بوندن بویه نشان ذیشان اعطاسی مطلقا او مثل او مناصب و مأموریت معینه و مخصوصه وضابطان اقلامه و باب سرعسکری و ترسانه عامره و نظار حضراتی معیتلرنده رتب دولت علیه متصرف اولوب مأموریت معینه ده بولنلرله حصر اولنه رق بولنلردن تبدل و قوعنده رتبه لر ی مساوی ایسه سلفک نشانی خلفه و یریلوب مساوی اولدیغی صورتده خلفک رتبه سنه مخصوص نشانی اعطا اولنه رق سلفک نشانی مالیه خزینه جلیله سنه تسلیم ایتدیریله جقدر .

وکلای عظام حضراتی و مأمورین سائر معیتلرنده بولنه رق کندولرنده نشان بولنلنلردن رأس خدمت و مأموریت مخصوصه ده اولنلرینک بشقه و مأموریت معینه ده بولنلیان خلفا و کتبه و سائر نک دفترلری تنظیم و خزینه جلیله مالیه یه قید و ترقیم اولنه رق او مثل او مأمورینک تبدلنده نشانلری سلفدن خلفه دور اولنه جقدر .

مأموریت معینه ده بولنلیان خلفا و کتبه و سائر دن سایه شوکتوایه حضرت شاهانه ده مأموریتله چراغ بیورلنلر و منحل اولنلرک نشانلری خزینه یه اعطا و تسلیم قلنه جقدر .

علمای عظام حضراتیه عسا کر شاهانه یه و اندرون هایون جناب ملوکانه مأمورین و خدمه سنه اعطا اولنمقده بولنان نشان عالیلرک اصول مخصوصه سی اولدیغندن بولنلرک کما کان اعطاسیه فقط طریق علماده بلاد اربعه ایله مخرج مولویتلرنده نشان

اولمديغدن بونلر ايچون اون درت قطعه نشان ياپديريلوب بالفعل
بومنصبلرده بولنوب بالذات عزيمت ايدنلره جانب حضرت فتوا
پناهيدن اعطا اولنه جقدر.

احساب رتبه و مनावيدن مأموريته اقتضاء مصلحت و جسامته
كوره ترفيع رتبه لزام كورونديكي و رتبه سي مनावب و مأموريتله
ترفيع اولنديني حالده مनावبيچون رتبه سنه كوره نشان و يريله جقدر.
منصب و مأموريت و يرليوب يالكر رتبه سي ترفيع اوله جق
اولديني و كندوسنده رتبه سابقه سنك نشانی بولنديني صورتده
اسكي نشانی النوب تسایم خزینه اوله رق رتبه جديده سيچون
نشان و يريله جقدر.

طشره لرده نشان و يرلمسي لازم كلان مनावب و مأموريت
والی و متصرف و دفتردار و مجالس جديده رياست و سنجاق
قائم مقامی و دفتردار مقامنده بولنان مال مدیری ديمك اولديغدن
بونلرك نشانلری دنخی بولندقلری رتبه يه كوره و يريله جقدر.

تبدل و قوعنده خلف و سلف رتبه مناوبده بولنور ايسه
خلف ايچون بورادن نشان و يرليه رك محله وصولنده سلفك
نشانی اله جقدر. رتبه لری توانق ايتديكي حالده خلفك رتبه سنه
موافق نشان و يريلوب سلفك نشانی خزینه يه جلب تانه جقدر.
خدمه سلطنت سنیه دن نشانی اولوبده ترفيع رتبه
ايتكسزین بر مأموريتہ تعيين اولنور ايسه حين انفصانده نشان
قدیمی يه كندوده ابقا اوله رق خانی اوله جق مأموره نشانی
اولمديني حالده رتبه سنه كوره مأموريت نشانی و يريله جقدر.

بعض رتبه سز و نشان سز بنديكاندن جداً و حقیقه كسب

لیاقت ایدوب بحق تلطفه شایان اولنلره درجه استحقاقلرینه کوره یالکز مناسب رتبه توجیهله اکتفا قلنه جقدر .

در سعادت و طشردده مناصب و مأموریتدن خارجده نشان ذیشانه نائل اولان بندکاندن مناصب و مأموریت ویریلنلرک کندولرنده بولنان نشانلر تعیین اولندیغی منصب و مأموریت نشانی اوله رق بالابقا سلفنک نشانی خزینه جلیله یه تسلیم اولنه جقدر . اصطل عامره مدیرلکی پایه لولری و رکاب هایون قپوجی باشیلرندن طشرده مأموریتلرینه تعیینی لازم کلدکده نشانلری التیه رق مأموریتده کندو رتبه سی نشانیه بولنه جقدر .

اول مأموریتدن انفصالی وقوعنده یرینه مأمور اوله جحق ذاته مأموریت نشانی ویریه جکندن ینه نشانیه کلوب رکاب هایون خدمتده اوله جقدر . قضا مدیرلرینه نشان اعطاسی لارم کلیوب فقط خدمه دولت علیه دن بعضاً قضا مدیرلکنه تعیین اولنان بندکانده اولدن نشان بولنور ایسه کندوددابقا اولنه جقدر . حین انفصانده دخی عهده سنده قاله جقدر .



وکلای فخام حضراتیه بالجمله مأمورین ورتب متفاوتیهی حائر اولان صنوف بندکانک حامل اولدقلری نشانلر کاده منصب و مأموریت و کاه ذات و شخصه مخصوص کی اعطا اولمقده اولوب سایه شوکتوایه حضرت ملوکانه ده قاطبه بندکان و داعیان حائر اولدقلری رتب رفیعهنک قدر مخصوص و موضوعی ورتبه سنک البسه مزینه سی ایله ایام رسمیه ده یکدیگرندن متمایز بولمسیله حامل اولدقلری نشانلرک تعلیق ایسه اصول جاریه سی اقتضاسنجه

یا انکیز ایام معدوده رسمیه منحصراً بولنسیله احبابی بیلله
 نشانی انجق بیلده برایی دفعه کوره بیلوب بوایسه هیج بر اصوله
 موافق اولدیغندن بونله لزوم صحیح کورینه مدیکنه مبنی فقط ذاته
 مخصوص و بر خدمته مکافات اوله رق احسان بیورلمش اولان نشان
 عالیله صنف جلیل عسکریده بولنان نشانلر مستثنا طوتیلهرق
 قصورینک عموماً طوپلانسی بین الوکلا تصویب اولنوب خاکپای
 همایون جناب جهاننایدن لدی الاستیذان متعلق و شرف صدور بیور-
 یلان امر و اراده سنیه حضرت شهر یاری مقتضای عالیسی اوزره ایجابی
 اجرا اولنمقده اولدینی حائده عسا کر نظامیه حضرت شهنشاهی
 حقلرنده درکار و برکمال اولان نیرخیر توجهات مکارم غایات
 جناب شاهانه اک بیوک سرمایه افتخار و امتیاز اولدیغندن و ایام
 رسمیه ده ایسه البسه مزینهلری و بو دفعه تعیین بیوریلهرق
 علامت فارقه ایله دخی تمیز ایده جکلرندن امر و ضابطان
 عسا کر نظامیه حضرت شاهانه ایچون دخی نشان تعلیقنه حاجت
 کورنمدیکنه مبنی اندن دخی صرف نظر بیورلمسی عرض و نیازیلله
 دار شورای عسکریدن تنظیم اولنان مضبطه خاکپای همایون
 حضرت پادشاهی یه لدی العرض عسا کر حضرت پادشاهی طرفندن
 واقع اولان اشیون نیاز دخی رهین مساعدۀ سنیه جناب جهاننایی
 بیورلمشدره. ذا سنه ۲۶۷



ولایت عظام حضرت اتندن بعضارینه دولتلو و برازینه دخی
 عطا و فتلو تحریر اولنمقده ایسه ده ربمز تعالی و تقدس حضرتلری

ذات خلافتسمات حضرت جهانبانی بی سریر شوکتصیر جناب
ملوکانه لرنده مؤبد وبرقرار بیورسون . ولی نعمت افندمزك
صنوف بندكان حقهده شایان بیورلقده اولان مراحم و اشفاق
سنیه حضرت شهنشاهیله ایحاب عالیندن معالی افزای سئو
وصدور بیوریلان امر وفرمان هایون حضرت شهریارى منطق
جلیلی اوزره بوندن بویله رتبه سامیه وزارتى حائر اولان ذواته
تعمیماً دولتلو القابی یازیله جقدر. را سنه ٢٦٨



وکلالتی نشانی :

صیدا والیسی دولتلو وامق پاشا و سالانیک والیسی یعقوب
پاشا و بلغراد محافظی محمد واصف پاشا حضراتی شایسته الطاف
سنیه جناب پادشاهی اولملریله مشار الیهم حضراته برر قطعه
وکلالتی نشان فروغ افشانی اعطاسی خصوصنه امر وفرمان
حضرت شهریارى سانحه پیرای صدور بیورلمغین منطق منیفی
اوزره اقتضاسی اجرا اولمشدر. ذا سنه ٢٦٦



امتیاز نشانی :

مجیدی نشانك احداثدن اول ویریلن مأموریت نشانلرنندن
باشقه برده امتیازنشانی واریدی . واقعا بونك درجاتی یوقسهده
بعضلرینه قیمتجه داها آغیری و بعضلرینه داها خفیفی ویريله .
کلدیکی آتلاشیلور :

صدارتعظمی مستشاری عطوفتلو فوآد افندی حضرتلری

مصالح مأموره سنی (ملتجیلر مسأله سی ایچون سفارت فوق العاده ایله بکرشدن په ترسبورغه کیتمش ایدی) حسن اتمام ایدرک طرف اشرف حضرت شهنشاهییدن عودته مأذون بیورلدیغندن رکوبنه تخصیص بیوریلان (اثر جدید) واپور هایونیه جمادی اولانک یکر می سکزننجی پنجشنبه کونی درسعاده مواصلت ایلوب اوچنجی جمعه ایرتسی کونی مابین هایون حضرت شهنشاهی جانب عالیسنه عزیمت ایله حقدده سزاوار بیوریلان احسان جمیل جناب ولی نعمته لاحقاً جلیله وخدمت مقبولهسنه مکافات سنیه اولمق اوزره حقلرنده انواع نوازش مکارم پیرایش جناب جهاننداری شایان ودمشارالیه حضرتلرینه برقطعه نشان امتیاز ایله برات عالیسی عنایت واحسان بیورلمشدر سنه ۲۶۶

—

صدارت عظمی مستشاری عطوفتلو فوادافندی حضرتلری ابراز اثر رویت وعبودیت ایتمش بنده مخصوص جناب شهنشاهی اولدیغندن مقتضای اهلپروری حضرت شهریار اوزره مشار الیه حضرتلرینه مقدما احسان بیورلمش اولان نشان امتیازک امثالنه تطبیقاً تبدیلی خصوصنه امر وفرمان حضرت تاجداری معالی افزای سنوح وصدور بیورلمش ایدی تبدیلاً اعمال ایتدیریلان نشان عالی بو دفعه حضور شوکتموفور جناب پادشاهیده مشار الیه حضرتلرینک کریبان مفخرتنه تعلیق بیورلمشدر . سنه ۲۶۶

عزل و نصب مأمورین :

خرپوت ایالتی عطوفتلو صبری پاشا حضرت تلی عهده سندن
حرف و تحویل اوله رق معالی افزای سنوح و صدور بیوریلان
اراده اصابت عاده جناب شهنشاهی اقتضای عالیسی اوزره
مرعش والیسی اسبق عطوفتلو یوسف پاشا حضرت تلیینه توجیه
وتفویض و خلفک وصولده در سعادته کله رک دعوات مفروضه
جناب ملوکانه یه مواظبت ایلیسی خصوصی دخی مشارالیه صبری
پاشا حضرت تلیینه بیان و اشعار اولمشدر . سنه ۲۶۵



حلب ایانتک چنده رتبه سامیه وزرات توجیهله قونیه
والیلکنه تعین قلنان عطوفتلو ظریف مصطفی پاشا حضرت تلیینه
وقونیه والیلکنک دخی مرعش والیسی سابق عطوفتلو طوسون
پاشا حضرت تلیینه تفویض و اخاله سی و والی سابق عطوفتلو خلیل
کاملی پاشا حضرت تلیینک دخی سایه شوکتوایه حضرت ملوکانده
خانه سنده اقامت ایلک اوزره در سعادته کلکی متعلق و شرف صدور
بیوریلان اراده سنیه حضرت شهر یاری مقتضای جلیلندن اوله رق
موجبجه اقتضای ایفا قلنمشدر . ن سنه ۲۶۵



درامه قائم مقاملنک حسب الایجاب سعادتلو بیجان پاشا
عهده سندن صرف و تحویلله خلفالقی مأموریتی امثالی مثللو کما کان
عهده سنده قالمق اوزره آمدی دیوان هایون خلفاسی متحیزانندن
عزتلو عزمی بک افندی یه احاله سی بالتنسب استیدان قلنمش

و موجب بنجه اراده سنيه حضرت پادشاهی متعلق و شرف صدور
بيورلشدر . ج سنه ۲۶۹



از مير اياتی مال مدير لکنک و زرای عظام قپوکتخدالردن
عزتلو عمر فائز افندی به احاله سی لندی الاستيدان موجب بنجه اراده
سنیه حضرت جهانداري شرف صادر اولشدر . ج سنه ۱۲۶۹



دولتو رضا پاشا حضرت تالرينك انكار عادلہ حضرت پادشاهی به
وقوف کاملی و فطانت فطريه سی مناسبيله هر درلو امورك حسن
رؤيته اقتداري مسلم اولمی جهتيله بوكره عواطف عليه حضرت
پادشاهيدن خداوندكار اياتی مشارايه حضرتلرينه توجیه واحسان
بيورلمش اولمغه سلفی دولتو مصطفى پاشا حضرت تالرينك دخی
سايه شوكتوايه جناب ملوكانده ساحلخانه سنده مستريحاً اقامت
ايتك اوزره در سعادت عودت ايتسینه اراده سنيه حضرت شهنشاهی
متعلق بيورلشدر . ج سنه ۲۶۵



مجازات:

ترسانه عامر دده يوقلمه او طه سی کتبه سندن لطفاه
افندی ايوب جوارنده امينه خاتونك کيني منير دنی ضرب ايدرك
متبينه اخلاق استقاط جنينه سبب اولديغي شرعاً ثابت اولمسييله
جنين ميتك دتی کندوسندن آلمش ايسه ده مرقومك بو وجهيله
وقوع بولان حرکات رديه سی تأديبی مستلزم اولديغدن بعدازين

مرقومه به بوندن طولانی بر سنه تحدث ایدر ایسه آنک دخی
بر نهج شرعی ایجابی اجرا قلمق اوزره لاجل التأدیب مرقومک
ردوسه نفی و تغریبی مجلس والا قرار یله بالاستیدان امر و اراده
سنیه حضرت ظل الهی سانحه زیب صدور بیورلمشدر . سنه ۲۶۹



تهمت متنوعه خفیفه ایله باب ضبطیه به کتورلمکده اولان
اشخاصک موجب تربیه لری اوله جق مجازاتی کورمدن
صالیویرلاری ایچون اکثر رجا و التماس وقوع و ملقمده اولسیله
بعدازین او مقوله رجا و شفاعت ماده مضره سی کلیاً منع اولنه رق
او مقوله تهمة نیک اجرای استنطاق و محاکمه لرندن صکره تبین
ایده جک جنحه و قباحترینه کوره بر موجب قانون جزا تأدیب
و تربیه لری اجرا اولمقدقه سیللیری تخلیه اولنماسی مجلس
والاده تنسیب ایله لدی الاستیدان اراده سنیه حضرت جهاننداری
موجبینجه شرفتعلق بیورلمشدر . سنه ۲۷۹



سفریحصار قضاسی مدیری بولنان حسن بکک افساد اهالی
و اختلال قضایی موجب حرکت اجتسارندن طولانی بردها
او یغونسزلقمده بولنیه جنحه اهالیدن کفیل و یرنجیه قدر بلا مدت
ایاش قضاسنه نفی و تغریبی مجلس والاده تنسیب اولنه رق موجبینجه
اراده سنیه جناب جهانبنانی شرفصدور بیورلمشدر . ج سنه ۲۶۹



بیت المالہ - تغییر آخرله - خزینہ دولته آل اوزاتان مأمورلر

حقننده مجلس والانك اتخاذ اتيديكي بوتون مقررات ، مبالغ
مغضوبه نك تماماً استرداديله برابر ، اوکي مأمورلری بلا مدت
برر محله نفی و اجلا صورتنده اجرای مجازات ایدی .
تنبیهات :

صلوة خمسہ اعظم ارکان اسلامیه دن اوله رق و قتیله اداسی فرائض
قطعیه دن و خصوصیه جماعته ادا اولسنك مؤکداً مسنونتی
بدیهیاتدن اولدیغنه و بوبابده تهاون و تکاسل ایدنلرك نصایح
لازمه ایله ترغیبی و قبول ایتمایلر اولور ایسه ایجابنه کوره حبس
و تأدیبی احکام شرعیه دن بولندیغنه بناءً بر کونه مجبوریّت
و معذرت شرعیه سی اولدیقد هر بر وقتده ادای صلوة شریفه
فریضه سنه بالجملة اهالی اسلام طرفلرندن جماعته دوام و مواظبت
اولمنسی امرنده عموماً تنبیهات اکیده اجرایی مجلس والاده
تذکر و تصویب اولنوب اراده خیریتعاده جناب خلافتناهی
دخی اولمر کزده متعلق و شرف صدور بیوریلهر رق منطوق منیفی
اوزره تنبیهات مقتضیه اجرا قلنمشدر .



بلطفه تعالی موسم صیف تقرب ایدرك یالورله نقل وقتی
حلول ایتسیله ساحلخانه اصحابندن استکلو اولنلرك نقل ایللری
خصوصنه مساعدۀ مکارم عاده حضرت پادشاهی سزاوار
بیورلمشدر .
ب سنه ۲۶۹



موسم شتاک کون بکون تقریبی جهتیله اصحاب ساحلخانه دن

استکلو اولان ذواتک خانه لرینه نقل ایتلری خصوصنه مساعدۀ
سنیۀ جناب پادشاهی شایان بیورلمشدر . م سنه ۲۶۹

*
* *

مطبوعات و سانسور :

مجلس والا ریاسته عرضحال « عیناً »
« معروض چاکر کمینه لریدرکه »

« بوعبد عاجزلری فرانسه دولتی تبعه سندن اولوب یکریمی »
« سنه دنبیری درعلیه ده بولنه رق قوله قپوسنده کائن دکانده »
« هر لسان اوزره طبع و تمثیل کتب و اوراق صنعتیه مشغول »
« وابتدا درعلیه ده اطوغرافیه صنعتینی ایجاد و احداثه بادی »
« اولوب مجرد ممالک محروسۀ شاهانه اهالی و تبعه سنک کسب »
« معارف و منفعت ایلرینه مدار اولمق اوزره پاناسرنامه له ارمنی »
« العباده ماهده برکره نشر ایتک اوزره برغزته طبع و تمثیل »
« اتمک املنده بولتمش اولدیغمدن و مذکور غزته یه مصالح »
« مخصوصۀ دولیه متعلق هیچ بر ماده یازلمیه رق یالکیز علوم »
« و فنون متنوعه و تواریخ و ادبیات و حوادث نافعیه دائر شیلر »
« درج اولتمق و هر حالده اخراج اولنه جق غزته نک مسوده سی »
« اولجه باب عالییه یه تقدیم و اراء قلندقدن صکره طبع و نشر »
« قلنمق شرطیه رخست سنیه اعطاسی مستدا عاجزانه م »
« ایدوکی محاطعلم عالی اصفانه لری بیورلدقده و هر حالده »
« امر و فرمان » ۲۹ ر سنه ۲۶۷ لک

بصمه جی قاپول
قوللری

آلتش سنه اولكى مطبوعاتىز حقننده بر نمونه اولان
بوعرفخاله، مجلس والانث قرارى ده علاوه ادم:

- « مكاتب حريبه واعداديه وطيپهده ومنه دسخانهده تعليم »
- « وتعليم اولنمقده اولان فنون متنوعهيه لزومى اولان كتب »
- « ورسائل ايله بعض عقائد دينيهيه حاوى علم حال وحابى »
- « وسائر كى كتابلر طبع اولنوب فضله لر ينك فروختى »
- « مشهور اوله رق كچنده مجلس قراريله اونجى اصنافندن حاجى »
- « خليل اغايه بعض شرائط ايله محمديه شرحى وصرف ونحو »
- « كتابلر ينك وفرانسه تبعه سندن غاطهده ساكن قاپوله دخى »
- « طوطى نامه كى بعض كتب مناسبه نك كندو مطبعه لر نده طبعنه »
- « رخصت ويرلمش وسببى دخى اغاى مومى اليهك مدار تعيشى اشبو »
- « كتب طبعنه منحصرا ولد ينى مثالو مرقوم قاپول مقدا طبعه خانه »
- « عامر ده مستخدم ايكن مؤخرأ بلا مكافات چيقارلمسيه بو »
- « صورتله تعيشه باشلا دىنى جهتلرله منع اولنلرى مرحمت »
- « سنهيه توافق ايتديكى وشرعاً وملكاً طبعى تجاز اولميان »
- « اوراق ورسائل باصديرلما مى ولسان اجنبيده باصه جقلىرى »
- « كتابلر ك دخى اول امر ده ترجمانلر واسطه سيه باب عاليدن »
- « استيذانيه اعطا اولنه جق رخصته كوره طبع ايللرى »
- « خصوصنك اقتضا ايدنلره تنبيهى نظارت جليله خارجهيه ايله »
- « بالخير ده مجلس والاده تذكر قلمشدر »

۱۸۴۸ جريان عمومىسى اوزرينه، ممالك عثمانيهيه بعض ايتاليانلر
دخى التجا اتمشرايدى . بوبى چاره ملتجىلر « پاك زياده فقر وفاقهيه

دوچار اولدقلرندن مهمما ممکن تعیشارینه مدار اولوق ایچون
 اتمان حاصله سی بونلره تقسیم اولنوق و پونتیقه یه دأر هیچ برشی
 یازلیوب ساده شعر و انشادن عبارت اولدوق رساله قلعلی هفتده
 برکره چیقارلوق اوزره ایالیانجه برغزته طبع اولمنسه رخصت
 ویرلمسی ساردنیا ایلچیسی باب عالیدن التماس و مخالف شرط
 و اصول بر ماده یازلمیه جغنی دخی تعهد ایتمش ؛ باب عالی ده
 مادام که پونتیقه یه متعلق مواد باصدیرلمیه جغنی بیان و تعهد
 اولندیغندن و فرضا اولیه برشی یازموق ایسته سملر بیله قبل الطبع
 بعض مأمورین طرفلرندن دخی غزته مرقومه کوریه جکی
 جهته او مثالو کیفیتلر بصدیره میه جقلرینه مبنی بونک طبعنه
 مساعده اولمنسی بر کونه مضرتی دعوت ایتیه جکنه و اشبو
 غزته او ییچاره لک شو حال اضطرار بدن خلاص اولملرینه سبب
 اوله جغنه نظراً مرحمة بروجه التماس بر غزته طبع ایملرینه
 اذن ویرلمسی صدر اعظم و خارجیه ناظری طرفلرندن تنسیب
 اولمشدر . » ۱۷ م سنه ۶۶

*
 **

ینه شو اثناده ایدی، که باب عالیده متشکل ترجمه او طه سنک
 ایلاک خلفا سندن خالص آفندی نامنده برذات ، فرانسرجه بر
 اثر (؟) تألیف اتمش و با اراده سنییه طبع و نشر آدرک بر
 نسخه سی یوز الی غروش بهاسی (؟) ویریلوب طرف پادشاهیدن
 اخذ و قبول بویورولمشدر. خالص آفندی، کتابی « کندوسندن
 بشقه کسه نک طبع و فروخت ایتامسی » استدعاسنده بولونمش

وَصَدْرَ زَمَان، كِتَابُك دِيكِرِي طَرَفَنَدَن بَا صَدِيرِ بِلُوب صَاتِيلْمَاسَنَه
رَخَصَت وِیرْلَه مَسْنَدَه و بوشَرَطُك ذیل كِتَابَه دَرَج أَتْدِيرْلَه مَسْنَدَه
بِرْأَس یوق دِیْهَرَك، بَعْدَ الْاَسْتِیْذَان، اَسْعَاف مَسْؤُل اَیْلَه مَسْدَر .

۲۰ ب سنه ۲۶۵ تاریخنده، خَارْجِیَه نِظَارَتَنَدَن سَفَارَتْلَرَه اَعْطَا
اُولُونَان بَرْمَذ كِرَه دَخِي، مَطْبُوعَات حَقْنَدَه كِي اَصُول مَوْضُوعَه یی
كُوسْتَه رِیْیُور :

« بَرِیَهِ الشَّام طَرَفْلَرَنَدَه بُونَان دُول مَتَحَابَه تَبِعَه سَنَدَن بَعْضَلَرِی »
« حَكُومَت بِلْدَه دَن اَسْتَحْصَال رَخَصَت اِیْتِمَكْسَزِیْن مَطْبَعَه لَر »
« اِچُوب لِسَان مَمْلَكَت اَوْزَرَه بَعْض كِتَب وَغَزْتَه طَبِیع وَنَشْر »
« اَیْمَكْدَه بُونَدَقْلَرِی اَسْتِخْبَار قَلْنَمَشْدَر مَعْلُوم دُوسْتَانَه لَرِی »
« اُولَدِیْنِی اَوْزَرَه صَنْعَت طَبَاعَت تِجَارَت سَأْرَه یَه مَقِیْس اُولُیُوب »
« اُولِیْلَه بِلَا رَخَصَت طَبْعَخَانَه اِچْلَمْسِی و دُرُونَنْدَه كِتَابْلَر وَغَزْتَه لَر »
« بَا صِیْلُوب نَشْر اُولْنَمْسِی نِظَامَات مَرْعِیَّه دَوْلَت عَلِیْه یَه طُوقْنُور »
« و بَرُوجْهَلَه تَجْوِیْز اُولْنَه مَزْمَادَه لَر دَن اُولْمِسیْلَه بَعْدَ اَزِیْن بُو صَنْعَتْلَه »
« مَشْغُول اُولْمُق اَسْتِیَان اُولُور اَیْسَه اُول اَمْرَدَه حَكُومَت بِلْدَه یَه »
« مَرَا جَعَت اَیْدَرَك اَدِیَانَه و دَوَاتَه طُوقْنُور بَرِشِی طَبِیع اَیْتِمِیَه جَكْنَه »
« تَأْمِیْن بَرْلَه رَخَصَت اُولْمَدَقْجَه مَطْبَعَه یَا پِمَامْسِی وَ طَبِیع اَیْدَه جَكِی »
« كِتَابْلَرَك بَا صِلْمَسْنَدَن اُول نَسْخَه سِی وَا لِیْ مَمْلَكَتَه اَرَا ئَه بَرْلَه »
« تَجْوِیْز اَوْنُور اَیْسَه بَا صِیْلُوب نَشْر اُولْمْسِی و بُو طَرَفَنَدَن رَخَصَت »
« مَخْصُوصَه اُولْمَدَقْجَه غَزْتَه طَبِیع اُولْنَمَامْسِی مَخْصُوصَنَك لَازِم كَلَا نَلَرَه »
« قَطْعِیَا اَشْعَارِیْنَه هَمَّت دُوسْتَانَه لَرِی مَصْرُوف اُولْمِی مَلْتَمَسْدَر »
مَنْدَرَجَاتِی مَضَر عَدَا یْلَه خَارْجِدَن اَرْسَال اُولُونَان بَعْض رَسَالَه

کبی اوراق مطبوعه نك منع دخولى قاعده قديمه دن اولوب، حتى
أجنبي پوسته خانه لرى، حكومتك مراجعتى اوزرينه بوكي اوراقى
توقيف آتديرمكده ايدى .

سلطان عبدالمجيد خان زمان ساطنتده بوقاعده مرعى ايدى .
خاقان مشار اليهك غز تهر حقنده برفكر مخصوصى وارايدى :
سلطنت سنيه سفيرلرندن برى ، آوروپاده آرهلق آرهلق دولت
عليه عليهنده درج ونشر اولونمقده اولان اكاذيب و اراجيفى،
ايجاب آتدكجه، تكذيب آتديرمك اوزره بعض غز تهرلك- امثالى كى-
جلب وتلطيفى مطالعه سنده بولونماسيله، جناب پادشاه : « بعض
« غز تهرلك جلب وتلطيفى، ديكر بعضلرينك سنيه بعض شيلريازره بيله-
« جكلرينه نظراً پك دداوقدر فائدهلى كورمه يورم. حالبوكه ممالك
« محروسه مده اجرا والتزام اولونمقده اولان معدلات وحقانيت،
« اوکي اراجيف واکاذيبى بالطبع جرح وتكذيب آيله يه جکدر. »
مطالعه شاهانه سيله مقابله بويورمشلردر .

شومطالعه ، اجراى حق وعدل كى صاف وعلوى برعزم
وجزم محصولى اولديغنه كورده ، حقيقه بالوجوه پادشاهانه در .

بونك اوزرينه اوزمان باب عاليجه جلب وتلطيف پوايتقه سى
قبول وترويج اولونماش ؛ بعضاً، نشریات راستكويانه قيد وشرطيلاه،
آبونمان آلتقلاه اکتفا قيلنمشدر .

بويوك رشيد پاشا مرحومده ، صادر اولان سؤال اوزرينه :
« واقعا بعض ماده مخصوصه اوزرينه، نيات خيريه سلطنت
« سنيه حقيقتى وجهله معلوم ومنتشر اولمق ايچون، اقتضا »

« ايتدجكه مناسب غزتهلره (آرتيقليلر) يازديرلمسندە باس »
 « كورنمز ايسەدە بويلا مجلوبيتلا يازيله جق شيلرك فائده »
 « صحيحهسى اوله ميه جغه وفي الحقيقه بوتون غزتهلرك كذب »
 « لسانى طوتمق قابل وايچلرندن برقاچينك تلطيفي ديكرلرينك »
 « يازە جنى شيلره حائل اوله ميه جغه » قائل بولونديغنى بيان
 آيله مشدر .

*
 * *

بروثيقه رسميه دن آكلا شيلديغنه كورده، عهد مجيديده « مضر
 كتب ورسائلك صندوقله كلدكلرى حالده اول امرده كومروكه
 تسليم اولنوب باب عاليدين مخصوصاً مأمور اولان آدم واسطه سيلاه
 معايينه ايتديرلمسى » اصولدن ايدي . ابتدالى بو مأمورك
 صدراعظم ترجمانى اولماسى اغلب احتمالدر . مع هذا يونان فترتى
 اوزرينه، فناريلردن حاصل اولان اعتمادسزلقلايه برابر، باب على
 ترجمه او طهسى دخی تأسس آتمش بولونديغندن بالآخره سانسور
 وظيفه سنك او قلم مأمورلرندن برينه حواله آديش اولماسى
 لازم كليز .



ويانه قونقه رانسلى

بويوك رشيد پاشا - عالى پاشا - عارف افندى - رضا بك
لورد ايستراتفورد - قونت به نه ده تقي

اون دو قوزنجى عصرىك اواسىندى ايدى، كه ايكي بويوك دولت،
ياخود، ايكي شهرتلى حكمدار، مطلق العنان اولارق، آوروپاده
بويوك بر رول اويناغه صاواشييور ايدى. هر برى - كندى
زمنجه - بر حقه استناد اديوردى. حقيقتده ايسه، حسب انبشريه
سلفدن خلفه انتقال ادن بر طاقم آمال واحتراساته پيرو اولوب
كيديور ايدى. ديپلوماسى لساننده، تراديسيون پوليتيقي دينيلن
بر مرض واردر، كه هر دولتك تاسسييله برابر نشوونمايه باشلار؛
يوكا آره صيرا بعض امراض خصوصيه ده انضمام ادر. ايسته
آمال واحتراسات ديديكمز شيلر، بو هيات مهيه امراض ايدى!
انسانلر نه عجاييدر: حقسزلى اعتراف ادهجك قهرمان
هيچ يوق كيدر. باخصوص: طالع ياور اولورده، بعض آمال
وتشبات قوه دن فعلده چقيويرر ايسه.. آرتق نفس متكلم
وحده اولمق، «بلاتراع وفزع» حق مشروع كي صايلير كيدر.
بشرىت، اويله نقايص ايله مالا مالدر، كه تربيه اوليه - تعبير
آخرله - حيات ابتدائه، احتراصات و اباطيل بتييره جاك صورتده
اولمازسه، آتيا ظهور ادهجك نتيجه لر ظفرده اولسه، هدرده

اولسه ینه فلاکتدر ، ینه فلاکت : باری بوفلاکت ، مربی
اخلاف امت اولاً بیلسه .. هیئات !

أوت ! او عصرک أواسطنده ایدی، که چار برنجی نیقولا
ایله اوچنچی ناپولیون بوتون آوروپایی هرج مرج آده بیله جک
احتراسات ایله فرمان فرما اولمق ایسته مشلدردر . هرایکسی ده
هزیمت مطلقهیه دوچار اولمشدر .

چارنیقولا ، ولی عهد دکل ایکن ، قارداشک مقام حکومتدن
استکافی و بونده شدت اصراری اوزرینه ، روسیا ایمراطوری
اولمش ایدی . تصادف آلمه باقیگیز، که بوتون روسیالرک چاری
موقعنه کچوب اوتورمغه وقت قالمادی .

أول باؤل، اوزمانه کوره، پک یگی فکر لرله متشبث برطاقم
جمعیتلری پریشان آتمک ، برچوق صیزیلتیلری .. ایکیلتیلری
باصدیرمق لازم کلدی . اوراده ده، هر یرده أمثالی کورولدیکی
کبی، اولاجق اولدی . لکن انسانلرایچون نه بدبختلق ! من القدیم،
حکم زمان دیدیکمز کابوس حق ونصفت ، ماهیتی انسانلق

حقوق مقدسه سنی جاسپاراننه مدافعه دن عبارت اولان مشروع
بر فکر و دعوائی، عالم انسانیه قارشى، بویوک برجنایت درجه سنده
کوسترمک غریبه سندن هیچ بروقت قورتولما مشدر . ینه او یله
اولدی . یوز میلیونلرجه عجزه مخلوقک، حضرت عیسی کواکسی
دیهه طایفه جنی یکی بر حکمداری هنوز کورمه مش و طانیامش
اولدینی برصیراده بیه ، اصل و اساسی ظلم و استبدادی رفع
أملندن عبارت اولان برمسأله ده استقبالی .. تاریخی دوشونمک

کیمسه به نصیب اولمایور . بر معما ، که آنجا حق زمان حل آدد .
بیایور !

غریبدر ، که بویله احوال مؤسسه نتیجه سنده ، ینته ارشاد
وانتباد حاصل دکل . مثلاً : هر سوزنی ، یوز میلیونلرجه مخلوقه
انفاذ ظن و ذهابیله بختیار اولان بر حکمدار ، چر وناچار ،
بیاهرک یا خود بیلمه یه رک ، موقع علوی مغنویسندن روشیوریریور .
اغریبدر ، که فرتوت زمان بویله فجایی یوتار ؛ عوام ایچون
اورتاده بردهشت یا خود غلبه نامنه بر خیالت قالیر طورور
و بوکا ظفر دینیر ؟

چار نیقولا ، بو ظهوراته آپ آنسزین - حتی بیلمه یه رک -
معروض اولمش قلمش ایدی . نزیب هزیمت عثمانیه سی ایله ماجار
اختلالی ایسه . کندیسنه . تصادفاً ، بوتون آوروپائی دوشوندره بیاهرک
درجه ده مهم بررول اوینامق ایچون ، ایکی امداد مادی و مغنوی
دیمک ایدی . برنجیسنده روسیا ، آلتی یوز سنه لک بر دولتی
وصایتنه آلمش کبی ایدی . ایکنجیسنده حدود بوینده کی
کنج بر حکمداره تاج و تختی ویرمش قدر اولدی . برنجیسنده :
برهیکل استبداد ، ایکنجیسنده : بر آبدۀ امید و امداد تأسس
آیله دی ، ظنی حصوله کلدی . نقطه هر ایکی سنده ده اساس
چورونک : تمسزینا ، مطقا ، آریا کج ییقیلیر . اوایله اولدی :
ایکی سی ده ییقیلدی ، کتیدی . اما بو حقیقتلری یالانگز تاریخ
یازدی ؛ یالانگز زمان ادرانک و تقدیر آده بیلدی . یوقسه او وقتلر :
بر خنکار ایسکله سی معاهده سی ، قوجه عثمانی دولتی روسیانک
قویروغنه باغلامش ؛ ماجار اختلالنک تسکینی ده کوزل ، مطیع

بر نمسه مه ترمسی قازانديرمش عد اولونور ایدی ...

ناپولیون، خارقه لمبتلاسی ایدی . دوشونور.. دوشونور ..
مطلقا عمجه سنك تماشلی اولمق ایستهر ایدی . بر آره لق محبوس
اولدینی هام قلعه سندن فراری ، رئیس جمهور اتخانی ، ملت
وکیللرینك آللرینی آیاقلرینی باغلایه رق ایمپراطور اولیورمه سی
او زمانه مخصوص حالاتك آنه غرب نقطه لر ننددر، دینلیسه خطا
آدیش اولماز . «ایمپراطور لق ، صلح عالمدر !» نطق ايله
عمجه سنك اقوام یاخود قومیت پولیتیکه سنی تعقیبه میلانی ،
او زمانه عاڈ پك چوق مجهولاتی حل آده بيله جك ماهیتی حائر در .
ایشته چار نیقولانك « شرقی و وسطی آوروپا دیمك ، بن
دیمك ! » دعوا سنده کندنن هیچ شبهه سی اولمادینی ، اوچنجی
ناپولیونك - عمجه سی کی - آوروپایی آووجنه آلمق امل
وخیالنده مانع بولمادینی او اون دو قوزنجی عصر ك اواسطنده
ایدی، که قدس شریفده، اورتودوقسلرله قاتولیکلر ك کلیسا ایچنده
وقوعه کتیردکبری قانديل ، آناختاز کی شیمدی بو زمانه
پك ده اهمیتی آکلاشیلامایاجق[؟] نزاع وفساد بهانه لری اوزرینه ،
استانبولده روسیا و فرانسه سفارتلری قیزدجه قیزشمشله ؛
باب عالی نی صیقدجه صیقمشله واقبت بیک دورلو مراجعات
و تشبثات - آچیق سویله یلم : - پك غریب مواعد و تهدیدات
ایله هر ایکی طرف ده آمانه موافق فرمانلر ، امر عالیله
قوپارمشلردر . لکن روسیا چاری - فرانسه دن پك زیاده -
قدرت و نفوذینه کووه ندیکندن ، برسوزینك ایکی آدیله جچی ،
یاخود، اویله ظن آبله دیکی بر مملکتده فرانسه پولیتیکه سنك

— ولو که جزو لایحزی درجه سنده اولسون — روس پولیتیکه سنه رقیب چکینه سی، بویه بوی اوچوشیلدیکی بر زمانده، بالطبع چار نیقولانک عزت نفسنه دوقونمق لازم کلیرایدی. ناپولیون، بونک آلتنده قالمز ایدی. نه چاره که فرانسه، عین سلاخی کندی کندیلکندن، یالکز باشه قوللانماز ایدی. حال بوکه چار نیقولا، کیمسه یه دانیشه جق دکل ایدی. دها دوغروسی. کیمسه یه صورمغه تنزل آتمز ایدی. ناصل که مسأله معلومه ده، تورکیانک روسیا آمانه موافق صورتده حرکت آتمه دیکنی کورور کورمز، مشهور پرنس منچیقوفی سفارت فوق العاده ایله استانبوله کونده ری ویردی. آوروپای هیچه صایدیغنی بلا پروا اعلان اتدی. منچیقوف، استانبوله ایله برعزم و جزم ایله کلش ایدی، که (آرق روسیا دیله دیکنی یاپدیره جق) ظن و قیاس أدنلر پک چوق ایدی. په ترسبورغدن حرکته : « نیچون استانبوله کیدیورسیٹ ؟ » سوائتی ایراد أدلره، اکتساب صهریت صورتنده مناسبتسز بر جواب ویرمکدن چکینه یین بوطوپال پرنس، باب عالی نی زیارتنده یالکز صدر اعظمی کوردی؛ فرانسی طرفداری عدالتدیکی خارجییه ناظری فوآد افندینک، دائره سی اوگندن کچدیگی حانده، اوطه سنه کیرمه دی. فوآد أفندی طبیعی بیهوده بکله مش اولدی. منچیقوف جنابلری ایسه، بونکله اکتفا آتمه دی. بالعکس بویه برحیله کار ناظرله ملاقات آده مه یه جکنی اعلان واشاعه بیه آتدیردی. بونک اوزرینه پک متأثر اولان فوآد أفندی، درحال نظارتدن استعفا آتدی. یرینه رفعت پاشا تعیین اولوندی.

منچيقوفك، ظاهر حالده، مأموریتی، قدس شریف مسأله سندن عبارت ظن اولونیوردی؛ کنديسندن سوال آدن سفرایه بيله بویولده جواب ویریور ایدی. وقتا که انکلتره سفیری لورد «ایستراتفور دوردقلیف»، فرانسه سفیری دولاقور ايله منچيقوفك آردسنه کیرهك مسأله مذکور دن متحدث اختلاف مبدا ائتلاف اولدی. منچيقوف ایاق سورومکه؛ مهاتملره، اولتیماتوملره باب عالی یی تضییق اتمکه؛ یگی یگی تکلیفات درمیان ایلیمکه باشلادی. باب عالی، بر آردلق، منچيقوفك بوتکلیفات وتشبثاتی طاعتی سوز، کولریوزله صاومق ایستهدی ددول سائر سفراسنی تماماً خبردار اتمهدی ایسه ده بالاخره آرتق ایش علنیته دوشدی. اول وقته قدر سیرجیلك آدن دیپلوماتلر، بورالینی آکلایجه تلاشه باشلادیلر. فرانسه رانکلتره مصلحتکندارلرینک، منچيقوفك آمال وتشبثات خفیه سی حقنده، حکومات متبوعه لرینه اولجه ویرمش اولدقلری خبرلر، قابینه لری خواب غفلتدن اویندیردی. بر طرفدن ده باب عالی، آرتق معروض اولدینی مالایطاق تکلیفلری قطعاً رد ائدی وبونک اوزرینه منچيقوف چکیلدی کیتدی. متعاقباً اورتایه روسیه خارجیه ناظری نه سه لرود آتیلدی، بر اولتیماتوم کوندردی. منچيقوف، جواب آلمادن کیتمش ایدی. نه سه لرود ایسه، آلدینی جوابه حرکت عسکریه ايله مقابله ده بولوندی. ذاتاً ۱۸۴۱ معاهده سنده، دول خصمه، تمامی ملکیت عثمانیه یی ضامن ومتعاهد اولدینندن آرتدقجه آرتان — تعبیر آخرله — اکیسلیمک بیلیمین مشکلاته قارشى برچاره تسویه آرامق، دول غربیه ایچون، پاك طیبی ایدی. لکن روسیانک،

دولت عليه دن كويا آلا چقلى اولدينى حقوق استيفا اتمك ايچون، افلاق بوغدانه عسكر سوقنده تردديه كوسترمه مى، باياغى هر كسى شاشيرتدى . ديپلوماسى بوتون بوتون شاشه قالدى . فرانسه و انكلتره، پك احتياطلى حركت ادرلردى . حتى دينيه بيلير، كه : بوايكي حكومت ديپلوماتلرى، نزاكتى، روسيائى ايحيتمه مك، كو خنديرمه مك كې غرب اعتالره قدر چيقارديلردى . ۱۸۵۳ حزيناننده اوستريايه مراجعت اديلر : « برقونفهرانس انعقاد اُتسين . شوظلله لر اورتادن چيقسين ! » ديه رجاده بولونديلر . لكن يانغين هنوز صاچاغه صارمامش ايدى . روس عسكرى مملكتينه هنوز كيرمه مشيدى . سينوبده عثمانى دونانماسى هنوز يا قيلماش ايدى . دورت بيك عثمانى فدايىسى، هنوز قاره دكيزك قانلى امواجنه قاريشوب قربان اولمامش ايدى . اوستريا ديپلوماتلرى، روسيابه قارشى، هنوز بارمنت آلتنده ايديلر . بونك ايچون، دول غريبه تكليفه مقابل، تردد كوسترديلر : « روسلرك عزت نفسنه دو قونور » و اهمه سيله ايسته نيلن تشبثى تاخير وتبليق ايله ديلر . صوكرالرى مجبور اولديلر . نمسه يه مخصوص اولان سياست ترديد و ترددى نوعما بير اقديلر . روسيانك هر دورلو حركت عسكرى، سندن، اوستريانك، دولت عليه قدر متأثر اولاجغنى آكلاديلر . تلاش و مسارعت كوسترديلر . قونفهرانسه پك قولاي ياتديلر . برطرفدن طوپ توفك پاناليور، برطرفدن ده نوتالر ترتيب و توسطلر تكليف اديليوردى . الحاصل، ۱۸۵۴ سنه سنده برچوق داها اوغراشيلدى . لكن بونجه اقدام، بونجه مساعى ثمره بخش اولمادى . مع مافيه آتى نك حاضر لادينى

فلاکتلر، آرتق پك آشكار كوروتككده اولديغندن ، ۱۸۵۵ ده تكرار تشبثات باشلادی . بونك اوزرينه ، اساسی تشكيل اذن مواد اربعه حقتنده مذاكرات اجرا و مقررات اتخاذا تمك ايچون ، ويانهده ، قونفهرانسك يكيدين انعقادى تحت قراره آلتدى .

۱۸۵۴ ده كى قونفهرانس ، اوستريا خارجيه ناظرينك تحت رياستنده ، فرانسه ، انگلتره و پروسيا دولتارينك ويانه سفيرلرندن مركب ايدى . ۱۸۵۵ ده ، دول غريبه ، خارجيه ناظرلرينى مرخص كوندردى . فرانسه خارجيه ناظرى دروئين دولوئيس . انگلتره خارجيه ناظرى لورد جون روسل بالذات ويانه يه كلديلر . طرف دولت عليه دنده ، خارجيه ناظرى على پاشانك تعيين واعزامى لازم كليد ايدى . او ائنانده ، بويوك رشيد پاشا صدر اعظم ايدى . ينه او ائنانده ، فرانسه نك در سعادت سفارتى مصلحت كذار اخنده بولونان قونت بنه ددتى ، على پاشانك بو ويانه مأموريتى كندى تشبثات مخصوصه سى نتيجه سى كې كوستر مشدر . حال بوكه دعوى بلا دليل قيلندن عداولونان شوديپلومات ائاده سى ، بعض تبعات مجبوريت مس ائديردى :

فرانسزلر ، على پاشايى بنمسه مك ايسته رلر ايدى . انگلتره ، رشيد پاشايى التزام ائديكى كې . ديپلوماسيده ، شخصك اهميتى ، بونك ايچون ، نظر دقت واعتباره آلتير . بناءً عليه فرانسه مصلحت كذارينك ، على پاشا حقتنده سويله يه جكي سوزلرى ، كال دقتله محاكمه اتمك طيعيدر . خصوصيله بنه ددتى ، على پاشا ايچون هر دورلو اوصاف ومزياتى آز كورور ايكن ، رشيد پاشايى مؤاخذه ايچون آجى آجى سوبلنمكدن صاقينامشدر .

به نهد تی دیورکه : « استانبولده ایکنجی درجه دهه »
 « ایشلرله اشتغال اولوندیغی برصیراده ، دولتر ، برسنه مقدم »
 « (۱۸۵۴) بیهوده یرد اجتماع آتمش اولان قونفدرانسک »
 « یکیدن انقادی ایله اساس صالح مذاکراتنه تشبث ایله دیلر . لورد »
 « ایستراتفورده ، حکومتک فکر و مسلکته رغماً ، تشبث »
 « واقعدن خشنود اولمادیغی آچیقدن آچیغه کوسته ریوردی . »
 « باب عالی ، دول متفقہ نك اصراری اوزرینه ، آوستریا عسکرینک »
 « مملکتینه کچمه سی ایچون بر مقاوله عقدینه راضی اولمش »
 « ایدی . فقط آوستریانک حرکات و نیاتنه قارشى اُنْدیشناک »
 « بر حانده ایدی . زاناً لورد ایستراتفورده نمسهدن »
 « آمین دگل ایدی . بوندن باشقه منافع مهمه عثمانیه ، »
 « سلطنت سنیه مطالباتک بحق مدافعه سی اَسْبابی تأمین »
 « ایچون ، باب عالیجه ، ویاندهده ، مزیت فوق العاده ایله ممتاز »
 « بر مأمور بولوندرلماسنی ایجاب اُدیور ایدی . حال بوکه »
 « ابتدای مذاکراتدن — داهادوغروسی — ظهور مشکلاتدن »
 « بری ، باب عالی ، ویاندهده کرک رفقای مسلکیله ، کرک نزدند »
 « مأمور اولدیغی دولت و کلاسیله — بر ترجمانث دلائل و معاوتی »
 « اولمقسزین — تعاظی افکار اُدمه یین و هیچ براسان اُجنبییه »
 « واقف اولمایان عارف اُفندی نامنده ایکنجی درجه دهه بر »
 « مأموری ، سفیر صفیله ، بولوندریور ایدی . غریبدر ، که »
 « زمانک الجآت مبرمه سهر رغماً ، باب عالی ، صوْک قرارلرینه »
 « استانبولده اتحاد اولونا جغه دائر انکلتزه سفیرینک فکرینه »
 « ذاهب اولارق ، عارف اُفندی ویاندهده طوتیور ایدی . ویاندهده »

« ايكنىچى (۱۸۵۵) دفعه بر قونفهرانس عقدينى قرار لاشديران »
 « پارس و لوندرا قابينه لرى ايسه ، دولت عليه نك ، مذكور »
 « قونفهرانسه ، موضوع بحث اديله جك مسائل حقنده ، »
 « صلاحيت كامله ايله اجرأى مذاكرات اديله جك و عارف »
 « افندى كى ، كنديسنه واقع اولاجق تبايغاتى ساده جه استيدانه »
 « تعليقاً تلقى ايله اكتفأ ايله مهيه جك ، بر ذات بولونديرماسى »
 « فكنرنده ايديلر . بناءً عليه اوصاف مشروحيه ي حائز بر »
 « مرخص اتخاى ايچون ، باب على نرندنه اصرار آتمك اوزره ، »
 « پارسدن امر آلم . پارس ايله لوندرا آرهنده حاصل اولان »
 « استلافه استانبولده دى دوام اولونا بيله جكى و انكلتره »
 « سفيرينك تشبأتمه اشتراك اده جكى ظن واعتقادنده بولوندم . »
 « لورد ايستراتفورد ، بو بابده كنديسنه هيچ بر تعليمات كلمه ديكي »
 « بهانه سيله ، تشبث واقعدن اجتناب آتمه ي موافق كوردى . »
 « عجباً وقت قازانمقله حكومت متبوعه سنك مقررات ومسلكنى »
 « دكشديرمك مى ايسته يورايدى ؟ بن بويله حس آتدم و يالكز جه »
 « تشبث و مراجعه قراز ويردم : شايد باب على ، اخطارات »
 « واقعه ي نظر اعتباره آلامز ايسه ، عارف افندينك قونفهرانسه »
 « حضورى ، بالضروره ، نامحل قالاچنى اركان دولته سويله دم »
 « و او خالد دولترك — دولت عليه اشتراك آتمكسزين — »
 « اجرأى مذاكرات ايله يه جكنى ده آكلا تدم . قونفهرانس ، »
 « ايلك اجتماعى عقد اذوبده ، انكلتره سفيرى ينه مصرانه »
 « طالدينى سكوتده بردوام اولماسى اوزرينه ، باب على اخطار — »

« اتمك بى اساس اولمايغىنى آكلامش وَ خارجيه ناظرى على »
 « پاشاي ويانه مخصاخنه تيمين ايله مشدر . »

*
 * *

« معلومدر، كه بوقونفهرانسه خارجيه ناظرلرينك حاضر »
 « بولونماسى ده حصول اتلافه خادم اولمادى . قاره دكيزك »
 « بى طرفلى مسأله سنده روسيا مخالفت كوستردى . مذاكرات »
 « تكرار منقطع اولدى . بونك اوزرينه آوستريا، قونفهرانس »
 « اجتماعلى بيمه دن ، تام روسيانك آماننه موافق يكي بر »
 « تكليف درميان آتدى . دولترجه رد اولونماسى طيبي اولان »
 « ويالكز روسيا منفعتنه موافق بولونان بوتكليف ، نيمسه »
 « حقنده كي شبهه لرى مؤيد اولديغندن ، لورد ايستراتفوردد : »
 « [كوريورسيگنيزيا ! تخمينلرم دوغرو چيقيور . آوستريا ، »
 « دشمنه التحاق آدييور .] ديمشدر . »

فرانسه مصلحت كذارى ، لورد ايستراتفوردد هر خاندن
 مشتكى ايدى . بوكا دائر (رده و دده و موند) رساله مشهوره سنه
 وقتيله يازمش اولدينى مفصل و مهم برمقاله او قونورسه ، لورد
 ايستراتفوردد . خطا و قصورلرندن زياده ، اوصاف و مزايى
 مخصوصه سى - ترجمان حقايق اولان براسان استرقاب ايله -
 اعتراف آديش اولدينى آشكار اولور . بونكه برابر شوقونفهرانس
 مسأله سنده به نه دده تى نك افاداتى بعض شبهه لرى اويانديرمقدن ده
 خالى قالاماز .

چار و ناپوليون كى ، بويوك رشيد پاشا ايله لورد ايستراتفوردد
 دخى ، ديپلوماسى عالمده پارلاق بررول اوينامش اومى ايسه .

قطعا اشتباه آتمه ملیدر و بو امل و آرزو ایله و یانه نك دكل ،
استانبولك مركز مذاكرات و محور سیاسیات اتحاد اديله سنی
ایسته مه لری ده پك اعلا خاطر لرله كله بیلیر. رشید پاشا، برداهی
سیاسی ایدی. ایستراتفور دده حقیقهً بویوك بر دیپلومات ایدی.
بناءً علیه او یله بر فیکرو آرزوده بولونم لری پك معقول کورولور.
حتی بویله اولماسی شایان تمنی ایدی، دینیه بیایر. فقط مادهً بویله
بر تشبث کورونمه یور. واضح بر دلیل یوق. بو حقیقت ، عادتاً
شبهه درجه سنده . یالکیز شو قدر وار، که عالی پاشانك، و یانه ده،
قوتفه راننده مشغول اولدینی بر زمانده تبدل صدارت وقوعی،
پك ده تصادفات حسنه قیلمدن عد اديله جك کبی کورونمه یور.
رشید پاشا ، حسن نتیجه یه ایصال وظیفهً مقدسه سیله مکلف
بولوندینی ایشارک چوقلغندن یورولمش؛ او یله مشکل بر زمانده،
عفوخی استرحام آتمش... بونك اوزرینه، ذات شاهانه، عالی پاشایی
صدراعظم نصب و عینی خط هما یونله رشید پاشایی ده، عالی پاشانك
یرینه مرخص تعیین ا دیور مش... ایسته بورالری بر آرز قوشقو-
لان دیر یور. عجباً به نه ده تئ نك دیدیکی بوس بوتون حقیقت می؟
سؤالنی اخطار ا دیور. احتمال، که فرانسه نك باب عالی نی صیتیشدیر-
ماسی ده، عالی پاشانك سفارته بر ایماسی اوزرینه، واقع اولمشدر. چونکه
دول غربیه ، خارجیه ناظرلرینی مرخص انتخاب واعزام ا دیجه،
عالی پاشانك مرخص کیتمك ایسته مه سی- حتی کیتمه سی قدر- پك
طبیعی ، پك معقول و مشروع بر آرزو ایدی . قالدی ، که رشید
پاشانك بو خصوصده تانی کوسترمه سی ده عالی پاشایی بر آرز مغیر
آتمش اولابیلیر و شو تقدیرده فرانسه سفارتنه غایت محرمانه

شکایتده بولونمش اولماسی احتمالی بعید کورونمز . مرحالده انکلتره ایلچیسینک تعلیمات آلمادیغی بیان ایله باب عالی نزدنده تشبیه اشتراك ائمه مه سی، انکلتره پولتیقه سنی تردد آلتده بیراقه جق بر دلیل دکلدر . انکلتره ، باب عالی یه اجرای وصایادن قطعاً کیری طور مامشدر . آنجاق بو وصایای ، لورد ایستراتفور دکل ، لوندرا عثمانلی سفیری معرفتیه و مؤکد صورتده اجرا ائمشدر . اولسه اولسه، لورد ایستراتفور دکل ، بو مسأله ده برفکر مخالف بیان ائمش ؛ بونک اوزرینه لوندرا قابینه سی ده کنبدی معند سفیرینی طاریلتماق ایچون دوغرودن دوغرویه ، بزم لوندرا سفیرینی صیقیشدیرمشدر . لیکن بوده برفرضیه دن عبارت . قونت به نه ددت قی نک ذهابی تأیید اده جک دلیل قطعی یوق . وثایق موجودیه نظرأ ، آوستریا خارجییه ناظری قونت بول ، کنون نانی ۱۸۵۵ آواسطنده ، در سعادت سفارتی واسطه سیله ، باب عالی یه اجرا ائدیکی تبلیناتده : « مواد اربعه اوزرینه اتاده صالح و آسایش ایچون پرنس غورچاقوف مذاکره مآذون اولدی . فرانسه و انکلتره سفیر لریله بر لیکده اجتماع اولوندی . بونک اوزرینه مشارالیه ما مذاکرات صلحیه یه کیریشمک ایچون دوات متبوعه لرندن مآذونیت طلب ائدیله . بناء علیه عارف ائفندی یه سریعأ رخصتنامه و تعلیمات کوندراک . یاخود . مناسب کورولدیکی تقدیرده باشقه بر مرخص کوندراک » دیمشدر .

انکلتره سفیری ایستراتفور دکل : « ویانه ده جریان اذن احواله دائر دولتدن تحریرات آلمش ایسه ده ، دولت علیه سفیرینک اوراده اجتماع ایدن مجلسده حاضر بولمق اوزره کندیسنه مآهوریت

ارسالنی دولت علیه تبلیغ ایتیمی » حقنده صراحت اولمادیقندن
 بوبابده شیمدیلک برشی دیمیه میه جکنی بیان اتمشدر . فقط لورد
 جنابلرینک بوجواب احتیاطکاریسی ، باب عالیجه باعث تردد اولما مشدر .
 چونکدا خطرات واقعه اوزرینه ویانه عثمانلی سفیرینک انتماد اده جات
 مجلسده حاضر بولونماسی ، ذاتاً اوراده طویلامش اولان سفر ایننده
 متخذ برقرار ایله باب عالی یه بیلدیرمیشیدی بونلر میاننده انکلترونک
 ویانه سفیری داخل ایدی . لورد ایستراتفور دك افاداتی ده
 لوندرادن تعلیمات صریحه آلامش بولونماسندن عبارت ایدی .
 بونک ایچون دو اتلرک تکلیف واقعه موافقتده محل تردد یوق
 ایدی . یالکنز او اثناده روسیانک ویانه سفیری اولان پرنس
 غورچاقوفک تبایغاتی پکده امنیت بخش اولامایور ایدی .
 روسیانک تکالیف معلومه یی تماماً قبولی ، دو اتلرجه عادتاً محال
 عد اولونیور ایدی . متعاقباً روسیانک موافقتی ده تبایغ اولوندی .
 باب عالی ینه ترددنده بردوام : « مکالمات صلحیه یه شروع
 اولنه جنی وقت تعلیمات مفصله ایله مأمور مخصوص دخی کوندرلک
 لازم کله جکی » قیدیه [شمدیلک مباحثاته کیرشمیه رک فقط
 مذاکرات واقعه یی دکله مک وبوظرفه اشعار ایلک اوزره عارف
 افدینک ویانه ده عقد اولنه جق مجلسه داخل اولسنه] رخصت
 ویردی . شوقید مخصوص ، ایلریده ویانه یه برمرخص اعزام
 ادیله جکنی کوسته ریور ایدی . صراحته قازشی ، ظن وشبهه
 نایمجلدر . بونده جالب دقت جهت ، باب عالی نک مرخص مخصوص
 اعزامنی صلح مذاکرات قطعیه سنه تعلیق اتمه سی ایدی . بوده
 مواد اربعه نک ، دول غریبه نک تعیین وتفسیر اندیکی صورتده

روسیا طرفدن قبول ادیله جکنه، قطعاً احتمال ویرایله مه مسندن نشأت ادیوردی. بونقطه ده، انکلتره قاینه سنک رآی و فکری ده او یله ایدی. یعنی، ایکنجی قونفرانس مذاکراتنک صلح ایله نتیجه نه جکنه نه لوندر قاینه سی، نه لورد ایستراتفور دقانع دکل ایدی. فرانسه قاینه سنه کلنجه: فرانسه خارجیه ناظری، ویانه یه کلوب ده، ایلت حاضر بولوندیغی اجتماع ده، روسیانک موافقت کامله مسندن بحث ادیله جکه. بونک خلاف مأمول بر حسن نتیجه اولدیغی اعتراف ادیور میشیدی، که بوده فرانسه نکل انکلتره ایله هم افکار بولوندیغی تأیید ایدر. رشید پاشا، بورالزینه واقف اولدیغدن تائی ادیور ایدی و بوتائی نتیجه سیدر، که قیود معینه ایله عارف آغندی نی ترخیصه قرار ویرلشیدی. حال بوکه لوندر قاینه سی، بوقونفرانسه دخی برایش کورولده مه یه جکنی قویاً ییلدیکی حالده، تشبثات صلحیه ده متردد کورونمه مک ایچون، هر دولندن اول خارجیه ناظری ویانه یه کوندرمش ایدی. قونت به نه ددت نکل دیلنه دولادینی عارف آغندی بحثی، سزای دتدر. بوذاتک درایت و اهلیتی مخابراتنک تدقیقه ثابت اولور. ویانه یه عزیمتدن اول مجلس والا اعضا مسندن ایدی. لسان آشنا دکل ایدی؛ دیگر مرخصلرله دوغرو دن دوغرو یه تعاطی فکر ومذاکره دن عاجز و دائماً برترجاناتک وجودینه منتظر ایدی. بو حال. مرخص اولمایان بر شخصک قونفرانسه حضورینی استلزام و جریان مذاکره ده بیک دورلو تأخرات و مشکلات التزام اتمک دیلمت ایدی، که طبیعی بونی کیمسه تجویز اده مز ایدی. حکومتی، برمسأله ده نیچون بیطرف طور دیغی آکلاتمق

ایچون ، برآدهلق لوندرایه برمرخص کوندرمشیدی . بوذات ، معالتأسف ائی لسان بیلمه دیکندن ، انکلتره خارجیه ناظری او حکومته تعریضاً دیمش ، که : « تعریف اولونامایه جق برشیئی تعریف ایچون ، بکا ، تعریفه مقتدر اولمایان برآدم کوندردیله ! » دیپلوماسیده بویله تعریض وتلمیه حلدن قورتولمق پک قولای دکلدر .

علی العموم حکومتلر ، بوکبی انتخابات و اجرا آتده اکثریا بدبخت اولویور . چونکه اکثریا ایشلره اهلانی آرامیورلر . بالعکس ، کندی آدملرینه ایش آرامق یاخود بولمق شائبه سندن قورتولامیورلر . خصوصاً که دولتک رشید پاشا ، عالی پاشا ، فوآد أفندی کبی مدار افتخار اولان اعظم رجالی وار ایدی و دولتک اترینه اتباعاً خارجییه ناظرینی ترخیص ومأمور ائمک ، دیپلوماسی قواعدینک آن بسیطاری ایجابندن معدود ایدی . محاکمه بویله یورودیلنجه ، فرانسه مصلحت کذاری شکایتده هیچ حقسنز چیقمه-از ؛ لکن ایش بوندن عبارت دکلدر . به نه دت تی آلدینی امری اجرایه چالیشیر و بعض شبهات اوزرینه محاکمه سنی یوروتیر ایدی . باب عالی ایسه ، برچوق منابعدن آلدینی معلوماته بنای فکر ومعامله ادر ایدی . سفیرلردن کلن خبرلر اوقدر شبهلر او یاندر یور ایدی ، که رشید پاشا ، نه قدر تردد ائسه یری وار ایدی .

شوراجیقده بر نقطه داها وار ، که تاریخ اونی تدقیقندن کچه مهیه جکلدر . اوده رشید پاشانک نفسنه داها زیاده اعتماد ائمه سیدر . رشید پاشانک کندی نفوذ شخصیسینه کوو و نمه سی

شایان تعجب اولاماږ. البته که ذات و نفسنه مخصوص برچوق
مظاهرات بولابیلیر ایدی . شو اساس قبول ایدیلنجه ، حقوق
دولتی ، عالی پاشا قدر اولسون ، مدافعه اده جکندده شبهه قالماسی
لازم کلیر . شو حالده ده ، عالی پاشایی استخلاف اتمک ایسته مه سنی
سؤ ظنه محمول کورده مه مک طبعی دگلمیذر ؟

میدانده اولان آثار ، نظر امعاندن کچیریلنجه ، رشید پاشایی
باشقه بریاد تعظیم ایله ذکر اتمک ، هر عثمانلی ایچون ، معزز بر
وظیفه صاییلیر .

بناءً علیه مشارالیهک بوایشده دخی ، وطنه بویوک بر خدمت
ایفاستندن غیری بر املی اولمادیغی بدیهیات اولیه دندر .

شیمدی قونفهرانسی تعقیب ادهلم : عارف افندی ، بر مأموریت
— دها دوغروسی — مأذونیت معلومه ویرلمه سی اوزرینه انکلتزه
وَ اوستریا وَ فرانسه سفارتلری باب عالی به مراجعت اتمشیر ؛
سفیره یالکر مأذونیت ویرمک کفایت اتمه دیکنی ، کندیسنه
— قونفهرانسه ده علی القاعده ابراز اتمک ایچون — برده رخصتنامه
همایون کوندرمک لازم کله جکنی اخطار ایله مشردر . بورخصتنامه ،
جمادی الاولی ۲۷۱ اواخرنده ، قیود مشروحه دائره سنده اولوق
اوزرد ، تنظیم وَ عارف افندی به ارسال قیله مشدر . ینه شو تاربخده ،
ویانه مستشارلغنه رضا بک تعیین اولونمش وَ « مأمور اولدینی خدمت
اعتنا به شایان امور مهمه دن بولندیغندن سفارت سنیه معیت
مأمورلرینک اکثری حقده » اولدینی کبی ، حضور شاهانه به
قبولنه عرض دلالت ایدیشدر .

رضا بکک بو مأموریتی ، بر تصادف قییلندن اولماسه کرک .

رضابك، لسان آشنا اولديغندن وَ ويانه سفارتى ترجمانى ايسه قونفهرانسده بولونا بيله جاك بر موقع وحيثيت صاحبي اولماديغندن، باب عالي، او ائنادد، بالا ائزام رضابكي كوندرمشدر، ظن اولونور. عارف آفدينك ۱۷۰ جمادى الاولى ۱۲۷۱ تاريخلى بر مکتوبنده: « مجلس مكلمه مذاكرات و اجتماعاته هنوز باشلامدى. پروسيا دولتى، سلطنت سنيده وَ دول متفقه ايله بر كونا معاهده عقد وامضا ائتمه مش ايكن مجلس مكلمه يه داخل اولمق ادعا سنده بولنيور » ديمشدر. وَ واقعا ويانه پروتوقوللرينه عطف نظر ادينجه، ايلك قونفهرانس اجتماعلرند پروسيا سفيرينك دخى حاضر بولوندينى كورولور.

دول اربعه نك (انكلتره، فرانسه، آوستريا، پروسيا) عقد ائديكى ايلك قونفهرانس، سكينجى اجتماعده قالمش ايدى. اون دورت اجتماعده بولونمش اولان [۱۵ مارت - ۴ حزينان ۱۸۵۵ - ۲۵ ج - ۱۸۷۱] ايكنجى قونفهرانس پروتوقوللرند، پروسيا سفيري قونت (دارنيم) ك امضاسى يوقدر. ذانا آوستريا، او آر دلق، برلين پوليتيقيهنندن مشتكى ايدى.

بوايكنجى قونفهرانسه متعلق پروتوقوللر د نظراً، رسى ايلك اجتماع، ۱۷ مارت ۱۸۵۵ تاريخنده واقع اولمشدر. مع مافيه ۲۳ ج ۲۷۱ ده وَ اولجه بر ايكي اجتماع داها وقوع بولش ايدى. عارف آفدى بونلر ك صوكنجيسنه [۲۳ ج ۲۷۱] دعوت اولونمش وَ مستشار رضا بكه بر لكده كيتمشدر. حتى كنديسبه بواجتماعده، آوستريا خارجيه ناظرى قونت بول، مراد اربعه اساسيه يي جامع برورقه ويرمشدر، كه بوورقه بوندن اولكي

اجتماع کرده بالتذکر قلمه النمش ایدی. خلاصه کلام، ۱۷ مارتدن اعتباراً ضبط طو توش و عارف اُفندی ده بونلرده حاضر بولوش اولدیغنه نظراً، به نه دت تی نک بونقصه عائد افاده سسندنه تناقض وارد، صانیرم.

انکلتزه خارجیه ناظری لورد جون روسل، قونقه رانسک ابتدای اجتماعدن بری ویانه ده ایدی. فرانسه خارجیه ناظری دروین دولویس ایله عالی پاشا، آنجاق دو قوزنجی (۹ نیسان ۱۸۵۵) اجتماعده اثبات وجود اده بیلمشلردر.

فرانسه خارجیه ناظرینک نیچون کیکدیکنی، علی وجه الصیحه، بیلهمه یز. یالکیز شوراسی معلومدر که فرانسه بر صنیعه حربیه دن قورقویور ایدی. عالی پاشانک صورت تعیننی واسباب تأخرینی ایسه، دها آراشیدیرا بیلیرز.

رشید پاشا: «ویانه مکالماتی بو کونلرده کشاد اولمقی اوزرده»
 «اولدیغندن ومواداربعه معلومه اوزرینه سوبلشیله جک سوزلر»
 «مسائل عظیمه دن بولندیغندن حیثیت مسلمه سی و بوایشه»
 «مناسبت مأموریتی اولان خارجیه ناظری اهتلو دولتلو پاشا»
 «حضر تارینک مرخص مخصوص اوله رق ویانه اعزامنی وسفیر»
 «عارف افندیکن ناظر مشارالیه ک معیتده بولمسنی» ۲۸ ج ۲۷۱
 تاریخده قرارلاشیدیر مشدر. شو تاریخه باقیلیر ایسه، قونقه رانسک اجتماعده اها وقت وار ایدی، ظن اولونور. حال بو که قونقه رانسک حتی اجتماع رسیمسی آندن ایکی کون اول باشلامش ایدی. قرار واقع، صانکه باب عالینک بو حتمیتدن خافل بولوندیغنی ایما اُدیور.

۱۶ ر ۲۷۱ ده، پارس سفیری ولی الدین رفعت پاشا :
 « ایشیتدم ، که روسیا دواتی مواد أربعة اساسیه یی قبول اتمش .
 صحیح می ؟ » دینه صورمش ؛ فرانسه خارجیه ناظری ده احتیاطه
 رعایت لزومنی حس واحساس ایله برابر : « اوت ، قبول اُتدی ؛ »
 « فقط بوایش ویانه ده تشکل اُده جک قونفرانسه ده مذاکره اولونمقی »
 « ایچون ، دولت علیه نک بر سفیر مخصوص تعیین اتمه سی اُتدی کثیر . »
 « بن بوراسنی سفیر یمز واسطه سیله باب عالی یه بیلدیریورم . سزده »
 « یازک » جوانی ویرمشدرد . بونده عارف اُفندینک عجزندن ، لسان
 بیللمز لکندن هیچ بحث اولونمامشدر .

۲۸ مارت ۸۵۵ تاریخنده لورد پالمه رستون ، ویانه قونفرانسه
 هنوز فرانسه زجه بیلیر و تعلیمات کافیه یی حامل بر عثمانی مرخصی
 کونده رملدیکندن بیان تأسف اتمش ؛ و قونفرانسه اتخاذا
 اولونا جق برقرار اوزرینه ، بالاخره دولته اعتراض وقوع
 بولسه بومعامله دیگر بردولتک انکسار واغبارینه منجر اولور ،
 دیمشدر .

لورد قلازاندون ، دولت علیه نک منافع حقیقیه سی کوزده تهرک
 کمال فطانت و متانتله مباحثه اُده جک ، مؤخرأ نشر واعلانی
 طبعی اولان قونفرانس مضبوطه لرینه ، افکار عمومیه یی سلطنت
 سنیه لهنه سوق وامالیه خادم افکار ومطالعات مخصوصه درج
 اُتدیره جک تعلیمات کافیه یی حائر ولسان آشنا بر عثمانی مرخصی
 اعزامنده کی تأخراتک مضر تندن بحث ایله مشدر .

جون روسهل ایسه ، ویانه دن یازدیقی بر مکتوبده : « دولت
 علیه مرخصی ، حال و مسالکی اقتضاسیجه ، قونفرانسه مسائل

مختلفه مباحثاتندہ اہمیتلی بر موقع آلامایور . بی طرف، یاخود ،
 روس مرخصلرینک مدعیات و اعتراضاتی رد و جرح اُده بیله -
 جک دلائل و براہیندن محروم کبی قالیمور . بوزاتک منطقتسز -
 انہی و حسمزلکی قارشیسندنہ فرانسہ و انکلترہ مرخصلری
 - روس مرخصلرینک شکایتی دعوت اُتمکسزین - اونک
 قصورلرینی تصحیح و اکمال اُدمہ مہیہ جککاری کبی ، آچیقندن
 آچیغہ دولت علیہ نک منافع و مقاصدینی بیان و ادعاہدہ
 قالقیشمازلر . واقعاً لوردایستراتفورڈ ، عالی پاشانک مرخصلغہ
 تعیین اولوندیغنی و براون کونہ قدر استانبولدن حرکت اُدمہ -
 جکنی بیلدیرمش و بوحسن انتخاب شایان تبریک بولونمش ایسہدہ
 ہر حالہ مشارالہک کج مواصلت اُدمہ جکنہ نظراً تأسف
 اولونور » دیمشدر . ایشہ دلائل موجودہ بونلردر .

انہایہ ، عالی پاشا مرحوم ، فوق العادہ مأموریت و بویوک
 ایلیچیلک عنوانیلہ ویانہ کیتمشدر . کندیسنہ بش یوز بیگ
 غروش خرجراء زاورادہ بولوندیغہ ید بیگ بش یوز فیلورین
 معاش موقت تخصیص و اعطا قیلنمشدر . خارجیہ مستشاری
 صفوت اُفندی ناظر و کالنتہ تعیین اولونمشدر . عالی پاشانک
 بوسیاحتی ایچون « ترسانہ عامردن واپور تخصیصی ممکن اولہ -
 مامش و عادی پوستہ ایلہ کیتمہ سی مناسب کورونمہ مش »
 اولدینندن « نمچہ قومانیہ سندن رابطہ لیجہ برواپوراستیجاری »
 مالہ نظارتنہ حوالہ اُدیلمشدر . مصیتدہ بولونمق اوزرہ : برنجی
 سرکاتب عنوانیلہ آمدی خلناسندن عارفی بک و ایکنجی کاتب
 عنوانیلہ مجلس تنظیمات کتبہ سندن جلال بک و باش ترجمان

اولارق ، باب عالی ترجمه اوطه سی مأمور لرندن موسیو داوید (؟)
انتخاب و تعیین قیلمه مشدر .

*
**

۱۰ ل سنه ۲۷۱ تاریخده ، صدارت خط هایونی ایله باب
عالی یه کلمش اولان عالی پاشانک ، ویانده قالا بیلدیکی مدت ایکی
بوچوق آیدن عبارتدر . فرانسه و انکلتزه مرخصلری ، یاخود ،
خارجیه ناظرلری اون دوردنچی اجتماعده بولونما مشلر غورچا -
قوفت تکلیف اتدیکی و آوستریانک یاریم آغزله سویله ندیکی
ماده لر اوزرینه ، دولترندن تعلیمات آلمادقلرینی بیان ادوب همان
ویانده دن کیدیور مشلردر . بوقونفه رانس دخی - کشن و تخمین
وجه ایله - نتیجه قطعی حاصل آتمه مشدر .

عثمانی ، فرانسز و انکلیر دیپلوماتلرینک همان هپسی :
صلحک ، قونفه رانسه دکل ، آنجاق سیواستوپولاده کی محاربه
نتیجه سنده تحقق آده بیله چکی اعتقادنده ایدی .
بوفکرک اصابتی زمان اثبات آیلهدی . « صلحی ایسته مه من
روسیا دکل ، دول غریبه در ! » مألنده صحیفه لر طولوسی نوتالر
یازمقدن بیقماز اوصاف اولان نه سه لرو دئ اشاعات و نشریاتی
کاملاً تأثیردن ساقط قالدی .

عالی پاشا ، قونفه رانسک صوگ اجتماعنده بولونمش و هرا حتماله
قارشی ، ویانده برقاچ کون داها تمدید اقامت آتمشدر . لکن
کندیسنک عودتی ایچون ، ترنای عبدالحمید خانیدن نشأت آفدی
ویانه یه کونده رلمش ایدی . او ائناده مذاکراتک انقطاعی بالتصادف
تقرر آتمش ، عالی پاشانک آرتق ویانده قالماسنه ذاتاً محل

قالماش در . حتی داها دوغروسی سویله مک لازم کلیرسه ،
دینله بیلیر ، که انکلتره و فرانسه مرخصلرینت قونفهرانسی
ترک ادوب کیدیورمه لری اوزرینه ، عثمانی مرخصنک ویانده
طورماسنده هیچ منایوق ایدی . چونکه دواتک متفق صحیح
وحقیقلری فرانسه و انکلتره ایدی . و اولر اولمادجه بزه هیچ
برشی یاپامزدق .

رشید پاشایه کنجه : مرحوم مشارالیهک ویانهیه صورت
مأموریتی البته کندنجه و بالذات نزد پادشاهیده مطلوب و ملتزم
برشی اولدینی سیاق حال و مهله دن آگلاشیلیور . حتی رشید
پاشانی کوتوروب صدر جدید عالی پاشانی استانبوله کتیرمک
ایچون برواپورتهیه واستکراسی ده اراده پادشاهی اقتضاسندن ایدی .
رشید پاشا مرحوم حاضر لائش ، همان دیانهیه کیتمک اوزره
بولومش ایدی . استانبولجه ایشلر بورادهیه کلدیکی کون ، ویانده
قونفهرانسیک تعطیل ادیلدیکی ، ویانده دن پارسه عودت ادن
فرانسه خارجیه ناظرینک - قونفهرانس یوزندن - انفصالی
وقوع بولدینی خبرلری ده ورود آتمش اولدیغندن ، رشید پاشانک
ویانهیه عزیمتی بالضروره تأخر ایله مشدر . برآردلق مرخصلق
مأموریت مخصوصه سی صفتنک تواید آده بیله جکی محذور و مشکله
قارش « آوروپاجه اولان مصالح دولت علیه نک تسویه و رؤیتی
مأموریت عمومیه سیله آوستریا دولت فیخیمه سی نزدنده فوق العاده
بیوک ایلچلیک » عنوانیه موقتاً ویانده اقامته مأموریتلری
و مرخصلغک علاوه مأموریت قیلناسی دخی امر بویورولمش
ایدی . لکن بوکاده محل قالماش در .

آوستریا ، دول غربیه ایله معاهده تعاطی آتمش اولدینی
 حالدہ ، هنوز آچیق و قطعی برمسناک و قرار آتمخاندنہ ترددند
 واز کچمه مش ایدی . دول غربیه ایسه ، حربک آرتق بویوک بر
 مظفریتک احراز یله مقارن صلح اولایله جکنه قناعت کامله
 حاصل ادهربک ، ویانه قونقهرانسلینه نهایت ویرمشار ایدی .
 شو حالدہ بزم ایچون یاپاجقشی ، یگیدن رشید پاشا کی الہ مقتدر
 و بویوک بر دیپلوماتی ویانه یه کوند رماک دکل ، مرخص صفتیه
 اوراده بولونان عالی پاشای ، صدر اعظم اولماش اولسه دخی
 همان کیری یه چاغیر مقدر عبارت ایدی . و بویله پایلماسه ایدی .
 دول متفقہ نک استغراب و شکایتہ معروض قالمق لازم کلیر ایدی .
 عالی پاشا ، احتیاطاً عارف آفندی یه تعلیمات بیرا قهرق وارنہ طریقیه
 عودت آتمش و رشید پاشا مرحومک — امر مکالمه نک نه اوله جنی
 و آوستریا جه نه قرار ویر یله جکی تحقق وتعیین آدینجه یه قدر — تأخیر
 عزیزتی وکلای دولتجه قرار لاشدیرلمشدر .

برده عودتی تعجیل اولوندینی حالدہ بورا جه واپورتدارکی
 ممکن اولما دیغندن ، واپوراجرتی اولمق اوزره ، اوچ یوزبیک غروش
 مشارالیه عالی پاشا مرحومه باشقه جه کونده رلمشدر .

عالی پاشانک ، ۵ ن سنه ۲۷۱ تاریخیه ، ویانه دن ، فواد پاشا
 مرحومه یازدینی بر تحریرانده :

« شهر مایسک آلا فرانغه اون سکزی تاریخیه مورخا تلغراف »
 « ایله انمله زیب تکریم اولان بر قطعه تحریرات والای »
 « نظار تپناهیلری مال سامیسی مدرکه پیرای عاجزانم اولادی تبلیغ »
 « بیوریلان مساعدۀ سنیه ورخصت علیه حضرت شهنشاهی »

« اوزره بمنه تعالى بو طرفدن حرکت و ازهر جهت سهولته »
 « مبنی طونه طریقیه روسجغه و اورادن بر آوارنه یه و وارنه دن »
 « دخی واپورایله در سعادته عزیمت اولمنی تصمیم قلم مقده در. »
 « عودت بند کانه م ایچون خرج راه احسان بیورلمش اولمنی »
 « و واپور استیجارینه دخی اراده عاطفت افاده جناب ظل الاهی »
 « متعلق و شایان بیورلمی حق عیدانه مده بر احسان جدید »
 « جهان قیمت و تشکری غیر قابل عنایت اولدیغندن فریضه »
 « ذمت عبودیتیز اولان ادعیه خیریه توافر ایام عمر و شوکت »
 « حضرت شهنشاهی تکرار اولتمقده در » فقر دلری مندرج
 کورولمش در .

*
* *

شورایه بر استطراد صیقیشد یرمق ایستهرم :
 اوتاریخلرده ، ویانه دن استانبوله دوغرو دن دوغرویه ، تلغراف
 یوق ایدی . غالباً صولک تلغراف مرکزری « زده ملین » قریبده ایدی .
 ساختنت سنیه سفیرلری ، بلغراد محافظنه یازارلرایدی . اوده ، آلدینی
 تلغرافلری پوسته ایله استانبوله کونده ریر ایدی . ۳۷۰ تاریخنده
 بلغراد محافظتی بولونان احمد عزت پاشانک ، خارجییه ناظری رشید
 پاشایه یازدینی بر مکتوب مندرجاتی ، معلومات کافییه نی حاویدر :
 « خاکبای عالی نظر اپنا عیلمینه تقدیم اولتمق اوزره ویانه »
 « سفارت سنیه سی جانبندن عید شریفک ایکنجی اشبو بازار »
 « کونی علی الصباح تلغراف ایله رقبلی خبر ورودایدنک مخصوصی »
 « تاتار ایله ارسالی اشعار اولمش و پوسته نك حقیقه سنه دخی »
 « بش کون بولمش اولدیغندن اشعار واقعه وجهله ظهورات »

« مخصوصه اخراج اولنه رق خبر مذکورك ورقه سی لفافاً تقدیم »
 « قلمش اولغله اولباید »

بومکتوبده کی « رقلی خبر » شیفره دیمکدر، که بوفرانسزجه
 کلمه نك، لسانمزده اوندن سوکرا تعمم آتدیکنه دایلدن.. شیفره دن
 اول، برده، حروف مقطعه ایله ورقله خابره خفیه اصولاری
 واریدی. بوبولده یازیلش رسمی مکتوبلرده واردر.



وَنُؤْنِزُ الْخَيْرَ وَنُصَيِّرُنَا

تَتَّبَعُنِي

اِيَّاكَ يَك

اِحْمَدُ احْسَنُ اَوْسَرُ كَاتِبٌ

ایک نئی کتاب



خارجیه ناظری عالی پاشا مرحوم طرفند لوندرا سفیری موزوروس
پاشایه یازیلان بر مکتوبک ترجمه سیدر :

استانبول ۱۲ شباط ۱۸۵۵

تاغرافنامه کز ، بزى ، انکلیز قاینه سنک سقوطندن خبردار
ایله دی. شوسطرلری یازدیغ صیراده هیأت مستعفیہ یرینه قائم
اولان ذواتی هنوز بیلمه یورز . برقاچ دورلو شایعه دوران
ادیور . بعضلری دیورلر، که قرالیچه ، یکی قاینه نك تشکیل
مأموریتنى، لورد دربی یه حواله اتمشدر . بعضلری ده ، مذکور
قاینه یی تشکیل آده جکلرک لورد پالمه رستون و لورد روسهل
اولا جقلرنی ادعا اتمکده درلر . لورد ایستراتفور دوردده .
« قلیف » ک قریباً عزیمت آده جکی دخی سویله نیور . هر حالده
بز ، لورد قلاره ندونک ، شیمدی یه قدر بحق « اشغال » آتدیکی
نظارتی محافظه ایله مه سی تمینسندہ یز .

لورد ایستراتفور دک عودتی شایعه سی ، بنی، اُک محرمانه بر صورتده ،
بومشهور دیپلوماتدن و تورکیاده کی مساک و مشوارندن بر آرز
بحث اتمکده سوق ایله یور .

بیلیرسیکنز، که بوذات ، کرچه پک محترم اوصاف ایله متصف
و بومملکت ایچون اُک آئی احتیاسات ایله متحسس ایسه ده
بوراده پک چوق فناقلره ، پک چوق فلاکتلره سبب اولمشدر .
حریص و متکبر برخلقتده اولماسی ، هرشیده و هر طرفده

حکمرما اولمق آرزوی شدیدنده بولونماسی سائقه سیله، کندی کندی ملک صاحبی قیاسنه قدر ایلری کیتیش و بالذات کندیبی حکومت مرکزیه ده همان آشکار بر صورتده وصیلک موقعه کچدیکی کی، ولایتلرده والیر نزدنده دخی و صیلر (قونسولوسلر؟) قائم آتمشدر. بواحوال، هر کون، باب عالینک و نفوذینک حیثیت و اهمیتی اخلاص اادیور. چونکه بو حیثیت و اعتبار اولمادجه، واسع و اقوام مختلفه ایله مسکون اولدیغی جهتله، اداره سی اولقدر مشکل بولونان بر مملکتده اجرای حکومت، محالدر. انکلیز سفیرینک قونسولوسلره یازدیغی صؤ تحریرات عمومیه مالی و بوتحریراتک نیم رسمی صورتده از میرغز ته سیله طبع و نشری، شو ناقابل تحمل اولان حال حاضر حقنده البته سزه بر فکر ویرمشد. بومعیت مأمورلرینک کندیلرینه تودیع قیلان وظیفه نظارتی ناصل ایفا ایله دکلیغی قولایجه تصور آده بیلیرسیکیز. تبعه شاهانه دن حق سز بر دعواسی اولان، یا خود، حقلی بر جزایه معروض بولونان بر آدم، قونسولوسلر نزدنده، یا خود، سفارته بر استنادگاه رسمی بولا جغندن امیندر. وظایف مودوعه سنی ایفا صورتیه بونلرک خوشنه کیتسه مک بد بختلغنده بولونان بر ولایت والیسی، ابدیاً محو اولمش دیمکدر. هیأت حکومتی تشکیل آدن نظار، دها ائی بر معامله یه مظهر دکلدر. وکلاسی نصب و عزل آدن، آرتق متبوع دکلدر. مساند دولتدن منحل اولان بر مقامه، بریسنک تعینی ایجاب آتدیکی وقت، ویانه مذاکراتی قدر مشکل بر مذاکره قویولمق لازم کایر و شاید سز، خادم مملکت اولان ذواتک قسم اعظمی حقنده، لورد

ایستراتفور د طرفدن کوسته ریلن رد و ممانعتہ مطاوعت آتمه مک
جراتنده بولونور سه کز .. مرتکب ، مرتشی بر آدم اولو-
ویریرسیکیز. مناسبات خارجیه مز، عینی مشکلاته دوچار اولمقده در.
سائر دولتر سفر اسندن برینک سیاه دیمه سی، لورد ایستراتفور د
بیاض دیمه سی ایچون کافی وافیدر. والحاصل : نه دیهیم ، محب
عزیزم ! امور خارجیه ، اداره داخلیه ، پاتریقخانه ، هرشی
بو آدمک قونترولنه تابعدر. بونک کیتدجه آرتمقده اولان مدعیاتی،
اوغورنده، انکلترونک دهشتلی بر حرب اختیار آتمش اولدیغی،
استقلال دولت علیه نک اساسلرینی صارصییور. بدبختلغه باقیکیز، که
هرکس، بومعامله یه قارشی مساعد بولوندیغمزی کوره رک، هیأت
وکلا ی عثمانیه علیهنده اظهار اغبرار ادیور. ظن اولونیور، که
بزم تحملمز، بر منفعت شخصیه دن ناشیدر. حال بو که مسامحه
واقعه، انکلترونک حکومتنه ناخوش برشی یا پامق آرزو سنده بولونما مزک
نتیجه سیدر. مع هذا ایشار او یله بر رادیه کلدی، که: بر آن اول،
بونک ایچندن چیقماق ایچون، اوغراشاز اسهک، مملکت مزه ،
مقبوع مزه و ملت مزه قارشی حقیقه مسؤل اولاجمز .

بیلیورم ، که سفیر، بویانایلماز صورتده اولان حرکتی
محق کوسته رمک ایچون : کنیدیسی مداخله آتمه دجه، تورکیاده
هیچ بر اصلاحات یا بیلمایاجغی و تبعه شاهانه نک دائما اسلامک
ربقه غدیری آلتنده ازیلوب قالا جغنی والح... در میان آده جکدر. بنده
بوکا جواباً دیه حکم، که تورکیانک - بویله علی التوالی کنیدیسی
دوچار تدنی آدن بر عنصر موجود اولدجه - مظهر ترقیات
اولا بیلمه سی، اصلاً و قطعاً امکان سزدر و مملکتی طانیانلر، بنم

بو افاده می تأیید و تصدیقند کری طور مایا جقلردر .

دولت علیه نك متفقلری ، روسیا ایله اولان مصالحه یه شرط اولمق اوزره ، تبعه شاهانه نك ترقیات اجتماعیه سنی ، سلطنت سنییه ترك وحواله ا دیورلر . لورد ایستراتفور د ایسه ، بونك كاملاً ضدی اولان برطریقه کیدیور . بالمله تشبثاتك ، حالا و آتیا بوتون صلاح حاللرینك ، مایلورك همت مخصوصه سی اثری اولدیغنی و بومساعده اتك ، توركلرك تعصب و مخالفتدن جبراً استحصال اولوندیغنی أهالی یه ایناندر مق ایچون هرشی یاپیلیور . شیمدی سزه صورارم : بر حکومت ، متادیا بویله حائلرد قارشى اوغراشمق مجبوریتنه بولونورسه ، آبی برایش کوره بیلیرمی ؟ و كرك اُجنیلر نظر نده ، كرك اُفراد تبعه سنه قارشى بر موقع مستقل و لایق محافظه اده بیلیرمی ؟ منفعت پرست ، یا خود بی وقوف اشخاص ایله محاط اولان لورد ایستراتفور د ، تورکیاده و توركلر آره سنده تعصب ، ارتكاب ، اھمال و اقتدار سزلقندن باشقه برشی کورمه یور . مملكتك بر نمونه سعادت اولدیغنی و اداره سنك محتاج اصلاح اولمادیغنی ادعاسنده دكلم . بالعكس بن ، اوتهدنبری ، دها یاپیلاجق پك چوق شیلر واردر ، فكر ندهیم . فقط بنم قبول ادهمه یه جكم شی ، بوملت حقنده ، لورد ایستراتفور دك بسله دیكى شوفكر و دولت عثمانیه یی یكیدن احیا ایچون بزه قبول ائدیرمك ایسته دیكى و سابط مخربه در .

شوراسنی اونو تمایز کز ، که بر چوق سبیلر له متنداری اولدیغمز انكلتره نك ، نصایح دوستانه ایله ، باب عالی یی ارشاد ائمه سی حقنه ، قطعاً معترض دكلز . بز ، بو وصایای مفید و موجب سلامت تلقی ادهرز . بزم شکایت ائدیكمز شی : آپ آشكار بوراده ا دیلن سؤ

استعمالدر! برطاق اغراض و احتراصات شخصی و غورنده مملکت استقلال و شأنه ضرر ایراث ادر صورتده، حق مذکور در استفاده اولونماسیدر! ایسته بو حالدر، که انکلتزه اتفاق رقیبیرینه: « منجیقوف، حتی بوتون ایسته دکلرینی استحصال آتمش اولایدی، یینه بوندن زیاده مشکل پسند اولمایه جقدی » دیدیرتیور.

محتاج بیان دکلدر، که بوراده موضوع بحث آتدیکم مسأله، صوگ درجه نازکدر. اگر مبحث عنه اولان ذات، بوندن برشی سه زرسه، وای حاملزه! بناء علیه بوتفصیلاتی کندیکنز ایچون صاقلایه جق و وقت و حاله کوره اداره کلام ایچون، مساعد فرستاردن استفاده صورتیله حصول مقصده چالیشاجق سیکنز. بوس بوتون خصوصی اولان بومکتوبمی، بر مأموریت مخصوصه یی مبلغ کی تلقی آتمه مه کنزی رجالیله ختم کلام آدهرم؛ زیر ابومکتوب، احوال حاضرده یی مصور و یالکنز و منحصرأ سزه مخصوصدر.

عالی

* * *

عالی پاشا مرحومک بو مکتوبنی، قریم محاربه سندده درسعادت فرانسه سفارتی مصلحتگذاری بولسان قونت به نه دعتی نشر آتمشدر.

فرانسه مصلحتگذاری، اولوقت انکلتزه سفیری بولونان مشهور لورد ایستراتفور دک امور و معاملات رسمیه نفوذ و مداخلاتدن و بوسبیله کندیسنک دخی ایفای وظیفه ده دوچار اولدینی موانع و مشکلاتدن بحث و شکایت ایچون، یازدینی مهم بر مقاله مفصله ده. بر چوق حقایق سیاسیه آره سندده، بوقیمتدار

مکتوبی ده میدانہ چقارمشدر، کہ بزجہ - تاریخ عثمانی نقطہ
نظرندن - حرزجان اَدیلَسہ سزادر .

بہنہ دہ تی ، انکلترہ سفیرینک مسالک دشمنی، یاخود، رقیبی
اولدیغدن و عالی پاشا ایلہ پک صمیمی مناسباتدہ بولوندیغدن
مکتوب صورتی بالذات پاشای مشارالہدن آلدیغی و بونک
او اُتادہ صدر اعظم بولونان و اوتہدن بری لورد ایستراتفورڈک
محب خاص الخاصی اولان بویوک رشید پاشانک دخی انضمام
رأیہ یازیلدیغی بیان آیله مشدر . بو جہت دہ ، تاریخ عثمانیزی
یازاجقلر ایچون پک مہمدر ؛ فقط بچہ بومکتوبدن استخراج
اولوناجق نتیجہ لر بوس بوتون باشقہ شیلردر .

دور عبدالمجید خانیدہ، بویوک رشید پاشا ، ناصل انکلتر
مفتونی ایدیسہ . . سرعسکر رضا پاشادہ اویلہ فرانسه
طرفداری ایدی . حتی اُثنای محاربه دہ، بر آردلق، رضا پاشا علیہندہ
هجوم زیادہ اشہرک عزلی ایچون تشبہ قصور اَدیلہ مش ایکن ،
عبدالمجید مرحوم، انکلترہ سفارتیلہ رشید پاشادن و فرانسه
سفارتیلہ رضا پاشادن دیکلہ دیکی شکایاتی و آلدیغی معروضاتی
صورت تلقی و قبولدہ قطعاً رنک ویرمکسزین ، ہر ایک طرفک
آمال شخصیہ خصمانہ سنی اسعاف آیله مہ مشدر . مع هذا قونت
بہنہ دہ تی نک افادہ سیلہ مؤید اولارق شو آ گلاشیلور، کہ
انکلترہ سفیری، نزد پادشاہیدہ پک ذی نفوذ ایدی . خیرخواہان
دولت علیہدن بر ذات محترم حکایہ ادر، کہ : « لورد ایستراتفورڈ،
» علی الا کثر صباحلری، ایرکنجہ طولمہ باغچہ سراینہ کیدر ؛
» ذات شاہانہ ایلہ خصوصی ملاقات ادر ایدی . بوملاقا تلردہ »

« رشیدپاشا و عالی پاشا بولونورلر، ایشلرماذا کره ادرلرایدی. »
 « حتی ذات شاهانه طبعاً تیتیز اولدیغدن سفیر ایله قارشی »
 « قارشیه دائماً اوتوردقلری ایکی دمیر قولتوق، یرلی یرنده »
 « طورمق ایچون، دوشه مهیه میخلی ایدی. » سفیرک بونفوذی
 آرتق تحملکداز بر درجهیه وارمش، بیچاق کمیکه دایانمش
 اولمالی، که رشیدپاشا، ذاتاً انکلتزهدن زیاده فرانسهیه متایل بولونان
 عالی پاشانک قلم عرفانیله، فریاد وشکایتیه مجبوریت کورمشدر.
 غریبدر، که مکتوبی یازان و ایستراتفورده خبر آلیرسه
 « ایشمز بیتدی » دیهرک عجزینی اعترافده محذور کورمهین
 عالی پاشا، بیاناتنک منشاء رشید پاشا اولدیغنی اعتراف دگل،
 ایهام بیلله ادهمه مشدر.

هر حالده، بودورک احتوا ایله دیکی اسرار و خفایا ایچنده بویوک بر
 حقیقت انکشاف آتمک لازم کلیر، که اوده انکلتزهدیلو ماسینسک، بزده،
 مشروطیتی تأسیس املنده بولونوب بولونماش اولماسندن عبارتدر :
 او صیرالرده انکلتزهدن، برنجی نابولیونلرده میدان اوقومش
 اولان دب شمالک، برکون آپ آنسز استانبولی یوتا بیلیمه سی
 قورقوسیلله، ممکن اواسه، برنفس مسیحانه ایله دوات عثمانیه یی،
 روسیایه قارشی، برسد آهین در که سنه چیقارمق، یاخود، اودر که یه
 واصل اولمش کورمک ایسته ر ایدی. لورد ایستراتفورده ایسه،
 عزم و جزمده، متانت و مکاننده، جرأت و جسارتده تام
 انکلز اولدیغدن و شخصاً ده روسیایه محب اولما دیغندن، حکومت
 متبوعه سنک بحق و بالفعل ترجمان صادق البیانی ایدی. شو
 تقدیره نظراً، عجبا عالی پاشانک وسائط مخربه دیدیکی شی، ائک

مدهش براوچورومدن ييقيلوب أسفل سافليزه كيدرکن، بؤكون
حيات و موجوديتني بوتون آوروپايه طانيتديران عثمانلي دولتيك
محيي مطلق بيلديكمز قانون مشروطيت اولماسين ؟ ديهه
دوشونوله بيلير . و احتمال، كه شيمدي، مجاهدۀ واقعه مليه نك
اصابت تقدير احوالده نائل اولديغي موفقيت، بوندن اللى بش
آتمش سنه اول ممكن و متصور دكل ايدى . حتى بلا تردد
اعتراف أديله بيلير، كه كچن سنه اعلان مشروطيتدن بر آي مقدم
بيله، اويله بر بحث آچيلسه ايدى، كيمسه جسارت أدوب رأى
موافق ويردمز؛ وطني سه ونلرك قسم اعظمي: « بوزمانده بويله
بر تشبث، بين الدول، بزم مقاسمه مزى تعجيل ديمكدر » يولنده
بيان فكر و مطالعه دن چكينمز ايدى . زمان ايسه، له الحمد،
او تشبثات مجاهدانه نك پارلاق بر مظفريتله دولت و ملت
قورتارديغنى، فكرلر يمزك پك مظلم و باطل اولديغنى بيك دورلو
خارقه لرله اثبات آتمشدر .

ينه بالاخره مطالعه سنى صورديغى او ذات محترم، لورد
ايستراتفوردك، اوزمان، توركيياده تأسيس مشروطيت فكرنده
بولونماش اولديغنى، بالعكس عنصر اسلامك فضائل اخلاقيه سنى
تدقيق ايله حاصل ايله ديكي قناعت اوزرينه، برحسن اداره تنظيم
و تأسيسنى و حقوقده بوتون تبعه نك بحق مساواتنى تأمين
أده جك يولده بر اصول حكومتى پك كافى وافى كورديكنى؛
رشوت و ارتكابات دفع و رهنقى، قوه عسكريه و بحريه نك،
هر دورلو قومشو دولتلر تعرضات و مناسبات محتمله سنه
قارشى، بر آن اقدام تمامى تامنه مقاومته مقمدر اولاجق بركتله

مهمه حاله کتیر یله سنی طلبدن خالی قالمادیغنی وَ علی الاء کثر
 بعض وکلایه ناخوش کور و نمه سی ده هر کون اخطارات اصلا
 حانکارانه سنک کمال اهمیت و شدتله تأید و تکرر رندن وَ بوبابده،
 دوغروندن دوغرویه، نزد شاهانه ده مقبول الکلم اولماسندن
 نشأت ایلهدیکنی افاده آتمشدر. شو حالده، عالی پاشا مرحومک
 شکایتی، تعجیل و مداخله دن منبعث اولمق لازم کلیر. مع مافیه
 نورد ایستراتفوردد، شرقده، بویوک بر رول اوینامش و دواتک
 غوائل متعدده سنده کمال عرفان و متانتله بویوک رشید پاشایه
 مظاهر بولومش بر ذات محترم اولدیغندن، کندیسینی آیرجه
 تدقیق و تتبع اتمک اوزره، بوراده کی بجمزله نهایت ویریورز.



صدر اعظم عالی پاشا مرحومک، پارسه مأذوناً کیتمش بولونان در سعادت
 فرانسه سفیر کبری «طوونهل» ه یازمش اولدیغنی بر مکتوبک ترجمه سیدر.

۲۵ تشرین ثانی ۱۸۵۸

عزیزم ایلچی بک،

تأثر اتمک درجه سنی تأیید و اشعار و قریباًینه سزی، آره مزده
 کورمک امیدینی تکرار ایچون، یوم حرکتک زده ذات اصیلانه لرینه
 مکتوب یازمای پک چوق آرزو آتمش ایدم. لکن زاواللی
 وکلای دولتک هر آن اوغرادینی موانع و اشتغالات حیلولیتله
 مکتومی ا کماله موفقیت امکانسز قالمش ایدی. بناءً علیه، بووظیفه نی
 بوکون ایفا ادر و شو وسیله دن بالاستفاده، ذات اصیلانه لرینه
 بینمزده کی مناسباتده، اوتهدن بری پایدار اولان عین اعتماد و عین
 صمیمیتله، سزه، دولت علیه نک احوالی و اوکا متعلق اندیشه
 و امیدلر حقنده کی مکالمیزی اخطاره ابتدار ایلهرم.

قاره طاغاك تحديد حدودى مسألهسى، آرزو كز وجه ايله ،
 فيصل پذير اولدى. باب على، بوديكنى - سزك توصيه اتيككنز
 كى - آياغندن چيقاردى. فقط بوندن قور تولق اچون، پك آجى
 بر معنوى بتر (قطع عضو) عمليه سنه قاتلانمغه مجبور اولدى.
 حال بوكه، على الخصوص، جزاسز قالمش اولان تجاوزات ماديه يه
 قارشى، عمليه مذكورهدن وارسته اديله بيلير ايدى. باب عالينك
 بومؤلم عمليه قاتلانماسى، محضا ايمپراطور (ناپوليون) حضر تلرينك
 دوستاغنه عطف اتيككنز اهميت عظيمه يى، حكمدار مشارايله
 نظر نده، اثبات اچون اولديغنى، ذات اصيلا نهلرينه، تكرر اتمكه
 لزوم وارميدر؟ صاحب حكومتك (ذات شاهانه ك)، طبعى
 ومشروع نفرت ومخالفتى، شان عسكرى ومالينك پك زياده
 مصابيتى دركار اولقله برابر، بواحوال، فرانسه ايله مناسباتمك
 تباعد اتمه مى لازم كن مرتبه ده تأسيسى آرزوى صميميسنه
 قارشى، تأثيرسز قالمشدر. اميد ادهرز، كه بوتون بوفدا كارلقلر
 ثمره سز قالمايوب بارى هدف مقصوده وصول تسلى لطيفيله متسلى
 اولاجىز و هيات وكلا كرك دوستلرينه، كرك دشمنلرينه،
 اختيار اديلن فدا كارلقلرك بيهوده يره اولما ديغنى سويله يه بيله جكدرد.
 ايشته، يالكىز بواמידايله، حكومت ايمپراطوريه نك نصفت
 وحقانيتته اولان اعتمادىمز، وجدانمىزى بر آرزومتسلى ومستريح
 ادييور. فطائى مسلم جهان بولونان بر بويوك حكمدارك (ناپوليون)
 پوليتيقيسى حقنده، بيان مطالعه اتمك ادعاسنده دكم. يالكىز
 شوراسنى سويله مكلكمه مساعدده اديلسين، كه قديمى واتزامى
 برخصانه پوليتيقي نك، دولت حقنده كى فرانسه زهاب واعتقادىنى

شاشیر تمغه چالیشماسنه، کمال اُنْدیشه ایلَه باققدن کندیمزی آلامایز. بویولیتقه آوروپاده ایهامات خائسانه و مملکت مزده تسویلات اختلالکارانه ایقاعیه فرانسز مطبوعاتنی علیهمزده بولوندرمغه و خریستیان اهلیمزک اُفکارینی تحریک اُتمکّه موفق اولمشدر. معلوم سفیرانه لری اولدینی اوزره، بلانقوذ اجرای حکومت، خارج از دائره امکاندر. مملکتده نظام وانتظامی محافظه، اصلاحات مقتضیه یی اجرا و سعادت حال تبعه یی تأمین ایچون، هرشیدن اول، حکومت، مظهر تعظیم و محبت اولدینی کبی، جالب خوف و احتراز دخی اولمق لازم کلیر. حال بوکه تبعه نك، بزدن تنغیری ایلَه حسیات مطاوعت کاریسنی اخلال ایچون، دنیاده نه ممکن ایسه یایلوب طورمایورمی؟

دیگر طرفدن ایسه، حقسنز اولان - یاخود - هیچ اولمازسه یا کیش معلومات اولان بر مطبوعات، هرکون، باب عالی و ملت اسلامیّه علینده نشر اُتدیکی دورلودورلو مذمتلر، افترا لره اقوام مختلفه آردسندّه، کین و نفاق ادا مه اُدوب طور دینی حالده، حکومت سنیّه بونلری ازاله ایلَه تأسیس اتحاد و مخادنت ایچون هر نه ممکن ایسه یایمقده قصور اُتمه یور. دینمز و متبوع مفتخمنز حقنده ایقاع اُدیله نك حقارت قلمامشدر. بوتقوه هات مجنونانه به باقیلا جق اولسه، انسان بر چوق عصر اولکی زمانلره .. اهل صلیب دورلرینه دوغرو کری دونولمش ظن اُدر.

احتمال. که باب عالی، ۱۸۵۶ ده کی مواعد واقعه سنی کاملاً موقع اجرایه قویمادی و بوتأخرات، آوروپا افکار عمومیه سنی دیکشدیردی، دییه جکسیگنر.

فی الواقع بنده اعتراف اُدرم ، که ادارهٔ حکومتجه مرتبهٔ تکمله وصول ایچون قطع اُدیله جک چوق یولمز داها وارایسه ده اَلیوم اکال اتمککمز لازم کلن تقایص ، منحصرأ خریستان تبعه مزه متعلق شیلر اولمایوب ، بوبابده خریستانلر، اُک زیاده آجینمق لازم کلنلردن معدود اولمقدن پک بعید بولونیورلر.

برحکومت ، هیئات اجتماعیه سنده اولقدر مهم برتبدل اجراسنه دعوت اولونجه ، بالاده بیان اُتدیکم نفوذ و اعتباردن باشقه ، وقته و دوستلرینک معاونت کامله سنه وزیر حکم و اداره سنده بولونانلرک انقیاد و مطاوعته محتاجدر .

عدالت مسلمه کز جهتیه سزده تسلیم و اعتراف اُدرسیکمز، که ایکی سنه دن بریدر، احوال پولیتیقیه خارجیه بوتون وقتمزی ضبط و غصب اُتمش و دوستلریمزک معاونتی هر ایشده دریغ اولونمش و دشمنلریمز، محضابزی امور ادارهٔ دولته اشتغالدن منع اُدوب ادارهٔ حکومته مقتدر اولمادیغمزی آوروپایه ایناندرمق مقصدیه، غوائل داخلیه ایجادینه صرف مقدرت اَیله مشدر . مع مافیه سز بیلیرسیکمز، که مملکت مزده دیکر لرینی

اداره اُده بیله جک و جماعات مختلفه میاننده رابطهٔ اتحاد تشکیل

اَیله یه جک بر عنصر وارایسه، اوده تورک عنصریدر. مملکت مزی

و اقوام مسکونه سنک اخلاقی بیلیمینلر، بوافاده یه اینانمایه جقلر ایه ده، درمیان اُتدیکم حقیقی کنیدیلرینه اُمثال عدیده یومیه ایله اثباته مقتدر اولدیغمی بیان اَیله رم . اُلحاصل، بعدما دوستلریمزک بر آرز داها زیاده خیرخواه لگنه اعتماد اتمککمز ممکن اولدینی تقدیرده ، ایستراتفور دفر ضیه لری اولماقو شرطیه، فائدهٔ تجربه -

سنی غیر منکر و حقیقی محبان دولت طرفدن مستعجلیتی مسلم
بولونان ، بعض تدابیرك موقع فعله وضعی وعد اتمكده تردد ایلهم .
احوال اقونومیقیه مزك تهلكده اولمادیغنی سزه تأمین ایلده
بختیارم . واقعا بو باده کی تدابیر، آز چوق بطائتله ایلریله یه -
جکسه ده هر حالده ، بغایه اه تعالی ، ایلریله یه جکدر .

مکتوبك تفصیلات مزعجه سندن دولای عفویکزی تمی
أدر و ذات عالیکزه اولان احترامات فائقه مك و مخادنت صمیمیه
تأمینات جدیده سنك قبولنی رجا ایلهرم .
عالی



موسیو طووه نل، بو مکتوبه ، دوغرو دن دوغرو یه جواب
ویرمه مشدر . سفارت باش ترجمانه یازدیغی بر مکتوبده
دیمشدر، که :
۹ تشرین اول ۱۸۵۹

« عالی پاشانك مکتوبی، ایمراطورك نظر دقتی جلب »
« اتمشدر . ایسته دیکم کی ، کندیسنه یازامایه جغم ؛ پاشای »
« مشار الیه ، بوراسنی ، احتراماتمله تبلیغ ادیگیز و شوراسنی ده »
« سویله ییگیز ، که بوراده جدی رجالك ، تورکیا حقنده کی »
« فکر لرندن ، ممنوم . شیمدیلک قاره طاغ ایشلرینك تسویه سی ، »
« فنا کونلره نهایت ویرمشدر . آرتق انظار دقت ، ایتالیا طرفه . »
« توجه ادییور ؛ شرق ایسه ایکنجی درجه ده قالیور . مع مافیه »
« کریدی دوشونمه سنی و مملکتین مسأله سنده کمال احتیاط ایله »
« حرکت ادیله سنی ، طرفدن ، عالی پاشایه توصیه ادیگیز . صربستان »
« ایچون ده او یله دییه حکم . فکر محجه ، دولت عثمانیه نك منافع »
« عظیمه سی بونده دکلدرد . بر کرده ، مرکزده اکتساب قدرت »

« و صلاح اديلينجه منتهال اوگا اتباع ايله يه جقدر . عالي پاشايه »
 « ديديكيم كچي ، سوء استعمال دوريني ، بر حسن اداره دورى »
 « ولى و تعقيب اُتسين ؛ تور كيا ، اكثر آروپا دولتلىرى »
 « درجه سنده قوى بر دولت اولاجقدر . ايمپراطورك آرزو »
 « اُتديكى شى ، بودر و بمله ملاقاتنده جريان اُدن محاوره لر ، »
 « كاملاً بو آرزوسنى افهام ايله مشدر . واقعا بو آرزونك »
 « صميميتى ، بونك وجوده كله سى حقنده بعضاً شهپه لر بسله مه يه »
 « مانع دكلدر . بو تر ددرك نامحل اولديغنى دوستلرينه اثبات »
 « اُتمك ، توركلره عائددر . »

« تبدل وكلا شايعاتى حقنده ، سفارتدن خارجيه يه تلغرافله »
 « كلن خبرلرك تأيدينه دائر مکتوب كزده برشى يازماديغكز دن ، »
 « مسرور اولدم . عالي پاشا ايله فواد پاشا آيريليرلر سه ، آز »
 « وقت ايچنده برى برلرينك نفوذىنى ازاله اتمش اولاجقلر در . »
 « نامه اولارق ، كنديلرينه ، اتفاق واتحاد لزومنى اخطاردن »
 « خالى قالماييـكـز . اما مؤثر و مفيد بر اتحاد . كندى اقتدارلرينى »
 « تقدير اُتسينلر و بر اصلاحات پوليتيقيه و قطعيه مسلكنده »
 « دوام ايله سينلر . »


« سرهانرى بولـ و ر حقنده كى اشعارات كزه كلينجه ، »
 « سزه . پاك چوق زمان اول ديمشيدم ، كه : بو آدمك ، ايستراتفور دك »
 « يرينه قائم اولماسى .. آرسلانك يرينه ييلانك كچمه سى »
 « قيلندن اولاجقدر . ايسته سوزم چيقدى . مع مافيه ، بزه »
 « قارشى ، دولابرينك موجب اولاييله جكى خشنود سزلنى ، »
 « كنديسنه ذرئما كوسته رمه مه كزى توصيه دن كنديمى كرى »

« آلامام . بعض آدملر وارددر، که کندیلرینک صمیمی
 « دوستلرندن کورونمکه ، آلدۀ ادیلہ بیلرلر . سر هازی، بو
 « طاقنددر . روسیا سفیری لوبانوفدۀ اویلہدر؛ اوکا قارشی دہ
 « عینی معاملہ دہ بولونما کز لازم کلیر . ایمراطور، ممکن اولور
 « ایسہ، فرانسه، انکلترہ و روسیا دولترلرندن مرکب بر آوروپا
 « [اتفاق ثلاثی] سی تشکیلی فکرننددر . بناءً علیہ بوفکر
 « وجودہ کلینجہ، یا خود، کینجہ یہ قدر، روسیا یہ قارشی، ایستہر
 « ایستہر من موازنہ کارانہ داورانما من مقتضیدر . آ کلا دیغمہ
 « کورہ، بورادہ، شیمدی شمرقدن بحث ادیلہ بور . میداند
 « ایتالیا مسالہ سی وارددر . بونک ایچوندہ روسیا، انکلترہ دن
 « زیادہ، بزمہ معاونتہ، یا خود، بزی سربست بر اقغہ میالدر . باب عالی،
 « طونا جہتلرندہ ایکی مقصدلی بر هیجان ادامہ سنہ صاواشان
 « آوستریانک آمانہ خادم اولما مالیدر . بومقصدلرک بری، باشقہ
 « مسالہ لر ظہور ادوب الیوم ایتالیا یہ منعطف اولان انظاری
 « اولاحلرہ چہ ویرمہ سیدر . ایکنجی مقصد ایسہ، شاید ایتالیا
 « سقوط ادرسہ، آوستریا ایچون دیگر طرفدہ اوکا تقابل
 « آدہ جک برشی بولونماسیدر . عالی و فوآد پاشالرہ آ کلا دیلاجق
 « اولان بومادہ، پک نازک برشیدر . اَلحَالۃ ہذہ حاضر لاقمدہ
 « اولان بحراندہ تورکیانک آسایش وسکونی، آوستریا
 « پولیتیکہ سندن افتراقہ وابستہ در . »

« تورکیا حقندہ کی افکار خیر خواہانہ یہ نظرأ، پارس
 « سلطنت سنہ سفارتنک انحلالی شایان تأسفدر . محمد جمیل
 « بک، ظریف و نازک بر ذات اولمقلہ برابر، قطعاً نفوذ و اعتباری »

« یوقدر. بورایه پک مهم بر ذات ایسته ر و دوشون دجکه، یو ذاتک، »
 « قبریسی محمد پاشا اولایه جکنه حکم ا دیورم . »
 « سفارت چانطه سنده، ایچی، پارسده بولونابیلن الذنفیس »
 « آنقیه ایله ملو بر کوزل قوطوبولا جقمسیگنر. بونی، شیخ الاسلام »
 « حضر تدرینه تقدیم آتمه کزی و بالذات کنیدیلرینه وداع »
 « آتمکسزین مآذوناً بورایه وقوع عودتمدن دولای، متأسف »
 « اولدیغی تبلیغ آیه مه کزی رجا آدرم. ایمراطور، بوبابده، »
 « اسلام کی بجانبتکارانه حرکت آتمه دیکم ایچون، بیان »
 « تقدیرات آیه مشدر. فنا ر جالیله اولان مناسباتی ده تصویب »
 « آتمشدر. شو حالده، مونسه نیور برونونی نک پاطریقله »
 « مناسباته باشلامسندن پک ممنون اولدیغی سویله مهیه حاجت »
 « وارمی؟ بو، پاپالغک آسکی پولیتیکه سنه عودتی دیمکدر. حرکت »
 « عاقلانه سندن دولای، طرفندن، موما الیه بیان تبریکات ا دیگنر. »





توقفه رانسله دائر :

ویانه قونقه رانسنده مرخص عثمانی. عالی پاشا مرحومک، خارجیه
ناظری فؤاد پاشا مرحومه خصوصی مکتوبی :
« افندمن »

« باریک الله علیک عون الله . حالانظار تده ایسه کز اردل و جان »
« تبریک و بزم صدارت دخی خلاف مأمول اوله رق اشبو »
« عریضه نک وصوله قدر بائی اولدینی حالد کندیمه تعزیت »
« ایدرم . »

« ایسته تور قدیمز شیر کلدی چیقدی . بزم ولی نعمت »
« بودفعه خطرات خالصه بندکانه قولقلرینی بتون بتون سد »
« و بند ایدوب حشرات موجوده نک باشلرینی کوانک مصالح »
« جسیمه و اصلاحات صمیمه ملکیه ایله قیرزه جق یرده نوره قوپلی »
« و جزارلی و ویوار و ولی پاشا ایشلریله حریفلری احیا و قدرینی »
« اماته ابتدی آه آه آه نه دیهیم و نصل شکایت ایلیهیم »

« دولت و ملت و کندولری کی مثلی کله مش برذاته یازق »
« دکللی . اللی الی تاریخنده باشد قلری تنظیماتی اکمال ایتمه »
« حقیقتاً شد نطق همت بیورمش و بونکه هم دولته وهم »
« ذاتلرینه تقویت و یرمش اولسه لر ده خیرلی اولمازمی ایدی . »
« هر نه ایسه برایشدر اولدی . شو بنده کزک نه قباحتم واردیکه »
« بویله اولدی . احوال خارجیه و داخلیه کوندن کونه کسب »

« صعوبت ایتمکده وقولکیزک قوؤ اداره وادرا که ایه آن بان »
 « ضعف گنکده ایکن اولیه بر مأموریتی نصل قولانه جغم. خوش »
 « دفعه اولی کبی بوده بر مدت جزویه ایچون ترتیب اولمش »
 « برشی اولدیغنده وحسن اداره واصابت تدبیر ملتزم اولمديغنده »
 « هیچ شبهه یوق ایهده هر وقت سائرلرینک ذروؤ اقباله »
 « چیقملری ایچون نردبان باصه معنی اولمقغیده طوغریسی »
 « نفس قبول ایتیوب اشبو مطالعاته وسائر انواع معاذیر »
 « ومحاذیره منی بمنه تعالی در سعادت عودت عاجزانه مه قدر انفصالم »
 « وقوع بولمز ایه وصول بندکانه مده عفویمی نیاز ایتک »
 « تصمیم ونیتده بولندیغمدن حق غریبانه مده درکار اولان »
 « توجهات صمیمعلری اقتضاسنجه بوکار مناسب یول حاضرلمغه »
 « مصروفیت همت علیه لرینی نیاز ایدرم. زیرا حال حاضری »
 « اداره یه کندمده قدرت ونه رؤف ثانی اولمغه حوصله مده وسعت »

« کورد میورم افندمز فی عن ویانه سنه ۱۲۷۱ »



صدارت قائمقامی شفیق پاشایه جوابنامه سی (ویانه دن)

معروض بنده مستدیملریدرکه

الطاف شاملة الاطراف حضرت شهنشاهی جملة جلیله سندن
 اوله رق بوکره من غیر حد عهدۀ چاکرانه مه احسان بیورلمش
 اولان مأموریت سنییه واولبایده احسان علی الاحسان اوله رق
 قرنای حضرت پادشاهیدن سعادتلو نشأت افندی حضرتلرینک
 دخی ! رسالنه مساعدۀ علیه جناب جهانبانی ارزانی بیورلمش
 وقائم مقاملق خدمت رفیعہ سنک ذات مکارم سمات آصفانه لرینه

احاله اولمش اولديغى تبشيراتى متضمن بوكره انمله زيب تكريم
اولان تحريرات عاليه لرى مال عاطفت اشمالى مدركه پيراي عاجزانهم
اولدى وافدىء مشاراليه حضرتلى دخی تاريخدن برکون
اول ويانهيه وصول بولدى. چا کرلى هر درلو استحقاق ذاتى
و زمانیدن برى و حئيۀ اياقت و اهليتدن عارى بولنديغم حالده مجرد
مرحمت جهانقيمت حضرت جهاندارى ثمره سى و شيمهء مکارم
مشميهء صداقت پرورى و خطاپوشىء جناب خلافتناهى ار عاطفت
بهردسى اوله رق متوالياً مظهر اولديغم اعطاف بيکران حضرت
پادشاهينک الکوچکنک ايفاي فريضهء تشکرندن عاجز وقاصر
اولديغمى و حقيه بيان فريضهء شکر گذاریده اولان نقصان بى پايان
مستمندانه مى بتکرار اعترافدن بشقه ديه جک و انده دخی عفو
و مرحمت ولى نعمته التجادن اوزکه استناد ايده جک بوله مديغمک
افاده سيلاه اکتفا و مغروض کردن عبوديت و هر نفسده ورد زبان
صداقت اولان دعای واجب الادای ترايد عمر و شوکت جهانبابى
زيورلسان تکرار قلنديغى و جناب محاسن ماب داوريلرينه موهبهء
مخصوصهء الهيه اولان خصال حميلهء عالمپسند و اخلاق نادرهء کمالات
پيوند اقتضاسندن و حق احق اصفانۀ لرنده متلامع و درخشان اولان
مهر جهانتاب توجهات حضرت خلافتناهى آثار عليه سندن اولمق
اوزره مأمور بيورلمش اولدقلى مسند عالينک تبریک و تسعیدی ايله
برابر اشبو مأموريت جليله ده دخی رضای فيض اقتضای جناب
ظل الهمى يه موافق خدمات برکزيده برازينه موفقيت و تمادىء اجلال
و عافيت آصفيلرى تذکار اولمقده اولديغى بمنه تعالى قرين علم عاليلرى
بيورلدقده بعد ازین دخی صوب بندکانه محاسن انظار کر مکاريلريله

مشمول ومباهی بیوراسی باینده امر و اراد حضرت من الاله امر کدر
فی ۵ ن سنه ۷۱ (السید محمد امین عالی ۲۵۲)

* *

برنجیسی خصوصی ، ایکنجیسی نیم رسمی اولان بوایکی
مکتوب ، لسان رسمی ایله اسلوب حقیقت و صمیمیتک نه قدر
فرقلی اولدیغنه شهادت آده جک ایکی برهان تاریخیدر . ارباب
تدقیق و تتبع ، بونک پک چوق و دورلو ، دورلو أمثال و نمونه لرینی
کورمش . او قومش . حتی ایجاب ، یا مجبوریت اوزرینه ، احتمال ، که
یازمشدر . بو کون دییه بیلیرز ، که برمسأله ایچون عین قلمدن عین
زمانده جامع الاضداد شیملر چیقدیغنه احتمال ویرمکده ، انسان
تردددن قورتولاماز و بویک دوغرودر . لکن هانکی دورک
تاریخی تدقیق اولونسه ، بویله غرائب اضداده تصادفدن خالی قالماز .
هر زمانک و هر محیطک ، هر ملکتمده کونا کون تأثیراتی اولمشدر .
مقام ، یا خود ، صاندالیه غوغای بی معناسی ایسه دنیا
قورولدی قورولالی موجود بر درد عظیم و الیدر . بونک هر وقته ،
هر دوره کوره ، بر صورت تجلیسی واردر . رنکی نه قدر کیشیرسه
دکیشسین . اصلی دایما بر درد اساسینه اودر . شو نقطه نظر دن دوشونو-
لونجه بویوک رشید پاشا ایله عالی پاشا مرحوم آره سنده متحدث
اختلاف و برودت ، تصور آده بیلدجکمنز احتماللرک هپسنه معروض
قلمق لازم کلیر . رشید پاشا ، عرفان و کمالایه برابر لایخطی
دکل ایدی . یالکز بوجهتی اونو تمامالیدر ، کدرشید پاشا ، رجال
دولت یتشدرمک ایچون ، فطری بر رمزیت عالیه ایله ممتاز و سرفراز
ایدی . وفی الواقع بوداهی سیاسینک بولوب یتشدردیکی رجال ایچنده

عالی و فوآد پاشا لر ، أمثال واقرانلری آردسند ، وجوه عدیده ایله جائز رجحان و امتیاز ایدیلر . مع هذا عالی پاشاده قصور سرزدکل ایدی . اوده انسان ایدی . قالدی ، که بویوک رشید پاشانک ذاته خاص بر سر مظهریتی اولدیفنی و برایشده ، حکم زمان اقتضاسیجه ، کندیسینک درجه موفقیتی ، اکثراً دیگر لرینک حتی مجتمعا موفقیتلرینه ذلق دوشه بیله جکینی - تعبیر آخرله - هر کسی حیرتده بیر اقه جق بر مرتبه بالاترینه حقیق دیننی انکار ممکن دکلدرد . بونک ایچون ، قونفهرانس مبحثنده دیدکلریمزه علاوه دیرز ، که رشید پاشا مرحومک قونفهرانسه کیتمک تشبث و آرزوسنده بونو نمانی ، مطلقا عالی پاشانی چکمه مسندن دکل ؛ قونفهرانسلردن مصلوب اولان نتیجه موفقیتی استحصال ایچون ، کندینه داهای زیاده اعتمادی اولدیفندن . . بناء علیه : خلاصه الخلاصه سی ، برأمنیه مهمه وطن پرورانه عبارت صایاسه سزادر .

عالی پاشا مرحوم ، ویانه ده ، قونفهرانسه اولدیفنی صیراده ، ۱۶ س سنه ۷۱ تاریخده ، خط هایون ایله صدارتی اعلان و مرخصلغه بویوک رشید پاشانک تقرر مأموریتی بیان قیلنمشدر . خطک مندرجاتی شایان دقتدر :

(وزیر فطانتسمیرم شفیق پاشا)

(بوکره رشید پاشانک مشاغل کثیره جهتیله وقوعبولان)

(استرحامنه منی خدمت صدارتدن انفصالی وقوعبولمش)

(اولسیله خدمت جلاله مذکورده مأموریت مخصوصه ایله)

(ویانه جانبنده بونسان خارجیه ناظری عالی پاشایه توجیه)

(و آوروپاجه اولان مصالحک اهمیتنه بناء مشارایله رشید)

(پاشا دخی مشارالیه عالی پاشانک یرینه مأمور تعیین اولنمش)
 (ومشارالیه عالی پاشانک ورودینه قدر صدارت قائممقاملغی)
 (دخی عهدده گه احاله اولنهرق خارجیه نظارتنه عهدده سنه)
 (رتبه وزارت توجیهی و مجلس تنظیمات ریاستی انضمامی ایله)
 (فوآد افندی وعهدده کدن منحل اولان مالیه نظارتنه کذلک)
 (عهدده سنه رتبه وزارت توجیه اولنهرق طوبخانه عامره من)
 (ناظری مختار بک مأمور و تعیین قلنمش اولمغله کیفیت)
 (اعلان ایلیم سن ریمز تعالی و تقدس حضرتلری جلهانی)
 (توفیقات الهیه سنه مظهر بیوره آمین) ۱۶ س سنه ۷۱

۷۱ — ۱۲۷۰ قریم محاربه مشهوره سنده دولتک اعلائی
 شکوه و شاننه خدهتی ، الی الابد ابقای نامی ایچون ، کافی اولان
 بویوک رشید پاشا ، پادشاهنک مزاجنه بحق واقف و امن
 واعتمادینه نامحدود بر صورتده مظهر ایدی . خط هایون ، بونک
 دلیل واضح ومعیداریدر .

ایشته رشید پاشانک بوتون احتراصاتی ، اودهشتلی محاربه
 ایله قورتاردینی دولت معظمه یی اعلایه منحصر ایدی . صوک
 نفسنه قدر تمیزی ، سیاستی بو ایدی و عمری وفا آده ایدی ،
 تورکیا حقیقه بویوک تورکیا اولاجق ایدی . آوروپا دولتلری
 نزدنده اودرجه ده اهمیت ، رجال اجنبیه ایله اولیلر وابطی واریدی ، که
 بعضاً بر قاچ سطرلق خصوصی بر مکتوبی ، مهم بروثیقه تشکیل
 آرددی . مقصدم ، عالی پاشا مرحومی مؤخذه دکلدر . مشارالیهک
 آرقه داشی و — رشید پاشایه نسبتلری اعتباریله — قاپی یولداشی
 دیمک اولان فوآد پاشا مرحومه یازدینی حسب حال عارفانه ده

ولی نعمت رشید پاشا دن شکایاتی بر چوق حقیقتلری محتویدر .
دولتده ، رشید پاشانک مثلی کله مش بر ذات عالیقدر اولدیغنی
ایسه عالی پاشا بالذات سویله یور و بو ذاتاً متفق علیهدر .

*
* *

شکایتلردن ولی الدین رفعت پاشا مسأله سنی تتبع ائدم : بو
ذات ، پارس سفیر کیری ایدی . رشید پاشا ، بر آره لق عزل
آده جک اولمش . ناپویون آره یه کیرمش . ولی پاشا مأموریتده
قالمش . بالاخره رشید پاشا اصرار ائتمش . فرانسه حکومتی
چار و ناچار صدر اعظمی قیرمق ایسته مه مش . ولی الدین پاشایی
سفارتده استصحابدن واز کچمش . بونک اوزرینه رشید پاشا
مرحوم : « پارس سفیری دولتلو ولی پاشا حضر تلرینک آرتق
سفارتده ابقاسی اویه میهرق فرانسه ده کندوسنی حمایه داعیه سنده
بولنانلرک دخی بو بابده برشی دیمیه جکی آکلاشلدیغندن مشار -
الیهک سفارتدن عزل اولنه رق - یرینه بر مناسب ذات انتخاب
واستیدان اولمق اوزره - بروسه والیلکنه تعینی » ماده سنی
عرض ادیجیه ، جواباً صدر اولان اراده سنیه ده ، کندیسنک مخدومی
مایین همیون کاتبلردن محمد جیل بکک سفارته تعینی بیلدیریش
و بوده ، رشید پاشا حقنده ، اوغلنی قاییرمق ایچون ولی پاشایی
فدا ائتمک کی بر غرض کارلق ادعاسنه میدان ویرمشدر . حال بوکه
ادعای واقعی تأیید آده جک بر دلیل واثق یوقدر . محمد بک
ایسه پارس سفارتنک خیلی وقتلر کتاتبلرنده بولومش و امور
و معاملاتنه وقوف تام حاصل ائتمش ایدی . بالاخره پارسده
احراز آله دیکی موقع احترام باشقه جه سزای تخطر در .

شوراجیقده رشید پاشانک برحقسزلغنی یازایم : ولی الدین .
 پاشانک انفصالی اوزرینه ، فرانسه خارجیه ناظری دروئین
 دولویس ، کندیسنه [لهژیون دونور] نشانک غران قوردونی
 استحصال آتمش و توئیله ری سراینده ویریلن ضیائتمده ، کندیسنی
 اونشانی حامل کورمکه مفتخر اولاجغنی ، ولی پاشایه ، بر تذکره
 خصوصیه ایله بیلدره رک نشانی ده کورنדרمش . طبعی ولی پاشا
 اونشانله ضیافته کیده رک وظیفه سنی ایضا آتمش و کیمیتی باب عالی یه
 بیلدرمش . رشید پاشا مرحوم ، ولی پاشا حقنده کی اغبراری
 یکه مه مش ؛ یازدیغی بر تذکرده : « طرف اشرف حضرت
 خلافتنایدن رخصت سنیه ارزان بیورلمقسزین کندویه ویریلان
 نشانی تعلیقده تعجیل ایتسی جمیع دولده جاری اولان قاعده
 مرعیه یه موافق دکل ایسه ده نه چاره بر شیدر اولمش » دییه رک
 زواللی ولی پاشایی نزد پادشاهیده ینه قباحلی کوسته رمک
 ایسته مشدر . حال بوکه ولی پاشا نشانی تعلیق آتمیه ایدی ، هم
 مؤخذه ، هم باب عالیجه مسئول ادیله بیلیر ایدی . قاعده دول و ول ،
 رشید پاشانک دیدیکنک عکسنه در . هر حالده رشید پاشانک دهای
 سیاسته نظراً بویله نقایصنی بیلمه نی کوکل ایسته مز . لکن مع التأسف
 بویله بعض قصورلری وار ایدی . بونی اعتراف ضروریدر .

عالی پاشا مرحومک مکتوبنده ، مردیون باصامغی تعبیری ،
 رشید پاشانک ، هرکیمی ایسته رسه ، اونی صدارته کتیرمکه پادشاهی
 اماله آتدیکنه ایما ایچوندر . « رؤف ثانی » تعبیری ده بعضاً
 رشید پاشا مرحومک ، برمدت محدوده جزویه ایچون ایشدن
 چکیلمک ، یاخود ، تبدیل موقع آتمک ایسته دیکی زمان ، مقام صدارته

کتیریلن و کندیجه پک ملتزم بولونان بعض ذوات معلومه دن اولمق ایسته مه دیکنه تلمیحدر . حتی ظرفای عصر ، بویله تبدلره ، « حلهٔ صدارت » نامنی ویرمشیدی .

عالی پاشا مرحومک برنجی صدارتی ، طوطی طوطی بش آی یکرمی یدی کون دوام آتمش ؛ یرینه ، داماد محمد علی پاشا گلش ایدی . بوکرده اويله اولاجغنی بیایدیکی ایچون ، عالی پاشا ، یاز وفاداری اولان فواد پاشا مرحومه استعفا نر و مندن بحث ايله مشدر .
اصلاحات ملکیه مسألهٔ مهمه سی حقنده کی تعریضاتی ، آنجاق اهلک تدقیقات و تعمیقات بی طرفانه سیله تعین اده یله جکدر . چونکه تدابیر مقررده اصلاحیه نك منتظماً تعقیب اولونوب اولونمادینی وثایق رسمیهٔ حکومتک برر برر تبعیله آکلاشیلا بیلیر . تعریضات واقعه . اصلاحاتجه بررور توقف کوسته ریور . بونک مدتی ، ماهیتی آیری آیری محتاج تدقیق شیلردر . بحق اجرای تبعات اُدیلیرسه .. زمان وامکان نظر دقته آنه رق آوروپانک ، اووقته مخصوص ، تمایلات و تشبثاتی ده کوز اوکنه کتیریلیر ایسه .. شیمدی بی طرفانه ، بی غرضانه بر حکم و یرمک پک ممکن اولور صانیرم . زیرا عالی پاشانک تعریضاتنه قارشى رشید پاشانک ده اعتراضات و مدافعاتی اولمق لازم کلیر . ذاتاً رشید پاشا مرحومک سیاست رقییدن باحث لایحه سی باشقه جه و بالخاصه شایان تدقیقدر . هر حالده بوبابده ویريله جک حکمی اهلندن ، یعنی وثایق رسمیهٔ حکومت دخی آلیوم امر وادارده سی تحتده بولونان وقعه نویس دولتدن بکلده لیدر !



ولی الدین رفعت پاشانک ، پارسده ایکن اوغرا دیغی سعایتلر

ثمره سی اولارق ، خارجیه ناظری طرفندن ، برقاچ کره مؤخذه
آدیش اولماسی باشقهجه شایان دقتدر.

۱۲۷۱ محرمنده : پارس سفیرینک ، برمدت حانیهدده تجارت
آتدکن صوگرا پارسه کیتمش اولان موسیو نیسانامنده بریسنی
خدمت سفارته آلدینی بابعالییه حتی ذات شاهانهیه خبرویریش ؛
بونک اوزرینه خارجیه ناظری ، مرقومک همان خدمت سفارتدن
طرد و اخراجنی بارادء سنیه سفیره یازمشدر. ولی الدین پاشا ،
بیان اولونان شخصک خدمت سفارته دکل ، کندیسنک دائرء
خصوصیه سنده استخدام اولونمق اوزره مراجعتی سبق آتمش
ایسهده مستقل کاتبی بولوندیغندن قبول آدیلهدیکنی و مع مافیه
سوء احوالنه شیمدییه قدر وقوفی اولمایوب بورالرنی اشعار
واقعدن آکلادیغنی و بارادء سنیه هیچ برفردک سفارتهده استخدام
اولوندیغنک اصلی اولمادیغنی بیلدیرمهده تردد آتمه مشدر .

ینه اوأتاده ، ولی الدین پاشانک بلجیقایه سیاحتی روایتی ،
اثر سعایت اولمق اوزره ، استانبوله عکس آتدیریش ؛ سفیر ،
صورت مخصوصهده مؤخذه اولونمشدر. ولی الدین پاشا ، بونکده
آلتنده قالمامشدر . پارس سفیر کیزنی ، دول سائر سفراسی
کبی ، بلجیقا اورتا ایلچیسى دخى اولدیغندن « ایمراطور حضر تلیله
سائر مینیس ترولرک کافه قامپانیهده بولونمالرندن بالاستفاده » ،
بلجیقا قرالیله علی الاصول بر ملاقاتده بولونمق اوزره ، کیتمک
ایسته مش ایسهده او آره لق قرال سیاحتده بولوندیغندن بالضروره
کیتمه دیکنی و مع مافیه بعده بر موجب امر و اشعار پارسدن

آیبرلیق افکارنده بولونماياجغنی یازیورمشدر .

شومؤخذات ، کرچه خارجیه ناظرندن صادر اولمش کورونویور ایسهده ، اصل منشأ صدر اعظم رشیدپاشا اولدیغنده شبهه یوقدر . مع هذا رشید پاشانک ، ولی الدین پاشا حقنده کی شدت و اغبراری ، مخدومنی پارس سفیر لکنه قاییر مق کی بر امل غیر مشروعه محمول اولاماز . چونکه او یله بر شی اواسه ایدی ، در حال یاپار ایدی . محمد جمیل بکک قریحه پادشاهیدن تعیننی ، مسألهده ، رشید پاشا ایچون ، برائت ذمت عداولونور ظنندهیم .

*
*
*

معلومدر ، که مدحت پاشا تداییر و اجراءات حکیمانه سیله طونا ولایتی احیا اتمشیدی . آنجاق مشارالیهک تمامی موفقیتی ، بعض سفر اجه حتمزده تعقیب اولونان ظالمانه یولیتقهیه موافق دوشمه دیکندن ، بر آرد اق استانبولده ، کرک سرایده کرک دوائر حکومتده و مخافل سفراده ، پاشامرحومک علیهنده ، شدت لسان استعمال ادیلمش و بر وقتلر بویلهجه دوام قیلمشدر . بالآخره بو شدت لساندن بر فائده کوروله مهیه چی آگلا شیلینجه ، یولیتقه دگیشمش ؛ مدحت پاشانک اقتدارندن ، مزیا تندن بحث و کندیسنک بر والیلکده بیر اقیامق دگل ، شورای دولت ریاسته کتیر یلهرک رای و خدمتندن بوتون مملکت مستفید اولمق لازم کله چی ورد زبان ادیلمشدر . ذاتاً زمین احضار اولونمش ، دولاب اوکا کوره دوندیرلمش ایدی . عالی پاشانک اثنای صدارتده مدحت پاشا طوناندن قالدیرلمش ، شورای دولت ریاسته کتیر یلمشدر . طونا ولایتک تنظیم و احیاسنده ، بوتون آوروپای آندیشانک

أدن بالتمسان غائله لیرنی محو أده بیلیمک ایچون تأمین سکون و آسایش و اجرای عدل و سیاست خصوصاً رنده پک بویوک موفقیتلر کوستدرمش اولان مدحت پاشا ، ایکی اوچ سنه داها اوراده قالایدی ، حادثات معلومه بلکه ظهور آتمز ایدی . و اأسفا که پای تخت اُسکی پای تخت ، اُنتر یقه لر ایسه دائمی جریان اولدیغندن ، دشمنلرک ترتیبات دسیسه کارانه سی تمامی تمامنه قوددن فعله حقیقه ش ؛ او معزز عثمانلی مملکتی بر قاچ جنایت مرتبیلرینک ملعبه سیاستی یا خود شیطنتی اولمش قالمشدر .

مدحت پاشا ، صفوت قلب صاحب اولوب سوزینی صاقلامق یا خود اُسیر که مک کبی قیود غریبه احتیاطیه خاطرینه بیله کلزدی . بونکله برابر ، او یله بر اُن دیشه سی واردیه مفروض اولسه بیله ، فطرتی مساعد دکل ایدی . بر ذات محترمک تعبیری وجه ایله : دیپلومات دکل ایدی . قلبنده نه ایسه ، دیلنده ده او وار ایدی . اوزی ، سوزی بر ایدی . قصوری ، دوائر حکومتده رقابت رجال ایچنده یو وار لایوب دایانمق ایچون لازم کلن باب عالی دیپلوماسیسنه عدم وقوفی ایدی . شورای دولت ریاستده

ایکن ، مقتضای فطرتی اوزره ، امور و معاملات دولت ایچون فکر و رأینی آپ آشکاره سویله مکدن چکینمز ایدی . حال بوکه ، هر زمان اولدینی کبی ، مرحومک سوزلرینی ، صدراعظم عالی پاشایه همان نقل اُدیورنلر چوق ایدی . مدحت پاشاده بورالرینی بیلدیکی حالده ینه ضبط نفس اُدمه یور ، عالی پاشایه ، یا خود ، فوآد پاشایه دو قونور کبی و اهمه لره قایلیمایور ایدی .

فوآد پاشا مرحوم ، غایت رند مشرب بر ذات اولدیغندن

برشی ایشیتسه ده منفعل اولماز ؛ بالعکس مدحت پاشانی کورور کورمز : « سن بنم ایچون بویله دیمشیشیک » یوانده برصمیمیت اخوتکارانه و لالابایانه ایله صورار و جواب صوابی آلیر ایدی . لکن عالی پاشا او یله دگلمش . احتمال که ایشک ایچنده صدر اعظملیق بلاسی ده وارمش . خلوصکاران زمان ، صدر اعظم آفندمره هر شیئی خبر ویرمه ده قصور آتمز لرمش . عالی پاشاده ، مدحت پاشا علیهنده سویله نهمیه باشلامش . مجلس مذاکراتنده مباحثه لر شکر رنگ اولمش . آلتهایه ، مدحت پاشا ، باب عالی آراغاجنده بز دو قویامایه جغنی آکلایه رق ، صلاحیت کامله ایله بغدادده والی کیتسه ده ، ایش کورسه ، طرزنده ، دیدینمش . عالی پاشا ایسه اغبرارینی یگه مه مش ، احتمال که بوکا چکه مه مزلك ده انضمام آتمش اولدیغندن غریب بر معامله یامتمدن کنسیدینی آلاماشدر .

برکون ، مجلسده ، مدحت پاشا ،ینه کمال صفوت بال ایله سربستانه اداره کلام آتمش . عالی پاشا ذاتاً کوجنمش و مدحت پاشاده مستغنی طور مقده بولونمش اولدیغندن ، ایرته سی مجلس کونی ، صدراعظم . آمدی محمود بکی رئیس پاشانک نزدینه کونده زه رک : « ایسته رلرسه ، بغداد والیلکنی اجرا ادهیم » دیمشدر . آمدی بگ ، مدحت پاشایه صدارت مستشارلغاک اوطه سی اوکننده تضادفه امر صدراعظمی بی تبلیغ آدینجه ، عزت نفسنه دو قونان مدحت پاشا بوزولمش و مجلس خاصه کیتسک اوزره ایکن بغداد والیلکنه آشیریلدیغنی آکلایه رق مستشارک اوطه سنه کیرمشدر . واقعا مدحت پاشانک « بغداده کیده رم » دیدیکی معلوم ایدیه ده

صورت اجرا پك آغير كلديكندن متأثر اولمش و مستشار طرفندن بعض تسليم آميز سوزلر سوييله نيلهرك ، محمود بگ صدر اعظمه جواب موافقت كوتور مشدر .

مدحت پاشانك كبرلى اولديغنى بعضلى سوييله دكلرنندن از ميرده كنديسيلاه بولونان برذاته صوردم : « مدحت پاشا اقرا نلرينه قارشى اويله ايدى . مادونه قارشى ايسه متواضع و ملتفت ايدى » جوابى ويردى .

*
**

وزرادن ديكر برذات ده ، اثر سعيت اولق اوزره ، على پاشانك غضبته اوغرا مشدر . بويوك رشيد پاشايه نسبت واختصاصى بجهتيله على پاشانك پك ده محبى اولمايان بوذات ، بركون ، بين الاخوان قونوشور كن ، صدر اعظمك دائمى اولان آل اوغوشدير مق عادتى تقليده يلتمش . حاضر بالمجلس بولونان برمعدب ، برمعتاد ، عرض خلوصه مسارعتله على پاشايه يتشدير مش . على پاشا ، خبر واقعه قطعاً اهميت ويرمز كچي كوروش مش . آردين برقاق كون كچمش . اوزات برواليلكه تعيين اديليو ير مش . نهيه اوغرا ديغنى آكلمايان بوذات نزد صدر اعظمى يه كيدرك عرض معذرت واسترحامه باشلايجه ، على پاشا آلرينى اوغوشدير ارق سبب جزاسنى ايمائمش واسترحامك اصرار درجه سنه وارديغنى گورونجه : « پكي آفندم ايجابنه باقارز » ديهرك وينه صيقجه صيقجه آلرينى اوغوشد . يرارق صاومش ؛ فقط بردورلو خبر آلدينى تقليد دن متحصل انفعالى بگه مه ديكندن ، « خانه سنده اقامت اتمك و بريره چيقيم مق اوزره عزلى يا خود تعبير جاژ ايسه عفوينى » اجرا اديو ير مشدر .



بۈيۈك رشیدپاشانك، ۱۲ مارت ۱۸۵۵ تاريخياھ لوردپالما رستونە
يازديغى فرانسىزچە تېرىك نامە - ترجمەسى:

« مایلور، انتظارم وجه ايله، رياست عاليلرى آنتىندە يېرىقايىنە »
« تشكىلى خېرى ، واصل صماخ مئونىت اولدى . بومئونىت ، »
« يالکىز شىخسىمە منحصر دکلدر . خبر واقع ، حکومت سىنیه جە »
« دخى باعث مئونىت عظیمه اولمش و بعدما ، درعهده آتمش »
« اولديغىز مسأله معظمه نك اکتساب اده جکی صور تسويه نك ، »
« آرزوی عمومی به داها موافق دوشه جکنه اعتماد بخش »
« آيله مشدر . ذات اصیلانله لرینك مسلك معروفی ، اوبابده کی »
« اميدك حیز حصوله چیقماسی ایچون برضامن صحیحدر . »
« بناءً علیه تبریکات صمیمیه می تقدیم ايله برابر ، کیفیتك »
« متبوع مفتخم ذات حضرت پادشاهی نزدنده دخى باعث »
« محظوظیت اولديغى اشعاره ابتدار آيله رم . باخصوص »
« انتظار یوزندن منافع سلطنت سىنیه نك خللدار اولديغى »
« بر مسأله نك تسويه سنده ، داها قطعی برخط حرکت تعین »
« أديله جکنه قناعت کتیریورم . »
« ذات اصیلانله لرینك باش وکالت مقامنی احراز آتمه لرینك ، »
« وضمنده عین موقعده بولونديغى زمانه تصادفی و مقدمات دخى »
« آنجاك سزك موقع اقتدارده اولديغىز زمانلرده قايینه به داخل »
« بولونوشم ، رئيسی اولديغىز قايینه نك مظاهرت صمیمیه سینه »

« نائلیتم ایچون بکا بویوک بر اعتماد احساس ایدیور . »
 « بالخاصه مملکتیم ایچون مسعود عد آتدیکم یئگی قابینه نك ، »
 « تشککندن دولانی، کندی کندیمی تبریک ایلر برابر احتیاسات »
 « تعظیمکارانه تمایناتی تأیید ادرم . »



وزیر اعظمك ، لورد پلمه رستونه یازدیغی بویله بر تبریک
 نامه ده بیلر ، دولتی ایچون داها مؤثر .. داها قطعی بر سیاست
 مخدانت طلبنده بولونماسی ذاته خاص بر اثر عرفان دکلیدر ؟
 بویوک رشید پاشانك ، انکلتزه جه حائر اولدیغی اعتبار
 واعتمادی کوسته زن آتیده کی جواب نامه ده (در سعادت سفارتی
 باش ترجمانی « بی زانی » نك خط دستیلر محرر ترجمه سی) اهمیت
 مخصوصه بی حائر در :

انکلتزه امور خارجه ناظرندن صدر اعظم رشید پاشایه جواب نامه
 شوکت مأب حضر تلیرینك شان وشوکتته راجع و علی -
 الاطلاق انسانیتك شعار و منافعه عاید اوله رق کچنلرده وقوع
 بولان بعض احوال صر ه سنده طرف خلوص کاریدن ظهورده
 کلان مساوت خصوصی ذات حضرت ملوکانه نك محظوظیت
 شاهانه لرینه بادی اولمش اولدیغنی بو خالص الفوائد لرینه بیان
 و اشعاره طرف اشرف حضرت پادشاهییدن مأمور قلنمش
 اولدیغکز بشارتی حاوی کذران ایدن ماه شرباطك اون بشی
 تاریخیه مورخاً تسطیر و ارسال بیوریلان مکتوب آصفانه لرینك
 اخذیلر کسب افتخار ایتشم .

جانب حضرت شهنشاهییدن حقمده اولوجهله ارزان بیوریلان

لطف و عنایت پر مفرجتك شكرانيت خالصانه می خاکپای هایوننه
عرض بیورمکزی تمنا ایلمله برابر متبوعهم قرالیچه
جنابلرینک ذات معلا القاب حضرت ملوکانهک شان و شوکته
وسلظت سنیه لرینک استقلال و سعادت حاله متعلق هر بر خصوص
مشار الیها حضرتلرینک نزدنده ندرجه ماتزم اولدیغنی بتون عالمه
اثبات ضمننده امر بیورمیش اولدیغنی تدابیرک اجراسنه برواسطه
اولمش اولدیغیدن کندومی بوجهته مسعود و فرخنده فال بیلدیکمی
دخی پایه سریراعلایه محقق اوله رق عرض اینکزی التماس ایدرم .

وکلائی دولت علیهک حق خلوصکاریده درکار اولان
افکار دوستانه لرینه کنجه حق بوکه مکتوب سامیکزده بوبابده
مندرج اولان اشعار آصفانه لری دخی کمال ممنونیتی مستوجب
اولمشدر. دولت عایهک امورملکیه سی اداره سی ذات دولترلره
رفیق لری اولان وکلاکی اصحاب رویت و حقایق آشنا ذوات
یدنده طول زمان باقی قاله رق ذات هایون حضرت شاهانهک
ممالک عثمانیهک اعمار و اصلاحی قضیه سنده درکار اولان افکار
اصابتدار شاهانه لری و نیات پر خیریت ملوکانه لری معاونت
آصفانه لریله قوتدن فعله کتوریله جغه قویاً امید وارم قالدیکه
ذات عالیترینه اولان رعایت و حرمت متمایزه می قبول بیورملری
مرجو و ملتتمس خالصانه مدر .

خالص الفوائد

پالمرستون

فی ۷ مارت ۱۸۵۰

لوردک بوجواب نامه سی ، تاریخندن دخی آکلاشیلاجنی
اوزره، رشید پاشا طرفندن ، ماجار ملتجیلری مسأله سنده ،

لوندرا قابینه سنجه کوسته ریش اولان مظاهرت و معاونت اوزرینه یازیلش بر تشکرنامه یه جواب اولسه کرک .

باب عالی ، بومسأله ده روسیا و آوستریا کی ایکی دولت معظمه قارشیسینده ، پک مشکل بر موقعده بولوندیغی حالده ، انکلترونک اشتراک مساعی مخاندنکارانه سیله برچوق بی چاره لری ، زمانک سینف قهر و سیاستدن قورتارمق صورتیله پک پارلاق و مظفرانه موفقیترلر قازانمش ، بین الدول پک شانلی برغلبه چلمشدر .

بوراده کمال تأسفله تذکیر و اخطار اولوناجق برشی وار . بعض آلمان مورخلری ، ۱۸۴۸ انتباهی اوزرینه آوستریاده وقوع بولان احوالک دولت عثمانیه جه موجب مسرت اولمش اولدیغی یازمشلردر . حال بوکه زمانک حقایق احوالی یازمقله مکلف اولان رجال قلم ، بویله هر صورتله حقیقته مقارن اولمایان شیر یازدیغندن دولای ، الی الابد بارمعنوی مسئولیت آاتنده قالمقدن تبری نفس آده مزلر .

عثمانلی حکومتی ، اوزمان ، یالکرتأسفله اکتفادکل ، قومشولری روسیا و آوستریا حقوقنه مراعات یولنده بویوک فداکارلقلربیله اختیار آتمشدر ، نه چاره که بزم سکوتمز ، آوروپاده مورخلرک هر وقت و هر مسأله ده جنف القلم بزه هجوم آدیورمه لری ، هپ اویله یالان یا گلیش نشریاته منجر اولوب کیتمشدر . بی طرف برمورخ ، اومسأله ده ، تورکیانک ، بوتون جهان سیاستی منتدار و متشکر بیراقه جق برمساک علوی عدل و نصف اتخاذاشمش اولدیغی اعترافدن باشقه برشی یازاماق لازم کلیر .





مطالعات اصلاحیه :

قبریسلی محمد امین پاشا ، ۱۲۷۰ سنه سنده ، آلتی آی قدر مسند صدارتده بولونمش ایدی . مشارالیه ، بویلك صدارتنده ، دولتجه اجرایی مرتبه وجوبده کورون تدابیر اصلاحیه ایچون لایح خاطری اولان بعض مطالعاتی قلمه آلدیرارق خواص وکلا آره سنده موضوع بحث ومذاکره ایلهمشدر . اوأئاده ، دول فحیمه متخالصه دولت علیه نک تنظیمات خیریه ایلهمشدر موعود تشبثات مخصوصه سنده موفقیتنی بکله یوب طور مقدمه وزمانک اهمیت ونزاکتی قریم محاربه سنک طرز جریانی ده تأیید آتمکده اولدیغندن ، صدر مشارالیه ک شوتأثیرات مادیه ومعنویه ایلهمشدر دوشوندکلرینی مطالعه لازمه دندر .

صدر اعظمک لزوم کوردیکی اصلاحات ، یالکزدوانک اوتاریخده احتیاج حس ایلهمشدی بوتون شیلر دیمک دکلدر . بونده آله زیاده نظر دقت وامعائزی جلب آده جک نقطه اساسیه : دولتک ، قریم محاربه سنه کیریشدیکی برصیراده ، احوال داخلیه سی نه مرکزده اولدیغنی ، رأس اداره حکومتده بولونان برذاتک فکر ویا قلمندن اوکره نمکدر ، که اعتقادجه سیاسیات مملکته واقف اولمق ایسته یلریمز ایچون بوندن داها اهمیتلی برشی یوقدر . ایسته ، قبریسلی نک پک ساده وپک واضح اولان مطالعه لری ، بزجه ، اون دو قوزنجی عصر اواسطنده دولتک پک معیندار برصیغه

تاریخیه سنی تشکیل آن دیکسندن و بومطالعات اوتەدن بری انکلتەرنک قوتلی بر تورکیما حقنەدەکی پولیتیقه سندن منبعث وصایای خالصانه یەدە موافق کوروندیکسندن ، حقیقه شایان تدقیقەر :

جناب حق معمور و آبادان بیورسون دولت علیه نك ممالك محروسه سی وسعت و هر نوع اصلاحات و معموریتە قابلیتی جهتیه حسن اداره امور ملکیه ایلە از کونده پک چوق منافع و محسنات کوستره چکی و بر طرفدن حسن اداره و دیگر جانبیدن دفع مفاسد ایلە تقویه شوکت و دولتی مؤدی اوله جق اسباب و وسائلی قولایلقه وجوده کتوره چکی بی اشتباه اولمسیله سایه شوکت و ایة حضرت شاهانەدە شومطلوبه وصول ایچون بعض اصول اساسیه اتخازی متحتم عهدۀ عبودیت و مصادقت و شونزاکت وقتی مطالعه ایدنجە بو بابده مسارعت و اصل مرتبۀ فرضیتەر . عصر محاسن حصر حضرت ملوکانهده پک چوق نظامات و قواعد عدلیه موضوع ایسهده نقصانی فعلیات ثمره سزاککی مستلزم اولدیغندن اشبو نیت مفروضه نك وجوده کلسی یعنی قوده بولنان نظاماتک ثمرۀ خیریه سنک ظهوره کتورلمسی فعلیاتده اقدام و اهتمای و نیت دولتی مأمورینک کوزلجه تفهم و اغهای قضیه سی اوله رق بو دخی اهلنه تفویض امور ایتک و نا اهل اولنلری مصالح دولته تسلیط ایتماک اساسندن باشلا یوب امور ملکیهده قوللانیله جق مأمورینک بهمه حال او قور یازار و نظامات و قوانینی بیلور درایتلی اولملری و نا اهل اولنلرک استخدام اولناملری ایجاب ایدە جکندن بونک بر نظام مخصوصه ادخالی ، و مأمور متخبک مغایر اصول ظهور ایدە جک حرکتی بیلهرک استقامت سزک اوله جغندن

او مقوله لک بلا فائده وقت شدیداً تأدیی مقدمه اصلاحات عد اول نور.
 امور شرعیہ احکام منصوصہ الہیہ اولیغندن بونک حسن
 جریانی دیانہ و حمیہ و جیبہ ذمت و مواد شرعیہ نی دائرہ اوامر
 صمدانیہ دن چیقاروب بوکا فساد قارشید رفق معاذہ تعالی ناموس
 دین مبینہ طوقنمق دیمک اوله جغندن بو باده احکام عادلہ سبحانیہ
 اساس حرکت اولمق اوزره خدمت شرعیہ ده استخدام اولنمقده
 بولنان مأمورینک حسن حرکت ایملرینک برنظام قوی یہ ربطی
 صیانت دیانت اولور.

هر دولتک قوه حیاتیہ سی اولان امور عظیمه سندن بری
 و بلکه اک اقدمی امور مالیہ سی اولوب بونده دخی اساس اولان
 جہتیندن بری تزید واردات و دیکری حسن اداره مصارفات
 اولمقله تکثیر واردات مسئلہ مهمه سنی ایزوجہ بر بحث ایدرک
 واردات و مصارفات موجودہ نی بردائرہ امینہ ایچنه المقی یعنی
 خزینہ دولتک واردات صحیحہ سنی اله کچورد کدن صکره اموال
 خزائن شاهانه نک تلف و سرقتدن وقایہ سی و بیہودہ یرہ اچہ
 صرف اولنماسی و برطاقم زائد معاشلر ویرلنماسی و علی الخصوص
 مصارفات واقعہ نک ممکن مرتبہ تقایل و تنقیحیلہ تصرفات لازمہ یہ
 رعایت اولنمسی خصوصلرنده متحداً چالشمق واجبات امور دندر.
 ارتکاب ماده سنک بتون بتون رفع و ازالہ سی خصوص سنک
 برنظام قوی و دائمی تحتہ قونلسی و مرکب و مرتشینک جزای
 سزاسنده دقیقہ فوت ایدلنماسی ماده سی دخی متمم فرائض
 مسرودہ عد اول نور. بوماده احوال موجودہ یہ کوره باشلی و اساسلی
 برتدبیرہ محتاج کورینوب چونکہ هر نظامده و با خصوص شو

امور مهمه ده استئا ماحی اساس موضوعه اوله جغندن بر ماده ده استئا و حمايت و يا خود خاطره و اقباله رعایت قلنه جق اولدینی تقدیر ده وضع اولنه جق نظامك بر فائده سی کور یله میه جکی مثللو فعلیاننده دخی کوشکلیکی انتاج ایلیه جکی بی اشتباهدر. و برده بوماده ده ماضیدن بحث مصلحته یعنی حسن نیته اغراض ذاتیه رنکی الیره جغندن بونده اتخاذا اولنه جق اصولك فعلیاتنه تاریخ وضعندن بدأ و مباشرت ایدملیدر .

اوقاف هایون خزینه سنه مربوط اولان مصالح يك زیاده اصلاحه محتاج اولان اموردن اولوب حفظ و تکثیر واردات و مصارفه الزم اولان تقبذات بطبقهها بونده دخی ملتزم و ارتکابات و تلفات قضیه سی ایسه کذلک شایان رفع و احیا اولدیغندن بو خزینه ده دخی شواصولره بر قاعده صحیحیه قونلسی و بونلردن بشقه اوقافه سهل الحصول اولان واردات جدیده استحصالنك چاره سی ازانلسی مناسب کورینور .

تبعه دولت علیه دن هر قننی آیین و مذهبده اولور ایسه اولسون براده یه قدر خدمت عسکریه و ملکیه ده استخدام اولنسی و کندولرینك استحقاقلرینه کوره نائل رتبه اوله جقلرینه نظراً بهممه حال لسان ترکیه اشنا و اوقور یازار اولملری .

امور ضابطه بلدیله ده استخدام اولنمقده اولان نفرات ضبطیه نك ژاندارمه اصولنه قونلسی .

معادنك ایلرولمسی ایچون بر نظام مخصوص یاپلسی .

جزیه ماده سنك بر صورت اخره تحویلی .

اهلنه تفویض امور ایتك و امکانی مرتبه معتمد مأمور لر

قوللانمق وسیلهٔ حصول مطلب اوله جغندن کمرک وقرنته خدمتلرنده و دیده بانلقلرده عسکریدن مخرج یرارلو ادملرک استخدامی هم امنیتی و شمه تصرفاتی مستدعیدر .

حسن ادارهٔ ممالک جهات معلومه منقسم اولوب انک بریسی وبلکه درجهٔ اهمیتته کوره برنجیسی تکثیر زراعت وحرثت مادهلرنده ابراز تسهیلات وتشویقات ایله تبعهٔ مسکونه نی رفاه و ثروته نائل ایکنلرکک اسبابی استحصال ایلمک قضیه سی بولندیغندن مأمورین منتخبهٔ ممالکک باشاوجه برخدمتلی دخی اها اینک سعادت حالی موجب اولان معموریته یعنی غرس اشجار وزرع اراضی وسائره کبی شیلره مأمورینک دائمی صورتله اهایلی تی مرغیب ایتملی قضیه سی اولمق اوزره بوباده دخی تدابیر ایجابیه تشبث واهتمام اولملیدر .

دولت وتبعه نك سعادت حانی وملکک معموریت کلیه سی موجب اولان تیمور یوللرک تبعهٔ دولت علیه واجنبیه دن قومپانیه ترتیبیه لزومی اولان محله یاپلیسی .

مدرسهلرده بولنان طایفه افندیلر تسهیلاً تحصیل علوم ایتملی ایچون اصول حاضر دنك صورت آخره تحویلیله اداره لرینک دخی یولنه قونلسی .

روم پاپاسلری طرفندن رعاییه اولان تکالیف ظالمیه نك رفعیله معاش وماهییه ربطی .

دفتر خانه ده موجود دفاتر خاقانینک طبع وتمشیلله برر صورتلرینک محملرینه ارسال .

دار الحلافه ده کائن دکا کین ومغازه وخان وسائر ده ویر کو تخصیصی .

رخیلی زماندن برو اصناف واتباع مقوله لرینه وارنج
اولادینی اقلام شاهانه یازدیروب خزینۀ دولتن زحمتسزایلق
الیرمقدن مستفید اولدقلری جهتله اقلام شاهانه مالامال واهل
وناهاک سلاک کتبه ده اجتماعدن واقلامه احسان بیوریلان
کلیتلومعاشلرک بوقدر کثرته انقسامندن طولانی کتبه نک ضرورتی
وقلملرک ضابطه سزلخی معلوم ومثبت اولان برحال ایدوکنه
بناء هر بر قلمده لزومی قدر کاتب استخدا میله زائد اوله رق
آدم النامسنک نظامه ربطی پک لازملو برشی کورینور .
مکاتب رشیدی دن امتحان اولمقسزین کیمسه نک هیچ بر صورتله
قلمه النامسی .

اورمانلرک بر صورت مضبوطیته تونلسی .
هر نقدر تفصیل ومبالغه اولنسه اوصانیله جق واهمیت
مسلمه سی جهتیه تعریف وتوصیفده کی لذتیه فانیه جق ماده اهلنه
تفویض امور ماده سی اولوب مادام که والیک وقائم مقاملق کبی
طشره مأموریتلری اربابنه تفویض اولندیغی نقدرده انک امتداد
مأموریتندن استفاده اولنه جغی بی اشتبا بولنمغله اشته اهل وارباب
اولان مأمورلرک حرکات مضره سی اولمقجه ادم قایر مق وسائر
بهانه ایچون مأمور عزل اولنماسی اقدم لوازم امور مایکیه دن
معدوددر .

امرای عسکریه دن عسکر اوزرنده بولنمیوبده خانه سنده
اوتوران ویاخود خدمت سائرده ویاخود اچیقده بولنانلرک
صفت عسکریه سنه خلل کلیه جک صورتله معاشنک نظامیه
خزینه سی معرفتیه بر صورته ربطی .

عساكر بريہ و بحريہ اونیفورمه تخصیصی .
 ممالك محروسه ده بولان نفوسك قوۋ مالیه تطبیق اولنهرق
 بريہ و بحريہ جه لزومی اولان عسكرك مقدار كفايه ابلایه
 برابر بولنره لازم كلان مهمات وسائر دنك پیدرپی اعمالی .
 تبعه وقواس مقوله لرینك صورت استخدا ملرینك بر تحت
 رابطه قونسی یعنی هر كسك مرتبه و مأموریتنه كوره اتباعی
 استخدام ایتسی .



بعض تدقیقاتدن آكلاشیلدیغنه كوره ، اوزمانك رجال دولتی
 اُك چوق اشغال اُدن ماده ، « رفع ارتكاب و ارتشا » اولمشدر .
 حتی صدر جدیدك مطالعاتی مذا كره ادیلدیكى ائشاده : « فی نفس الامر
 یازیلان شیرك لزوم حقیقیسی هر كسك معلومیدر . نه حكامك ،
 نه مأمورین سائر دنك یولنده حركت اُتمه دكلری مسلمدر . بو
 حالك بوندن بویه دوامی ملكجه و دولتجه « انواع او یغونسزانی »
 موجب اولاجنی و دوات علیه نك سعادت حالی و محافظه استقلالی
 ایچون چالیشان دولتلی امیدسزلكه دوشوردرك بوندن دخی
 انواع نتایج وخیمه ظهوره كهجكي بدیهاتدندر . دولت علیه نی
 بر هیأت منتظمه قویوبده صحیحاً قوتلندیره حك و معموریت
 ملكیه نی و هر صنف تبعه نك جداً و حقیقهً خشنودلغنی استلزام
 اُدهك نظامات نافعه نك استحصالی فریضه دندر . تنظیلات خیره نك
 فروغندن اولارق نظام آلتنه قونولمش اولان بر چوق ماده لر ك
 اجراسنه و بر طاقم لزومی شیرك دخی هنوز میدان مذا كره بیه
 كهسه مانع قوی اولان هپ ارتكاب ماده سیدر . بونك دفع کلیسنه

باقیله مادجه هیچ برنظام مستقر اولاماز . حال بوکه ارتکاب
 کیفیت مکروهه سنک ثمره مضره سی اولقی اوزره بایاغی مفقود
 حکمنه کیرمش اولان حکومتیه دخی قوت ورونق ویریلهدجه
 شوملکک ادارده سی رتبه امکانه اولمادینی آشکاردر . نه چاره که
 رشوت و سرقت فضیحه لرینی مباح حکمنده استعمال ادن
 انصاف سزلی بوکار مکروهدن قولایقله کیرمک ممکن دکلدرد .
 بناء علیه راشی و مرتشی و سارق و مرتکب حقارنده تأسیس
 اولونوب کیده رک قوتی ضایع آتمش و تاویلات قبولی حانه کیرمش
 اولان قانونلرک کلیاً الغایله بوندن بویله رشوت و سرقت
 تهمتلری ظهوره کلوبده تحقق آتدیکی کی : نه مال مرتکبک
 کمیت و مقدارینه و نه شخص مرتکبک دعوی آتدیکی قدر و اعتبارینه
 باقیلمایه رق ، برملیاردن برغر و شه واریجه و تامه تمام صدارتدن
 ضبطیه نفرینه کلنجهیه قدر جمله سنک جزاسی مساوی اولقی و بو
 جزا دخی مؤبدأ کوره که قونولق قضیه سندن عبارت بولونمق
 اوزره ، برقانون جدید و شدید یایلیر و هیچ استثنا و مساعد
 قبول ایتمکسزین بونک تمامی اجرا سنه عزم و جزم اولونور ایسه
 آنجاق بو طریقله بو فعل مکروهک محوی قابل اولور و ایشته
 اولوقت نظامات صحیحه وضع و اجرا سنده دخی مشکلات قالماز .
 و شاید اول امرده بواصول ارتکابه نک احساسی ممکن اولاماز
 ایسه سائر نظاماته تشبث آتمکک عبثله اشتغال قیلندن اولور [
 زمیننده برچوق مطالعات و مباحثات جریان آتمشدرد .
 شو جریانده کوسته ریور ، که ارتکابی منع ایچون ، دولنک

اَكْ بويوك موقعنده بولنان صدر اعظمی دخی چار پایایه جك و شو
آرده، سرای بندکانتی ده، آزد جك بر قانون وضعی دوشونویش؛
فقط بوصول جهت آچیقدن آچیغه عرض و تصریح اولونا مامشدر.
مع مافیه «تصدر اعظمین» قیدی و بر میلیار غروشله بر غروش
نسبتی پاك بلیغ بروضوح و صراحت دکیدر؟

التهایه: بوبابده بر جزانامه لایحه سی یا پیلیمق اوزره بر قومیسین
مخصوص تشکیلی استیدان اولونمش و اراده سینه سی آیینمشدر.
محمد پاشانك انفصالی اوزرینه بویوك رشید پاشا، صدارته
چکدیکنده: عالی پاشا، محمد پاشا، رفعت پاشا، مصطفی فاضل
پاشا، محمد رشدی پاشا، محمد فواد أفندی، ابراهیم أدهم أفندی،
صفوت أفندی دن مرکب مجلس عالی تنظیماتده: أسباب موجبه یی
حاوی مفصل بر لایحه زاون سکیز ماده سی فصل رشوت، بش
ماده سی فصل سرقت، اوچ ماده سی فصل هدایا، و دورت ماده سی
فصل اصول و محال محاکمات اولمق اوزره اوتوز ماده یی حاوی
بر نظام نامه جدید قلمه آیینمش و رشید پاشا طرفدن مجلس عمومی
عقد ایله تصدیق ایدیلدکن صوگرا، لدی العرض، مذکور نظام نامه
عبدالمجید خان مرحومك خط دستایله «موجببنجه عمل اولنه»
فرماننه اقتران آتمشدر.





اقتصاد :

سور هایونلر مناسبیه صرفیات و مبیعاتده سؤ استعمالات وقوع بولدیغی و بومیانده قویو مجیارك دخی لازم کلنلرله اویوشه رق ناء پادشاهییه برچوق یازد لر طلبنه قیام آتدکلری مسوع عالی اولمسنه و برکون ، برقاچ قویو مجینك تشریف شاهانه دن بالاستفاده مراجعت واستعاضافه قانقیشدقلرینه مبنی ، جنت مکان عبدالمجید خان ، آتیده کی خط هایون ایله صدر اعظم عالی پاشایه وصایای مقتضیه و او امر قطعیه اصدار بویورمشدر :

« بنم وزیر معالیسمیرم »

« حسب الایجاب سور هایونلر مزدن طولانی وقوعبولان »
« وبوندن بشقه خلاف رضای ملوکانه مز اوله رق متعلقات »
« شاهانه مز طرفلرندن تصرفسزلق وقیدسزلق صورتی »
« کوستریله رك بعض مبیعات وقوعبولمقده اولدیغی مسوعمز »
« اولوب بوندن بویله کافه متعلقات شاهانه مزك تخصیصاتلریله »
« اداره اوله رق اندن فضله برکونه مصرفلری قوعبولمسنه »
« قطعاً رضامز اولمییغندن کرک تبعه دولت علیه مزدن و کرک »
« خارجدن هیچ برکمنه نك هر نوقت اولور ایسه مطلوبه »
« دسترس اولورم ملاحظه سیله استیملان شیرلی کتورمکه »
« مجبوریتلری اولمدیغی بشقه جه خط هایونمزله اعلان اولنه جق »
« ایسه ده اشبو اراده سینه مزى بالجمله خدمه و مأمورینه افاده »

« ایدوب شاید خلاقی حر کتده بولنانلر اولور ایسه انک دخی »
 « اوکی کسدرملک وایجابنه کوره حبس وتأدیب ایتدیرملک »
 « وبونلره دائر لاینقطع تحقیقات وتدقیقات اجرا اولنق لازم »
 « کاندیکندن سرعسکر رضا پاشانک بوخصوصه تعینی نزد مزده »
 « تنسیب اولمش وبنابرین مناسبت موقعیه سی جهتیله طوبخانه »
 « عامره من مشیرلکی اداره سنک بالذات سرعسکر لکه الحاقیه »
 « مشارالیه حاله سی وطوبخانه عامره من مشیری محمد پاشا »
 « متحیزان وکلامزدن بولندیغندن انک دخی مجلسه مأموریتی »
 « مناسب کورینوب مشارالیهما جلب ایله مأموریتلری بالاجرا »
 « باب عالیمزه کوندرلمش اولدیغندن وشارالیه سرعسکر پاشا »
 « ایله مالیه و خزینه خاصه ناظرلری پاشالر همان بالاجتماع مذاکره »
 « مصالحته مباشرت ایدرک وحقه مقرون اولان ونیجه سبیلردن »
 « طولای فاحش بولنان دیون تدقیق اولنهرق دفترلرینک »
 « تنظیمی و وقتاً من الاوقات بو مقوله شی وقوعبولمامسی »
 « اسبابنک بهمه حال بولنمی دخی اراده قطعیه من اقتضاسندن »
 « بولندیغندن سریعاً ایجاب حاله ابتدار اولنسون »

۸ محرم ۱۲۷۵ یوم صالح

بو فرمان پادشاهی مندرجاتی ، او اثناده ، موجودیتنه
 قناعت کامله کتیریش اولان یولسزقلردن متولد اغبرار و غضب
 شاهانه یه دلالت ادر .

سفارات اجنبیه دن برینک راپورینه نظراً : سور هایونلر
 مناسبتیه خزینه دولتن هر سلطان ایچون یوز قیرق بیك کیسه
 یعنی یتمش میلیون غروش تخصیص و صرف ا دیلشیدی .

« عالی پاشا ، خط هایونده موضوع بحث اولان احوال دن »
 « پك متأثر اولمقله برابر ، بر انجمن مخصوص عقد ایله امر »
 « اقتصاد ده ذات شاهانه یی تشویقا صد اقتصرك أدنرك خائن وطن »
 « اولاجنی یولنده بیاناده بولونمش و بر صورت تسویه تأمل »
 « و تذکر ایله مشدر . صوڭ ایکی سنه نڭ برنجیسنده یدی یوز »
 « میلیون ، ایکنجیسنده بش یوز میلیون غروشه بالغ اولان دیون »
 « خصوصیه ، خزینئه دولته تحمیل اولونمش ایدی . بونڭ ایچون ، »
 « وکلای دولت بر میلیار ایکی یوز میلیون غروشلق قونسوانیده »
 « موقع تداوله قویمانی دوشونمش ، تپه دللی علی پاشانڭ ذات »
 « حضرت پادشاهی نامه کچن یکیشهر چیفتلکلرینی صائمائی »
 « تنسیب اتمشدر . بو أملاک قیمتی ، تخمیناً ، ایکی یوز بیك »
 « کیسه قدر اولاجقدر . »

تعجب و تأسف اولونور ، که بوتون دیدی قودیاری یازان
 سفارتلر ، مصور حقیقت اولان بو خط هایونی آڭلایامامشلردر .
 بعض اوراق مطالعه سندن استنباط اولوندیغنه کوره ، او
 وقتلر ، دولتیجه هنوز بودجه اصولی تماماً موجود دکل ایدیهده ،
 مالیه ناظرلری ، هر ایکی و یا اوچ آیده بر ، اومت ایچنده آینه
 بیله جک واردات ایله مصارفی حاوی بر ترتیب یاپار و بو ترتیب
 مجلس وکلاجهده تدقیق ادیلهرك ، کوسته ریلن تأدیاتک تقدیم
 و تأجیلی قرارلاشدیریلیر ایدی .





مشروطیته دوغرو:

جنت مکان سلطان عبدالعزیز خان عهد سلطنتنده، مشروطیته دوغرو، کوزل برتشت وقوع بولمشر.

خاقان مشارالیهک، هر سنه ابتدا سنده، باب عالی بی تشریف ایله، وکلا و رجال دولت حاضر بولوندیغی حالده، برسنهک احوال مملکت حقنده ایراد مقال آتمه لری، پک موافق بر حسن ابتدا صایلمالیدر.

عالی پاشانک اوان صدارتنه مصادف اولان ۱۲۸۷ سنه سی محرمک یدنجی پنجشنبه کونی، باب عالیده ایراد بویورولان نطق هایون، أعظم حکومتک وبالخاصه عالی وفوآد پاشانک شهراه تجددده صرف ایله دکبری مساعی متماذیه پازلاق بردنیل دکلیدر؟ عالی وفوآد پاشانک قدر وقیستلری نزد پادشاهییم مظهر تقدیر ایدی. لیکن زمان ومحیط اجرای حکمدن خلی قلمادیندن اوایکی ذات محترم پک چوق مایوس اولمشلر، هر وقت بیك دورلو تعریضات واحتراصات بلالرینه طوتولمشلردر.

بونک باشلیجه سببی: بزده، دولت ووطن رجانک، اوتهدن بری منسوبینه مغلوب دوشوب قالمالری ایدی.

اکثر قدمای رجال، آنجاق اویولده انتساب واحتراصات خدمتله تأمین آمال یاخود محافظه اقبال آتمشلردر. واقعا

یو، جهانك هر طرفنده جاری برقاعده .. انسانلقنه لازم
وملزوم عد اولونا جق بر بلیه در . بناءً علیه بزده وجودینی
جوق کورمه مک طبعیدر . لکن اوبله ظن آدهرم، که عالی وفوآد
پاشالر، دور عبدالعزیز خانیده بحق حائر اولدقلری نفوذ ایله
برابر بعض طرفدن آردصیرا مشکلاته اوغراماسه لر ایدی، داها
جوق موفق اولاییله جکلر ایدی .

*
**

نطق هایون

- (هر سنه نك ابتداسنده سنه سابقه نك اجمال وقوعاتی)
- (جمع ایدوب تحت نظره قویمق فائده دن خالی اولمادینی بالتجربه)
- (ثابت اولمشدر . بونكله دوائر و مجالس و مأمورین دولتك)
- (ایضای وظایف معینه یه مصروف اولان مساعیلرینك)
- (درجه سی و دولت علیه نك طریق ترقیده قطع ایتكده)
- (اولدینی مسافاتك مقدار ی برقائده معلوم اولور .)
- (چکن ییل ایچنده دولت علیه مزك هر برشعبه سنده اجرا)
- (اولان اصلاحات و کورینان ترقیات جناب حقك احسان)
- (مخصوصی وجهله نك مساعی متحده سی اثری اولدیغندن)
- (اولبابده درگاه کبریا پناهه عرض تشکر وهرکسه بیان)
- (ممنونیت ایدرم .)
- (داخلاً مشهود اولان اشبو آثار حسنه دولت علیه مزك)
- (مناسبات خارجیه سنده دخی جاری اولوب دول فحیمه ایله)
- (بینزده موجود اولان روابط دوستی و موالات آن بآن)
- (تراید و تآکد ایتكده در . و بوکاینه سنه سابقه نك وقوعات)

(مسازندن اولمق اوزره بعض حکمداران حشمت عنوانك)
(ویرنسلرك وزیته لری بردلیل علنیدر .)

(ایچنده بولندیغمز عصر وزمان اعصار سائر یه مقیس)
(اولیوب اوائله یوزسنده انجق حاصل اوله بیلان شیرل)
(شمدی بش سنه ده وجوده کلمکده ویریاندن ارتمقده اولمغله)
(بو یایده مسابق اولنلری تعقیب واندن صکره اولخالده دوام)
(ایدیه یلمك ارباب حكومتك اقدامات متوالیه ومساعی)
(دامتسنه محتاجدر .)

(بناءً علیه سنه سابقه ده دخی ذکر اولندیغی کبی ترقیات)
(واقعه باعث توقف اولیوب بالعکس ترقیات جدیدیه نی مشوق)
(اولمق کر کدر .)

(تعریف وتکراره حاجت اولمدیغی وجهله ملکك)
(حصول معموری واهالینك تزايد ثروتی وبنای مدیتك)
(تأسسی اسبابك بری وبلکه الاقدمی اختلاط ومعاملاتك)
(کثرت وسهواتی ماده سیدر وبودخی تیمور وعادی یوللردن)
(وممالکده بولنان انهارك سیرسفاینه قابلیتی اولنلردن وبعض)
(محل تجارت اولان سواحله لیمانلر انشاسندن عبارتدر .)
(چونکه هرشیده اولدیغی کبی بونده دخی تقدیم الاهم)
(علی الهم قضیه سنه رعایت اولمق الزم اولدیغندن شمدی یه)
(قدر یاپیش ویاپمسنه قرار ویرلمش اولان تیمور یوللردن)
(معینا قننی خطرك تقدیمی دولته خه وخلقجه اك خیرلو)
(ومنفعتلوا یسه انلرك تحقیق وتعینی وشركتله ویاخودصور)
(سائر ایلله انشالرینه تشبث اولنه جفی وقتده نمقدار مصرفه)

(محتاج اوله جقلى و خطاڭ كچه جكي يرلرك حال و وضعيتي)
 (اول امرده بيلنهرك اكا كوره يعنى معلومات اوزرينه)
 (قرار ويريله بيلمك اچون اهل و معتمد مهندس لر معرفت نيله)
 (كشفلرينك اجرا و خريطه لرينك ترتيب و ترسيم ايتديرمى)
 (و قابل سيرسفاين اولان انهاردن استفاده طريقنك تحريمي)
 (و لازم اولان ليمانلرك استحصال اسباب انشاسي پك مقفغى)
 (كورينور .)

(برده واقعا توسيع تجارت و زراعتك و بنا برين تعميم)
 (ثروت و رفاهك اساس و مقدماتنك برى محصولاتك باشهوله)
 (و آز مصرفله اخراج و ساحله نقلي خصوصى ايسهده يالكر)
 (بونكله دخى مطلوب تماميله حاصل اوله ميوب بحق اراضيدن)
 (استفاده صورتى استحصال ايله عمليات زراعت و فلاحى)
 (تهوين و تسهيل ايلك يعنى بوفنه متعلق و مخصوص اولان)
 (آلات جديده نك استعمالي تعليم و تعميم ايتك دخى جمله)
 (احتياج اتدن اولديغندن بعض مناسب يرلرده زراعت مكاتبى)
 (و چفت ادواتى فابريقه لرى و نمونه چفتملكلى و ايجابنه كوره)
 (زراعت بانقه لرى ياپلسى يوللرينك دخى بلا افاته وقت)
 (بولمى اقتضا ايدر .)

(ايشته شومواد معتابه اى و ممالك دولت عليه مزده حرف)
 (و صنايعك و تجارت و صناعت شركتلرينك ايلر و له لى اسبابى)
 (تحرى و مطالعه ايدرك قرار مذاكراتى حاوى لايحه لرى)
 (شورى دولته ويرمك اوزره متعلق اولدقلى دوائر)
 (رؤساسندن و سائر ارباب و قوفدن مركب بر قوميسيون)

- (یا پستی تسریع و تسهیل حصول مطالبه مدارا و له جعنده شبهه یوقدر)
 (حقوق ناسک مدارا منیتی اولان محاکم و نظاماتک پیدر پی ا کمال)
 (و اصلاحی حقیقه زیاده اعتنا اولنه جق مواددن اولدیغندن اولنابده)
 (دخی خیلی شیر وجوده کلدیکی کبی بعد ازین دخی کمال اعتنا ایله)
 (دوا و ونسی بالخاصه توصیه و انور . اعتبار مالینک الهمهم مقیاس)
 (و معیاری متداول اولان درجه اعتباری اولوب له الحمد و المنه)
 (بونده اولان آثار ترقی ایسه جمله نک معلوم و مشهودیدر)
 (ایراد و مصارف دولتک موازنه دفترلی در دست تدقیق)
 (و اعلان اولوب ملک و دولتی ایلرو کو توره جک یعنی شو)
 (تعداد ایندی کمز اصلاحاتی حیز حصول و کماله ایصال ایده جک)
 (مصارف نافع و مشرک کیر و قالماسی بریاندن کافئه مأمورینک)
 (دائره وظیفه لرینه داخل اولان امورده متعلق صرفیاتده هر درلو)
 (تلف و سرفدن زیاده سیاه اتقا ایتملرندن و دیگر طرفدن دخی)
 (جمله نک استقامت فطریه لری اقتضاسیجه اعطای تسهیلاتده)
 (بردوام اولمسندن حاصل اوله جق موازنه مداخل و مخارج)
 (منوط اولدیغنده شبهه یوقدر خلاصه ممالک دولت علیه مزک)
 (و بلا استثنا بتون اهالیزک طریق معموریت و مدنیتده دوام)
 (و تزايد ترقیلری و حقوق دولت و راحت و امنیت سکنة)
 (مملکتک مدار اعظمی اولان قوه بریه و بحریه نک مقتضیات)
 (عصریه و اسباب موجودیه کوره اتمام انتظامی بالخاصه)
 (و باندوم کافئه مأمورین و تبعه مزدن اقدام املاز اولسیله شو)
 (امل مقدسک تمامی حصونه موفقیتیزی جناب رب العالمیندن)
 (نیاز و تمنی ایتمکده یم)



آوروپاده دایاق :

دور عبدالمجید خانیده ، خدیو مصر بولونان عباس پاشا،
برای تحصیل، برلینه برقاچ طلبه کوندرمش ایدی . ناصیه
برکون طلبه ایله پولیس آره سنده ظهور آدن بر اثر مخالفت
اوزرینه، ضابطه کندیلرینی تحت توقیفه آلدیرمش . برلین سفیری
کمال آفندی، بونی خبر آلیر آلماز حکومته مراجعت اتمکله .
معلملری طرفندن یالکیز پدرانه بر تویخله اکتفا اولونمق
اوزده ، تخلیه لری قرارلاشدیریش .

معلم ایسه ، طایفه سنک موقوف بولوندینی محله کیسه دکنک،
خارجدن کتیرتدیکی بر آدم معرفتیه، هر برینه یکریمی دکنک .
آتدیرمش ؛ بعده کندیلرینی آلوب خانه سنه کوتورمش .

بونک اوزرینه ، معلملرک تربیه طلبه حق معلوم و مسلم
اولمقه برابر ، بر معلمک خارج از مکتب جزای ضرب تطبیقاتنده
بولونماسی پک غربب کوروندیکندن ، برلین غزته لری حکایات
نشرینه باشلامش و بو عملیه تأدیه ناک ، بالذات سلطنت سنیه
سفیرینک انضمام رأی ایله اجرا آیدیدیکی ، بر تعریض ضعیفی
غرضیه ، نشر و اشاعه قیلمش در .

زاواللی سفیر ، ایشده قطعاً ذیمدخل اولمادتن باشقه ،
بالعکس طلبه لهنده هر صورتله عهده سنه دوشن وظیفه نی بحق

ایفا آتمش اولدیغندن غزتلهرك قیل و قاللرینی تکزیه مجبوریت
مس آتمشدر .

داها غریبی شودر، که : جناب معلم ، نشریات و تعریضات
مطبوعاتہ قطعاً اہمیت و یرمہ یرک غزتلهرد بر جواب نامہ یازمش و :
« طلبہ مصریہ ، متوفی عباس پاشا طرفندن باسند و مقاولہ »
« بکا تسلیم اولونمش اولدقلرندن ، کندیلرینی بیلدیکم کی تأدیب »
« آدہ بیایرم . سفارت عثمانیہ نك ، بونلرد ، وجهاً من الوجوه »
« حق مداخلہ و انتصحابی اولاماز . معاملہ ضربیہ دہ بندن »
« ماعدا کی مسہ نك رأی یوقدر »
دیہ یرک ، سفیری تبرئہ آیلہمش و کویا ترضیہ و یرمشدر .






در روز شنبه از خلیفه و جدو و هم و نووان بران پادشاه
رای تحویل نامه بر قاجار خلیفه کو در امتی از می - باطله
ر کون خلیفه از این آید سینه ظهور آید از آنکه مخالفت
و زید سینه سیدری تحت توقیفه آید می - بر این سیدری
ناله آید می - و زید آید آید حکومت مراجعت آید که
مستمری در سینه و زید پادشاه به تو خلیفه آید که از اول
آید - آید و زید آید و زید -

مع آید سینه و زید سینه و زید سینه و زید سینه
و زید سینه و زید سینه و زید سینه و زید سینه
و زید سینه و زید سینه و زید سینه و زید سینه
و زید سینه و زید سینه و زید سینه و زید سینه

و زید سینه و زید سینه و زید سینه و زید سینه
و زید سینه و زید سینه و زید سینه و زید سینه
و زید سینه و زید سینه و زید سینه و زید سینه
و زید سینه و زید سینه و زید سینه و زید سینه

و زید سینه و زید سینه و زید سینه و زید سینه
و زید سینه و زید سینه و زید سینه و زید سینه
و زید سینه و زید سینه و زید سینه و زید سینه
و زید سینه و زید سینه و زید سینه و زید سینه



و آنکه میگویم . مسافرت من
و حق مداحیه و استغفار او
و مناسک گشت رانی یوسف
و بیعت سفری از خاندان





دور عبدالعزیز خانیدہ، دولتندن براورتا ایلچی گلش ایدی .
فرانسزجه بیلمز ایدی . مملکتده ، بعض خدمات فداکارانه و وطن
پرورانه سی جہتیه ، شایان محبت و احترام اواقله برابر خست طبع
کبی بعض احوال خصوصیه سی یکی کیردیکی دیپلوماسی مسلکته توافق
آتمه یور ایدی . سفارت خانده شهری مصرفی ایکی بیگ غروشی
کچمز ، منتظماً آلدینی اوچ بیگ فراق معاش و تخصیصاتک
متباقیسی هیپ تصرف آدر ایدی . حتی برآزہلق ہر آقسام
سفارت باش ترجماننک خانہ سنده ، مسافر صورتیہ ، طعام
آدرنک تصرفی آرتیرمائی داہاموافق مصلحت کورمش ایدی .
بی چارہ ، مسنکنده نہ درجہ آجہ می ایسہ او قدر خسیس ایدی .
سفیر ، سائتہ خستہ ، بک اوغلندہ عادی لوقانطہ لردہ کورولایکندن
زاواللی ترجمان ، ہیأت سفراجه موجب مؤخذہ اولان بو
مناسبتسز لکہ میدان ویرمہ مک ایچون ، سفیری بسلمک وظیفہ سی
درعہدہ آتمش اولویور ایدی .

اوزمانلر ، یگی کلن ایلچیلر - اورتا ایلچی اولورسہ -
رسم قبوللری برآز کچیکیر ایدی . بعضاً مواصلتلرندن بر ،
یاخود ، ایکی آی صوگرا اعتمادنامہ لرینی تقدیم آدہ بیلیرلر ایدی .
ایشتہ بودیدیکمز ذات دہ ، برمدت کچدکدن صوگرا ، یوم قبولی
قرارلاشمش ایدی .

معلوم اولدینی اوزردہ ، حکمدار حضورینہ ایلمک دفعہ چیقان

سفیر. کندی حکومت متبوعه سی خارجیہ نظارتندن یازیش برنطقى ایراد آتمه سی لازم کلیر. ایلچی جناب لری ایسه هم فرانسیزجه بیلیمز، هم فرانسیزجه یازیش اولان بونطقى اُزردن سویله مک ادا سندا ایدی. سفارت ترجمانی کندیسنى اقناع ایچون اوغرا شیر اوغرا شیر .. واز کچیره مز . سفیر ، بش اون سطرلق برنطقى اُزبرله مک ایشدن بیله اولمادیغنى ، بونی کاغد اوزرینه او قومق عادتک سببی بردورلو آکلا یامادیغنى بر طور استخفافکارانه ایله سوله ر ضرور . مت او قویاج سربسغنى اثبات ایچون ده هر کون سفارت خانه ده ، باش ترجمانک یاننه کیده رک اوضاع لازمه یی طاقینیر ؛ نطقى سویله مه یه یلمه نیر ؛ هنوز ایلک سطرده ایکن که کله ر. زواللی ترجمان اوزیلیر صیقیلیر، رجادر ، یالواریر . سفیر ، بردورلو دیدیکندن دوئمز . باشی قاباق اولمق مناسبتیه سفارت خانه ده قوللانیدینی بر فی کندی باشندن چیقارارق ترجمانک باشنه کچیریر و ترجمانی حکمدار قیاس ایله کندیسى آیاقد اولارق، معهود نطقى ایراد پرووالرینی هر کون تکرار آدر طورور .

یوم معین کلیر . رسم قبول اجرا اولونور . سفیر و ترجمان، جنت مکان سلطان عبدالعزیز خانک حضورینه چیقارلر . سفیر ، نامه قرالمی یی تودیع ایله ایراد نطقه شتاب آدر . فقط : « شوکتاب ، متبوع مفخیم قرال حضرتلری طرفندن ... » سوزلرینی تلفظ آدر آتمز شاشیریر ؛ بر آز کزیده بولونان ترجمان ، بر قاق کله فیصیل ادر سه ده سفیر بوتون بوتون طوگا قالیر . خاقان مرحوم ، سفیرک آلدن نامه یی آملقه برابر بر قاق ثانیه انتظار آتدیکی

حالده، سفیرده ینه بر سوز یوق . بر سوز دگل، بر حرف بیله
 سویله یه مز . پادشاه کمال مهابتله بر آز کری چکیلیر . سفیرده ،
 ترجمانیله سالوندن چیقاروق مسافر ادیلدکری اوطه یه دونرلر .
 حاضر بالجلس اولان عالی پاشا ماجرادن پک صقیلیر . سفیری
 مؤاخذه ادر و ترجمانه ده « بویله رسمی نطقلرک کاغد اوزرنده »
 « اوقوندیغی بیلدیکنگیز حالده نیچون ایاجی بکی ایقاظ اتمه دیکیز ؛ »
 یولنده سرزنشلرده بولونور . سفیر ، قصورک کندیسندله اولدیغی
 اعتراف مجبوریتده قالیر . بونث اوزرینه ، عالی پاشا تکرار
 حضور شاهانه یه کیدرک عرض کیفیت ادر و عودتسندله :
 « شوکتآب اقدیمزه عرض ایلدهم . کندیلری ده ، حاصل اولان
 « تأثر دولایسیله برشی سویله یه مه مش اولدقلرینی و قرال »
 « حضرتلری حقدله کی محبت و محضادنت مخصوصه لرینی بیان »
 « و تذکار بیوردیلر » مأنده بر نطق جوابی تبلیغ ایلهر . هیأت
 سفارت ، بر معتاد ، مابیندن آیریلیر کیدر .



خاقان مشارالیهک آوروپا سیاحت هایونلری بحق و تماماً
 یازیلا بیلسه پک قیمتمدار بر اثر وجوده کلیر . برادرلری
 عبدالحمید خان زماننده قوده قالان تصور سیاحتک موقع نعله
 اخراجی مرحوم عبدالعزیز خان نصیب اولمشدر .

پارسده ، بر ملاقات خصوصیه ده ، ایمپراطور یچه اوژدنی
 قاره طاغلیلره شفاعت اتمک ایستهر . ترجمانلق وظیفه سنی ایفا
 ادن فوآد پاشا ایمپراطور یچه نث سوزلرینی عرض ادیجه ،
 عبدالعزیز مرحوم ، عثمانلی پادشاهلرینه و — بالخاصه

كندیلرینه مخصوص اولان بزرگالالت و نزاكت ايله: « ملكندن برقارش طوپراق ویرمك ، برحكمدار ایچون ، نه تدركوچ اولدیغنی ایمپراطوریچه حضرترلری بيلمزلر . فقط ناپولیون حضرترلری بونی پك كوزل آكلارلر ! » جواب شاهانه سنی ویریر . فوآد پاشا در حال ترجمه ادر . ایمپراطور ، جواب هایونك اصابتی تقدیر و تسلیم ایلەر . ایمپراطوریچه ده سویله دیکسنة پشیان اولور .

بیت

اوچنجی ناپولیون ، نوآد پاشا مرحومك عرفاتی تقدیر آتمش ؛ پشانك حاضر جواب اولماسی پك خوشنه كیتمش ایدی . سیاحت هایون مناسبتیه پارسده بولوندیغنی صیرالرده ایسه فوآد پاشا ، ناپولیونك فرانسلره مخصوص اولان ظرافت لایبالیانه دأر دسندة ، التفات و صمیمیتی قازانش ایدی .

بركون ، ذات شاهانهك حاضر اولدیغنی عرض ادن برماینجیسنه : سوق اعتیاد ايله [نه ؛ پك اعلی ، بكه سین !] طرز لایبالیانه سندة جواب ویرن ناپولیون ، بوسوزلرینی ایشیدن فوآد پاشا مرحومه : « اما حنكاره برشی سویله مه ها » دیمكله ، فوآد پاشا ، كوله رك : « خایر ، حشمتلی ، سزه سوز ویرمكه برشی سویله مه یه جكم . شیمدی یه قدر ذات شاهانهك دیدكارینی سزه سویله دمی ؟ » جواب ظرافت مأنی ویرمش ؛ بو پك معیندار اولان جوابدن ایمپراطور پك ممنون و حیران قالمشدر .

س

عبدالجی خان عهد سلطنتده ، غرادن دوق قونستانینك

زوجه سی غران دوشهس آله کساندرا، برکون ، ملاقات سنیه
 آشناسنده ، قلبنده جایگیر اولان برمسأله بی حل آتمک آرزوسنده
 بولونور . نسوانه مخصوص برحس مراق و تجسس سائقه سیله
 و برشیوه اعلیفه کارانه ایله تعدد زوجات حقنده بعض نکته دانه سوألر
 درمیان ادر . سلطان مجید مرحوم ، غران دوشهسک حقیقه
 جالب دقت اولان لطافت و ظرافت لرینه تلخیص ایله : « ذات
 اصالت ساتلری کبی برزوجه یه مالک اولمق بختیارلخی نصیب اولسه ،
 تعدده محل می قالیر ایدی ؟ » مألده شاهانه و پارلاق بر جواب
 ویرینجه مشارالیها طبعی لبریز نشاط و حجاب اولور و حقیقه
 ملک الکلام اولان بوجواب ، محافل سفراده یاد و تکرار اولونور .



دنیا ده هراقبالک محکوم زوال اولدیغندن بی خبر بولونان
 و مقام عالی یه نسبتدن مستفید اولان بر ذات وفات ادر . باش
 مابینجی یه خبر ویریلیر . باش مابینجی ، موجب تأثر اولور قور-
 قوسیه ، بالذات ، پادشاهه عرض ایچون تردد ایله ره آرقداشلردن
 برینه سویله ره ، اوده نازلانیر : « بوسنک وظیفه کدر ، بن یاپامام »
 دیر . باش مابینجی ایسه ظاهره حکم اده کلدیکندن پک مقبل
 و مقبول کوردیکی بر ذاتک وقوع وفاتی خبری بالذات ویرمه بی
 موافق کورمز . آرقه داشنه بر هدیه وعد ادر . اوده قالقار
 کیدر . پادشاهک کوشکی اوکنده اوکسوره رک کزینیر . ذات
 شاهانه چاغیریر . صورار . مابینجی ، بر طور دور اندیشه ایله ،
 مترددانه موضوع بحث اولان ذاتک خسته لکندن ، خسته لکنک
 و خامت ایدن بحث دیر . در . ذات شاهانه تلاشله « تولدی » مابینجی
 علی الاصول دعای عمر و شوکته باشلار . ذات شاهانه بر آرز

سکوتدن سوکرا، مابینچی یه احسان ویرر . مابینچی، بوکا حیرت
أدر . حنکار، دفع شبهه ایچون : « أوت ! او ، صادق دولت
دکل ایدی ، کندیسنی دائماً یاقیندن نظارت آلتنده بولوندرمغه
مجبور اولوردم ! » جوانی ویرر ...



برکون ، عبدالحجید مرحوم ، باب سرعسکری نی تشریف
آتمش ایدی . برمدت اوراده قالدقدن سوکرا، نقیب الاشرف
قائمقامی مشهور تحسین بگک وزنه جیلرده کی قوناغنه کیده جکاری
خبر ویرلیدی . شغرادن برینک :

« عین واحد ، یک چشم ، تک کوزلی ، کور تحسین بگ ! »
مصراعیه سنک انداز تعریغی اولان تحسین بگک ، نزد
پادشاهیده مقبول و زنکین برذات اولدیغندن تشریف شاهانه
خبرنی آلیز آماز یوللره قیرمیزی چو حالر ، سجادهلر
سردیرمش ؛ بیاض بینیشی ایله استقبال شهریار یه شتابان اولمشدر .
دنیاده أمل و امیدلر بیتمز توکنمز . تحسین بگک ده شو
فانی دنیاده بر امید و آملی قالمش ایدی : شیخ الاسلام اولمق !
تشریف شاهانه بوکا دلیل عداولوندی . آرتق اولیور . اولدی
دینلیدی ، حال بوکه حنکار ، منلا بگی برچوق تلطیفدن سوکرا :
« بگک آفندی ، سزی شیخ الاسلام تعیین آتمه یی بنده »
« چوق ایسته دم . بر قاج کردلر نیت آیلهدم . لکن موفق »
« اولامادم . حکم قدره توافق آتمه دی . بوایش نه بنم آلمده در ، »
« نه سزک ! هیچ اوزولمه ییک ، قدرده وار ایسه ان شالله اولور ! »
کلمات متوکلا نه و ملتفتانه سیله حاصل اولان ظن و امیدلرک
یا کلمش اولدیغنی ایما بویور ارق عودت هایون وقوع بونشدر .



قدم عادتلىر :


خديويت و آمارت مقاملىرىنه چىنلىر ، پاى تحت سلطنته كلوب
عتبه حضرت پادشاهى يه عرض عبوديت ادرلىر ايدى . بو عادت
اوتەدن برى جارى اولدىنى كېي مقدما استانبول زيارتلىرى
بعضاً بر چوق هديه و عطيه وىزمەلىرى ده عادت ايدى . هله
مصره ، افلاقه ، بوغدانه ، صربىيايه بر مأموريت مخصوصه ايله
كىتەك ، ياخود ، بر فرمان كوتورمك شرفى جانە منت ايدى .
وزارت منشورلىرى و بويوك مناصب توجىهاتى ده دورلو دورلو
مصرفلىر توليد ادردى يا ! بونلار كى بر طاقى كلفت تشرىفات ، ياخود ،
تشرىفات خراجى ناملىرىنى آيردى . هر حالده ، بو عطيهلر پك
مقبول ايدى . چونكه عادات قديمه اقتضاسىجه خديولر و كلايه و باب
على مأمورلىرىنه و ماين خلقنه آيرى آيرى ، نام اوزرىنه ، برر
مقدار كىسه آخه اهدا ادرلدى . مثلاً : بر صدر اعظمه يدى يوز
اللى كىسه ، متفد و كلايه يدى يوز ياخود بش يوز كىسه ،
ديكرلىرىنه على الدرجات : دورت يوز ، اوچ يوز ، ايكي يوز
كىسه تقديم اولونور ايدى . اقلامه بيله برر مقدار مناسب عطيه
توزيع اديلير ايدى .

سلطان مجيد مرحومك اواخر سلطنتنده ، بو عطيهلر كى
قسم مهم و جسيمى ده رسماً اورتادن قالديرىشدر . حتى بعضاً

قرنایه کونددریلان هدیه لارک بعد ما ارسال اولونماماسی محرم ۷۴ سنه سندد اراده سنیه ایله تقرر آتمشدر .

اون اوچنجی عصر هجری اواسطنده ، مالیه ناظرانی آدن توفیق پاشا مرحوم ، برکون ، خدیو دخی وکلا واپورنده اولدینیی حالده ، خدیویت مصریه نك خزینة دولته اولان بر آلاجنی ایچون صقیشدیریلیر . « اوچ آیلق ترتیبده بو بورج داخل دکلدر ، ویردم » دیر . اصرار اولونور و آجی سویله نیلیر . بو ، توفیق پاشانك حیمته دوقونور . ترتیبی یعنی بودجه سنی بوزار ، پازینی ویریر . لکن یوم تأدیه ده قارشیدسنه چیقان صرافلرک ، بعض پاشارک صرافلری اولدیغنی کورونجه شاشاقاییر . بونك سببی ، مطلقا اصول قدیمی بیاسه مه سی ایدی .

بیونك رشید پاشا ، ایکیده بر تحدت آدن بوکی مناسبتسز عارضه ندر محل قالماق ایچون مثلاً : افلاق یاخود بوغدان بکلرندن بری کندیسنه برهدیه کوندردیمی ؟ در حال دها آغیر برهدیه ایله مقابله یه مجبور اولمشدر . رد هدایا ، عادات قدیمه یه کورده ، حقیقه انکسار قای موجب اولدیغندن آنجاق مقابله بانمده جو مردلکه ازالد محذوری چارهمی بولونمشدر . فؤاد آفندی ، بکرشده مأموریت مخصوصه ایله بولوندیغنی آئنده تقدیم اولونان برهدیه یی قبول آتمه دیکندن ، بگ باب عالی یه مراجعتیه قبول اتدیریمه سی رجاسنده بولونمش ؛ رشید پاشا مرحومده . بونك اوزرینه ، هدیه نك قبولی امر ایله مشدر .





درسعات فرانسه سفیری موسیو «طوودنهل» ك بعض
مکتوبلری :

پارس ۲۴ حزیران ۱۸۵۹

استانبولده سفارت باش ترجانه :

بیامم ، عجبا پرنس لوبانوف ، [درسعات روسیاسفیری]
روسیانك استانبولده کی موقعنی ازسرنو تأسیس ایچون، غورچاقوف
طرفدن رد اولونان غریب تکلیف لری ، بعض عثمانلی وکلاسنه
خبر ویردیمی ؟ آوستریا ، په ترسبورغده روسیانك آیاقلرینه
قاپانمش ؛ حرکتدن دولای عفوینی تمنی اتمش وَ تنزل کندیسنه
حواله سمع اعتبار اولونورایسه : روسیا نفوذنی ، حربدن
اول، (قریم) ، جاری اولدینی مرتبه یه اصعاد ایچون . هرشیء
یاباغنی وعد ایله مشدر . پرنس غورچاقوف دیپلوماتجه جواب
ویر مشدر : «روسیا ، پارس عهد نامه سیله تورکیا حقنده قرار
لاشدیریلان اتفاقدہ کی حصه سندن باشقه برشی ایسته مه یور ؛
بونى استحصا ل ایچون ایسه آوستریا یه محتاج دکدر .» بوقعینی ،
عالی پاشایه ، صورت محرمانه ده [یالکیز ذات شاهانه مستثنا]
حکایه اتمك اوزره سزه مأذونیت ویریورم . تموزك ۱۶ سندم
اورایه متوجهاً حرکت آده جکدر . آتنده توقف ادرسه م ،
آزاقسیونی [سفارت معیتنه مأمور کی] کتیره جکم .

آته ٩ آغوستوس ١٨٥٩

بارسده قونت واله فسكى به :

ايمپراطورك نامنه اولارق ، يونان قراننه اجراى وصايا
ايچون ، آتتهده توقف اتمكلىكمى اخطار بويورمش ايديكىز .
بوراده اكثر اوقامى قرال وقرالچيه حضراتيله برلكده
چيردم . قرال اوتون [١] ، بورايه كليشمى ، ايتاليا محاربهسى
مناسبتيله ، يونان حكومتك اتخاذا اتمش اولدينى خط حركتاك
[بى طرفلق] فرانسهجه تقدير اولونديغنه دليل عد اتمشدر .
حال بركه يونان حكومتك حركت واقعهسى ، اهاايجه ، خلاف
حقيقت اولارق : اوستريا خاطرينه مراعات ، ظن اديشميدى .
قرالچيه آمهلى ، بومناسبتله بكا ديدى كه : « اوستريا ايمپراطورى »
« ياقين اقربامز اولديغندن كنديسك ايتالياده هدف اولدينى »
« هزيمتلردن منون قالامازدق . آنجاك ايمپراطورنا پوليو نوت تصاحب »
« اتديكى ماده ، بزمكينه پاك موافق دوشديكندن ، ايتالياده كى مونقمتى »
« طبيعى خوشمزه كيمدى . » بعده بوسوزلر ، اوتهدن برى ، آتتهده
آندولى برحالد بولونان يونانستانك توركيما ضررينه بويومهسى
بمخته وسيله انتقال اولدى . بوبابده نهلر ايشيتديكىمى نهلر
سويله ديككى ذات اصيلا نهلرينه اشعارلر زوم يوق ايسهده . صميمى
اولان بواوزون ملاقاتلرده ، ايكي نتيجه آكلادم ، كه بونلرك .
بوراده يالگيز سرايده دگل ، باشقه محافلدهده عينييه موجود
اولديغى بالتجربه اوگرندم . يونانستان ، توسع اميدندن واز
چكمه مش ؛ توركياده عنصر يونانينك — استانبول استثناء

[١] ايلك يونان قرالى .

آديکسزین - اکثريت صورتيله حاکم اولديني يرلرک يونان حکومت جديده سنه التجائی خیالندن - احتراض ديمکه جسارت آدهمه يورم - فارغ اولمامشدر . دوغروسی ، بو ، موافق سیاست دکلدر ؛ اويله غریب برأثر حرص واملدر ، که هر یونانی ، بونی ، داها بشیکدن چیقارچیقاماز ، اکتساب آدر و مزاره قدر

کوتورور . ۱۸۵۴ وقوعاتی [۱] ، بو طرزده علائم جتنک

فورانندن باشقه برشی دکل ایدی . قرال وقرالیچه ايله برابر هرکس قاندر ، که یونانستان ، استحصالیله مباحات آدیکی موفقیاتک بادیسى ، یالگر کندی اولدينی ادعاده بولونور ایسه ، ابدیاً منافعی اخلال آتمش اولاجقدر . بزر برشی یامانث فائده سز لکنی آگلا یورلر و محتملات آتیه ایچون معاونمزدن

امیدوار بولونیورلر . قالدی ، که غران دوق قونستانینک [۲] شدت لسانی ، بعض خیالاتی دفع وازاله آدیکی کبی کرچه : « روسیانت اعتدال نصایحده بولونماسی ، کنديسنگ برچوق سندر ایچون ، شرقده ، اویولده حرکتی قاعده اتخاذه مجبور اولماسندن ناشی اولديغی » ، بر درجه یه قدر درشتانه بر لسان ايله سویله دکلرخی ایشیتدیه مده ، بوکون ، صاحب عقل و منطق بر آدم یوقدر ، که یونانستان تورکییا علمهنده رتشدی آوروپانی تحریک آده بیه جکدر ، ظننده بولونسون . شو احواله نظرأ ،

[۱] قریم محاربه سنک ظهورنده ، انکلتزه و فرانسه نك اختارات تقویه سنه رغم اوجاریقو لانیك پولیتیه سنه اشتراکاً نه پیر و تسایا قطعده لرینه برچوق اشتیا چته لری سوق آتمش ایدی .

[۲] چار ایکنجی آله کساندرک برادری و شیمدیکی یونان قرالیچه سنک پدری .

یونان امیدلرینک حیز وجوده کلهسی ، زماندن ؤ شرقک آر
یاکیج معروض اولاجنی قاریشیقلقدن بکله نیور، دیمکدر.

قرال اوتون ، آلمانیا احوالندن و پروسیا ایله نمسه ناک
صوت درجده کی رقابتدن کمال کدرله بحث آتمشدر . قرایچه
آملی ایسه ، احوال مذکورده دن ده بر حصه منفعت چیقاریور .
حتی بوباده کی فیکرینی ، او یله غرب بر صورتده افشا آتش
اولدی ، که سوزلرینی ذات اصیلانه لرینه تودیعده تردد
أدمه یه جکسدر . مشارالیه ا دیدی ، که : بنم معتقد اولدیغمی
و کرمانه اینان دیغمی بیلورسیکمز . ویانه محاصره سی زمانندن
قالما ، آسکی بر شرق وار ، که نقراتی شودر : « حیف ! تورکلر ،

آنجه ق ر دن صوینی ایجه جککاری وقت ، آوروپایی ترک
أده جکلر در : » بوسوز ، بوکون یرینه کلک ایچون ، تورکلرک
ناصل حرکت أده جکلرینی دوشونوب طور یورم . نهایت ،
بولدم ، ظن أدرم : سزک تورقو [جزایر یرلی عسکری] لر ،
ر دن صوینی ایجه جک و در عقب تورکلرده آسیاه چکیله جکلر در !

* *

باویره ا پر نسی اولان قرال اوتون ، اولده نبورغ دوشه سی
اولان زوجه سی قرایچه آملی ناک تشویقیله ، کوچوجیک
یونانستان حکومتی ، استانبولده بیزانس امپراطورلغی حالنه
افراغ خیالاتنه مبتلا اولمش ایدی . تورکیانک ، قریم محاربه سنه
قیامی . فرصت عد ا دیلدی . همان آشقا چته لری ترتیب اولوندی .
حدود خانقانیه صالدریلدی . انکلتزه و فرانسه دولتلری ،
بوخیالات عجیبیه قارشی ، بیرده مختلط بر قوه عسکریه نی

مسافر بیراقیق فکرنده بيله بولونديلر . طوودنهل ، پارسسده يوليتقه مديرى ايکن ، استانبول سفارتنه يازديغي برختوصى مکتوبده : « رشيد پاشا ولورد ايستراتفوردايله ملاقاتريگنرده ، قرال اوتونك افکاريني سويله مکدن چکينمه ييگنر . بز بوراده ماوروقورداتوي صيقشدير ييورز و کنديسي ده مسعددر . لکن کونک برنده باويه رایه عودت اتمک آرزوسنده بولونان قرال اوتون ، آرتق بوتون بوتون سوز آکلماز بر حالدهدر . اکر يونانستانى نه ياققى ممکن اولاجنى ، بيانسه ، قراللى تاجى

شيمدى يه قدر پارام پارچه اديش اولاجقدى ! »

*
* *

خارجيه ناظرينه :

آتنده ايکن ، ذات شاهانه نك ۲ آغوستوس ۱۸۵۹ ده ساقيز ، ياخود ، مدلى ده بولوناجغنى خبر آلمشيدم . سرعسكر پاشا ، ذات شاهانه نك ، بوسياحت بحريه سى ائناسنده ، مع المنونيه بنى كوره جكنى بيلدير مش اولديندن آراتسيو ايله ساقيزه كيتدم . عثمانلى دوناماسى اوراد ايديسه ده ، ذات شاهانه يوق ايدى . ساحلدين اوچ فرسخ مسافه ده كائن بر كوشكه كيتمشلردى . اورايه كيتمك ايسته دم . حيوان بولامادم . معيت سنيه ده بولونانلر آلوب كيتمشلر . يونك اوزرينه سرعسكره بر مکتوب يازارق ، بيان حال و ملاقات سنيه ده نائليتمدن دولاي بيان تأسف ادرک استانبوله كلدم . ذات شاهانه ، بر آن اول ملاقاته وقت مانع اولديغندن تأسف كوسته ردى وايرته سى كوني ساقيزدن حركت ايله دى . ۵ آغوستوسده استانبوله موصلتنى متعاقب ، ماين

باش کتبی نزدیمه کش و ذات شاهانه نك ساقیزه قدر کیتدیکن، مدن
نه درجه محفوظ ایسه لر. ملاقات ممکن اولاماسندن ده اودرجه ده
متأثر اولدیرینی تبلیغ اتمشدر. متعاقباً حضور شاهانه یه شرفیاب
مشل اولدیغیده، ساقیزده کوریشیله مه دیکندن تکرار بیان تأسف
بو یورمشلردر. بعده ایمپراطور و ایمپراطوریچه، حضر اتنك
احوال صحبلرینی صور مشلر و دولت علیه نك ایکی متفق دوستی
آرمنده اعاده مسالت اولونماسندن اظهار ممنونیت اتمشلردر.
ذات شاهانه یله سیاسی ملاقاتلر، بروقتدن بری، معنادی اولدینی
وجه ایله: اصلاً اوزون اولمایور. مع مانیمه، ایمپراطورک ایتالیا ده
اجرا ایله دیکی شانلی و موفقیتلی محاربه دن بحث ایله برابر، باب
عالمك اخیراً، کندی منافعتدن زیاده، آوستریا آمالنه حواله سمع
اعتبار اتمه سی، باشقه برجه تده بحران وقوعنی منتج اولدیغنی
و بوراسنك اركان دونجه نظر دقتدن کیری طوتولماسنی
شایان تمی بولوندیغنی و بعدما وکلاسنك، فرانسه ایله مناسباتده،
أجنبي انقاآنه قایلیمایه رق، ذات شاهانه نك حتمزده بسله مکده
اولدیغنی بیله یکنم احتساسته اتباع اده جکی امیدنده اولدیغنی
سویله دم.



پولیتیکه مدیریته : ۱۰ آغوستوس ۱۸۵۹

بوتون رفقای مسالکم، ایتالیا ده کی مظفریتمزی تبریکه
مسارعت ایتیلر. سرهانزی بول - و ر اوقدر عجله کلدی، که
آز قالدی. قاپنك اوکنده ایکی پارچه اولویوردی. حالا بوندن
خسته در. بونك ایچون بعض نکره کولر: «بنم بورایه مواصلتم، اونك

بانی قیردی « دییورلر. پرنس لوبانوف، تورکلر حقمده، شرابنه چوق صوقاش کورونیور. بی چاره بارون دو بروکش [فرانسه تیاتروسی] نه لایق بر رسمیت ورقت حالده ایدی. شیمدی چالیشمه و بورا احوالنه کسب و قوفه احتیاج وار. هر حالده تورکلرک چهره لرند نو عمارت بر اعمار سزلق وار! کله جک جمعه کونی زیارات راهبانمه [وکلا ورجان زیارتلری اولسه کرک] باشلا یا جم و، شبهه سز، بعض غریب اعترافات ایشیده جکمدر! وکلا ایخنده، بر معناد، بکالواسطه تأیید مختانت ایچون آدم کوند رمنه یالکنز قپودان محمد علی پاشادر. ایتالیا محاربه سی اشناسنده، حقمنده کی حرکتی قابل توصیف دکلدرد.

أوراق سائر دن آنلا یا جقسیکز، که سرهانی بول - وور ایله «اتفاق صمیمی»یه چالیشیورم و پرنس لوبانوفنه مناسبتم مختل اولمق سزین، بول - وورله مشترکاً حرکتدن خالی قالمایوز. بو «سوت لیان» که نه قدر دوام آده جکنی بیله مزسه مده، هر حالده بونی اخلاص ایچون هیچ برشی یاپما یا جم. روسیا مسلکدشم، صاقلایمه رق، هر طرفده جاسوسلر بولوندر رفق عادت قدیمه سنی احیا آله دی. بوندن باشقه، سرای ایله باب عالییه هدیه لر و نشانلر یاغدی ریور. مسلمانلرک طبیعتنه کوره اولان سن - تاندره نشانی، یوزبیک فرانسه قریب برقیمتده در! یا خارجییه نظارتنک تخصیصات خفیه سی! استخبارات خارجییه کلینجه: پرنس لوبانوف، بو خصوصده ده، تسهیلات کامله یه مظهر بولونیور. پارس، لوندرا، برلین، ویانه محرراتنک لزوملی قسملرینی تلغرافله کندیسنه یتشدیریورلر. حتی لورد تووله یکه ایمپراطورله، ایتالیادن

عودتده وقوعبولوب ، لوندراده جون روسهله بيلديرديكي ايلك ملاقاتي، بكا خبر ویرن لوبانوفدر . ملاقات مذكوره راپوري جون روسهل . لوندرا روسيا سفیری موسیودوبرونوفه اوقوتمش . برونوفك فوق العاده حافظه سی وار . لوندرا ايله په ترسبورغ آره سنده ، بوقدر محرمیت اولدیغنی تصوراً تمه یوردم . ایسته مه دیکم حانده «ایکی آگر» ضرب مثلی خاطریمه کلدی . تمنی آدهرم که برکون .. آوستریانك اوستنه چوكمش بولونمایسیکز! لطیفه برطرف . روسیانك ، بویوك ایچیله رینه ویردیکی معاشی ده ایسته مزایسه مده ، باشایچه دواتلرله اولان مناسباتمك بارومه تروسی ، صورت صحیحده ، بيلمکلكم فائده لی اولاجغنی بیان آدهرم . توركلر بیتنده موجود اولان افکاره نظراً : روسلر ، بزه قارشی ، برآز صوغومش ؛ معافیله انکلیزلرده ایصینامشدر .



خارجیه پولیتیکه مدیرینه : ۳ تشرین ثانی ۱۸۵۸

زاواللی علی غالب پاشا [۱] فلاکت آمیز برطاقبله کیتدی . برای تنزه قایق بله صاری یازده کیتمش ایدی . عودتده ، قایقچیلری سرخوش اولدقندرندن ، تصادفاً کچن بر انکلیز واپوری قایغنی ددویردی . حیف ! انسان ، آنجاق کندی آدملرینك خیانتنه

[۱] علی غالب پاشا ، بویوك رشید پاشانك مخدومی اولوب ، داماد شهریار ایدی . برآزده لق خارجیه نظارتده ده بولونمشیدی . والده سی . اولادینك ضیاع خیمی اوزرینه محو وپریشان اولمش ایدی . بدبخت قادینك . سائقه آلم وکدرله : زوج محترمك تسمیم و اولادینك قصداً غرق آتدیریلدیکی وه لرله دردناک ایدی .

او غرار. روايته نظراً، بی چاره والذمه سی تجنن آتمش. ان شاء الله
 صحیح دگلدرد. مغروقك پارماغنده دورت یوز بیک غروشلق بر
 یوزوك وارمش. برده او قیمته ایچی تسلیح ...

قارده طاغ مسأله سنه کیلیجه : اشعارات رسمیه می سرزده
 تأیید وتوصیه ادرم. بوماده ائمه نك بوتون بوتون و منحصرأ
 روسیا منفعتنه موافق و تورکیایه قارشی حالا تعقیب ادیورز
 ظننده بولوندیغ محافظه پولیتیکه سنه مغایر برشکله کیرمه می ایچون ،
 صبر ومتانت و ظواهره اعتبارایله صدراعظمه جسارت و یرمک
 هنوز ممکندر. عالی پاشا ، بو ایشده حقیقه پك ائی حرکت
 ائدیکندن ، ذات شاهانه یه عرض ادیله بیله جك برطرزده اولمق
 اوزره ، برتحریرات کونده ریرسه گز بختیار اولورم. دوستمز
 عالی پاشا ، کندی پیلانی مقصده موافق چیقما یا ایدی ، ایمپراطور
 طرفندن سلطان عبدالمجیده خصوصی نامه یازیلانسی بکا تکلیف
 اده جکدی. بوفکرک ، فواد پاشا طرفندن کنديسنه انقا اديش
 اولماسنه تعجب اتمم. بو ایکی ذات ، قصورلریله برابر ، ینه بزه
 ائک زیاده متمایل اولاندردر. محمد رشیدی پاشانك دوچار ادبار
 اولماسدن مأیوس اولدم. بونك ، سوء اخلاقی اولماقله برابر ،
 برقباحتی واردرد ، که اوده ، فتحی احمد پاشا مسلککنده دوامیدرد.

چند

پارسله پولیتیکه مدیرینه : اسانبولدن ۱۸۵۹

ذات شاهانه ، اعاده عافیت ائدیله. برقاچ کون ، کندیله نندن
 قطع امید ادیله جك درجه لرده ، راحتسز اولماشلر ایدی .

خدمت تداویده بولونان دوقتور قونستانین قاراته ئو -
 دوری یه مکافهٔ بش یوز بیك غروش و ، هر نه رده ایسته ر
 ایسه ، ایکی میایون غروشه قدر انشا آتده بولونمق اوزره ،
 اراضی کانیه تخمیش واحسان بویورولمشدر . سرای پادشاهیده ،
 بری مابینده ، دیکری حرم هایونده اولمق اوزره ، ایکی سپت
 قونولمش در : بوتون مأمورین ایله عائله لری ، طیب مومی الیه
 تامنه ، هدیه لر کورتوروب مذکور سپتله قویمقده درلر .

عبدالجید خان ، هنوز اوتوز آلتی یاشنده در .
 خزینه خاصه دیونک قاضیلرینی تأدیه ایچون آغیر شرائط
 ایله براستقراض عقدی ، سکیز کون اول ، اراده سنییه اقران
 اتمشدر .

بوحوادثلری رسمی راپورلر مده یازمادیغمدن ، لزوم ومناسب
 کوریرسه کنز ، ناظره سویله ییکنز .



سفارت ترجانندن سفیره : استانبولدن ۲۳ مارت ۱۸۵۸
 عالی پاشا ، پک فنا خسته لاشدر . یدی دوقتور قونسو -
 لتاسیونه چاغیریلدی . سفارت طیبیمز فوودل بومیانده ایدی .
 خسته لك اهمیتلر اولدیغندن ، دوقتور فوودل قان آلدیر یاسنی
 توصیه اتمش ایسه ده ، اطباء سائر پاشانک ضعفه و داها بعض
 أسبابه بناءً موافقت کوسته رماک ایسته مه دکلرندن ، فوودل اصرار
 اتمش و کرک اطباءیه ، کرک اومیانده بولونان فوؤد پاشایه شدت
 لسان استعمال آیه مشدر . بونک اوزرینه ، فوودلک دیدیکی
 اولمش و خسته ده آیلک علامتلی ظهور آتمیه باشلامشدر .

اليوم تهلکيني آتلاشم سايلير . مع مافيه حال ندهتي ائي
مدت سوره جکدر .

على غالب پاشادن طول قالان فاطمه سلطان . مدينجي
محمد نوري پاشا ايله ازدواج آتمشدر . بوداماد نوري پك ، هنوز
اون سكيز ياشنده برکنج اولوب ، على غالب پاشايه بگزييور .
کنديسه رتبه مشيري ويريشدر . بونك ايچون صادر اولان
خط هايونك قرائتده حاضر بولونمق اوزرده ، عالي پاشا . باب عالي يه
کيتمشدر .

*
* *

شو سفارت مکتوباريزنك کليشي کوزل نقل وترجه سندن
مقصد : شرقده ، اوتهدن بري ، آوروپا ديپلوماتلرينك
[دیدی قودی] لره ، مسائل سياسي درجه سنده ، ويردکلي
اهميت مخصوصه يي کوسته رمکدن عبارتدر . يوقسه عائله - خصوص -
صياتنه تعلق آدن حوادثک ماهيتي اعظام غفلتنده بولونمق
خاطريمه بيله گلز .


بردولت ، دوست اولسون ، دشمن اولسون اونك محيطي
تماماً بيلمك لازم حتي لازمدر . سفيرلر ، کاتبلر ، مأمورلر
هپ بونك ايچوندر . برملکتک محيطي ، يالگيز رجال حکومتک
اقوال و افکار ديمک دکلدر . حکمداريزنك احوال واقعاي ،
ملتک و افکار عموميه نك تعقيب اتديکي جريانلرده ، دائماً نظر
اعتتاده طوتولمق اقتضا ادر . على الخصوص انسانلر ، « سوز » له
« ايش » دينيان ايکي مهم معادله آردسنده ، پك چوق
چالقانونب طور دقلرندن ، حقيقي ديپلوماتلر ، دائماً کنديلريني

صیغهٔ ترصد و امتحانه چکر لر . اوپله زمان اولور، اوپله مسأله لر
تحدث ادر، که تحریری و شفاهی وقوع بولاجق بیانات
و تأمینات، نتایج معکوسه ویرمکدن خالی قالماز. انکار ادیان بر
شیئک اعتراف، اعتراف اولونان بر حقیقتک خلاف دیمک
اولدیغنه حکملر بیله ویریلیر .

برنجی ناپولیونک — On dit — دیدی قودیلره ویردیکی
اهمیت شایان دقت و فرانسه سفارتلرینک اوپولده حکمدارلرینه
یتیشدیردکری راپورلر بک چوق غرائب احوالی محکیدر .
موسیو طوودنهل، قریم محاربه سندن برقاج سنه اول، آتیه
سفیر لکنده بولومش اولدیغندن بعض یونانلیرک «مه غالی ایده آ»
خسته لکنه دائر اشعاراتنده، شمه حقیقت یوق دگلدز. یالکیز
شوراسی ده معلومدرکه، افکار منوره انتخابی، خیال محال اولان
برشیئی بنمسه مک ذوقندن کنیدیلرینی آلامازلر ایسه ده، اونک
پشنده دولاشاجق قدر محروم عرفان ده صایلامازلر .

روسیا سفارتی وسایط استخباریه سنه دائر سوله ن سوزلرده،
لزومی قدر عطف اهمیت اتمک لازم کلیر . چونکه دیکر لرینک
ماهیتنی تصویر و تمهیدده طغیان قلبنه مقاومت ادمه یین بو
مزیتلی دیپلومات، کنیدینک دخی، اوپله وسایطدن محروم اولمادیغنی
اعترافده تردد کوسته رمه مشدر. آردلرنده مهم برفرق وارایسه،
اوده، اوته کینک اولدجه حرمتی و ثقلتی بر بودجه می وار
ایکن بریکینک محروم بولونماسیدر . نتیجه اعتباریله، ایشک
برجیه سی، هپ ضرریمزده در .





پرنس دوپسمارق وشرق پولیتقه سی

پرنس دوپسمارق برداهی سیاسیدر . تاریخ نقطه نظرندن
بوداتک - شیمدیکی آمانیانک دکل - پولیتقه سنی ، لمحہ البصر
قدر اولسون ، کوزدن کچیرمک ایستہرز . سیاسی تدقیق ،
دیپلوماتلریمزک علوفطانتہ مقتدردر .

بالذات یازدینگی خاطر اتدن آکلاشلیور ، که بسمارق ، آوروپاده
ایکی بویوک دوناتی ، کندی دولتک مسالک سیاسته خادم قیلمش ؛
آمانیا ، بوکونکی بویوک آمانیا در که سنه ، اویله واصل اولمشدر .
واقعا اون دو قوزنجی عصرک اٹ مهم مظفریت سیاسیه سی
اولان آمانیا ایمپراطورلغنک تشکلی ، یالکیز بسمارقک محصول
دهای سیاستی عداولو ناماز . موالتکه ورون کی ایکی بویوک عسکر ،
آمانیا تاریخنده اٹ مهم ایکی موقع مخصوص اشغال آدوب طورییور ؛
برده ، باشده برنجی ویلهلم کی بز حکمدار مدبر و مقتدر
وارایدی ، که آلمان مقدرات ملیه سنک نائل بولون دینگی مرتبه کماله
ایر مه سنه ، اٹ اول حتی بلکه اٹ چوق خدمت و همت آدن اوزات
محترم اولمشدر ، دینیلسه سزادر . فقط بز بوراده حکمدار مشارالیهک
مناقبتدن بحث اٹمک ایسته مه یز . باخصوص ، آمانیاده ویلهلم
و بسمارق پولیتقه لری آیری آیری ایکی مبحث مهم تشکیل آدر .
وایکینسک ده برچوق طرفدارلری ، علیه دارلری واردر .
مع هذا بسمارقک مسالک مخصوص سیاستی ، کندی دولتی نام

و حسابته ناصل مفید اولمش ایسه ، واسطهٔ مرام اتخاذاً ایله دیکی
ایکی بویوک دولتک تابعیت و انقیادی ده، او قدر شایان حیرت نتایج
سبب اولمشدر . ایشته شواحوالک تأثیرات کونا کونندن اَلْچوق
تورکیا متضرر اولمش اولدیغندن، بوجهتی نظر دقته اَلْمَق ایسته رز .
آلمانیا به خادم اولدیغنی بیان اُنْدیکمز ایکی بویوک دولتک بری :
روسیا ، دیکری آوستریادر . یوننی اخطارده حاجت بیله یوقدر .
پروسیا ایله روسیا مناسباتی، دیپلوماسیدن زیاده، مناسبات
حکمداری دلاتیله محفوظ قالمشدر . دولتین مناسباتی ، بعضاً
تزلزله اوغرار کی اولمش ایسه ده ، بوحال، لَحْهٔ بصر قدر برمدت
دوام اُده بیلمش ؛ هر ایکی طرف بیک دورلو وسائل مادیه
و معنویه دولایسیله تأیید اتلافدن خالی قالمشدر . بیسمارق ،
بو بولایتقه تی تعقیدن کری طور مامش ؛ دائماً اوندن استفاده اتمشدر .
و حکمداری نزدنده قازاندیغنی موقع ، آنجاق ، اوسایه ده اولمشدر .
حتی بر آردلق روسیه علیهنده بولونمق ایسته مش و حتی بولونمش
اولدیغنی حالده ، متبوع مفتخمی برنجی و یلهلمه سوز کچریده مشدر .
آوستریا ایله پروسیا مناسباتی ایسه ، زاروزور ایله کسب
صمیمیت اُده بیلشمشدر . آوستریا ، روسیا ایله پروسیانک آردسنه
کیروب کندی دولابخی چه ویرد مدیکندن ، ایکی آتش آردسنده
قالمش ؛ آلتها به جهان کیرلک کی یا کُش . . خیالی بر پولیتقه قربانی
اولان روس دیپلوماسیسندن اورکوب بیسمارقه التجا اتمشدر .
پرنس دو بیسمارق ده ، روسیا و آوستریانک جولانکده سیاستی اولان
بانقان قطعهٔ فسیحه سننده ، تمامی اُن نِزاع وجدال دن بالاستفاده ،
هر ایکسینک باشنه کوره کلاه کیدیر مکده قصور اتمه مشدر .

پروسیا، یا خود، بيسمارق پوليتيقيسى، اوچ محاربه ايله اکتساب موفقيت اتمشدر. بؤگونكى آلمانیا، او اوچ مهلكه نك محصول مهيميدر. برنجیسی : شيله زویغ - هولشتاین دوقه لغنك آلمانیا به الحاقیدر. ایکنجیسی : پروسیا - اوستریا محاربه سیندر. بونده، بيسمارق، قرال و بيلهلمك و هیئات عسکریه سنك تکلیفات مصرانه سنه رغماً، اوستریا ايله غایت مساعده کارانه بر صلح عقدینه موفق اولمشدر. صادووا غالبیتی اوزرینه، پروسیا حکمدار وعسکرینك کمال نظریه و یانه یه کیرمه سی تقرر اتمش ایکن، بيسمارق بوغایه حرب ووغایه مخالف بولونمش اولماسی، پروسیانك سیاست آتیه سی نامنه درمیان آتدیکی سوزلرك تأثیر سز قالماسی اوزرینه اوطه سنه چکیلوب آغلاماسی، اونودولما یه حق وقایع تاریخیه ندر.

اوستریا، صادووا ده اوغرادینی هزیمت اوزرینه، تکلیفات صلحیه ده بولونمش ایدی. ناپولیون ده، اوستریایی صحابته پروسیا به مراجعت اتمشیدی. بيسمارق، هم ایشی طائلی یه باغلامق، هم اوستریانك عزت نفسنی اوقشایوب فرانسه مداخله سنی نابمحل بیراقق ایسته ر ایدی. قارشیدینه ایسه هر دورلو مطالعات استقبال پرستانه و احتیاط کارانه سنه مقابل، پروسیا قوت و قدرت عسکریه سنه کووه نیر بر هیأت عسکریه و بونك باشنده ده صاحب عزم و جزم بر حکمدار وار ایدی.

ولی عهد پرنس فره دریق، اساساً بو حربك وقوعنی علیهنده ایدی. لیکن بيسمارق غلبه چلمش، محاربه وقوع بولمش ایدی. بالا آخرد، بيسمارق، داها ایلری کیدیلنه نك محاذیر عدیله سیاستیه سنی سرد و آتیا ن ايله حربك ترکی، یا خود، صلحك عقدی جهتی انزام

آدیجه. پرنس فرددریق امدادی، یتیشوب دلالت آتمش، بیسمارقت دیدیکی اولمشدر .

موفقیات ثلاثه نك اوچنجیسی: پروسیا فرانسه محاربه سیدر . فرانسه ایمراطورلغی اورتادن قالدقش ، آلمانیا ایمراطورلغی ورسای سراینده اعلان قیلنمشدر .

اریاب اختصاص ایچون شوراسی سزای دقتدر ، که پرنس دو بیسمارق آوستریا ایله محاربه ده نه قدر منصف کورونمش ایسه، فرانسه ایله محاربه ده او قدر بی رحمانه حرکت آتمشدر . بوده، آوستریا ایله پروسیه محاربه سنده، فرانسه مداخله سنه معروض قالدیغی حالده، فرانسه پروسیا محاربه سنده، پارس معاهده سنی روسیایه پیشکش چکمک و انکلتردنی بولاشدیر مق صورتیله حصول پذیر اولمشدر . قاره دکنز مسأله سی ، بیسمارقت شرقه ایلك ضربه سیدر . اوزمه قدر بکری زائل اولامش ، محافظه عفت آتمش اولان پارس معاهده سنی [لوندرا قونفرانس] نده تعدیل آدیش ، — تعبیر آخرا — یرتیلمشدر . روسیا اون آلتی سنده قیلنه بیله دو قونامادنی بر معاهده مهمه حکمنی، اون آلتی ساعت ایچنده، کندی سنه زیر وزیر آتمشدر .

پارس معاهده سنی ، دلت علیه نك روسیا تجاوزاتندن مصونیتی تحت تأمین آلمش ایدی . لوندرا قونفرانسی ایسه روسیا دوستی ، هر زمان ، دولت علیه یی رخنه دار آده بیله جک بر موقعه قویتمشدر .

« روسیا کبی بر دولت معظمه ایچون قاره دکنزده کی حقوقدن محرومیت ، تحمل اولونا جیق حقارتلردن دکدر »

دييهرك ، روسيا آووقاتلغى درعهده آتمش اولان پرنس
 دويسمارقك ، ۱۸۷۰ محاربه سنده روسيايه ناصل محتاج اولمش
 بولونديغى ، توركييايى بى محابا پيشكش چكديكنى . بر درس
 سياست اولمق اوزره ، خاطر يزدن چيقارمالمى يز . ذاتاً بيسمارق ،
 په ترسبورغده پروسيا سفيري اولديغى صيراده چارك و غورچا -
 قوفك نامحدود امن و اعتمادي قازانمش ايدى . غورچاقوف ،
 بعضاً باش و كالت راپورلرنده خط دست ايمپراطورى ايله مذيّل
 امرلى بيله بيسمارقه كوسترير ؛ برلين روسيا سفيرينك بر
 چوق راپورلرغى بالذات بيسمارقه آچسدير ايدى . روس
 حكمدار و حكومتك پروسيا سفيرينه كوسترديكى شو آثار
 صميميت و اعتماد يبروده دگل ايدى . مقابلنده روسيا ، بوتون
 بالقانلرده سربستى حركتى تايمين آتمش اولويور ايدى .
 پروسيانك ، حتى آلمانانك روس پوليتيقيهنه مماشات خصو -
 صنده قطعا تردد و تانى آتمه ديكنى ، پرنس جنابلرى ، مكرراً
 اعتراف ايله مشدر . غورچاقوفه تقليداً ، بيسمارقك دخى ، باش
 وكالتده ايكن ، استانبول آلمان سفيرينك راپورلرغى ، برليندهكى
 روس ايلچيسنه اراه ايله ديكى ده او اعتراف جمله سندنر .
 بزم ايچون بيسمارقك بو اعترافاتى پك اهميتلى حقايق تاريخيه دندر .
 قالدى ، كه آلمانانك - موقع جوغرافيسى اعتباريله - كرك
 روسيايه ، كرك آوستريايه قارشى بومماشات پوليتيقيهنه سندنر نه
 درجهيه قدر و نه كې اسباب و شرائط ايله متباعد اولاييله چكى
 مسألهسى ، هروقت شاين بحث كورولور و عريض و عميق تدقيق
 و تتبع اولونمق لازم كاير ، ظن ادهرم .

۱۸۷۶ اواخرنده، رایخشتات مقاوله نامه سیاه، روسیانک،
 آوستریایه هدیه اُتدیکی بوسنه-هرسک قطعه سی ایچون، بیسمارق:
 « بویک اوجوز کیتدی ! » فریاد متحسرانه سنی تذکار اُتمش ؛
 چارایکنجی آلّه کساندر ایسه: « آوستریا، برأل سلاح آتمق سزین،
 هیچ بر وقت کری ویرمه یه جکی ایکی مُملکت ضبط اُتمشدر . »
 اعتراضده بولونمشدر. حال بوکه روسیا، آلمانیاک تورکیا حقنده کی
 مسلک سیاسیه اغتراراً، آوستریایله معهود رایخشتات بازار لغنی
 یامشدر. بیسمارقک تأثر و تاوهی بازار لقهده، میانجیلق مقابلنده،
 برکلاه قاباماسندن نشأت اُتمش ؛ چارک شکایتی ده ، نمسه ایله
 وقوع بولان آلیش ویریشده، روسیانک آلدان دیغنی کوسته رمکدن
 زیاده، آلمانیای نمسه علمبند تحریک و تحریرص صورتیله تأمین
 مرام ایچون اولسه کرک .

برلین قونغر دسنه کلینجه : بونده ، بیسمارق ، روسیانی
 بوتون بوتون آلمانیایولیتیه سنه باغلامق ایسته مش ؛ نقطه غورچاقوف
 فرانسه یه تمایل اُتدیکندن و آلمانیانک درجه اخلاص و مودتتی
 یک کوزل آکلادیغندن موفق اولامامشدر. بونکله برابر، بالجمله
 قونغر دمذاکراتنده، جداً آوستریایه و مجبوراً روسیایه مماشات
 اتمکدن خالی قالمامشدر. حتی بو خدمت لرینه مکافات ، روسیادن
 -هم بحق - تشکر لر بکله دیکی حائده، شکایتلر وقوعندن بیان آسف
 و تعجب اُتمشدرکه ، بوده ، تورکیایه ، برلین قونغر دسنده
 انکلترونک درجه معاونتی اثبات آیه مشدر .

بیسمارقک، « روسیانک مستقبل پولیتیه سی » حقنده کی مطائاتی،
 باخصاصه کندی زمان مأموریتنده آلمان پولیتیه سنه تعیین اُتمات

ایسته‌دیگی شهراد عجیبی مصور اولدیغندن ، آریجه شایسته دقت و تدقیقدر. اُزمنه ثلاثه دن حال و ماضی بی قاریش دیرارق، آتی نی کشف و تخمین ایچون یازیش غریب بروصیت نامه سیاست دیمک اولان مطالعه لره خلاصه اختلاصه سی، سابق تور کیمیا یه ایندیر یله جک برمد هس ضربه بی داها تصویر آتمشدر :

« روسیا ، قاره دکنز دوناماسنه اغتراراً ، قاره دکنز »
 « بوغازینی ، کندنی دشمنلرینک سفاینه قابایاجق ؛ بوغازک »
 « مدخل شمالیسنده استحکامات کافیه یاپارق کلیتی عسکر »
 « یرلشدیره جک . چار ، پادشاهه ، محافظه حقوقی ایچون ، »
 « تأمینات خصوصیه ویره جک . بوکا موافقت اولونماز »
 « ایسه ، روسیا همان بوغازی ضبط اُده جک ! برکلاه قاباجق ! »
 « بوروس پولیتیکه سنه مخالفی ملحوظ اولان انکلتزه و اوستریایه ، »
 « آلمانیا ، التحاق آتمک لازم کله یه جک . چونکه روسلرک »
 « استانبولده یرلشمه سی آلمان پولیتیکه سنه موافق دوشه جک . »
 « دولت علیه نک حین مقاسمه سنده ، روسیا اوستریاسز برشی »
 « یاپامایاجق . اوستریا صیراسنی بکله مه لی . آلمانیا ، بی طرف طور مالی . »
 « روسیانک بوغازی اُله کچیرمه سی اوزرینه ، دول سائرده تجاوزده »
 « باشلار ایسه ، آلمانیا بی طرف طور مالی . طور مازسه ، »
 « رایخشتاده اولدینی کبی ، ینه روسیا نمسه ایله اویوشور »
 « وُبو ، آلمانیا ایچون مه لک اولور . زیرافرانسه نک کوزی هپ »
 « رهن حدودنده . آلمانیا علیه یورو مک ایچون پک »
 « قولای قاندریلیر . آلمانیا ، شرق ایشلرنده ، صوگنجی قالمالی . »
 « آوروپایه ، هروقت ، قوت و قدرتی کوسته زده بیلیر . عثمانلی »

« پاتختی روسلرک هدف تجاویزی اولورسه ، بوکا قارشی »
 « طوراجق اوچ دولت وار : آوستریا ، انکلتره ، ایتالیا . »
 « فرانسه ، آلمانیا حدودنده کی منافعی دوشونور . شرقده کی »
 « منافعی اوقدر مستعجل دکدر . آلمانیا ، حسبالموقع ، »
 « محاربه سز برشی یاپاماز . حال بوکه حرب ، منافع حیاتیه سنه »
 « مغایر . روسیاده ، آوستریاده ، فرانسه ده ایسه هپ حرب ایله »
 « وجوده کله بیله جک آمال واحتراسات موجود . »

« روسیانک [خریستیانلری ، عثمانلی بویوندوروغندن تخلیص] »
 « پولیتیکه سی ، هدف مقصوده اصابت آتمه مش . بلکه برکون »
 « آدر . فقط پک بعید . نتایج حاضره ایسه ، عکسنی مثبت . »
 « قورتولان اقوام ، سلطنت سنیه نک یرینه ، روسیا چارینک »
 « قائم اولدیغنه قطعاً موافقت کوسته رمه مش . شرقده توسیع »
 « نفوذ ایچون ، روسیایه لازم اولان شی ، قاره دکنزده کی موقعی »
 « تأمیندن عبارت . تورکیا ، روسیا تکلیفنه موافقت آدرسه ، »
 « بوکا دول سائر نک برشی دیمه می ده محتمل . چونکه هر »
 « دولت ، دیکرینک نه یاپاچغنه منتظر اولاجق وبخصوص »
 « فرانسه نک اتخاذ جکی قراری بلکه یه جک . بناء علیه روس »
 « ائتزیقه سنک انکشافی ، آلمانیا ، هر دولتن زیاده بلکه یه بیلیر ... »
 منکوباً موقع اقتداردن چکیلوب کیمش ؛ فریدریشسروهه
 مالیکانه سنده خاطراتی یازمقله ، یاخود ، یازدیرمقله صوکه
 کونلرینی بیتیرمش اولان بوفخامتلی دیپلمات ، بر محیط قدیم
 ایچنده نشوونما بولمش بعض افکار سقیمه پولیتیکه سنک هدر
 اولدیغنی کورمه دن دنیا یه وداع آندیکی ایچون ، پک تأسف آتمه لیدر .

بونک مقصدی ، عالم سیاسته ، فراغتدن صوگرادخی ، دستور العمل طوتولاجق بریگی دیپلوماسی وصیت نامه سی بیراقق زنامنی برچوق زمانلر داها آکدیرمق حرص واملندن نشأت آیه مشدر . حال بوکه زمام اداره حکومت باشقه آلله کینجه ، اول باول ، آلمانیاده مسلك وفکر سیاسی باشقه بروادی یه کیرمشدر .

انقلابات اخیردایسه ، یسمارقک آکزیاده تحریصه قالدیشدینی روسیانی بیله ، اومدهش اوچوروملردن قور تولق ایچون ، باشقه دورلو موازنه سیاسیه ترتیننه مجبور آیه مشدر .

احتمال که بوسال خورده دیپلوماتک اویتوسنده صاییتلامدن خالی قالمادینی فرانسه - انکلتزه - روسیائتلافلی ، اوزمان ، خام خیال ، یاخود ، محال آندر محال ایدی .

ایشته ، زمان ، بویله نیچه نیچه محالاتی ممکناته تحویل آتمشدر . ویسمارق فکرلرنده یاکیتمشدر . ناصل که : مهترینخ ، غربدن کلن مشروطیت فیرطیناسنه قارشی طورمق ایچون ، مهارتک .. شیطانک بوتون وارلغی صرف آتمش ؛ صوکنه قدر شدت عزمنی محافظه آیه مش ؛ عاقبت خطای اجتهادینه قربان کیمه مشدر . مع مافیه بز ، بومسلك سیاست وعرفاندن عبرت آلمالی یز . هانکی دولتلرک ، هانکی دولتلرله برلشمه لری مضر اولدینی ایچون ، ناصل منع ادیلک لازم کله جکینی اوگرددن بواستادش ، شرق پونیتیقه سنی تعمیق آتمه لی یز . نه قدر تعمیق وتبع آدرسه ک ، او قدر حقایق اوگردنمش اولورز .





سویس قانای

مشهور فردینان دوله سه پس ، تدقیقات لازمه فیه ده بولونوب
سویس قانای امتیازی آملق اوزرد ، خدیو مصر سعید پاشا طرفندن
مساعده مخصوصه نائل اولمش ایدی . آنجاق بوا امتیازی قطعاً
احاله ایخون فرمان پادشاهی به لزوم اولدیندن ، خدیویت مصر به
باب عالی به مراجعت واقع اولدینی کی ، موسیو دوله سه پس ده ،
یاذاذ استانبوله کله رک تشبثات مقتضیه ده بولونمشدر .

باب عالی ، اشعارات محلیه نك عدم کفایتی بیانیه مصردن
ایضاحات طلبنه قرار ویرمش و شو آره لاق هیأت وکلادن اولان
و خدیو مشارالیه ک قاین برادری بولونان کامل پاشاده ، صدر اعظم
رشید پاشا مرحومک سوق و تعلیمیه ، سعید پاشایه ، قاناک حفری
تصویرن و از کچیلیمه سی ضمنده بعض و صایای محرمانه یازمشدر .

ایمپراطور ناپولیون ، فردینان دوله سه پس التزام ، دها
دوغروسی ، قاناک حفری تسهیل آده جک هر دورلو تدابیر
دیپلوماتیکه به عطف اهمیت و حصر مرام ایلهمش اولدیغندن ،
فرانسه نك استانبول سفارتی ، ایشی صوک درجه دقت و نفوذ ایله
تعمیدن خالی قالمایور ایدی .

علی الا کثر محرم طوتولان ، اسرار دن صایلان شیلرک
سفارتد ناصل اوچوب کیتدیکنه حیرت اتمه مک ممکن دگل

ایسه ده، او اُئاده ، استانبولده انکلترة و فرانسه پونتیقه لرینک آیری آیری طرفکیرلری ، بناءً علیه سفارتلرک باشقه باشقه ماترملری اولماسنه کورد ، وصایای واقعه محرمانه . یا بوملتزم ذواتدن برینک اخباری ، یاخود ، مصرده فرانسر پروژده سنی قوددن فعله حقیقه مش کورمک ایسته یئرلرک اشعاری اوزرینه . فاش اولمش ؛ باب عالینک ، برطرفدن ایشی سورونجه مهیه دوشوره جک بر مخبریه قای آچقله برابر ، دیگر طرفدن ایشی اُساسندن بوزا بیلجه جک کیزلی تدبیرلره توسل اُتدیکی فرانسه سفارتجه صورت قطعیده تبیین آیه مشدر .

ایشک ایچنه انکلترة سفیری قاریشمش ؟ رشید پاشای صیقیشدیرمش ایدی . حال بوکه رشید پاشا ، بومسأله نك حدوشتدن مقدم عالی پاشای استخلاف صورتیه ، مقام صدارته کلدیکنده ، فرانسه سفیری ، کنديسنه شدتله مخافت کوسته رمش و فرانسه دولتی ایشلرینه ایرایشمه یه جکنه — تعبیر آخرله — فرانسه یه تمایل دوستانه ابرازندن خالی قالمایا جغنه تأمینات ویرمه یه محبوریت مس آتمش ایدی .

پارس قونغر دسندن صوگرا بوتون بوتون شیارمش اولان بودیپلوماتلرک اداره سی کیندجه مشکل اولویوردی . زاواللی رشید پاشا ایسه ، پک مضطر و مضطرب ایدی . قانال ، انکلیز دشمنلرینه هندستان یولنی آچق دیمک اولویور ایدی . بونک ایچون انکلترة پروژده قطعاً مخالف ایدی . لورد ایستراتفودک مراجعت مصرانه سی اوزرینه ، رشید پاشانک حرکتی دروغ مصلحت آمیز قیلندن برشی ایدی . مصر ایسه ، « له سه پس » ک

« پک طاعتی تصورات و تشبثات » ندن آزدل و جان خوشلاشمش ایدی .
مع مافیه کامل پاشانک اشعاراتی ، انکلترونک شوکت و سطوتندن ،
فرانسه دن پک زیاده نفوذ و اهمیتندن باحث و بر ظائفه عظیمه
چیقاریناماسی و صایاسنی مبلغ اولماسنه مبنی ، خدیو سعید پاشا
مرحوم ، ترددلره دوشیویرمش ایدی .

بویالانلری حرفیاً اوگردن و ایمپراطوریجه اوژدنی نزدنده
دخی ملتزم بولونان لهسه پس ، فوق العاده فطین و عزم جدی صاحبی
برذات اولدیغندن ، دولتک سیاست صحابت و حمایته اعتماد اتمکله
برابر ایشک پک واسع و اهمیتلی درجه لرده تأمین آده جکی فوائد
و منافع قارشى نه قدر موانع ایقاع اولونسه ، نه مرتبه پولیتیک
انتزیملر چه ویریلسه ، عاقبتینه مراننه نائل اولاجغنه قطعاً
شک و شبهه سی یوق ایدی .

ایشک دوچار مشکلات اولدیغنه و بومشکلاتک اقتحامی
قولای اولمایاجغنه دائر فرانسه سفیری طرفندن لطیفه پردازانه
وقوع بولان براخطار اوزرینه فردینان دوله سه پس ، کوله رک :
« بن ، یاغمور یاغدی می ؟ شمسیه می آچار ، بوره نیک
کچمه سنی بکهرم . »

دیمشدر . وفی الحقیقه بوره کچمش ! قانال آچیلشمش !
« لهسه پس » ک دیدیکی ، فرانسه نیک ایسته دیکی هپ اولمش ؛
شانلر ، عنوانلر آیلشمش و ویریلش ایسه ده ، بالنهايه : هیچ بر
دیپلوماتک کشف آدده دیکی ، هیچ برکاهنک خبر ویرده دیکی
غریب برخارقه نتیجه سنده ، اوقوجه فرانسز قانالی ، فرانسز لرنک
نغمات غرور و مباهاتنه رغماً ، بوس بوتون انکلز مالی اولمشدر .

فرانسه نك بويوك اديبلرندن، عالم ادبياتده [ژان لاهور] ناه
مستعارى ايله معروف اولان دوستم متوفى دوكتور قازاليس :
سويش قانلك انكليزلره انتقالندين بحث ادركن ، فرانسه نك
مصرده كي حقوقنى اؤسرنو اكتساب ايچون فوت فرصت
تمه سي لازم كله چكنى و فرانسز وطن پروراننك ، خطاي
واقعه سببيت و يرنلرى ، الى الابد عفو ادرمه يه چكاريني كندينه
خاص برفصاحت اديبانه و برشدت لسان خطيبانه ايله اويله كوزل
سويده مش ايدى ، كه حالا سوزلرى قولانغده ظنين انداز اولويور .
اوجهانه صيغيق ايسته مه ين شاعر حكيمك ، دهان حریت
قشاندن چيقان سرايا وطن محبتى ايله مشحون كلهلر نه درجه
آتشين ايديسه ، رجال سياست زمانى تخطئه ايچون التزام آنديكى
شدت لسان اومر تبه وطن يرستانه ايدى .

فرانسه انجمن دانشنه نامزد اولان و احترافات حق شكناه
يوزندن محروم قالان اوبويوك شاعر محترمك ، مصر مسأله سندن
بحث ايله كوسترديكى تاثيرلر ، بويوك يورده كلرده « وطن محبتى » نك
نه قدر بويوك اولديغنه برهان قاطع تشكيل آيله ايدى .

دوشوندم : محبت وطن سوقيه كندى رجال حكومتى
موأخذده ، بك محق بولدم . لكن عجباً داهازياده دوشونوله چك
شى ، رقيب ديپلوماتارك مهارت و سياستى دكلى ايدى ؟

* *

قونت به ده تى ، بوقانال مسأله سندن دخى بحث آتمش
اولديغى بعض خاطر دلر صيراسنده ، بويوك رشيد پاشانك ويانه يه
تعيينى ايله يرينه على پاشانك صدارته كتييرلنه سنى ، دوغرودن

دوغرو ، فرانسه سفارته قدر انتقال اتمش اولان وصایای معلومه محرمانهیه ، دها آچیق تعبیرایله سویله یهلم : رشید پاشانک فرانسه درسته قارشی اتخاذا اتمش اولدینی یا کیش پولیتیکه یه معظوف کوسته رمشدر . ناصلسه نظر دقتمدن قاجمش اولدینی اعتراف مجبوریتنده بولوندیتم بومطالعادن آلاشیلدیغنه کوره ، جنت مکن عبدالحجید خان ، سفارتلرک ذات وشخص اوزرینه بنا ا تدکاری افکار و مراجعاتک سیاست اموردولته درجه تأثیرینی تقدیرده وزیر معتمدی بویوک رشید پاشایه مسابق اولدیغندن و دولتیجه یکی برضائه حدودنه میدان ویریله مکه برابر ، قریم محاربه سنک نتایج آتیسه سی هنوز مجهول اولدینی فرانسه نک دوستلغی پک قیمتدار بولوندیغی غایت نازک برزمانده فوق العاده تدبیرلر اتخاذا ضروری کورولدیکندن ، یا ایلاجق شی ، بویوک رشید پاشا فدا ادیله یه رک ، بر صورت تسویه بولمقدن عبارت ایدی . بوصورت تسویه نک صورت وقوعی بزجه تماماً معلوم اولماقده برابر ، مصالحتک طرز جریاننه باقیلیر ایسه درحال آلاشیلیر ، که رشید پاشانک قونقه فرانسه کیمه سنده ، یا خود ، کونده ریله سنده ذره قدر بر غرض شخصی یوق ایدی . عالی پاشانک صدارته جلبی ده ، محضا اومهم و نازک زمانلرده صدارتی اداره اده بیله جک کندیسندن باشقه بری اولما دیغنه دلالت ادر ، که بونده ده رشید پاشا یابانچی صایلمامق لازم کلیر .

عما نایلق نقطه نظرندن نه کی غوائل و مسائل تحدث ادرسه اتسین ، حلال مشکلات اولان بویوک رشید پاشانک رأی و تدبیرده عدم اصارتی پک نادر اولدیغندن و وطنک بویله بر دیپلوماتدن

مہجوریتنی ترویج و قبول آتمک ، سلطان عبد المجید خان ایچون ،
ممكن اولما دیغندن ، عالی پاشانك صدارته عودتی و فؤاد پاشانك
خارجیه نظارتہ نصبی ، اودورك یكانہ قہرمان سیاستی اولدقلرینی
ناصل اثبات و تأیید ایلہ رایسہ ، رشید پاشانك ان بویوک بررول
اوینا یا جنی ویانہ قونفہ رانسہ عزیمتی ده جدا محض اصابت و عین
حکمت ایدی .

پادشاه محترمك ، بوبادہ کی فرمان حکمت بیانلری . معاملات
سیاسیہ ده برهان فطانت و عرفانلیر .

قونفہ رانسلك زمین مشاغنی تشکیل ادن اوراق ایچنده ،
رشید پاشانك محصول کمال عرفانی اولان مطالعات ، هر زمان
سیاست عثمانیہ یه شان ویرہ جك آثار معززہ مزدندر .

دیپلوماتلریمز ، بودرس خانہ حکمتده اجرای تتبعات
آد بیلسلر ، نه بویوک فائدهلر کوریلور !

او بویوک دیپلومات ، حقیقہ بویوک بر مرجع سیاسی ایدی .
عثمانی تاریخنی بویله حقیقتلری قید ایلہ افتخار آتمه لیر .

سیاست قلمیہ سنہ مفتون اولانلر ایسہ ، او داهی مکرملر
ویانہ دن یازا جنی مطالعات صائبہ دن محروم قالدقلری ایچون ، دائماً
تأنف آده جکلر دز ، صانیرم .





دیپلمات تصویرری

۱۸۵۶ء استانبول فرانسه سفارتخانه سنده - مادام طووه نهل
رفاقتیله کلوب - مسافر بولونان مادمازل مهل فور [بالآ خرد
بارون دوران دوفون مانی] ، سفیر ایله زوجہ سی نزدندہ پک
محترم حتی محرم طوتولدیغندن ، یازدیغی برأثرده ، بزد متعلق
خیلی معلومات مهمہ ویرمشدر .

بالخاصہ بعض دیپلماتلرک تعریف شخصی ایچون یازدیغی
فقرات ، شایان مطالعہ در :

فرانسه سفارتی باش ترجانی آمده اوترہ ، سفیرک
« صاغ قوی » ، باب عالی ایله سفارت آرد سنده لازم غیر منفک
واسطہ در . بوتون کونلرخی حوادث پشندہ دولاشمتله کچیریر .
بو آدم ذخیرہ تدارکنہ کیدن آری کیمدر . لکن هر وقت کتیردیکی
بال ، ہر طائی دگلدیر ، کہ بودہ بجه شایان تعجب اولاماز . قریمدن کان
انکلیر سفاین حربیہ سی ، بوغاز ایچندہ لورد اینچک قومانداسندہ
بولونان [روایال آلہرت] بویوک زرهلیسنہ التحاق آدہ جکدر .
سیواستوپول ضبط اڈیلہ لی ، آرددن برسہ کچدیکی خالدہ ، انکلیر
دوناماسی هنوز قارہ دگیزدہ ایدی . بوکملرک القاتدیکی مہابتہ
قارشی ، عثمانلی صولرندہ برفرانسز سفینہ حربیہ سی بیله یوق
ایدی . ایمپراطور نہ دینہ جک عجا ؟ استانبول سفیرینک
[طووه نهل] بوبادہ کی اشعارات مؤثر دسنہ قارشی ، صوصوب
طوراجقمی ؟

سفارتده اوچ ترجمان وارد. بونلرک برنجیسی ، منحصر آ
مناسبات و معاملات سیاسییه ایله مشغولدر .

اون آلتیجی لوی دور حکومتده، فرانسه نك استانبول سفیری
اولان ویتونت دوسن بریست، ترجمانلر ایچون : « بئسفیرلر ،
ترجمانلریمزك کاتبلری یز . زبرا محرراتمزی اونلرک دیدکلرینه
کوره یازارز » ، دیر ایدی .

سفارت خانه ده ، هفته کچمز، که دیپلوماتلره بر ضیافت
ویریمه سین ۲۰ ایلولده ینه دعوت وار ایدی . روسیا سفیری
بوتنه یه ف کله دی . راحتسز ایدی . کنه دیسنه سفارت مستشاری
لوبانوف وکالت آتدی . لوبانوف بزم سفارت کاتبلرینک محبوبیدر .
بر محاربه دن سوکرا عقد صلح اولونور اولونماز ، روسلرک
آرتق کین وجدال تعقیب آتمه دکلری . معلوم اولماسه ، بوراده
فرانسزلرله روسلر آردسندگی صمیمیت ، شایان حیرت کوروله .
بیلیر ایدی . برده اعتراف آتمه لیدر، که روسیا پک فطین و متفکر
بر دیپلوماسییه مالکدر . روس سه ویملیدر . مع مافیه اوزی
سوزی بردکلدر . بیلیم کیمک دیدیکی کبی : « روسلرده ،
شرقلیلره خاص اولان بوتون حیل و دسایس موجوددر . »
حالی ، کاذب دکلدر . لکین اکثریا، دیدیکی دوشوندیکی حالده ،
دائما دوشوندیکنی سویله مز، که بونده حقمز دکلدر . روسلر ،
احوال روحیه آتیه یی ستروکتم آدومه یی تماردحلی آکلمازلر .
ایکنجی قاتهرینادن بری ، ایسته دکلری شیئی نظردقتلرندن
آیرمازلر . بر بویوک ملتک عمرینه نسبتله زمانک نه اهمیتیه واردر !
انکلتد سفیری سرهازی بول سور غایت نازک ، فطین ،

معلوماتی در. دیر لرکه: بک اوغلنده برقاچ کوزل قادینه مبتلادر.
 بوقدر علاقه لريله برابر، عجبایي بر دیپلومات ده اولویورمی ؟
 [بوذات لورد پالمه رستورنك آكۇمهارتلی اخلافتدن بری اولمشدر.]
 لورد ایستراتفورددن بحث آتمك ایچون، سفارت باش کاتبی
 ویقونت « آدگار دو سه کور » نۇ مخابرۇ محرمانه سندن اقتباس
 آتمش اولدیغم بعض فقراتی یازایم :

« فرانسه ایله انکلترة آرمسندە تدافعی و تجاویزی معاہدە »
 « عقدی وایکی دولت قوای عسکریه سنك بر حرب مشترکده »
 « بولونمسی لورد ایستراتفور دك اطوارینی بر درجه یه قدر تبدیل »
 « آده بیلمشدر. بو آدم جدال ، یاخود تغلب دن باشقه برشی »
 « طانیاز . ایکی متفق دولت عسکرلری آلمالی ، اینکدرمان »
 « کی مظفریتلر اوغورنده قان دوکدرک ایکی مملکتک اتحادینی »
 « تأیید آدرکن ، لورد ایستراتفور د ، فرانسه یه فرط تمایلی »
 « یاخود - منابعك جسامتی و عسکرینك جسامتی جهتیله »
 « فرانسه یه محبتی مظنون اولان وکلادن برینی عزل آتدیرمکه »
 « اوغراشیر! داخلاً مملکتدە بر قاریش قیلقك حربه سؤ تأثیرینی »
 « دوشونمه یه رك ، بیك دورلو آنتریقه ایله کندیسنه مطیع اولاجق »
 « براداردنك عودتنه صاواشیر ایدی ... »

سفارتك دوستلری ایچندە ، قونت و قونتەس زامو بسکی
 وار ایدی .

قونت زامو بسکی - داها دوغروسی - جنرال آندره
 زامو بسکی پولونیانك صواك حیات و ممات صفیحه حربیه سندن
 وطنه خدمت آتمش و قریم محاربە سنك ابتدالرنده روسلر

علم‌بنده کی محاربه‌ده بولوناجق برکه فرقه عسکریه سی تشکیلی
ایچون استانبوله کش ایدی . قونت زامویسکی پولونیایلرک
یالکز محاسن و فضائله متحلی و جسور برقهрман ایدی .
بووطن پرورک انظار معیندارخی تدقیق أدنلر کنديسنک حالا
پولونیانک احیاسی اعتقادنده اولدیغی آکلرلر ایدی .

بوکا بردون کیشوت، دیرلر . حال بوکه او سیای لطیفده ،
محو اولش برحقق امیدلرک یاد ماضیسی .. وطنک فلاکتدن
منبعث تأثرات ظاهر و بنیدار ایدی .

ایسودیه مصالحتکنذاری قوماندورتستادخی سفارت مداومینندن
ایدی . اصلی ایتالیان اولان بوزات، عمرینی تورکیاده کچیردیکندن،
مملکتک هر حالنه واقف و پک معلوماتلی ایدی .

فرانسه سفارت خانه‌سنده علی‌الاکثر تصادف اولنان تورک
رجالی ایچنده عالی پاشا و فوآد پاشا وار ایدی . بونلردن فوآد
پاشا ایله موسیو طووه‌نل آرده‌سنده مخادنت حقیقیه حکم فرمالیدی .
تورکیانک اک مشهور رجائندن اولان عالی پاشا ، فوآد
پاشا کبی ، فرانسه دوستلرندن صاییلیر ای دیسه‌ده بعض قیود
احتیاطیه لازمدر . عالی پاشا، کندی اهلیت و درایتیه اکتساب
ترقی آتمش و مصالح دولته و قوف مخصوصیه تمیز ایله مشدر .
الهیاتدن بحث آده‌بیلیر و برپستقویوسه قارشى طورابیلیر ؛ بر
موسوی ایله مذهب یهوددن مباحثیه کیریشه بیلیر . اَلْخَاصْل
هرشیدن خیر برصاحب معلومات ایسه‌ده ، طووه‌نلک قولنجه،
قوه تشبیه‌کننده مفقوددر . وقت قازانق دینیلن عثمانلی
پولیتیکه‌سنة تبعاً دائماً برقرار اتخاذهندن قورقار، کورونور . فقط آئی

بر مسلك مخصوص صاحبي اولديغدن، فرانسه سفيرينك اعتقاد نجه،
حالي پاشا، صدر تدور شيد پاشادن زياده ترقيات عثمانيه يه خدمت اوده بيلير.

فؤاد پاشا پك ذكي، پك ظريف، نكته پرداز، توركارك اَك
متمدن ايدى. كوزل، معنيدار حاضر جوابلى چار اقطار جهانه
يايلمش ايدى. بر چوق آروپا سرايلرنده بولونمش، اصوللرينه
واقف اونش ايدى. بو، هر حائنده نمايان ايدى. فرانسه جي
مكملاً تكلم ادر ايدى. غريب بر اثر تصادف اولارق مادريده
سفير تعيين اديش ايدى.

باب حالى، مذكور سفارته صفوت اُنندى يى [صفوت پاشا
مرحوم] تعيين آتمش ايدى. صفوت اُنندى و جهنده بر
اهتراز [سيكر حالى] وار ايدى. اسپانيا سفيري، خارجه
ناظرينه مراجعتله: « قرايچه ايزاهل كنچ برقاديندر. سفيريكر،
حضور قرايده نطقى او قوياجنى زمان، علام معتاده وجهيه سنى
ياارسه قرايچه قهقهه ايله كوله جكدر. او حالده سفيرك نه
حيثيتى قائم: » اخطارنده بولوندى. بو اخطار، حقيقته موافق
كورونديكن صفوت اُنندى يرينه فؤاد اُنندى تعيين اولوندى.
سفير فؤاد اُنندى، بر كون مادريده بر بويوك كليسا يى زيارته
كيتمش ايدى. كنديسى استقبال اُن پاپاسلر، فؤاد اُنندى
فسنى چيتارمادىغنى كورونجه، سائتة تعصبه اخطاره مسارعت
اُتديلر. فؤاد اُنندى ايسه در حال آلنى فسنه اوزاتارق:

— ايسته رسه كز فسنى چيتاراييم. فقط بزده بو، مخالف
تربيه بر حر كندر. نه جامعلر يمزده، نه حضور پادشاهيده
فسمزى چيتارمق عادتمزدر!

دیمکه ، پاپاسلر تسکلیفلرینه پشیان اولمشلردر .

موسیو طوودنهل دیردی ، که : تورکلر ، هر دورلوحپ یوتدیریش ، هر نوع علاج ییسیدیریش و آرتق هیسج برشی آلامایاجق حاله کلش بر خسته کییدر . خریستیانلر ، کندیلرینی ، علاجلردن بیقیدیروب اوصاندیرمشلردر . مع مافییه یوحا . کنیدی کندیلرینه بر اقیلسلر ، تبدیل فکر اتمیه جکلرینه دنبل دکلدردر . اغریدر ، که آوروپا اصلاحات اصرارنده ایدی : تورکیاده ، حاکمکر بولونمادیغی حالده محکمه لر تشکیلی ، اصلاحات مالیه دن اول ویرکیلر طرحی ، حاکم حاضر دن آمین دکل ایکن . آتی نک تأمل وتأمینی مجبوریتده ایدیلر .

خلاصه کلام : آوروپا دیپلوماتلری ، تورکیایی - کنیدی دوشوندکلری گبی ، اصلاحانه سوق وتشویق ادرلردی . عالی پاشا دیر ایدی ؛ که :

رجا ادرم ؛ أفندیلر بو قدر عجله اولماز!... بیر اقیلک ، تنفس ادرم و کنیدی کنیدی می آ گلا یلم . قازانلری پانلا تمق تورقوسی ، بزم درجه سرعت می تحدید ایچون کافیدر !



وَنَاءُ نَارٍ خَيْرٌ وَسَيِّئًا

تَبَعِي

اَيْلَكَ بَيْتُكَ

اَجْمَلُ خَيْرًا وَسَيِّئًا

اوچنچی کتاب



بودولت برنجونجی ایستەر !

مشیر احمد ایوب پاشا مرحوم ، زمانیک بویوک برعسکری ایدی . عالم عسکری عثمانیده شهرت شایعه سی اولدینی کبی باشلیجه بولونمش اولدینی یمن ، قوصوه ، مناستر ، یانیه ولایتلرندهده حسن صیت و نیک نام بیراقشدر .

ثبات و متاتی ، حزم و مکاتی و رای و فکرنده اصابتی خواص مزیاتندن ایدی . هر دورلو کلفت مراسمدن آزاده ، اطوار و اخلاقی غایت نزیه وساده ایدی . دنیاده دوغرو سوز بسویلمک ، - ولو که بعضاً پک آجی اولسون - دوغرو سویله یلری سه و مک . مشارالیهک برنجی خصلتلرندن بری ایدی . ریا ، تبصص صواک درجهده منفوری .. مسافره رعایت ، احباسیله صمیمی صحبت و محبت پک ملتزمی ایدی . منع و مکرم ایدی . دائماً دوشونور ، پک آز سوز سویله ر ایدی . لکن اوداسیله ، صمیمی اولدینی قدر ، جدیت و سادگی دائره سنده لابلالی قونوشور ایدی . کوزلری ، انسانک اعماق قلبنه نفوذ اوردی . پک مهابتی وار ایدی . اونسبتدهده سه ویملی ، جاذب و جالب احترام ایدی . نظرنده : فقیر و غنی بر ایدی . مسلمان ، خریستیان هپسی بروطن اولادی .. هپسی معزز عثمانلی ایدی . کیمسه نک سویه اجتماعیه سنه باقماهرق ، هر کسه معامله سی پک

خوش ایدی . هر کسه عین صمیمیتله معامله و خطا بده قطعاً
ترددی یوق ایدی .

قانون و حکومتدن ، حق و عدلدن باشقه قوت و نفوذ
تصویریله اتمز ایدی . دولت ایشنده حقدن آیریلماز توصیه‌دن
— کیمدن و کیمک نامنه اولورسه اولسون — قطعاً خوشلانماز
ایدی . بالذات برخطا اُدوب‌ده بوندن متأثر اولان کیمسه
طرفدن — ولوکه ایما و ایهام صورتیله — اعتراض ، یاخود ،
اختیار و وقوع بولسه اعترافدن چکینمز ایدی . بولوندیغی ولایتلرده
جریان عدالت ایچون ، وجودی ، حتی کولکسی کافی ایدی ؛
دینارسه مبالنه اَدیش اولماز . مثلاً : ویرکی تحصیلاتی ایچون
تضییق اَدیلوب حبسه آتیلش برکوی مختارینه دخی ، تلغرافله
مراجعتله ، تلغرافله جواب ویریر .. قانون و نظام دائره‌سنده هم
حکومتک ، هم اشخاصک وظایف متقابله‌سنی اختیارات ایلیر ایدی .
ثابت و وظیفه شناس ایدی . مأمورین ، جریان معاملاتده ،
سرباست و مستقل ایدی . لیکن بو حقه قارشی ، مسئولیتلری پک
آخیر ایدی . جزویات امور ایله اوغراشمازدی .

مناسرتده تعقیب اَشقیادن عودت اَدن برژاندارمه ضابطنی ،
تعیرات و اصطلاحات معهوده ایله عرض موفقیت و مباحات
باشلار باشلاماز : « پک اعلی ، وظیفه گئی ایفا اَتدک ! » دیه‌رک
صوصدیرمش ، باشندن صاومشدر .

عسکرجه سویلر ، عسکرجه یازار ایدی . افاده‌سنده ،
یازیشنده دائماً سلاست و ایجاز وار ایدی . ظاهراً ، معترض
اولانلره قیزار ؛ فقط حقلی اعتراضه قارشی صوصار ایدی . حتی

بعضلری بحق اعتراض و مراءعه ده بولونمقده ممدوحی اولورلرایدی .
 غرض و عوض نه اولدیغنی بیلمز ایدی . افاده سنده کی
 قطعیت و منفحیت پک رنگین ایدی . خلوصکارلره قیزماز ، آجیر
 ایدی . بعضاً ملاطفه کارانه استخفاف بیه ادردی . فقط بونده ده
 جدیت و صمیمیت اُکیک دگل ایدی .

مناسترده اوردو مشیری و والی ایدی . خسته برآسترتک
 بیطر طرفندن معاینه سی حقنده ، دائره عائده سیله هیأت بیطریه
 آره سنده ، درکنار اوزرینه درکنار یازیلق صورتیله ، حاصل
 اولمش طومارمسی برکاغد کتیرمشلر . اوقومش ؛ قارماقاریشیتی
 برشی . حواله یرینه شو عبارده یی یازمش : « اصطلاحات بیطریه
 سزک اولسون » آسترنه اولدی ، آستر ! »

آلای مضبطه لری تقدیم اولونوردی . اصول و نظامه توافق
 آتمه یین فقره لری کورونجه ، کندی قلسیله تصحیح ادر ؛ اویله
 معامله یوروتیردی .

نایت وفادار ایدی . منفاده اکمال انفاس اذن بعض آرقه .
 داشلرینه — آخر عمرینه قدر — نقداً معاونتده بولونورایدی .
 قوصوه والیسی ایدی . او صیراده مابیندن برذات ، اراده
 پادشاهی ایله بر ماده ایچون کندیسنندن تلغرافله استیضاحده
 بولونور . پاشا مرحوم آلدیرماز . عین ماده یی باش کاتب ثریا
 پاشا سؤال ادر . مرحوم بوکا تحریراتله جواب ویریر و بو
 جوابنامه رسمییه : « بوماده ایچون ... امضاسیله ده بر تلغراف
 آئندی . جواب اعطاسنه محل کوروله مده کی تحشیه اولونور ! »
 حاشیه سنی یازار .

سردار عبدالکریم پاشا ایله سماعترجه قارشى قارشى يه
 اوتوردقدن سوگرا، چادیرینه کیتمک ایچون قالقار . سردار :
 « نهریه ! قونوشویوردق . » دیر . احمدایوب پاشا مرحوم ده :
 « چوق قونوشدق . کیدیورم ! » جوابی ویریر . احتمال که
 بو ملاقاتلرندە تعاطی آتدکری کلهلر، شویله برقاچ سوزدن
 عبارت ایدی .

صربیا محاربه سنده مهم بر موقعده بولونور . مابیندن :
 « اشغال آتدیکنز موقعی ترک آده جککنز خبر آلدی . حال بوکه
 اوراسی پک مهمدر . حرکتکنز غیر جائزدر » مألده برتلغراف
 آلیر . « بورادن کیتمک، بوراده قالمقدن داهامشکلدر . بناءً علیه
 خبر واقع خلاف حقیقتدر » جواب صوابی یازار .

والیسی بولوندینی ولایتک بر سنجانی لغو و قضایه تحویل
 اولونور . سکوت آدر . بر آرهلق اهالی شکایته باشلار . باب
 عالی یه تلغرافلر یغدییر . باب عالی، کویا برایش کورور ؛ والینک
 مطالعه سنی تلغرافله صورمق غریبه سنه دوشر . مرحوم ایکی
 سطر دن عبارت بر جواب عبرت مأب یازار : « دولت، مطالعه می
 بوسنجانی لغو آتمه دن صور مالی ایدی . شیمدی سؤال ناممحلدر » دیر .
 ملحقات ولایتی دوره چیقار . برلوا مرکزینه کیدر .
 متصرف پک من، رکوب ونزوله مقتدر دگل . مع مافیه زواللی،
 حکومت قوناغناک اوست قاتنه چیقیلانجی صیراده ، والی
 پاشایی توقیر فکریله ، قوا توغنه کیرر . مرحوم کوله رک : « کیم
 کیمک قولتوغنه کیرمه لی؟ » سؤال نا کهانسیله بی چار دنک آرتق
 اوراده ایش کوره بیله جک آدم اولمادیغنه ایما آیلر .

کیمسه بی مغدور آتمک ایسته مز و آتمز ایدی . بونکله برابر
امور و معاملات حکومته مرحت دگل ، عدل و نصف التزام
ایلهر ایدی .

لزو مسز سوز سوله ینلره ، یاخود ، مبالغه اذنلره فناقیزار و :
— لاف !

دییه رک صوصدیریر ایدی .

بولوندینی ولایتلرده ، اشراف و اعیان مملکته ، لایق اولدقلری
درجه ده رعایت ادردی . لیکن نفوذ حکومت قارشی ، کیمسه نک
ذر تما اھمیتی اولمازدی و بونی هر کس بیلیردی . دشمن ارتکاب ایدی .
صوگ تورکیا — روسیا محاربه سنده ، ماینک او امرینه رغما ،
آدرنه ده دشمنی بکله مه یوب استانبوله کلش ایدی . بونک اوزرینه
باب سر عسکریده مجلس وکلا حضورنده بعض نظارک شدتلی
موآخذاته هدف اولدی . هپسینی دیکله دکن صوگرا ، لسان
ایجاز بیانیه جواب ویروب چیقدی . حضور مجلسه کیرنجه ،
اوطه نک آنک آشاغیسنده اوتورابیلرک بر مجرم صاندالیه سی
بولابیلمش اولان اوبویوک عسکر .. قطعی ، منقح برقاچ کله
ایله بویوک حقیقتلری جامع اولان جواب صوابی ویره رک قیسه
برسلام ایله یرندن قالقار قالقماز ، موآخذلر شاشا قالمش
وآندکلرینه و سوله دکلرینه پشیمان اولارق مرحوم مشارالیه
قانییه قدر تشییع صورتیه ایلمک بد معاملهلرینی اونوتدیرمق
ایسته مشلردر .

هر عثمانلی یورده گنک ایسته دیکی و جان و کوکلدن بکله دیکی
بر « بویوک عثمانلی تاریخ » نده ، یوکسه ک بر موقعی اولمق لازم کلن

بوشانلی عسکرک تصویر حیاتی یازاجق صاحب قلم ، وطنه پک
قیمتدار بر اثر اهدا آتمش اولاجقدر .

نیم قاره لایم شوسطرلرایسه ، ۱۵ مایس ۳۰۹ ده ، تابوتی
— شان وشکوهنی اعلایه ، دم واپسینه قدر ، وقف وجود آتمش
اولدینی — عثمانلی صانجاغنه صاریش اولان ، اومحترم قوماندانک
نام علویسنی یاد وتجیاه بروسيله عرض واحضارندن عبارتدر .
یوقسه یازدقلیمک ، تاریخچه حیاتندن برایکی حقیقه بیه تشکیل
آده مه یه جگنی بیلمز دگم .

احمد آیوب پاشا بویوک عسکر ، پک حمیتلی ووطن پرورایدی !

*
* *

عاشق حریت ، مفتون حقیقت ومشروطیت ایدی :

۳۰۸ ده ، فنار یوانده ، برکوشکده اوتوریوردیم .
بر آقشام ، بری برینی متعاقب ایکی آدم کوندرمش ؛ ایسته تمش ایدی .
اوانئاده ، [تقویم وقایع] مترجمی ومصححی ایدم . اوه پک بی تاب برحالده
کیدردیم . لیکن صورت دعوت جالب دقت اولدیغندن ، ایسته رایسته مز
علی العجلاه کیتدم . برایکی سوز تعاطیسندن صوگرا ، بر معتاد ، سکوت
باشلادی . مزاجنی بیلایکمدن بنده سیغارامی یاقدم . مرحوم ،
بر آردلق — عادتق وجه ایله — توتون طبقه سنی ، پارماققلری آردسنده ،
اویروب چه ویرمه یه باشلادی . اوکیجه ، بیلیم نهدن ؛ پک متبیح
کبی کوروندی ؛ اما جبر نفس ادیوردی . برچوق دوشوندی .
ذهنده بویوک براندیشه وطن ، قلبنده قوتلی برلرزه امیدوارایدی .

قصد آبرسیغا را یاقدی ویرنده دوغر وادی . کمال مهابتله ، بگاتوجیه
انظار آدرک :

بودولت ، برینچونجی ایسته ز !

دیدی . طبیعی شاشیردم ؛ دقت و حیرتله متبسمانه کندیسنه
باقدم . بوسوزلری ایجاب آدهجک برسؤال مقدر یوق ایدی .
مخاطبانه کمال آمن و اعتمادی اولدیغندن ، مرحوم مشارالیهده ،
برطور خالصانه و پدرانیه ایله چوق کولادی . لکن بحی ، برمعتاد ،
اوزاتمادی .

*
* *

فرط وقار و مهابتله تلغظ آتدیکی اوبش کله کافی وافی ایدی !

ایسته ، ۳۰۸ سنه سندن بری حرزجان ایله دیکم بو خطاب
علوی یی ، عالم مطبوعاتمزه تودیع و اتحاف آدیورم .
پاک و صاف برناصیه باندی تمثیل آدن اوبویوک عسکر ، بوتون
ملکت قلبنده یاشاما ایدر ! [رحمه الله تعالی]





چونجی : حاکیت ملیه

انسان ، طبعاً تحمکه میالدر .

فکر حقانیت، فکر عدالت نه قدر ترقی آدرسه آتسین ...
حریت ، مساوات نه درجه ده سه ویلیرسه سه ویلسین .. بشریت
اومیل فطریدن بوتون بوتون مصون قالاماز. محیطک تأثیراتی ،
برچوق علایق وروابط و بونلرک اجتماعندن متولد مناسبات آز
چوق بی آدمی حقدن آیریر .. عدلدن اوزاقلاشدیریر .
بو برنقصاندر ، که قابل رد وانکار دگل .

هرکیم اولورسه اولسون، البته مملکتی سهور .. وطن داشلری
سهور .. هپسینی، هرشیئی سهور؛ لکن هرشیدن زیاده کندینی
سهومه سی طبعیدر .

چونکه برانسان متفکر اولور ، عاقل اولور ، عادل اولور ..
هرشی اولایلیر؛ لکن محیطی محدود. آز چوق اونک تأثیراتنه
أسیر . بوده طبعیدر .

حب نفس ، بئلك فرداً فردا مطلقاً فرمانبر اولور .
برچوبان أفندیسی سهور ، قویونلرینی سهور ، قوزولرینی
داها چوق سهور. هپ بودورلو روابط ایله مربوط. فقط کندی
منفعتی، بو « هپ » سنه مرجح ؛ بو هپسندن عزیز . هله « بن »
لگندن کچه مز . قولای قولای حقه تسلیم اولاماز .

انسان برشی سویلهز ، برشی دوشونیر .. اودیدیکگی یایمق ،
او، دوشوندیکگی موقع فعله قومق ایستهر. نه قدر عادل، نه قدر
محق اولسه اونوتیر .. بيلم نه دن ، دماغنك بر حکم ونفوذینه
اُکثریا مغلوب چیقار. . چونکه : بئلك وار .

انسان ایچون ، اوندن بویوک حکم دار اولورمی ؟
انسانلر ؛ انسانجه یاشامق ایچون غائلهلر تشکیل آتمش ..
غائلهلردن جمعیتلر ، جمعیتلردن ملل واقوام وجوده کلمش ..
حکومتلر پیدا اولمش .. بر غائلهنك رئیس اولمق ناصل طبعی
ایسه .. هر ملت، هر حکومت ده بر رئیس اولیه محتاج اولمش ..
لکن، بر رئیس غائلهنك غائلهسی، غائلهسی نسبتده محدود .
بر رئیس حکومتك، بر حکمدارك غوائل .. وظایفی ایسه صوئ
درجه لرده نامعدود .

ایشته بو وظایفك قسم اعظمی، حکومت دینیلن بر قوتیه
مودوع . بو قوت ده، معدودالرقم رجاله واسطه . حال شوکه
بو رجال حکومتكده محیطی محدود . آهالییه نسبتله اومحدودك
حکمنده ، رأینده نه قدر اصابت اولسه ، ینه شمول تام یوق .
ینه مطلقا محذورلردن سالم دگل .
برچوق قانونلر وضع اولونمش . اصول وقاعدهلر قونمش .
ینه کافی دگل .

مرض اجتماعی بویوک . برخیلی زمانلر، تقسیم قوا حقیقتی بیه،
کیسه قبول آتمه یه راضی اولمامش ..

مثلا : بین الاسلام، بیت المالی جانندن اسیر که یهن .. کندینی
اُك حقیر بر آدمله مساوی طوتان حضرت عمرلر ، حضرت علیلر

اونوتيلمش كيتمش .

برزمانلر: هر يرده ، هر كس ، حقوق امتي عادي بر ميراث
كبي ، پنجه حكيم واستبدادي آلتنده زبون كورمه يه بيله آليشمش .
كيمسه برأمانته خيانتك ، ايسته ربالواسطه .. ايسته ربالواسطه
ويا ايسته رقصداً ، ايسته رعن جهل خيانتدن باشقه برشي اولامايه جفنه
عقل اُرديره مه مش — يا خود — اُرديرمك ايسته مه مش .

يانصاب كال — انسانلره نصيب اولماسنه كوره — مقررات
واجراآت اجتماعيه نك هر دورلو مقررات واجراآت فرديه
وشخصيه يه ، رجحان مطلقه راجح اولديغني تقدير و اعتراف
اتممهك ناصل ممكن اولور ؟

يا بر ويا برقاچ شيخصك اجتهاديله بويوك بر، يا خود، ايكي
هيات آره سنده نه بويوك فرق واردر !

النهايه ، بيك دورلو اختلافات ، يوزييك دورلو مجادلات
ومنازعات نتيجه سنده ، جمعيات بشريه ايچون يكانه چاره نجات :
انسانلره اكثرياده توزيع عدالت وتشميل حقانيت آده بيله جك
برطرز اذاردده ، يعنى بوشرايطي جامع اولان اصول مشروطيت ده
اولديغنه ، بوتون افكار منوره عالم ، قناعت كامله كتير مشدر .

مشروطيت دينيلن مادر مهربانك اولاد مكرمي : شوراي

امت : حاكميت مليه در .

بوكون ، حاكميت مليه يي بحق تقدير آده بيلن هملت ،
اوني حرر زجان اتمكه بختياردر ؛ زيرا اونعمت مدنيت وانسانيت
بك بويوك فداكارلقلره آله اديلشدر .

برعثمانلير ، بوخصوصه ده ملتلكك اك بختيار يز . بناء

عليه حاکمیت ملیه نش، بزجه قیمت و اهمیت بیك قات زیاده اولمق لازم کلیر. اون دو قوزنجی عصرده آوروپاده وقوع بولان جریانلر تدقیق و مقایسه ادیلینجه: عثمانلی مجاهدین و مجاهداتنک علویت، در حال تظاهر ایله ر.


حاکمیت مایه اوغورنده اُجلله نچه لشمش . . هر دورلو نولومدن ، ایشکنجه دن پروا بیله آتمه مش اولان مجاهدین ام ، هانکی قوم و ملت منسوب اولور ایسه اولسون ، بوتون عالم انسانیت نظرنده الی الابد محترمدر.

وطنک اُکْهمم عنصری ، اُکْ قیمتلی و معزز عضوی اولان کنجلر . . عثمانلیلغک امید اقبالی ، ملت و دولتک رکن جلیل استقبالیدر .

بونلر، ماضینک چرکاب احتراصات و تحریصاتندن ده مصون قالمش . . آلتی یوز سنه لک دولت عظیمه عثمانیه نک شان و شوکتی ادرانک ایله ، بوتون عثمانلی عنصرلرینک یک دل و یک وجود اولملری لازم کلن، بودور مبارکده یتیشمش بختیار اولاد وطن در.

بویله مباحث تاریخیه یی، اوبختیار کنجلر، دائماً تدقیق و تتبع آتمه لی؛ مجاهدۀ عثمانیه نک علویت یی اویله تقدیر و تجلیل ایله مه لیدر! برملت ، آنجاق کندیسنه اُکْ زیاده توزیع عدالت و تشمیل حقانیت اُده بیله جک کندی حاکمیتی ایله قائم اولور . بوده ، آنجاق بوتون اولاد مملکتک صافیت قایم و اخلاص نیی ، تأنی و ثبات و متانتی ، عرفان و پاک اجتهادی ایله نشر انوار تابدار اُده بیلیر .





اون دو قوزنجی عصرده :

مادر مشروطیت ، انکلتزهدر . عصرلرجه اوغراشمش ، چوققان دوکشددر . اون سکیزنجی عصرده قومشوسی فرانسه اوایندی . اوده مشروطیتی تأسیس واعلان آیلدی . بروقتلر ، بواصول حکومتی محافظه ایچون پک چوق غلیانلر .. هیجانلر کچیردی . دار آغاجلری قورولدی .. آسیلاچقلر آصیلدی .. کسیله جکلر کسیدلی .. ینه بحران ، غلیان اَکسیک دگل . متعاقباً بر قورسیقالی فرانسه یی آووجنه آلدی ؛ آوروپای تیتزهدی . بویوک ناپولیون ! بر آرکان حرب ضابطی ایکن بویوک قوماندان ، بر جنرال بوناپارت ایکن رئیس حکومت اولدی . قرال اولق ایستهدی . ماتک خوشنه کیمز ، دیندی . ایمراطور اعلان آیدلی . انقلابلر .. مشروطیتلر .. هپ هبایه کیتدی .. یاخود ، اویله ظن اولوندی .

اون دو قوزنجی عصرک ایلاک اون بش سنه سی ، بوتون آوروپا ، اونکله مشغول . چونکه ناپولیون ، کیمسه یی آدمیرینه قویمايور ؛ صاغنده صولنده مملکتلر ، حکومتلر ضبط وقارداشلرینه توزیع آدیور ایدی . زمان حکومتنده : فرانسزلر پک چوق قان دوکدی ؛ بیتمز توکنمز خزینه لر بیتیزوب توکتدی . بر چوق محاربهلر ، یرلر قازاندی . آوروپا خریطه سنی تارمار آندی . عادتاً بوتون دنیای صاوصدی . بوتون حکمدارلری تالاشه

دوشوردی .. اندیشه‌لره سوقدی. فقط برشاعرک دیدیکی کبی،
 بوتون ناپولئون مظفریاتنک مه‌د ظهوری اولان : واته‌رلو ،
 انهمایه کندیسنه مزار عدم اولدی !

غرایب و عجایی بوتون اقطارجه‌انه ضرب مثل اولسه تعجب
 آدیمه‌مک لازم کلن مشهور ویانه قونغردسی، ناپولیونث اوبویوک
 فرانسه‌سنى صویدی .. صوغانه چه‌ویردی !

تعبیر دوغرو ایسه ، اصلنه ارجاع آتدی .
 ناپولئون، بویوک برعسکر ایدی؛ لکن مستبد بر حکمدار
 اونش ایدی. «ایمپراطور بویله‌امر آدیور .. او یله ایسته‌یور..»
 طرزنده ویردیردیکى جوابلر، محصول فکر استبداد دگلمی ایدی ؟
 بونی کندیسى ده بیلمز دگل ایدی. حتی برکون ندماسندن برینه:
 « بن تولد کین صوگرا نه‌دییه جکگر، عجبا؟ » سؤالنده بولونمش ؛
 « هرکس، ایمپراطورک وفاتنه تأسف‌خوان اولاجق ! » جواب
 ناصوابی آلینجه : « خایر، خایر.. هرکس : اوف! قور تولدق !
 دییه جکدر. » جوابی ویرمشدر. قوجه عسکر، بونده آلدانما-
 یوردی . کندیسنى شیارتان طالع حرب ، مظفریات ایدی .
 یوقسه داها اون سکیزنجی عصرده . حقوق بنی آدم نامنه ، حتی
 پارسک، آک بویوک میدانلرنی انسان قصابخانه‌سینه چه‌ویرن ،
 عزم و جزم‌لرینه قارشى طورانلرک حکمدار اولسون، فیلسوف
 اولسون هپسنى کیوتیندن کچرن فرانسز ملتى، مشروطیت نامنه
 قسماً آفات سماویه‌دن معدود اولمق لازم کلن بویوک ناپولیونث
 بویوندوروغنى بیله، آر یا کج مطلقا پارچه‌پارچه آده‌جک ایدی .
 معاصرینی بولونان حکمدارلرده او یله ایدی : فکر حریت

و مساوات ، فکر مشروطیت - تعبیر آخرله - فرانسه وقوعاتی
 هپسندد باشقه باشقه کین و شدت ، و دورلو دورلو حرص و غرض
 آناری او یاندرمش ایدی . هر بری ، حقوقک غصب اولوند
 یغندن ، یا خود ، اولونمق ایسته نیلدیگندن شکایت ایدیورایدی .
 آچیق سؤیله مک لازمسه : ملتلی ، قدیمی وجه ايله
 - قوماندانه انقیاد مطلقه منقاد عسکر کی - ایسته دکلی طرفه
 سور و کله یوب کوتورمک ایسته یورلرایدی و بونی ده حقوق موروئه
 اساسیه بیلورلر ؛ اویله اعتقاد ایدیورلر ایدی .

زمان ، بونک عکسنی اثبات ایدی . بر چوق ظلملردن ،
 بر چوق یولسزلقلردن و حقسزلقلردن سوکرا ، حاکمیت ملیه
 فکرلی آوروپاده تأسس و تقرر ایلدهدی .

بونک ، باشقه دورلو اولمق احتمالی وارمی ایدی ؟

خایر !

چار برنجی آله کساندر ، کندینسی حریت پروران حکمدارانک
 سر فرازی بیلیر . . اویله ادعا ادر . . و هر کسه اویله
 طایتمق ایسته رایدی . . اوائل حکومتنده کوسته ردیکی
 پارلاق فکرلرده ، مریسی « لاهارپ » ک تلقینات حریت
 پرورانه سیله پرورش بولمش بر دماغ محصولی اولدیغندن ، دایما
 قرین تقدیر اولمق لازم کلیر . مع مافیسه ینه بویوک ناپولیونک
 بر سوزینی اونو تمایلم : باش قونسول اولدینی صیرالرده ، برکون ،
 ریاست ائدیکی مجلس اعضاسی سوزلرینی خاوصکارانه آلفیشلا نجه ،
 ناپولیون ، اوتوردینی ریاست صاندالیه سنه اشارتله : « اعتراف
 ادیگیز ، که انسان ، بو مقامده پک قولای صاحب ذکا اولور ! »

دیهه رڼه، تبصېص واقعک ماہیتی تقدیرده غافل بولو نماندینگی .
 اخطار ایله مشدر .

ایکنجی قاهرینا دورنده کی احوال دن متفر اولان غران دوق .
 پول ، چار اولور اولماز ، بحق دورسابق آدم لریخی برباد
 آتش .. زادکان صنفه ده مسلط اولمش ایدی . بر درجه ده که
 حکم زمان ایجابجه ظالم و مظلوم تفریقنه محل وامکان اولمادیغندن
 بوندن متأثر اولانلردن بعضلری افراط و تفریطک ، حتی شدتک
 صوک درجه سنه وارمق ایسته دیلر . آله کساندر ، ذاتاً باباسنک
 منفور و مغدوری اولدیغندن پدرینک خلعه رضا کومسته ردی .
 ایمپراطور اولدی . فقط ایسویچره استقلالی تأمین ایله یین
 برذاتک مکتب تربیتنده اوگردنیان پردنسیلر ، برشا کرد علم و معرفت
 ایچون ، پک مقدس ، پک معزز اولقله برابر او مقامده اوتوران
 ذاته کوره پاک ده مقبواه کچه جک شیلر دگل ایدی . برکوره ،
 اوزمانک الحآت و القآتنی آکلاتمق ایچون ، چار آله کساندری
 بر رسم مخصوصه کورن برفرانسز محرره سنک شوسوزلریخی
 اخطار کفایت ادر :

« کنج ایمپراطور ، اوکنده بویوک باباسنک .. آرقه سنده
 باباسنک .. واطر افنده ده کندیسنک قاتلاری اولدینی ، حالد ،
 کیدیور ایدی . »

نه دهشت ! اما عین حقیقت !

بویوله اولقله برابر — فرانسه وقایع مهمه سنه رغماً —
 زمامداران زمان ، قانون ترقی و تکامله مغایر القآت قایلدمش
 برأسیر دیمک ایدی . آله کساندر ، بومحیط ظلوم و مسوومک

خارجنده قالامازدی . حتی ، کندیسنگ خواص مقرینندن
بعضری مشروطیتی وضع وتأسيس تکلیفنده بولونمشلر ؛ لیکن
علناوعدأندیکی حالده یاپاماش .. حتی بولونیا یه ویردیکی مشروطیتی
کری آلمشدر .

تاریخ ، وقایعک صورکونا کونده تکررندن عبارتدر ،
دیدک . نه چاره ، که انسانلر قولای قولای متنبه اولامیور .
مثلا : فرانسه ده اون آلتنجی لوی - دیدیکی یاپدیرمق ایچون -
مجلس ملتہ سونکیلرله کیرمش . « منم دیکر نیست ! » دیمش .
اطرافنه نظر استخفاف ایله باقمش ، کچمش . لیکن برکره ملت
اویانمش .. انکلتزه مشروطیتی ذهنلرده یرلشمش .. آرتق بوکا
قارشی طورمق عبث دگلمی ایدی ؛ ایشته چار آله کساندرده ،
ماضی قریبه اولسون ، ارجاع نظر اتمک ایسته مه مش دیمکدر !
پولونیا مقاسمه سی ، پک عبرت آمیز باشقه برمنظره
تاریخیه در . دول متجاورده دن بالخاصه روسیا ، پولونیا مجلس
ملیسی قازاق سونکیلرله چیگنه مش . عاقبت ، وقتیه مناسبات
کامله تاریخیه مزاولان لهستان ، پارچه پارچه اولمش .. یوتولمش ،
بیتمش .. روسیاده کی قومیتلر ، پولونیا قومیتله ریه عقد
اتفاق آتمشدر ..

ناپولیون علیهنده کی اتفاقلر ، آوروپا ملل واقوامی فحالده
صارصمش ایدی . حکمداران ایسه - کافی السابق - مطلق العنان
قالمق خائله سنه دوشمش ایدی .

ناپولیونک هزیمت قطعیه سی اوزرینه ، آوروپا حکومتلرینک
عرض ایله دیکی بو منظره پک دل خراشدر . انسانیت ، برقچ

خطوه ایلری کیده جگنه، کریسی کرییه دونمشدر . حریت طرفدارانی ، دورلو دورلو حقارات و مجازاته اوغرامشدر . لکن ویانه قونقره سندن صوگرا کی آوروپا تقسیمات ملکیه سی ، اصول اداره مطلقه نث بوتون بوتون یرلشمه یه صاواشامسی ، هر طرفده حکمدار لر و حکومتلرجه التزام اولونان معاملات، فکر ممنوع مشروطیتی نشر ایچون کافی وافی ایدی . معهود اتفاق مقدس ، مهم بردور ابتداء وجوده کتیردی .

اسپانیاده قرالک بیانات حقوق شکنانه سی .. پروسیاده اوچنجی فره دریق کیومک ملتیی وعدو وعیدلر ، قومیسینلرله سنه لرجه آووتماسی .. آوستریاده ایمپراطور ایکنجی فرانسو آنک کیندن و وکلاسندن باشقه کیسه یی امور حکومتده صلاحیتدار طانیاماسی .. برنجی آله کساندرک ده مه ترنیخ القاتنه مغلوب اولماسی .. هی نتیجه حرب وظفر اولان برحالت روحیه کی ایدی .

عجب ، بوخار ، نه قدر وقت سوره بیلجک ایدی ! فرانسه دن صوگرا قبول مشروطیت أدنلر ، بعض آلمانیا پرنسلکلری ایدی . بوده فرانسه محصول تماسی ایدی . تاریخ ، بونلره بویوک بر حصه مباهات آیرمالیدر . بونلرک ایچنده آک زیاده علاقهدار بولونانلر ایسه کنج ، دینج ، دماغی زنده .. ذهنی فعال .. فکری جنوال .. طلبه علم و معرفت ایدی .

بوکنجلر ، دشمن حریت و مشروطیت بیلدکلری برچوق اثرلری احراق بالنار آتمشدر .. اوزمانه کورد ، پک مدهش صاییلان یوحرکت اختلالیه اوزرینه ، هر طرفدن تضیق کورمشدر ..

بوسائقه ايله بر جمعيت خفيه تشكيل آيله مشر .. بر قانون اساسى لايحه سى بيله قلمه آلمشر ..

بواثنده ، زمينى پك مساعد بولان مه ترنيخ ايسه ، بوتون آلمان پر نسلر نجه مرعى الاجرا طو تو لاجق بر چوق شدتلى مقررآت اتخاذ آدير مش . او وقت پرussia ، بروطن شرقيسى سويله ديكي ايچون ، يا خود ، بيلمم نه مقصده بر شيطان رسمى ياپدينى ايچون ، بر چوق طلبة علوم وفونى ، سنه لرجه زندانلره آتمش ..

ايشته بواحوال ، او محيط وزمانك ماهيتنى تعريف ايچون ، باشقه دليل ايراديننه حاجت بيراقاز . دكلى ؟

شاين دقتدر ، كه بوشدتلى مجازات ، باشلامش اولان جريان مخصوصى تعجيل وتسريعدن باشقه برشى دگل ايدى . ايتاليا ، اسپانيا اها ايسى برخيلى زمان فرانسز عسكريه تماسده بولونمش ؛ فكر حریت ومساوات ، فكر مشروطيت اورالرده تامماً انتشار آيله مش ايدى . اسپانيا قرالى فرديناند ، بر آزدهلق صورت عليه ده رد واستخفاف آتديكي آبدء حریت ومشروطيت او كنده ، ألهايه ، بر طور متضرعانه آلارق ، بويون آگميه مجبوريت حس آيله مشدر . ملك ، آنكيزيسيون سرايى تارمار آتديكىنى ، بالذات كوزيله كور مشدر . ايتاليا ايسه ، كمال متانتله « قاربونارى » لرك آفكار حریت پرستانه سنه جولانكاه اولوب طور مشدر .

ماجارلرى .. او بويوك ، محترم ماتى هيچ اونو تمامالى يز . ماجارلر اون دو قوزنجى عصره كيرمك ايچون ، بر چوق وقت مجاهدات لسانيه دن صوگرا زمانك آنكيزيسيونلرينه بر چوق فدائى وطن پرورلرى قربان ويرمك مجبوريت آليه سننده بولونمشاردر .

فرانسه اختلال کبیری ، ماجارلر ایچون اُک مهم نمونه انتباه ایدی . ماجارلر ، ظلم و استبداد بویوندوروغنی خرد و خاش اتمک ایچون ، هر فدا کارلغه آماده ایدیلر . افکار جدیده ایله متفکر فداییلر :

« آی بی چارد ملت، که آسیر ظلم و استبدادسیک .. اویان ! »
 « استقبالنکی بیلیمک، اوگردنمک ایستهرسهک .. فرانسه یه باق ! »
 مألنده خطابه لرله ماجارستانی تهییجه بيله قالدیشدیلر .
 آیووا ، که بو وطن قهر مانلری ، اتحار .. ایشکنجه ..
 صلب و اعدام مکافات دنیوییه-یه- و خنارینک سعادت مشروطیتی
 کورمه دن - محو و نابود اولدیلر .

مارسه یه زی ترجمه اُدیکی ایچون برشاعر نکته دانی زندانه
 آتمق ، محالمدن شکایت اُدنلری ئولدورتمک ، عدالتسزلکدن
 فریاد اُدیرک انسانیتی اعلایه قالدیشانلری آصق کبی برچوق
 ایگردنچ معرفتلی اوزمانک مستبد حکومتی ینه یاپدی .
 تکرار آیلهدی !





۱۸۲۵ : سنه سنده ایدی . چار آله کساندر ئوادی .

بودات ، احتمال که قناعت وجدانیه سنه رغماً ، برمقتضای حکم زمان استبداد مجسم کیلیمش ؛ سوء ظن ، جبر ، شدت اقایم ثلاثه حکومت یرینه کچمش ایدی . بدایت حکومتنده پدرینک و کندیسنک قاتلیرینی یانندن تبعید اتمش ایکن ، بالاخره باباسنک زماننده بیاه دوچار نفرت اولان جنرال آرچه ئهف نامنده بر ظالم ، هر ناصلسه ، تکرار نائل اقبال اولمش .. قوماندانلغنده بولوندیغی منطقه عسکریده نفرلری دگل ، ضابطلری بیاه دایاق آلتنده ایگیم ایگیم ایگله تمش .. اراضینده کی چیفتجیلرد ایشکنجه اتمک ایچون ، بر زمان طوزلی صویه باتیردینی کندی نامه مختص بر قیر یاج ایجاد آیه تمش .. آر باجیلر- نندن برینک زوجه سی ایکن ، کندینه مه تردهس اتخاذ آتدیکی بر آچاق قادین ، بالخاصه چیفتجی عائله لرینه یاپدیغی ظلم و بفسادن دولانی ، بحق کبرتیلیمسی اوزرینه بونک فاعلیله همشیره سنی دایاقدن ئولدورتمش .. حتی مه تردهسنک تخلیصنه شتابان اولمادیلر دییه ، بر چوق کویلی اُرکک و قادینلردن . کورونه دک و ایشیدیلده دک ایشکنجه لرله انتقام آلمش .. حکومت ، حکمدار بوخونخواره برشی دیعه تمش .. یاخود ، هر نه دنسه دیمک ایسته مه تمش ..

اوزمان ، بویله مظالم نادر دگل ایدی . اوچ سنه فرانسه ده یاشایان ضابطان و افراد عسکریه ایسه ، ملک تیرینه کلوب ده عینی

احوال مدهشہ بی کورونجہ، همان قومیتہ لر داها شدتلی بر صورتہ
تأسس وتوسع اتمش !

واقعا روس ضابطلری ، فرانسه اختلال کیرندن متفر
ایدیلر . آنجاق فرانسه ده بر مدت یاشانجه آگلامش لر، که :
فکرلری یا گلیش ! اولرده کورمش لر، که : یا انسان کی یاشامالی ؛
یا خود، حضیض مذلت وحقارتده یاشامقدن ایسه ، ئوله لیدر !
ظلمک درجه سنی ، شونندن ده آگلامالیدر، که اعضای جمعیتدن
برچوق ذوات ، منع مضالم ایچون ، بالذات چار آلہ کساندری
ئولدورمک . . بعضلری ایسه بوتون خاندان حکمداری بی صحیفه
عالمدن سیلوب یوق اتمک ایستہ لرلر ایدی .

چار برنجی نیقولا حکمدار اولدی . لکن بویوک برادرینک
وفتیلہ آرده وقوع بولان بر قاچ کونلک فاصلہ سلطنت
پہ ترسبورغده ، موسقو واده ، هر طرفده جمعیتلرک تسریع تشبثات
و تعجیل حرکاتنه سببیت ویردی :

۲۶ کانون اولده ، جہاسی اولاد وطندن عبارت اولان عسکر
آرہ سنده ، زیادہ جه قان دوکولدی . پہ ترسبورغده قوماندان آدن ،
بالذات یکی حکمدار اولدی . غلبہ ده اوندہ قالدی .

بونک اوزرینہ ، ذاتاً برچوق وقتدنبری روسیانک هر طرفہ
یایلمش اولان جاسوسلر ، جمعیتلرک لیستالرینی درحال ترتیب
وتقدیم آتدیلر . لکن بولیستالرده روسیانک آک بویوک
عائلہ لرینک اسملری موجود ایدی . ایمپراطور، فنا تیرہ دی .
بالذات مستنطقلک آتدی . ایستہ یورایدی ، کہ او بویوک عائلہ لرک
ناملرینی طاشیانلر ، او یلہ برجنایت مشترکہ ایلہ لکهدار اولماسینلر !

اونلر ایسه، باشقه دورلو دوشونویورلر ایدی : او زمان ،
ملکیتلرنده حیوانلردن داها فنا برأسارته دوچار اولان
قارداشلرینی حقارتدن ، ایشکنجهدن قورتارمق .. انسان کی
حر یا شاتمق .. هر کسی حقوق مشروعه سینه متصرف کورمک ..
عجبا بوأمل جنایتی ایدی ؟ زمان ومحیط !

غران دوق نیقولا — آ کلا دیلسه ایدی — بلکه .. آ کلا ر
ایدی . لیکن چار نیقولا ، هنوز صاندالی حکومتیه کچوب اوتورا-
مامش ایکن ، آ کلا یابیلیرمی ایدی ؟ هم کیم آ کلا تاجق ایدی ؟
آ کلا تاجقلر : پرانسه لره قونولمش ، زندانلره آتیلمش ایدی !
قومیسو نلر تشکل آتدی . صوگ درجه ده تعمیق تحقیقات
اولوندی . ایمپراطور ، کیجه کوندوز بالذات اوغراشدی . بر
چوق جزالری تخفیف آتدی . لیکن نتیجه یینه اُسکی اصول
اداره دن ، اُسکی حکومتدن عبارت قالدی .

برکون ، چار ، بر جنرالی بیتیرن بر فداییه صوردی :

— اُک مشهور بر جنرال مزه نیچون قییدک ؟

— وطم ایچون !

— مقصدک نه ؟

— مقصدم : مشروطیت ، حریت پرور بر حکومت !

دیگر بر فدایی :

« بوتش بئیده قطعیاً موفق اولامایه جغمزی ، بن ، پک اعلی »

« بیلیر ایدم . حیاتی فدا اتمک لازم کله جگنی ده بیلیردم . »

« فقط بزأ کدک ؛ محصول ایلریده ییچیه جکدر ! »

چار نیقولا ، بوسوزلرده آثار ندامت وار ، ظننه دوشمش ؛

بعدما صادق بر تبعه قالا جفندن آمین اولسه باغیشلاردم ، دیمش ؛
فدایی :

« خایر ، حشمتلی ، خایر ! ذاتاً بزم شکایت آتدیگمز شی ، »

« جمعیت مزک مقصدی ، بود گلیمی یا ؛ بر حکمدارک هرایسته دیگنی »

« یاپا بیلمه سی برسوء استعمالدر . بیر اقایگز ، قانون عدالت »

« اجرای حکم آتسین ! » جوانخی ویرمشدر .

بوتون روسیاده جمعیتار وارایدی . و اعضاسنک قسم اعظمی
کشی زاده لردن ، جنرال لردن ، بویوک رتبه لرده دیگر ضابطه لردن ،
حتی ایمپراطور یاور لردن ، پرنس لردن مرکب ایدی .
تحقیق واستنطاق بش آی امتداد آتدی .

اووقت روسیاده بر آدمک آل و آیاقلرینی برر حیوان
قویروغنه باغلامق و حیوانلری مختلف سمتلره چکوب کوتورومک
صورتیله محکومک وجودینی پارام پارچه اتمکده بر جزای
قانونی ایدی .

شورای دولت ، اعیان و سن سینود اعضا لردن متشکل
محکمۀ فوق العاده ، آک بویوک (جانیلری ؛) اومنجوس جزایه
محکوم آتدی . چار ، بوکا راضی اولمادی .

بش فدایی نک صلب و اعدامنه .. یوزیگر می قدر پرنس ،
قونت ، بارون ، جنرال ، میر آلای ، قائممقام و سائر محکومینکده
قطعات مختلفه یه نفی و تغریبنه ، قرار ویریلدی .

۲۹ تموز ۱۸۲۶ تاریخده جمله سی میدان سیاسته کوتورولدی :
اول بأول منفالره کیده جکلارک اونیفورمالری سوکولدی . قیلیجلی
باشلرنده قیریلدی . اعدامدن عفو اولوندقلری و کوره جزاسنه

محکومیت ابدیهلری تبلیغ ادیلهرك هپسی ینه قلعیه صوقولدی .
 متعاقباً بش کیشی کلدی . یاخود ، کتیریلدیلر : یوزلری
 قابالی ایدی . فقط خطوه بخطوه ایلریله دجه ، شدت عزم
 و متانتلری آکلاشیلیمور ایدی .

بشك ده آرقه سنده كول رنکنده برر قاپوت وار ایدی .
 بوقاپوتلرك باشلقلری محکوملرك یوزلرینی اورتمش ایدی .
 هپسی دوغروجه ، بلا توقف و تردد ، عسکری آدیملره دار
 آغاجلرینك محل مخصوصلرینه کیتدیلر . اخذ موقع ایلهدیلر .
 ساعت دورت . میدان سیاستی مزارستانه مخصوص دهشتلی
 برسکون و سکوت قاپلامشیدی . محکوملره مساعدده ایدیلدی :
 بری برینی در آغوش آتدیلر . متعاقباً بوغازلرینه ایپلر چکیلدی .
 جلاد ، وظیفه سنی کوردی .

لکن أجل عجله ائمه دی . یالکز ایکینسی بیتیردی : ایپك
 چوروکلکی بهانه سیله اوچنی — ئولد کدن صوگرا دیر یلتوب — ینه
 یره دوشوردی . حتی بری ، شدت سقوطدن بر باغانی قیردی .
 جلادل تردد ائمه دیلر . صاعلام ایپ بولدیلر . هراوچنی تکرار
 آصدیلر . بلکه چارخبر آلوب عفو ادر ، قورق سیله عجله بیه ائدیلر .
 بس بللی . او وقتلر : وطنی استبدادن قور تارمق ، یاخود ، اسباب
 ظلمی یوق ائمك پك بویوک جنایت ... بو برجنایتی ایکی جنایتله
 تسویه ائمك مقتضای حکومت ...

ایشته ینه محیط و زمان ! ایشته ینه انسانلر !
 چار نيقولا ، فرط تأثرندن کلیسایه صیغیمش ؛ دعا ایله
 مشغول اولمش ایدی .

دار آغاچنده بيله طالعلری مساعد اولمايان فدايلرايسه :
 — بونه منحوس مملکت ، که نه بر جمعيت ترتيب ائمه سنی
 بيلير .. نه آدم محاکمه و صلب ايله مه سنی ..!
 — بنم کبی بر عسکر آسیلاماز . قانون ، بر عسکری ، يالکنز
 قورشونه دیزه بياير !

— بر جرم ایچون ایکی جزاء ، بو بد بخت مملکته مخصوصدر!
 سوزلریله احتساسات حریت پرستانه لرینی تکرار ايله دیلر .
 الحاصل : یدی آی اول سفک دماء ايله باشلايان بوفاجعه ،
 بویه قانلی .. دهشتلی بر نهایته ارمشیدی .

غریبدر ، که اوزمانه کوره منفیلر پک چوق مساعدات
 ومساحات ایمراطوری یه نائل اولدیلر . حتی بر مدت صوگرا ،
 عفو اولوندیلر ؛ وطنارینه عودت آتدیلر . و حتی بونک ایچون
 چارایکنجی آله کساندر [مخلص چار] عنوان مفتخر تیله یاد اولوندی .
 لکن روسیا آجیلرینی اونوتمادی . بر چوق زمانلر داهای ، فلاکتدن
 فلاکته دوشدی . هپسنه قاتلانندی . پک چوق اولادوطن داهای
 جانلرینی قربان ویردیلر . آله پایه غلبه آتدی . اومردار محیط
 وزمانی تارماز ایلهدی . مشروطیتی آلدی . هم زورله آلدی .
 هم پک چوق قان دوکدرک ، بیگلرجه فداکارلقلر اؤددرک آلدی .
 آرتق بوندن صوگرا روس ملتی ، حیاتی و سعادت قییم اولان
 حریتی ، مشروطیتی کری ویرمک ممکنمی ؟ هیات !





سنه ميلاديهی تاريخ عمومیده، بر جريان مخصوص ايله متازدر.
فرانسه ده اونجي شارل، غالبا فرانسه تاريخی او قومامش
ایدی: یاخود، او قومش ده وقایع جهانک بیک دورلو تناسخ
واستحاله ايله برابر، ینه تکرردن باشقه برشی اولمادیغنی او گره -
نمه مش ایدی. و یاخود، بورالری پک آئی بیلدیگی حالده،
دیدیگنی یاقمقدن کندینی آلامامش ایدی.

مات مجلسنی هیچه صایمق، کندی خدمتکار آمالی اولاجق
مخلوقلری وکلا یامق، مطلقا حقوق مقدسه سندندر: دعوای
غریبنده بولوندی. حتی بی چاره آدم حکم و حکومتی هیأت
منتخبه دولته بیراقش اولان قومشوسی انکلترد قرالی بکنمه یور،
اونک کبی قرال اولمادن ایسه، اودون یاریجیسی اولمای ترجیح
آندیگنی سویله یورایدی. فقط او یله ده اولامادی، کیتدی ..


حاکمیت ملیه - أمثالی کبی - اونی ده ده ویردی ..
بلجیقا، ذاتاً متهبیج بر حالده چالقانوب طور یور ایدی .
فلمنک - بلجیقا حکمداری، سربستی - مطبوعاته و ملت مجلسنه
قارشی تجاوزات یله مشروطیتی پایمال آدیججه، حریته قارشی استبداد
کوسته ریججه: پارسدن کان هوای انقلاب، بلجیقایی ابدیاً فلمنکدن
آیرمش، باشقه جه مستقل بر حکومت مشروطه وجوده کتیر مشدر.
وسطی ایتالیا عین تأثیراته معروض قالمشدر: پرنسارک

استبدادندن پارسه فرار آتمش اولان ايتاليانلر ، فرانسزلرک حاکمیت ملیه اوغورنده کوسته ردکلری فدا کارلقلری کوروبده ، وطنلرنده حریت پرورانک — دار آغلرلنده یکرمی دوردر ساعت تشهیرأجساد ايله — صلب واعدام اولوندقلرینی دوشوندجکه ، آرتق محافظه حیات قیدنده بولونا بیلیرلرمی ایدی ؟

زاواللی پولونیاده چیرپیندی ، طوردی . اتحاره قدرکیتدی . آرتق مذبوخانه فدا کارلقلرله صوک درجه امکانه قدر استبداده قارشى طوردقدن ، عالم انسانیت ومدنیت نامنی طاشیان بر بویوک کتله نك الی الابد شایان نفرین اولان ، غائله صلح وسلم تحمته مستر کوچوک کلکلرینه ، مسکینلکلرینه قربان کیده جکنى آگلادقدن صوگرا ، کنديسنه برنفس واپسین بیاه نصیب اولمقسزین ، سوندی .. بیتدی .. اوکوزل وطنک ، اُک کوزل برموقعنده ، بویوک بروطن پرورک هیکلی یرینه ، برهیکل استبداد دیکینادی ! صانکه مشروطیته ، برضربه حقارت داها . ووروئق ایسته نیلدی .. یازیق ، که نتیجه اعتباریله هرایکی محترم ملت ، ینه محکوم أسارت واستبداد اولدی . آرهلرنده برفرق وار ایدیسه برینک محکومیتی موقت ، دیکرینک کی مؤبد ایدی ..

آلمانیا حکومات صغیره سی — تعمیر دیکرله — جرمان اقوامی ۱۸۳۰ جریان مخصوصندن بی کانه قالمش دکل ایدی . لکن مه ترنیخ .. مه ترنیخ ..

هرحاله انتباه ، پک عمومی ایدی . حاکمیت ملیه فکر مخصوصی ، بوتون آوروپایی دالغه لاندیریور ایدی ..





ده فرانسه ، ينه بر حکمدار فدا اتدی !

لوئی فیلیپ ده تاریخ ملتی او قومامش ، یاخود ، تخته کینجه
اُولجه او قودقلرینی اونوتیورمشدر .

بو اونوتقانلق قومهدیسی ، نه دهشتلی فاجعه لره سبب اولویوردی !
هیچ دوشونمه یورلردی ، که برانسان بیلکه اونوتیر . فقط برملت
اونوتماز . کونرکچر .. آیلرکچر .. حتی عصرلرکچر .. برملت ،
مطلقا آریا کج حقنی آلیر . بیراقماز . هرشیئه قاتلانیر . هپ
چکدکارینی اونوتیر . فقط ، آلهایه حقوقنی استرداد آدر . چونکه
أک اوفاق بر جریاندن پک بویوک نتیجه لرچقار !

ملتر ، استرداد حقوقده مرور زمان نظریه عدلیه سندن
مستشادر . اک اهمیتسز برهانه ، اک بویوک مقیاسده برانقلابه ، حتی
اختلاله سبب محض اولور . بونک ایچوند ، که دنیاده قورقولا جق
ایکی شی وار : بری غضب الهی .. دیکری غضب اهالی ؛ دیرلر .
غضب الهی ، ناصل اوامر صمدانی یه مغایر حرکت نتیجه سی
ایسه ، غضب اهالی ده او یله حقسزلق ، عدالتسزلك ثمره سیدر .
جناب الله ، قوللری هپ بر یارشمشدر . نظام وانتظام عالم
نامنه تعین آدن مواقع ، تفرد آدن ذوات ، حق وعدلدن نه قدر
متباعد اولور ایسه او قدر مضمحل اولور . نه درجه عدالت

وَحَقَائِقِی اَعْلَا اَدْرَسِه اودرجه تعظیم و تجلیل کورور . بو اوایله بر قانون اُبدی، که حکمداران، حتی پیغمبران استثناء اَدِلَه مشلردر .
 لوئی فیلیپ ، برچوق سنه لردن بری فرانسه یی صارمش اولان تهلاکلی فکرلری مطلقاً تقدیر اُدمه یور ایدی . بونده معذور ایدی . چونکه اوده — اُمشالی کبی — « ملت دیمک بن دیمک ، بن دیمک ملت دیمک ! » علنی ایله معلول اولمقدن تخلص نفس اُدمه مشیدی .

آوروپاده ظلم و استبداد ، هپ زادکان صنفی دینیلن بر صنف مخلوقک ، خاکی .. فطری سیئاتنک ولد نامشروعی ایدی . یالکیز بونگله تماسده ، یالکیز اوایله متمسخ بر محیط ایچنده امر ارحیات قید اُسارتنده بولونان بر انسان — نه وَکیم اولور ایسه اولسون — کندنده اونارک فو قنده برشی تصور آتمه ییده آلیشیر سه ناصل بد بخت اولماز !
 زادکانلق پایه لرینی محو آتمک ، سر بستی مطبوعات و اجتماعی تأیید آیه مک صورتیاه مشروطیتک تکاملنی کوسته رن ۱۸۴۸ انقلابی، یالکیز لوئی فیلیپک چکیلمه سیله بیتمه مش .. بوتون عائله قرالی حق حکمرانیدن ساقط اولمش .. ملت ، سرایه هجوم ایله تخت حکمداری نی پارچه پارچه آتمش .. بالذات قراله عائد اولان اثاث بیتیه پنجره لردن فیرلاتیامشدر ..

لوئی فیلیپ ، او آنه قدر ملته القای دهشت و مهابت فکر عجینده ثبات آتمش .. اوطه سنک یانی باشنده کی صالوندن :
 « فراغت ! فراغت ! » ندای مدهشنی بالذات ایشیدینجه شاشقین شاشقین ، نه دینمش ایسه ، یانی ویرمش .. لکن ایش ایشدن کچمش اولدیغدن همان سرایدن چیقوب کیتمشدر ..

ایشته بر ملتک مقدراتیله اوینامق بویله اولور. قاجایا ایدی،
 - أمثالی کبی - ملتک غضبندن کوچ قورتولاییله جمکدی .
 نابید اولدی ، کتندی .

بونک اوزرینه : فرانسه ده حاکمیت ملیه آرتق بوتون معناسی
 ایله وجود پذیر اولدی . واقعا شکل حکومت تقرر ائمه دی .
 لکن او تأسیسدر، که اعماق قلب ملته، الی الابد سیلنه مهیه جک
 بر خط ازیلی و جلی ایله یازیلان :

حریت ، مساوات ، اخوت

کبی حقوق اصلیه یی أس الا ساس حکومت اتخاذه آتمش ..
 و تعرض مساکن ، أسارت ، سانسور کبی بلایایی .. نخل
 عدالت و انسانیت طائیش ؛ همپسینی فرانسه جمعیت انسانیه و مدنیه ..
 سندن ابدیاً دفع و طرد ایله مشدر .





آوستریا - ماجارستان:

مشرق أنوار فیوضات اجتماعیہ اولان فرانسہ ، ۱۸۴۸ ،
انقلابی ایلہ آلمان ، ایتالیان ، اسلاو برچوق اقوامی ، بویوک
برانتباہہ دعوت ایلہ مشدر .

حیف صد حیف کہ پروسیادہ... ایتالیادہ .. نمسہدہ ..
ماجارستاندہ سرزدہ ظہوراولان وقایع ابتدائیہ ، مشروطیتک
ادارہ مطلقہیہ غالییتی تأمین اُتدیک حالدہ ، چوق سورمہدی .
زاممداران زمان ، برآرہلق ویرمکدہ مضطر قالدقلمی
مشروطیتی - برر تقریب ووسیله ایلہ - کری آلمق بیلہ ایستہ دیلر .
کیمی انکار اُتدی . کیمی « بن ویرمہدم ایدی . طانیام » کبی
اعلانلرہ قدر واردی . بویوک ناپولیونک بوتون آوروپایی
زیروزبرآدہجک بعض پردنسیپلرینک انتشاری ایسہ ، اوصیرالردہ ،
ادارہ مطلقہنی تأییدہ بیلہ یاردیم اُدیوردی . حال بوکہ مشروطیت ،
حکومات موجودہنی پارچہ لامق دگل ایدی . دعوای مشروطیت ،

دعوای انسانیت ایدی . انسانلر ، انسانلرہ لایق معاملہ ایستہ -

یورلرایدی . درہ بگلرینہ أسیر اولمق .. مستبدلرک ظلمنہ ،
کیفہ دلالت وخدمت اُدہجک برحیات سفلیہیہ قاتالتمق .. آرتق
چکیلیر بلامی ایدی ؟ اصل دعوی ، بوندن عبارت ویک معقول ایدی .
ایتالیا حکومت صغیرہ سی ، تأیید مشروطیتہ برابر ، اتحاد
ملی یہ بیلہ قرار ویردی . لکن قسم اعظمی اشغال عسکریسی .

آلتنده بولوندوران آوستریا ، ابتدا هدف اولدیغی تعریضات و تحقیراتی دوشونمه یه رک ، متعاقباً داهابویوک بر قوتله هجوم آتدی . عین انسانیت اولان مشروطیت جدیدینی آسانندن صارصه جق تدبیرلرله بیتیرمه یه بیله صاواشدی . حتی مشروطیتی وجوده کتیرنلردن بعضلری بو اوغورده دار آلاجه چکیلدی . ذاتاً سوز آیاغه دوشونجه نه لر یاپیلماز ! قوت ، یاپاجغنی یاپدی . اورادن همان دوندی : ویانه ، پشته آتشلر ایچنده ایدی .

۱۳مارت ۱۸۴۸ ده ، ویانه ده طابئه علومدن مرکب بر هیأت ، آغیر آغیر یورویه رک آیالات مجلسنک اجتماعکاهی اوکئنه قدر کیتدی . هیأت بر جزء قلیل ایدی ؛ فقط پروقار . . مقصدی مقدس ایدی ؛ فقط هر کسده بر تردد آشکار . . برشی ایسته یورلر ایدی . . برشی سویله یه جکلرایدی . . هپسنده بر آندیشه وار ایدی . سیاه صاقلی ایله چهره زردی مهابت و وقارینی قات قات آرتدیران دو قوتور فیشهوف ، دورت آرقه داشنک اوموزلرندن متشکل بر تخت اوزرینه چیقدی . یوکسه لدی . کور بر سس وکیک عبارتله ایله وجیز بر نطق ایراد آتدی . نطق ، پک مهم ایدی . او وقته قدر ویانه ده او یله سوز سویله ین دگل ، او یله شیلر خاطر دن کچیرن بیله یوق کبی ایدی . حریت . . مشروطیت نامه قوش اوچماز اولان او قوجه ملکتده ، بعض دارالفنون شاگردلرندن عبارت اولان بر هیأتک ، رسمی بردار ئه دولت و حکومت اوکئنده طوپلانماسی ، شایان تعجب و حیرت ایدی . ایچلرندن بردو قتورک ، بر عزم دلیرانه ایله ، علی ملاء الناس بیانانده بولونماسی ایسه بوس بوتون دهشت ویریوردی . هر کس ، کمال سکون و سکونتله ،

فرط وقار و حمیتله دیکله دی . بود و قوتور کیم ایدی ؟ بر ماجار .
 نه سویله یور ایدی ؟ حریت ، مشروطیت ایسته یور ایدی .
 نطق ، دوام ائدکجه اهایلی بیر کییور . . خبر آلان اورایه
 اوشوشیور . . هرکس او محترم هیأتک اطرافنده طوپلانیور
 ایدی . ایمپراطور فردیناند خسته . آرتق ملتله اوصانج کلش .
 مه ترنیش نفرت عامه یی قازانمش . بونلردن فریاد آدنلر اولدی ؛
 لکن بونلر هیچ ایدی . ملت باشقه شی . ایسته یور ایدی . .
 کندینه باشقه برشی لازم ایدی . . .

او ائناده ، ماجارلردن دو قوتور غولدمارق ، بعض آرقه داشلریله
 مجلس آیالاته کیردی . بعض اصلاحات تکلیفلرنده بولوندی . بونک
 اوزرینه ، تشبث ایچون سرایه کیدیله جک اولدی . فقط برکنج
 ماجار داها میدانله چیقدی . فدایی لوئی « قوصوت » ک ، ماجار
 دییه ت مجلسنده ، ایراد آتمش اولدییی بر نطق اوقوددی . نطقک :
 [همیز ایچون سعادت و سلامت ، استحصال مشروطیتده در !]
 کله لرینی سویله نیجه . بوتون حاضرین : مشروطیت ! . . مشروطیت ! . .
 دییه باغریشمغه ، نطقک مابعدینی دیکله مه یه رک یکانه امل
 مشروع و مقدسلرینی تضمن ادن او تک کله یی تکرار تکرار
 طنین ائداز ایلهمکه باشلادیلر . ایسته ، ایسته دکلری بو ایدی !

مجلس آیالات ، بونی ایشیدنیجه تلاش ائدی . مجلسک ایمپرا -
 طوردن ایسته یه بیله جکی شی ، سنوی بودجه نیک طبع و نشرندن
 عبارت قلاجغنی آکلاتمغه قالمیشدی . اودقیقه ده دگین پک ساکن ،
 پک حلیم اولان او جم غفیر . . مجلسک فکر غریبندن خبردار
 اولور اولماز ، آتش پوسکوردی . مجلس اعضاسنی زورله اوکنه

قاندی . سرای ایمر اظوری به قدر کیتدیلر . قره قوللر مانع اولدی : اعضای مجلس سرایه کیره بیلدی . افراد ملت ، کری دوندی ! حکومت ، بو حرکت ملیه یی استخفاف آتدی . تدابیر عسکریه به توسل آیلهدی . اهلای آرتدجه آرتدی . حقیقتدن بی خبر اولان عسکر ، اهلای بی داغیتیق ایسته دی . قوروصیق برقاچ توفک آتدی . اهلای غضبه کلدی . باریتادلر یامغه باشلادی . جنرال ماتا نوشهق ، آتنه بینمش ، میدان چیقدی . داغیلارینی ، بالذات ، اهلای به اخطارده باشلادی . فقط سیئه اعتیاد ، یا خود ، سوء فکرله ناصلسه افراد ملت قارشی ، اویله فنا سوزلر تفوه آتدی ، که قفاسنه ایندیریلن برصوبادن در حال یره ییقیدلی ؛ ئولدی . آرشیدوق آلبره دخت اورتایه آتیلدی . اوده ، اوست برده دن سوزده باشلادی : « آرتق صوصکزر و اولریکزره کیدیکزر ! » دییه جک اولدی .

بر اختیار مستبد قوماندانی بیتیرمکه اُسکی حکومتدن ئوجنی آلمش و طبعی سکونته عودت آتمش کورون خلق ، در حال ینه غلیانه کلدی . عائله حکمدارینک برعضومهمی اولان آرشیدوق ، طاش .. آغاج پارچه لر یله تشییع وتعقیب اولوندی . آرشیدوق ، کندینی اورادن طار آتدی ؛ فقط انتقام هوسنه دوشدی . عسکر « آتش ! » آمرینی آلدی . افراد ملتدن برطاقی .. قادین آرکک یاره لاندی . بعضلری خالک هلاکه سه ریلدی . انسان قانی فیشقیرمغه باشلادی . بونی کورن و اول وقته قدر حکومت مطلقه احوالندن مشتکی کورونمه ین ویانه اهلایسی دهشتلی هیجانه دوشدی . هپ سلا حالاندی . مکتبیلر قاریشدی .

سلامت وطن ایچون، اونلرله برابر، فدای جان حاضرلاندی. ویانه نئ هر طرفنده قانلی مجادلرله باشلادی. ایمپراطور فر دیناند، پای تختی ترک اتمه یه مجبور اولدی. آرتق چاره قالمادی. مجلس ملتک عقیدینه قرار ویریلدی. قانون اساسی یاسیلدی. لکن، اقوام مختلفه آره سنده او یان دیریلان اختلافات، بی چاره افراد ملتی برچوق زمان داها ایگله تدی طوردی.

تموز ۱۸۴۸ ده، مجلس اجتماعلرله باشلاماز، ایمپراطورک عودتی طلب اولنمش؛ اتمزسه... برنجی شارل، ایکنجی ژاق، اون آلتینجی لوئی تاریخلری خاطرله کتیر یلمش ایدی.

بو اخطارات، ملتک افکار عمومییه سنک شدت تهیجی افهامه کافی ایدی. او آره لقی ماجارستان اختلالی شایع اولدی. حکومت، در حال سوقيات عسکریه یه قیام ائدی. واقعا استقلال اقوام داعیه سی ویانه اها لیسنه پک کران کلش؛ حتی خالیچیاده عسکرک اهاالی یه غلبه سی آلتیشلانش ایدی. فقط ماجارستانه حرکت عسکریه تشبثاتی، هیجان عمومی تشدید سبب اولدی. ذاتاً ویانه ده ماجار مهبجلر چوق ایدی..... اختلال باشلادی. عسکر، ماجارستانه کیتمک ایچون یوله چیقتدی. اهاالی اوگنه دوشدی. شومن دوفهر رایاریخی سوکدی. آتدی. تلغراف تلارینی قیردی. بردمیر کوپری نی ییقتدی. عاقبت، بر ملتک عزیز اولادلری اولان عسکرله اهاالی محاربه یه طوتوشدی. شهرک داخلی وخارجی قان لکه لری نه بولاشدی. بویوک برکلیسا دروننده بیله، دوقسان یش جان سه ریلدی.

هیجان پک زیاده ایدی. قوماندانی ئولدوردیلر. حربیه

ناظرینی جاده لرده کی فنرلردن برینه آصدیلر .
حکومت ، اهلالی طرفندن قصاب عنوانی آلمش اولان پرنس
ویندیشغردچ قومانداسیله بویوک بر قوه عسکریه کوندردی .
ویانه یی محاصره آیلهدی .

ماجارلر ، ویانه لیلر مقاومت آتدیلر . لیکن نتیجه ده طبیعی
مغلوب دوشدیلر . حکومت غالب چیقدی . بوغائلده ، آتی آی
ظرفنده بیك اوچ یوز یتش آدم زندانلره آتیلدی .
یوز اوتوز ایکی انسان قورشونه دیزدیریلدی .

ماجارستان ، داها قانلی .. داها فجیع ضربه لره اوغراددی .
فقط اوراد ایشک رنک وماهیتی دیکشمش .. حریت و مشروطیتدن
صوگرا استقلال حکومت ، مقاسمه دولت تهلکه لری باشلامش ایدی .
دولت ایسه ، عصیان عداوتدیکي حرکات مایه یی ، هریرده
آزمساعده .. چوق شدت ایله ذاتا بوغمش ، بیتیرمش ایدی .
اواثناده ، سرایت قورقوسیه .. باقانلری بویورمق هوس معهودیله ..
روسیا بیله آوستریانک جدأ امدادینه یتشمش ایدی .

مع مافیه فرانسه دن منعکس اولان ندای حریت و مشروطیتی
متعاقب ، اول باؤل ماجارستانده بر هیأت مسؤله نظر تشکیل
و حاکمیت مایه قطعیا تأسس آیله مش ایدی . یعنی مقصود اصلی
حاصل اولمش ایدی .

سبب حقیقی قیام ، مشروطیت ایدی .





فرانسه نث ، حاکمیت ملیه مسأله سنده اُتدیکي فداکار لقلر ،
تاریخ ملل واقوامده اُک مهم موقعی قازانمشدر .

دیگر ملتسلرک اورادن آلدقلری درس انتباه ایله اختیار
اُتدکلری فداکار لقلرده وقایع عظیمه تاریخیه دندر .

کرچه بوتشبات فداکارانه ، دوعرودن دوعرویه نتیجه
مطلوبه یه اقتراان اُدمه مش ؛ ملتله ، یک چوق سنده لر داها ، مجاهدات
جان سپارانه ده بولونمق مجبوریتنده قالمشدر . لکن هر انقلاب
— ناصل صایلیرسه صایلیرین — ایسته ر عسیان ، ایسته ر اختلال
دیناسین : نتیجه اعتباریله ، انسانلری عصر لردن بری محکوم اولدقلری
بر اُسارتدن قور تارمش ، ملتله محروم اولدقلری انسانجه
یاشامق حقنی ویرمش ، هر یرده تأسیس مشروطیت اُتمشدر .

بی آدم اعضای یک دیگرند ؛
که در آفرینش زیك کوهرند .
چو عضوی بدرد آورد روزگار ،
دگر عضو هارا نماند قرار .
تو کز محنت دیگران بی غمی ؛
نشد که نامت نهند آدمی !

حقیقتدن غافل اولمایانلر ، او یولده کی حرکات وتشببات اجتماعیه یی

ناصل تدقيق و تحليل اتمك ايسته رلرسه ايسته سينلر ؛ انسانلرك دائما حق وعدله احتياج سوق مخصوصه تبعيت ايله دكلري وحسب - البشريه - بعضاً اجتهدده خطا واقع اولسه بيله - ينه اساس اوسائق مبرم و مجبردن باشقه برشي اولمادينجي پك بديهي .. پك آشكاردر . اوچنچي ناپوليونك ، ولي نعمتي اولان مشروطيتي استخفاف ايله حركتي ، عاقبت ، فرانسه يي .. او برعصر دنبري فداي جان ايله محافظه حقوق اذن ملت معظمه يي ، صوكت قراريني و يرمه يه مجبور ايله دي .

آلمانيا ، آوستريا ، ايتاليا جبراً و كرهاً دوشدكلري جريانندن قورتولمايلاقلريني كورمشر .. زمامداران حكومت ، آمال مليه يي رهبر حركت اتخادده مضطر قالمشدر .

بواضطرار ، بوكون آرتق موجود اولماق لازم كلير . چونكه ظلمت جهل ايله محكوم اولان ماضي بدبخت ، آرتق ، اونود يلاق قدر بزدن اوزا قلاشمش .. برهيات اجتماعيه نكده ، برشخصكده سعادت و سلامتي : اومبارك .. معزز حاكميت مليه ده اولديني رتبه بداهته وارمشدر .

استقلال ايله حكومتك شخص واحد توجيه و تحميل اتيكي بار عظيم مسؤليت ، او قدر بويوكدر ، كه آليوم حاكميت مليه نك اس الا ساسني تشكيل اذن « عدم مسؤليت حكمدار » حق و امتيازينه قارشى ، بونك علويت و ماهيتي تقدير آتمه يه جك بر اهل عقل و نصفت تصور اديله مز .

حاكميت مليه ، مقام حكمداري يي او مرتبه اصعاد و اعلا اتمشدر ، كه دنيا ده بشر ايچون اونك فوقنده بر موقع يوقدر .

وهرملت، حکمدارینی اویله واجب الاحترام طوتار و طوتمالیدر!
بوندهده انکلتره، بوتون دولترلره، بوتون ملتسلره بر
آنمودج حکمت و عرفاندر!

چه سود، که اون دوقوزنجی عصرک اواسطنده: برنسلر، قرالدر،
ایمپراطورلر بردن بره اُسکی محیطلرندن چیقمامشالر .. منفعت
پرستانک جاهلانه القائلیه حاکمیت ملیه یی کندی شـخص
و حقلرینه تجاوز صائمشر و بویوزدن ده ـ طوعاً یا خود کرهأ
برچوق بی کنه قان هدر اولماسنه ـ سبب عد اولونمشلردر .

برملتک مقدراتی، برتک انسانک، یا خود، برقاچ کیشینک
ایکی دوداغی آره سندن چیقاجق برقاچ سوزه ترک وحواله اتمک
عادت قدیمه سنک ـ اصابت رأی، یا خود، خطا انسان ایچون
اولدیغنه کوره ـ وخامتی پک بدیهی دگلمیدر؟


وا کثریا منفعت شخصیه کبی، حرص و انتقام کبی سیئه لردن
دولای ـ او برتک انسان ایله تماسده متمساز قالان ـ ذوات
معدوده ناک فکر ورآینده برملتق اقناع آده بيله جک مغنویت
موجود اولایلیرمی؟

اودون یارمایی، انکلتره قرالی اولمایه مرجع طوتان بی چاره
هانرینک فلاکتی اونو تمامالیدر . انکلتره خاندان قرالیسی
ایسه پایدار اولوب طورییور . و حقوق حکمرانیسی تماماً
محفوظ بولونویور . لیکن انکلتره حکومتی .. او استاد مکرم
مشروطیت، حاکمیت ملیه ناک اسیرحریت پروریدر؛ چونکه
برملتک درجه مسعودیتی، حاکمیت ملیه سی نسبتنده اولور.

پروسیاده، قرال ایله ملت مجلسی آره سنده تمادی آدن

مجادلات، تاريخلرده نظر دقت و انتباه ايله اوقونمايدير.
ويانهده، مثلاً : بر پرئس مه ترنيخه سنوي بش يوز قيرق آلتى
بيك فرائق معاش مقطوع ويرن او زمان حكومتك معارف
بودجه سى - بش ميايون شاكرده تدريسات ايچون - طوي
طوي يتمش دورت بيك سكين يوز دوقسان دورت فرائقندن
عبارت اولديغى .. اوچ ميلون اوچ يوز آلتش دورت بيك
فرائق واردات دولتك تخصيصات خفيه يه كيتديگنى .. حقوق
انسانيه نك صاغمال قويون ويا اينك كبي بر حياته منحصر
قالديغى .. اُحاصل برقاج كيشينك امر و حكمى آلتنده بر
اسارت مطلقه ايچنده صبورانه ، متوكلانه ياشامقندن غيرى چاره
قالماديغى كورن بر ملت ، دوچار اولديغى مصائبدن انتباه ادر
- تعبير آخرله - يچاق كيگه دايانيرايسه، نه ياپماز !
ماجار اختلالنه ، بويوك ناپوليونك بالذات ماجار رؤساسنه
القا اتديكي فكر استقلال باعث مطلق صايبلسه بيله، حكومتك
مظالمى اوقدر چوق .. ملت اويله حقير و محقر ايدى ، كه ويانه
حادثه لرى مجاهدات وطن پرورانه دن عبارت قالير.
بونلر اولماي ايدى، حاكميت مليه تاسس اتمك ممكن اولورمى
ايدى ؟





حکمداران مکتوبلری:

۱۸۴۸ تاریخی ، اون دو قوزنجی عصرده کی انتباهلرک اڭ مهمنی قید آتمشدر . برقاچ تحیفه سنی غایت مجمل و مختصر صورتده تصویر ایله دیگمز بوانتباء عمومینک بحق ضبط و تحریر ادبیه سی ایسته نیاسه ، جلد لرله یازی یازمق بیه کفایت آتمز ، صانیرم . تلخیص ادهلم :

بالقائردده افلاق - بوغدانه قدر توسع آتمش اولان افکار مشروطیت پروری بوتون آوروپائی صارصمش ؛ یالگمز روسیا مصون التائیر قالمش ایدی . تورکیایی دول سائره صیراسنه ادخال آتمک ایسته رم . زیرا اوانتباء اثریله در ، که صیربلیا و رومانیا حدودلرنده یک مهم حرکتلر ، مصادمه لر و وقوع بولمش ایکن - اوزمانک آوروپا پولیتیکه سی دولایسیله - بزده ناصلسه مسکوت عنه چکش کی کورونویور . شیمدی آکلاشیلور ، که نتیجه اعتباریله انتباء واقعک بزده عمومی برماهیتده اولماسی ، آتیا بویوک ضررلر انتاجندن خالی قالمشدر .

سیل اختلال ، انکلتردیه تماماً جریان آتمه مش ایسه ده ، حکومت ، داخلأً اُیجه تلاشی دقیقه لر کچیر مشدر . بلجیقا عین حالده قالمشدر . فرانسه ده لوئی فیلیپ ترک حکومت آتمش ، کیزلیجه انکلیز مأمورلرینک تدبیر و شفاعتیه انکلتردیه جان آتمشدر . رئیس وکلاسی کیزو فرانسه دن اخراج اولونمشدر . خیلی وقتدن بری

انکلتريه التجا اتمش بولونان لوتی ناپوليون، فرانسه يه عودته
مأذون اوليور مشدر. آوسترياده، امپراطور تحت سلطنتدن
فراغته مجبور اديلدیکی کبی، سنين و فیردن بری بوتون آوروپایی
کوچوک پارماغيله چه ویروب طوران مه ترنسخ دخی در حال
آشیر یلشدر.

پروسیا آساندن صار صيلمش؛ حاکمیت ملیه فکر لری
بوتون آلمانیایی استیلا یله مشدر. بونک اوزرینه در، که بر آلمان
مجلس ملیسی وجوده کتیر یلش، [شیه زیوینغ] ک آلمانیایه الحاقی
بیله طلب اولونمشدر. ایتالیاده کی وقوعات پک شدتلی اولمش،
پایا بیله آوستریا کت علیهنه یورومشدر. لکن بو حادثه لری نتیجه سی
باشقه بر ماهیت و عاقبتله قاپانمشدر.

ایشته شو خلاصه تاریخیه دن صوگرا: آوروپا حکمدار لری نیک،
سائقه وقوالاته حاصل اتمش اولدقلری افکار و مطالعاتی ناطق،
مکتوبلرینی کوزدن کچیر مک اقتضا آدر، که بونار، حقیقه یوزلرجه
بویوک صحیفه لردن متشکل مؤلفات تاریخیه دن داها واضح، داها
بدیهی بر طرزده حقایق احوالی تصویر وارانیه یله جکدر:



بلجیقا قرالندن انکلتريه قرالیچه سی ویقتوریایه

لاقن ۱۲ شباط ۱۸۴۸

- (پارس خبر لری باعث آندیشه در. لیه رالدر، رادیقاللریک)
- (مظفر یته صاواشیورلر؛ حقیقته ایسه محضا کنیدیلرینی موقع)
- (اقتداره کتیرمه یه اوغراشیورلر. اصول وقواعد، خارج)
- (آز بخشدر. بواحوال، آوروپا جماعت معظمه سنک)

(سعادتنه، بر صورت آئینه ده ، اجرای تاثیر آدیور . عمله)
 (صنوفك ايشسز بولونماسدن چوق شكایت اولونویور و عین)
 (زمانده هر دور لو تدابیر و تشبثاته مانع اولاجق برهیجان)
 (پولیتیک ادامه آدیلیور . نوع بنی آدم، عجائب برشیدر .)
 (امید آددرم ، که دیگر سیاره لر داها آئی تنظیم اولونمشدر .)
 (وَ بَز ایلریده اورالره کیده بیله جگزر) له ئوپولد

قرال له ئوپولد ، قرا لیچه و یقتوریانك عمجه سی ایدی .
 زوجه سی لوئیز ، لوئی فیلیپ کرمه سی ایدی . بونلرك فكر نجه :
 لوئی فیلیپ ، تحت سلطنتی محافظه ایچون سفك دمادن چکینه مش
 اولسه ایدی .. پارس اختلالنه غالب کله جك ایدی . حتی موفقیت
 واقعه ، أرباب اختلال نظر نده برخارقه عدوتلقی اولونمش ایدی .
 تاریخ ایسه ، بوفرضیاتك عکسنی کوسته ریور . اولسه اولسه
 جبر و شدت ، قهر و تدمیر .. نتیجه سی مشکوک ، آتییی موهوم
 برطاقم چیرکین نتیجه لر ویریر . هیچ بر وقت خیری اولماز .
 قاعده عمومیه بوندن عبارتدر . بویله بداهته قارشى توهاته اعتبار
 اولونورمی؟ مع هذا تأثیرات محیط وزمان ، دائماً شایان عبرتدر .



قرال له ئوپولد دن لورد پالهرستونه

۱۳ مارت ۱۸۴۸

(عسا کر ملبه ، اطرافنده أهالیدن برجم غفیر اولدینی)
 (حالده ، [توئله ری] سراینه دوغرو ایلریله یور ؛ أهالی ،)
 (قرالک حیاتی تهدید آده جك ولوله لر قوپارییوردی . عسا کر)

(ضابطی صفتیله اوکده بولونان [لایره س] غزته سی محرری امیل)
 (دو ژیراردن علی العجله بر فراغتنامه قلمه آلدی و، یکانه)
 (چاره فلاح اولمق اوزره ، قراله ویردی . قرال ، ابتدا ،)
 (رد آندی و ئولومی ترجیح ایله دیگنی سویله دی . لیکن دوق)
 (دومون پانسیه ، یالگیز کندی منفعتی ایچون دگل ، مملکتی)
 (محودن قور تارمق ایچون اصرار ا دینجه . قرال ، ورقه مذکورده یی)
 (امضالادی و متأثرانه دوق دومون پانسیه یه دوغرو آندی .)
 (بونک اوزرینه عائله قرالی سرایک باغچه سنه چکیلدی و قرال ،)
 (کچرکن ، هرکسه : « فراغت ا دیورم ، فراغت ا دیورم »)
 (دیدی ...)

*
* *

بلجیقا قرالی ، انکلتزه قرالیچه سنه اولان دیگر بر مکتوبنده
 دیور ، که :

(پارس وقوعات مده شه سندن پک مضطربم . بواحوال)
 (ناصل نتیجه لانه جک ؟ یا عهد قریبده ، بز نه اولاجغز ؟ بونی ،)
 (یالگیز جناب الله بیلیر . بوراده [بلجیقاده] بر اختلال)
 (ایقاعی ایچون ، مساعی عظیمه صرف ا دیله جکدر . هر مملکتده)
 (فقیر و فنا آدم لر بولوندیغندن ، موفق اولمالری ممکندر .)
 (بزم ، فرانسیه قارشى ، انکلتزده دول سارده دن طلب)
 (معاونته ، طبعی ، حقمز واردر ...)

پروسیا قرالندن انکلتزه قرالیچه سنه

۲۷ شباط ۱۸۴۸

(پارس وقوعات مده شه سنی بو آقشام خبر آدیغمدن ،)
 (نصف الیل اولمقله برابر ، ذات حشمتانه لرینه شوسطرلری)

(یازمغه ابتدار اُدیورم . جناب حق ، آروپا مسالمتی جداً)
(تهدید اُدن بو وقوعاته مساعده بویوردی .)

(بز ، « بوتون آوروپاده ، هر دورلو وسائط ایله نشر قواعدِ)
(اختلال ایچون » اُدیلن برتشیث قارشیسنده بولونویورز .)
(بو پروغرام ، اشخاصی وَ طرفکیلرینی بربرینه ربط و بند)
(اُدیور . بونک صلح عالم حقنده کی نتایجی آشکار وَ محققدر .)
(اُکر اختلالجیلر طرفنک پروغرامی : [حاکمیت ملیه] ،)
(موفقیت پذیر اولورسه ، ذات حشمتانه لرنیک کی کبی بویوک تاجر)
(حکومتلر ناصل محققاً هدر اولاجقسه ، بنم اوفاق تاجر)
(حکومتده اوילה تارمار اولاجق وَ ملتلی بر بلای مداهش)
(مصاب اُده جکدر : براختلال ، انتظامسزلق ، الحاد عصری)
(تعاقب ایله یه جکدر . متوفی قرال ، « بغایه الله » کله لرنی یازمغه)
(جسارت آتمه یوردی .)

(حال بو که بز کندی کندیمزه « اللهمک غنایتیه قرال » دیورز ؛)
(زیر حقیقهٔ اويله درر . بناءً علیه ، حشمتلی ، شیمدی انسانلره)
(وَ ناقابل توسیم برفوضه [آنارشى] وَ سفالتله دوچار تهدید)
(اولان ملتله ، وظایف مقدسه مزى آکلا دیغمزی وَ ناصل)
(آکلا دیغمزی کوسته ره لم . جناب حق ، ذات حشمتانه لریله)
(ایکی ایمپراطورک وَ جرمانیا اتحادی ایله بنم ایدی اقتداریمزه ،)
(انسانلق نقطهٔ نظرندن ، اويله براقتدار ویرمشد ، که بو ، بز)
(متحداً وَ غنایت ربانیه یه متوسلاً حرکت اُدرسه ک ، قطعياً)
(وَ محققاً صلح وَ آسایش عالمی محافظه یه کافدر . بواققدار ،)

- (سلاح قوتی دکلدر ؛ زیر سلاح قوتی ، هروقتدن زیاده)
 (شوزمانده ، صوڭ درجه یه کلیمه دجه ، قوللانیلما مق لازم کلیر .)
 (بنیما آتدیکم قدرت : بر « مشترک بیاننامه » در . ۱۸۳۰ ده)
 (بومهم قدرته مراجعت اولونمادیقنه خطا ادیاشدر . فقط)
 (ظن ادرم ، که تهلکه ، شیمدی ، اووقتدن زیاده ، بویوکدر .)
 (بواققدار ، آرد مزده بر صورت غیر متساویه ده منقسمدر . بونده)
 (اڭ کوچوک حصه بنم ، اڭ بویوک حصه ایسه ذات حشمتانه لرینه)
 (عاندر . حصه لری اوقدر اهمیتلیدر ، که ذات حشمتانه لری ،)
 (سوزلرینڭ نفوذ و تأثیری سایه سندد ، یالڭزجه بوایشی کوره .)
 (بیلیرلر ، آنجاق لطف حقله حسن موفقیت ، منحصرأ بزم)
 (اتحادیمزه متوقفدر . بزم فرانسه یه بیاننامه مزشو اولمالیدر :)
 (بزهمز فرانسه نڭ سعادتینی عن صمیم تمنی ادرز ؛ اکتساب)
 (اده بیله جگی بوتون سعادت و شان و شهرتی قیصقانمایاجغز .)
 (کندی حقوقه هیچ بر وقت تجاوز نیتنده دگلز و ،)
 (اسکيسنه ناصلسه ، یڭی حکومته قارشى ، عین حال وحرکتده)
 (بولونا جغمزی ناموسمزله تأمین ادرز . لکن ایتالیا ، بلجیقا)
 (یاخود ، آلمانیا ایله انقطاع مناسبات وقوعبولدیمی ؟ بوانقطاع ،)
 (عین زمانده بزمه دخی برانقطاع مناسبات دیمک اولاجقدر .)
 (او حالده بزده ، جناب حقت - برأ و بحرأ - احسان ایله دیگی)
 (قوتلریمزله : ۱۸۱۳ ، ۱۸۱۴ ، ۱۸۱۵ سنه لرنده اولدیغی)
 (کبی ، اتحادیمزڭ نه حاصل اده بیله جگنی فرانسه یه کوسته ره جگز .)
 (بوکون ، لورد پالمه رستونی امور خارجه نظرارتنده)
 (بولوندوران و آلوم او موقعده محافظه بویوران جناب حقه)

(شکر اديورم . کچن سنه ناک صوٹ اوچ آينده ، کنديسيه)
 (تماماً هم افکار اولامازدم . کنديسي ، انگيز اولديغندن ،)
 (بواعزافي تقدير ادر . بناءً عليه أَلحالة هذه موقع اقتداري)
 (اشغال اتمه سندن متحصل اميدي ، داها سربستانه بيان آيايه .)
 (بيليرم : ذات حشمت سمانلري ، کنديسندن [پالمه رستون])
 (داها غيور ، داها قوي ، داها فعال ، داها متانتله تصورات)
 (عظيمه تعقيبته مقتدر برخارجيه ناظرينه ، احتمال ، که اصلاً)
 (نائل اولامايه جقدر . اگر کنديسي ، بومهم زمانده ،)
 (قوتلر مزك برلشمش اولديغني نشر و اعلانه قرار ويريرسه ..)
 (سن ژورژده لايق اولان وظيفه سني بالذات ايضا آيلدرسه ..)
 (ميليونلرجه انسانلرک تشکراتنه مستحق اولاجق ؛ وَجَنابِ)
 (حَقِّكَ لطف صمدانيسيّه جهانک من وشکراني ، ذات)
 (حشمتانه لرينه توجه اده جقدر . بيله سيگز ، که ذات حشمت)
 (سمانلريله اُسکي انگلتره ناک پک صادق وَخالص برادر و رفيقي يم .)
 (وَبوني اثبات اتمک نيتده يم . ايکي ديز اوستنده ، سزه ،)
 (الله عشقنه ، آوروپانک سعادتني تأميناً : [انگلتره ، آوروپا)
 (ايچون :] ديمه گري رجا ادهرم .)

(خاکپاي حشمتانه لرينه تأييد احترامات ادهرم .)

پک صادق مخلص و سزه پک مربوط بنده و برادر يکز
 فره دهر يق کيلوم

(پرنساک کوزلرندن اوپهرم . کنديسي ، محقق ، بنم)
 (فکر مددر و مساعيمي بحق تقدير ادر .)
 حاشيه — (مساعده گزله مکتوبمي آچدم ؛ زيرا بوکون)

(پارسدن باشقه خبرلر آلدیم، که بونلر آنجاق «مدهش» کلمه سیله)
 (توصیف ادیله بیلیر. شو معلوماته نظر آ، فرانسه ده آرتق قرال)
 (یوقدر. بر هیأت نیابت، بر حکومت، بر حال فوضه - جمهوریت)
 (نامی آلتنده - بر برینی ولی و تعقیب ایله دی. بو احسوال ،)
 (ابتدای امرده، جرمدن متهور بولونان ملتله، هر دورلو مناسباتی)
 (امکانسز بیر اقا جقدر . بو هر ج مر جدن، بر حکومت ظهور)
 (آده جک اولور سه . محایف متقدمه ده کوسته ردیکم وجه ایله،)
 (دول معظمه «بیان نامه مشترک» نك یگی ارباب اقتداره بلا تعدیل)
 (بیلدیر یله سی لازم کله جگنده اصرار آدورم. ذات حشمتانه لری،)
 (مکتوبمه یازدیغم شو لاحقیه ی - اصول و عاده مغایر اولمقلا)
 (برابر - لطفاً بر قصور عد و تلقی بو یورمازلر ، امیدنده یم .)
 (زاواللی اختیار حکمدارک و دوشه س دورله آن ایله بوتون)
 (محترم و سه و کیلی عائله نك حالی، قابمی چاک چاک آدیور ؛ زیرا)
 (حالا بونلردن هیچ برینک نه اولدیغنی هنوز بیامه یورز. اون)
 (سکیز سنه لك صلح و سامی لوئی فیلیپه بور جلی یز . هیچ بر)
 (قلب پاک بونی اونو تماز . مع هذا وقوعات اخیر ده، پادشاهلر)
 (پادشاهنك ید انتقامنی تقدیر آتمه یه جک وار میدر ؛ دودست)
 (حشمتانه لری او په رم .)

*
* *

عدالت صمدانیه و عظمت الهیه یه عرض تسلیمیت لزومی
 هر آن تخطر آدیلسه ، انسانلر نه بختیار اولورلردی !



لورد جون روسه ل دن قراليچه ويقتوريابه
 كه شام سراي ۲۹ شباط ۱۸۴۸
 لورد جون روسه ل ، ذات حشمتانه لرينه عرض تعظيمات
 ادر و لورد [نورمانباي] ك - پارس سفيري - موجب خشنودی
 اولاجق بر مکتوب مختصري تقديم ايله شرفياب اولور .
 لورد جون روسه ل ، دون آقشام ، ذات حشمتانه لرينك ،
 فرانسه نك امورداخليه سنه مداخله ائمه يه جككيري اخبار ايله دي .
 مع ماغيه بورالريني موسيو « قوبه دن » ه جواباً [پارلامنتوده]
 تکرار ايله برابر ، هر دورلو اصحاب افکاره قارشي ، هر زمان اولديغي
 کبي ، وظائف مقدسه مسافر پرورينك تماميله ايفا اديله جگني ده
 علاوه مقال اتمشدر . بويانانك ايکيسي ده عموميتله آلقيشلانمشدر .
 مسافر پرورلگك عائله قرالي اعضاسنه تشميلي ماده سننده يالگزر
 شوراسي محتاج احتیاج اخطاردر ، كه ذات حشمتانه لري ، عائله مذکور نك
 تحت حکمداري ني استرداد ايچون معاونت کورمك کبي ، برفکره
 ذاهب اولماسنه ، قطعاً جرأت بخش اولماليدرلر . بناءً عليه
 اورله آن خاندانندن هيچ بر پرنساث نه لوندراده ، نه لوندر
 قربنده بر سرايده اقامت ائمه مه سي شايان تميدر .



قراليچه ويقتوريادن ويقتون پالهرستونه

- (قراليچه ، ملفوف محررات ايله برابر ، لورد جون)
- (روسه لك مطالعاتي حاوي اولارق ، لورد نورمانبايه يازيلاجق)
- (جوابنامه مسوده سني مطالعه ايله دي . بومسوده ني تماميله)

(تصویب آدر. لکن بونده، فرانسه حکومت جدیدہ سنک نیا ت ممدو۔)
 (حہسی جملہ سندن اولان: آوروپا معاہدہ لرینک محافظہ آدیله جگی)
 (فکرینک: نہ صورتلہ اولورسہ اولسون، تذکیر آدیله یکنی)
 (آرزو ایلہر. ایکی نومرولی کاغددہ «پک صمیمی دوستلق»)
 (تعبیری، قرالیچہ یہ، مبالغہ لی کبی کورونمشدر. اتلافات صمیمیہ)
 (حققدہ ہنوز بر تجربہ ائمہدہ بولونددق. «مناسبات دوستانہ»)
 (تعبیری داہا آیدر؛ یاخود، بوتون ترکیبی دگیشدیرمک)
 (ممکندر: «یالکز صلح و مسالمت دگل، فرانسه ایلہ)
 (صمیمی مخادنت، انکلیز حکومتنک اوتہدن بری اخص آمانندن)
 (ایدی ...») ...

~~~~~  
 قرالیچہ ویقتوریادن بلجیقا قرالہ

بوکینگام سرانی ۱ مارت ۱۸۴۸

(ہر ساعت: تازہ حوادث، یکنی وقوعات ظہور آدیور۔)  
 (قرال و قرالیچہ نک ہنوز نہ اولدقلرینی بیلیمہ یورز۔ لیکن)  
 (ظن آدہرز، کہ یاسوا حاکم برندہ، یاخود، احتمال کہ انکلتہرہ)  
 (داخلندہ درلر .. حقیقہ شایان مرحمت اولان زاواللی عائلہ)  
 (ایچون نہ آلمزدن کلیرسہ یاپیمورز۔ مع مافیہ پک اعلا آکلار۔)  
 (سیگز، کہ کندیلر یلہ نہ ہم افکار اولابیلیرز، نہ ادارہ حاضرہ یہ)  
 (قارشی غیر مساعد بر خط حرکت اتحاد آدہ بیلیرز۔ فرانسرلری)  
 (راحت بیرا قیورز۔ مملکتک اعتمادینہ لایق بر حکومت تشکل)  
 (آدرسہ .. محافظہ صلح وسلم و مرعیت معاہدات ایچون اونی)  
 (طامیق مجبوریتندہ بولونا جغز، کہ بو جہت اہمیت عظیمہ یی)

- ( حائز در . واقعا بويلا حرکت ، بزجه خوشه کيتمه يه جک )  
 ( ايسه ده آوروپا منفعت عموميه سي و مساleti کندی احتساسات )  
 ( شخصيه مزه تقدم ادر . فرانسزلر حقنده نه حسلر بسله نديگي )  
 ( جناب حقه معلومدر . اميد ادرم ، که سز ، سه وکيلي عمجه م ، )  
 ( شيمدی حائز اولديگنر و بزجه ده پک ملتزم اولان کوزل )  
 ( و مستقل موقعي محافظه اده جکسيگنر . و تقدير اده جککندن )  
 ( أمينم ، که فرانسه ده کی بدبخت اقربا سزده کوسته ريله جک تمايل )  
 ( و محبت سز ناصل اولور سه اولسون ، ذاتاً مقرر اولمايان اداره )  
 ( حاضرده ايله مخصوصه يه کيريشه مه يه جکسيگنر . )

قرالچه ويقتوريادن بلجيقا قرالنه

- ( آندريوسک حرکتندن بالاستفاده ، سزه شو سطرلری )  
 ( يازيور و دوستلرم اولان آني بلجيقا ليبرک ادامه حسن حر- )  
 ( کتلرنده آثار تسليت بولما کزي تمی آديورم . قوياً اميد )  
 ( و جداً اعتماد ادرم ، که احوال ايلشه جکدر . لکن هر طرفده ، )  
 ( نه فوق العاده .. شيلر اولويور ! آرتق نه رده اولديغمي )  
 ( بيلمه يورم و ظن آديورم ، که اليوم ، عصر سابقه دوئمش )  
 ( بولونويورز . بونگله برابر شوائنده سيگيرلي اولوب تلاشه )  
 ( دوشمک جائز اولما ديغني و بوتون مشکلاتي اقتحام اتمک لازم )  
 ( کله جگني ده آکلایورم . )  
 ( بزده کی اوافق تفک قياملر همان هيچدر و افکار ايدير . )  
 ( پارس وقوعات اخيره سي حقنده مطالعه کنر نه در ؟ قرال )  
 ( برؤيا ايکی کون مقدم و نسان - يا خود - باشقه بر محله )

- ( چکيلوب عسکري نڳ باشنه کچمهلې دگلچې اېدې ؟ .. شوراسې )  
 ( محققدر، که اکر فرار اتمه مش اولا ايديلر ، جمله سې قتل )  
 ( اديله جکدي : بونځ ايچون کنديلرني برآن اول فرارده )  
 ( پک حقلې کورورم . ليکن پک چابوق فرار ائديلر ، فکري )  
 ( موجوددر . حال بوکه اون آنتيجي لوئي خاطرده سي ... حرکت )  
 ( واقعه يي تصويب ايچون کافيدر . بوني هرکس تقدير اده جکدر . )  
 ( مع مافيه پرنسار قالمالي ايدې ، دينيلور . بوبابده کي فکري کتر )  
 ( نه در ؟ بنم فکرجه ، بوتون خطيئات صوځ اوچ دورت )  
 ( کون ايچنده ، بالخاصه ، صوځ کون وقوع بولمشدر . بو )  
 ( بر مصيبت کي کلش ، هرشي محو اولمشدر . آلهر ، دوق دومون )  
 ( پانسيه نځ سياحتدن سزه بحث اتمش اولاجقدر . اکر )  
 ( قرال . شيمدي ، عائله سې افراديله اسپانيابه کيدرسه ، غير )  
 ( قابل تعمير برخطال ارتکاب اتمش .. و اُسکي آثار انفعالي )  
 ( اويانديرمش اولاجقدر . )

قرالچه ويقتوريادن ويقونت مهلبورنه

بوکينغام سراي ۱۵ مرت ۱۸۴۸

- ( لورد مهلبورنده تصديق ادر، که شوکچن اوچ هفتته نڅ )  
 ( احوالي . بزي ، تام چن عصر نځ ايام مئالهنه ارجاع اديور . )  
 ( بوتون ممالک اجنيسه ده اغتشاشات واردر . فرانسه )  
 ( اختلالی ، اليم و مخوف بر حادثه در ... زاوللي قرال ايله )  
 ( حکومتی، صوځ ايکي سنه ظرفنده پک چوق خطال ارتکاب )  
 ( ايله ديذر . صوکنه قدر عناد ائديلر و تقدير اده مه ديذر . )

- ( فرار، ضروری اولدی. قرال ، محافظهٔ صالح و مسالمت )  
 ( ایچون اون آلتی سنه مساعی عظیمه صرف آتمش و فرانسه یی )  
 ( مسعود و بختیار ایلهمش ایدی ، که بو، اونوتیلما مق لازم )  
 ( کلیردی ... لوردمه لبورنک آئی قلبی ، بد بخت قرال و قرال )  
 ( لیچه نیک حقیقی ضرورت ایچینده بولون دقلری خبرندن )  
 ( مکدر اولاجمقدر. سفره لرند آنجاق ییه جکلری قدر برشی )  
 ( بولون یور. بی چاره [نه مور] لرده اویله. املاک خصوصیه لر ی اعاده )  
 ( اولونما زسه، بوتربیه لی کنج پر نسلرله کوچوک چو جو قلیرنیک )  
 ( حالی نه اولاجغنی بر مولی بیلیر. بونلرک آتییی نه اولاجق ؟ )  
 ( دوشوندکجه انسانک یوره گی پارچه لانیور. کنیدیلریله )  
 ( اقربا اولان و جمله سنی طانیسان قرا لیچه ، بو فلاکت )  
 ( حاللرندن پک مکدر اولویور . حقیقهٔ بی چاره اختیار قرال )  
 ( خطیائیک جزاسنی چکمشدرد. لورد بو — وال، عائلهٔ قرا لیک )  
 ( بوس بوتون محوندن آلبته مکدر اولمشدر . بلجیقانک )  
 ( سهو کیلی قرا لیچه سی بوتون بوتون مأیوسدر. لیکن، جناب )  
 ( حقه حمد اولسون ، بلجیق شایان تقدیر صورتده حرکت )  
 ( آتمشدرد. آلمانیا دده هر طرفده اغتشاشات اولمش ایسه ده، )  
 ( آئی آلمانلر پک وجدانی آملردر ... پارس احوالی پک )  
 ( قارا کقدر . اهالی مسلح . حکومت دهشت ایچنده . هر )  
 ( طرفده افلاس و وقوع بولویور. هر یرده خرابه لر، سفالت . )



انکلتريه جان آتان فرانسه عائله قرايسی حقنده، قرايچه ويقتوريانث، بويولده اقبالق غيرتيله يازديغي برچوق کرنامه لورده يالکنز بر مقصود خفي وار ایدی، که اوده لوندر قايينه سنک فرانسه نزدنده تشبثات مخصوصه ده بولونماسی فکرینی وکلانسه القا اتمکدن عبارت ایدی. غریبدر که قرايچه ويقتوريایله، بعض حسیات شخصیه مغلوباً، انتباه عمومی قارا کلق کورویور. لورد جون روسهل طرفدن قرايچه یازیلان بر جوابنامه بوبابده غایت معنیدار اولدیغندن، بروجه آتی ترجمه ایدیدی :

عوام قلماراسی ۳ مارت ۱۸۴۸

« لورد جون روسهل، ذات حشمتانه لرینه عرض احترامات »  
 « أدن . مخلوع قرالک نامه مؤثرینی کمال دقتله او قودی . »  
 « بحق افکار منوره اصحابندن اولان بر پرنس ایچون، »  
 « اوزون بر عمرک بوتون صفحاتندن صوگرا، عائله مائر محبتی »  
 « ایله محاط اولدینی حالده - بر مقتضای حکم قدر - کمال سکون »  
 « و راحتله اکمال أنفاس حیات اتمک، بویوک بر فلاکت اولاماز. »  
 « طبعی، قرال صفتیله جالب اولدینی خصوصت، فراغتيله »  
 « برابر زائل اولور . »

« موسیو کیزو، لوندرایه مواصلت آتدی. »

\*  
 \* \*

لورد روسهل، شو جواب مختصرنده قرايچه حضر تلرینه رقت و تأثرک نامحل اولدیغنی بیان ایله انکلتريه هیأت حکومتک طرز تقدیری بوتون بوتون باشقه اولدیغنه ایما اتمش اولویور .



# روسیا ایمراتورندن قرالیچه و یقتوریاه

په ترسبورغ ۲۲ مارت ۱۸۴۸ نیسان ۳

- ( وضع حملك كال عافیتله وقوعندن طولانی ذات حشمت )  
 ( سماتلرینه تقدیم تبریکات اُدرم. جناب حق، ذات حشمتانه لرینی )  
 ( وَ بوتون عائله مُنخمسه لرینی محافظه بویورسین دعاسی )  
 ( هر کون ورد زباندرد . هیأت اجتماعیه نك نظام وانتظامی )  
 ( تارمار اُدن فلاکتلر ایچنده بولوندیغمز شو صیراده ، دها )  
 ( اُنی زمانلرده تأسیمیله بختیار اولدیغمز روابط مُحادثتی تأیید )  
 ( احتیاجنی ، شمیمدی - هر وقتدن زیاده - حس و تقدیر )  
 ( ایله یورزد. باری او اُنی زمانلر باقیدر؛ زیرا انسانلرک مصون )  
 ( تجاوزیدر. عالی یورده کگزینی آگلایاجغندن مغرور و بختیارم. )  
 ( شو جریان اُدن احواله عطف انظار اولونورسه ، بلکه )  
 ( ذات حشمتانه لری. کندی یانلرنده ماصه باشنده اوتورورکن ، )  
 ( سویله مش اولدیغمز سوزلری تخطر بویورورلر. او وقتدن بری )  
 ( تقریباً اون سنه چکدی، آوروپاده صاعلام قالان نه ؟ بویوک )  
 ( بردتانیایله روسیا ! بوندن : بزم صمیمی اتحادیمز ، بلکه )  
 ( دنیایی قور تاراجق نتیجه سنی استخراج طبعی دگمیدر ؟ )  
 ( مادام. سزده مخلص اولان و سزنی تخطراعتیادینی آلان بریورده گث )  
 ( شوانکشافنی عفو بویور و گمز. بر اعتماد کامل ایله بخادنت )  
 ( حشمتانه لرینه اعتماد جسارت اُدر وَ زوال ناپذیر اولان )  
 ( مخالصتم تأمیناتی قبول بویورما گزی رجا ایلهرم . )

نیقولا



بلجیقا قرالندن قرالیچه ویقتوریایه

( انکلتره ساکن کورونویور. ایرلاند قیامی بیله نتیجه سز )  
 ( قالمش اولویور. لیکن آلمانیا دهشتلی برحاله در. بومملکتده، )  
 ( اوقدر آئی برأهالی ایله، بویله اولماسنی اصلا تصور آده مزدم. )  
 ( مع مافیله سنه لردن بری اورایه دورلو دورلو آدم لر کیدوب )  
 ( تهییج آتمش وَ حکمدارک یازیم یامالاق تدبیرلری پک چوق )  
 ( فنا لغه سبب اولمشدر. پک غریبدر، که فی الحقیقه پولیتیکه دن )  
 ( چکیلمک آرزو سننده بولوندیغم وَ پارسدن اون ساعت مسافه ده )  
 ( اولدیغم حالده، فیرطینیاه مقامت آدن یکانه حکمدار، یالکیز )  
 ( بن قالدیم. امید آدهرم، که محافظه موقع ایچون مشکلات )  
 ( مالیله مزه چاره بولاجغز. شیمدیلک بزى ائک زیاده اشغال )  
 ( آدن آدم لر عمله صنوفیدر. بونلرایچون چوق شیلریایلدی وَ )  
 ( باتقهلر اولجه دوجار تهیدید اولمش ایکن شیمدی قورتولمشدر. )  
 ( کمال عزم وجزم ایله چالیشیورز ... )  
 له ئوپولد

قرالیچه ویقتوریادن بلجیقا قرالنه

بوکینگام سرانی ۴ نیسان ۱۸۴۸

( ۱۸، ۲۵ مارت وَ ۱ نیسان تاریخلی سهویملی اوچ )  
 ( مکتوبکزار ایچون سزه تشکرلر آدهرم. له الحمد، بن بالخاصه )  
 ( متین وَ بالوجوه کمال عافیتدهیم، که شومدهش، مؤلم وَ غم )  
 ( آکین زمانلرده بر لطف مخصوص الهی دیمکدر. دها )  
 ( ابتدادن بری جریان احوال دن خبردار آدیایوردیم وَ یالکیز )  
 ( پولیتیکه نی دوشونویور، هپ آندن بحث آدیورایدیم. لیکن )

( هیچ بروقت، بوندن داهاساکن، داهامستریخ، داهان آز )  
 ( متأثر اولمادم . وقایع عظیمه بنم اعتدال دمی اخلال اتمز ؛ )  
 ( یالکیز کوچوک غائبهاری صبرسنز ادر وسیگیرلیمی تخریش )  
 ( ایلهر . لیکن حسن ادیورم که اختیارلایورم ، جدی اولو . )  
 ( یورم ؛ استقبال ایسه پک قارا اقمدر . مع هذا جناب حق )  
 ( بزه یاردمچی اولاجق و بزی محافظه بویوراجق . بزه )  
 ( جسارتمزی محافظه اتملی یز . آلمانیا ، بنی پک مکدر ادیور ؛ )  
 ( دیگر طرفندن ده بلجیقا باعث ضرور وسرورم اولویور ... )  
 ویقتوریا


.\*.\*

مارت ۱۸۴۸ده ، اووقت پروسیا ولی عهدی اولان وتوجه  
 عمومی نی حائر اولمایان برنجی ویلهلم ، برلینده حاصل اولان  
 غلیانندن مصون قالایلمک ایچون ، هامبورغ طریقله وتبدیل  
 انکلتزیه صیغیمش ایدی . بر مدت اوراده قالدقن صوگرا ،  
 عودتنده ، قرالیچه ویقتوریا به آتیده کی مکتوبی یازمشدر :

بروکسل ۳۰ مایس ۱۸۴۸

( سائق قلبیه انقیادایله قلمی بلا تأخیر آله آلاق کرک سنز ، )  
 ( کرک پرنسک لو ندراده بولوندیغیم مدت طرفنده ، ابدال ایلهدیکمیز )  
 ( معامله لطفکارانه وجیهه دن دولای ائ صمیمی تشکراتمی )  
 ( ایفایه ابتدار ادیورم . اورایه موصلتم ، کدورت آمیز برشی )  
 ( ایدی . حقمده کوسته ردیکمیز آثار تمایل وتوجه ، اقامتی یالکیز )  
 ( قابل تحمل بر درجهیه ایصال اتمکله قالمایوب ، برطرز لایق )

( و شرفداره قلب ایلہ مشدر . بولطف و تنزل ، لہمدہ وقوعہ کلن )  
 ( تبدل فکر و نظارہ ، بلا شک و شبہہ یار دیم ائمشر . ا کداریمک )  
 ( پذیرای ختام اولماسنی سزدہ و پرنس ایلہ حکومتگزدہ بورجلی یم . )  
 ( بناءً علیہ آیینہ دورانک بگا نہ صاقلا دیغنی بیلمہ یہرک و یالگنر )  
 ( سکون و راحتہ اورادہ بولوندیغمدتجہ اکتساب ایلہ دیگم )  
 ( قوایہ و مؤسسعاتی حقندہ کی تبعاتہ محتاج اولاجغمی دوشونہرک ، )  
 ( الیوم انکلتزہ بی کمال تأثرلہ ترک اادیورم . )



۱۸۴۸ تاریخی دولت علیہ جہدہ پک مہمدر ، دیمشیدک .  
 حتی بزددہ ، بالآخرہ سرزدہ ظہور اولان برچوق احوال تدقیق  
 ادیلیرسہ ، اساس ۱۸۴۸ ہ رجوع ایلہر ، کورونور . او اثنادہ  
 روسیا ایلہ تورکیا آردسندہ ، آفاق - بوغدان مسالہ سی بر صفحہ  
 دیگرہ کیردیکی کی [ ملت جیلر مسالہ سی ] ادہ دولت علیہ ایچون بر  
 غائلہ عظمی حانی امش اییدی . قریم محاربہ سی ایچون مہم منابع  
 موجود اولدیغندن بونی آیریجہ یازاجغم . شیمدی ، انتباء معلوم  
 اوزرینہ ، ہیأت دولت عثمانیہ جہ حاصل اولان طرز تلقی اثبات  
 ادن ایکی بندی نقل ایلہ اکتفا مناسبدر :

بحکمہ تعالی اوروپادہ سرزدہ وقوع اولان نوائب و اختلال  
 کیفیاتی اوروپا دولترینت رفته رفته بالکلیہ شیرازہ اسایشلرینی  
 اخلال ایتمکدہ اولمسیلہ دول مشارالیم طرفلرندن بونک ہم  
 تدابیردافعہ سی آرائقدہ و ہمدہ عدم سرائی اسبابنک استحصالیلہ  
 حفظ اسایش قضیہ سی کوزہ دلمکدہ و ہر حالہ لوازم تیقظ  
 و انتباہہ اعتنا و بو بابدہ صرف مبالغ لایحسی ایلمکدہ اولدقلری

درکار و له الحمد والمنه اگرچه شمیدی به قدر ممالك محروسه شاهانه بو مقوله مخائقدن مصون اولدینی و بوندن بویله دخی دولت علیه نك الى الابد استمداد و استمرار یله انشاء تعالی تحدیش افکار ایدر او مثللو مخاطراتدن مأمون اوله جنی الطاف صمدانیه دن مأمول اولوب انحق کچن سنه مبارکه ده بو کیفیت مو حشه نك فرانسه دولتمده بدایت وقوعی دول سائر یه منظر تحیر و تخیل اولمشیکن صکره لری اوستریا و پروسیا مملکتلرینه تجاوز و سرایت ایتیش و الحاله هذه ایتالیا قطعہ سی بر او یغونسز حالدہ بولنوب خروات و مجار طاقنک بر بر لریله محارب اولسی جهتله ماده اختلالیه سلطنت سنیه نك حدودینه پک تقرب ایش و بو حاللر قومیت و ملیته دائر هر طرفده بر طاقم افکار مضره او یان دیر مش اولمقدن ناشی قواعد حکمت شناسیدن اولدینی اوزره بهر حال سلطنت سنیه جه بعض مرتبه احتیاط و تهیی لازمہ دن کورنمش و برده بوشیلر هیچ بر دولت اجنبیه علیهنده اولیوب دول متحابه و متجاوزہ نك جمله سیاه معاملات صلحیه بر ترار بولمشدیر . احوال آتی ده کورینان قاریش یقلق و خصوصیه طونه نك اونه یقه سنده اسلاولر و مجارلر باینده درکار اولان اختلالات جهتی و سلطنت سنیه نك اتخاذ کردہ طالیسی اولان اصول بیطرفی یه هر طرفدن رعایت ایتدیرلمسی اهم مهام اولسی ملائسه سی ایله دولت علیه جه اسباب احتیاطیه تشبث کمال لزومی و بونک هر درلو فائده سی اوله جنی درکار در .

\*  
\* \*

برسنه دن برو اوروپاده ظهوره کلان وقوعات غریبه جمله نك

معلومیدر . اگرچه شمدیه دکین هر یرده عودت آسایش  
کامله انتظار اولنش ایسهده هنوز بو صورتک عدم حصولی  
مع التأسف کورلمکده واکثری دولترک متیقضانه طوراندقلری  
وشو وقایعه بر هیئت مسالجه ایله دور اندیشانه باقدقلری  
کوریلوب و بیلنمکده در . بو حالله کوره دولت علیه نك دخی  
تدارکات کلیهیه تشبث بیورمسی بادی نظرده پك مقتضی کبی  
کورینور ایسهده بو مثللو فوق العاده اجرا اولنه جق تدابیرك  
درجات متفاوته سی اوله رق بو دخی دولتك احتیاجات داخلیه  
و مشکلات خارجیه سیاه موازنه اولنوب اویلجه قرارلشدیرمق  
مقتضای عقل و حکمتدن اولسیله سلطنت سانیه بو تدارکات  
ماده سنده نه درجهیه قدر کیدمك لازم کله جکی مسئله سنی تعمیق  
وتدقیق بیوردیغنده اویله تشبثات کلیه نك اسباب مبرمه سی بولنه مامش  
ایسهده بعض رتبه تدارکات احتیاطیه نك لزوم حقیقیسی دخی  
انکار اولنه مامشدر . شویله که کچن سنه اواخر صیفده افلاق  
مملکتنده ظهورایدن اثار اختلالیه له الحمد سایه شوکتوابه حضرت  
شاهانهده مندفع و اسایش مطلوب کاملاً حاصل اولوب اورایه  
طرف دولت علیه دن سوق اولنان قوه عسکریه نك هنوز کیری  
التمامسی دخی بشقه بر بیلنمز مراده مبنی اولیه رق ینه افلاق  
ایالتك دردست تسویه بولنان بعض مصالح مهمه سنندن اقتضا  
ایتمکده در . بوجهتله افلاق وکرک بغدادك احوال داخلیه سنجه  
سلطنت سانیه نك تدبیر کلیسی جالب اوله جق سبب کورولمیدیکی  
مثالو هر حالده توفیقات صمدانیهیه مظهر اولان ولی نعمت  
یمینمز پادشاهمز اقدمزك التزام بیوردقلری اصول عدایه نك

آثار باهره‌سندن اولمق اوزره ممالك وسیعۀ رولت علیه‌نك خدایه  
شکرلر اولسون سائر لرلرنده دخی برکونه غوائل موجود دکلدر .  
اشته داخلأً حال بو منوال اوزره اولوب مصالحك بحث  
خارجیسنده دخی خلاصۀ ملاحظات شودر که همجوار اولان  
وكرك مواقع بعیده‌ده بولنان دول معاهده‌نك جمله سیله سلطنت  
سنیه‌نك معاملات خالصانه و مناسبات دوستانه‌سی یرنده اوله‌رق  
هر بریسیله کندویننده برانیت متقابلہ دخی درکاردر . حقیقت  
ماده بوصورتده اولنجه وعقل ودرایت بونجه اولیه تداییر کلیه‌یه  
تثبت ایله برطاقم مصارف کثیریه کرفتار اولمقلغك نه داخلأً  
ونه خارجأً ایجاب صحیحی اولدینی پك آز مطالعه‌ایله اکلایلور .  
لکن تدارکات احتیاطیه بوقیلدن اولیه‌رق بویله قاریشیق و قتلرده  
هم ایش داخلینی کلینینی حفظ ایتك وهمده دولت علیه‌نك  
ملتزمی اولان اصول بیطرفیه رعایت ایتدرمك بهمه‌حال بعض  
درجه قوتلیجه بولمقلغه متوقف اولدینی ارباب بصیرت عندنده  
جای انکار اوله‌مز . الحاصل بو افکار اوزرینه آراده اتحاد  
کورینوب امر و فرمان اصابت نشان حضرت خلافتیناهی دخی  
اولرکنزده شرفصدور بیورلمش اولدیغندن دونمای هایون جناب  
شاهانه‌نك هر سنه وقوعبولدینی مثللو بوسنۀ مبارکه اوله‌باریچون  
دخی تهیئۀ و استحضار یله برابر برأً دخی بعض مواقع مناسبه‌یه  
احتیاطجه لزومی قدر عسکر جلب وجمعی مصمم اولمقله صحت ماده  
هرکسك معلومی اولوبده بشقه درلو معنا ویرلمکه محل قالماق  
ایچون بیان کیفیتہ ابتدار اولمشدر .

ایشته لسان باب عالینک تمثالی اولان بیانات معروضه، عثمانلی دولتک اوزمانکی نقطه نظریخی ایضاح ایچون کفایت ادر .  
ایکنجی بندهه اسباب تدارکات واحتیاط حقنده ویریلن تفصیلات ایسه — بر آفضله کورونمکه برابر — روسیا و آوستریا دوستلریمیزک اعتراضات و تعریضاتنه قارشلی، اختیار اولونمش بر تدبیر مبرم لقیطه سیدر !



آوستریا ایمپراطوری فرناندک ترک حکومته قرار ویرمه سی اوزرینه نشر اديلن بیاننامه سنده فقرات آتیه شایان دقتدر :

( اثنای سلطنتده چکیلن محنت و مشقته تبعه من طرفندن )  
( مشهود اولان محبت و تشکرات بر مکافات کافیه اولدقدن بشقه )  
( مؤخرأ دخی فسدنک حرکات مکروهه سیله ممالکسزک بر )  
( طرفنده نأرء جنک وجدال علو کیر اشتعال اولدقده تبعه مزک )  
( ا اکثری ینه ایمپراطورلرینه لازم کلن صدق و عبودیتده ثبات )  
( کوستروب حتی بر طاقم تجارب شدیدده آره سنده بونلر طرفندن )  
( حقمنزده واقع اولان تأمینات قلب محزونمزده تسلیت بخش )  
( اولمشیدی . حال بوکه مقتضای وقت و حاله کوره گذران ایدن )  
( شهر مارتده اجر اسنه بالمسارعه شروع و مباشرت ایلدیکمز )  
( وجه ایله ممالکسزک کافه نظامات موضوعه سنی تبدیل و تغیر )  
( ایتمک لازم کله جکنه و بویله برأمر مهمک حسن نتیجه یه )  
( ایصالی بر کنجلاک قوته محتاج اولدینی آکلاشیلدیغنه بناء )  
( بومطالعه عمیقهدن صکره آوستریا دولتک تاج و تختی علناً )  
( ترک و فراغه قرار ویرمشزدر ... )



برویانه مکتوب مخصوصندن :

اختلال بردوامدر. آتیا داه شدتلی برره وولوسیوندن قورقیلیور...  
زیرا بدایت اختلالده دولت جیخانه سندن آلتیش اولان اسلحه نك تمامی  
دكل ، نشانی مرتبه سی طویلانیلامشدر . آتودیان [ طلبه ] طاقی  
هرطرفه داغیلوب نشر افکار اادیورلر . سکیز اونیه درسیته [دارالفنون]  
بردن قایادیلمشدر . بونك ایچون اکثر ناسده خشنود سزلق حکم فرمادنه .  
مع مافیه اهل قرا حکومت طرفداریدر . بواشاده انکلتزه . روسیا ،  
اوستریا و پروسیا دولتلری بیننده محافظه حقوق ملکیه لری ضمننده  
بربرلینه معاونت ایچون بر اتفاق عقدی مصمم ایدوکی ایشیدیلیور .  
ایمپراطور بوقیش بورایه کله یه جکدر . ماجارستان حرکات عسکریه سنه  
باشلانیدی . ویانه عصاته قوماندان دن لهلی جنرال بم برتقریب ماجارستانه  
فرار آتمش ؛ شیمدی ماجارلره قوماندان اادیورمش . بوکره غلبه احراز  
اوانیجه ماجارستانك اولکی امتیاز واستثنالری کلیارفع و محاوله جقددر .  
سابق ایمپراطور فرناندك اسباب استعفا سی حقننده روایات چوقدر .  
اصی : مشارالیهك حل وعقد اموره عدم اقتدارندن ناشی فامیلیاسنك  
وآز آن جمله زوجه سنك رأی و ابرامندن عبارتدر . مع مافیه بورائی  
وابرامك ساده جه داخلی اولدیغنه بوتون بوتون اینانیلامیور .



مأموراً مملکتینده بولنان فوآدافندی [پاشا] مرحومك اصلاحات  
مصممه تخلیه حقننده کی لایحه مشهوره سننده ، ۱۸۴۸ انتباهنه متعلق کوروش  
بعض فقرات - تاریخ نقطه نظرندن - باشقه جه سزای مطالعه در :

نزد حقایق وقد عالیده مستغنی تعریف و بیان اولدینی  
اوزره مؤخراف افلاقدده ظهوره کلان قاریشقلق بوسنه اورویانك  
هر برطرفنده اشتعال ایتیش اولان نائر اختلالك بر شراره سی  
اولدیغنده هیچ اشتباه اولمیوب انحق هر یرده بونك اسبابی بشقه  
برصورتده ظهور ایتیش اولدینی مثالو بوراده دخی ظهور

ایدن حرکتک مبدأ ومنشائی بر بشقه حالدہ اولہرق نتیجہ سی  
احوال عمومیه بالطبع موافقت ایتشدہر. نظر امعان ایلہ باقلدینی  
حالدہ وقعہ مذکورہ فی ظہور ایتدیرن اسباب محلی اولوب ہر  
نوقت اولسہ خلق طرفندن بویلہ بر حرکت میدانہ کتور یلوب  
شوقدر کہ بوندن برسنہ اول وقوعہ کلش اولسیدی بلکہ بوشکلہ  
کیرمز ایدی لکن عینیلہ قولرا وقتندہ ہوادہ اولان مادہ غیر  
مشہودہ امراض عادیدہ علت ساریہنک علاماتی کوستر دیکی  
کبی بورادہ کی (ملکیتین) حرکت دخی عموماً روزکار دہ اولان  
سربستی افکار قوتی آلتندہ بر حرکت پوائتقیہ علامتیرنی  
ارائہ ایش ایدی. اہالینک مطالب واقعہ سی موافق حقانیت  
اولسہ بیلہ بویلہ بر حرکت فعلیہ فداکارلق کوستر مک سؤامثال  
دعوت ایدہ جکندن بشقہ میدانہ قونیان شیر دولت علیہنک  
اصولنہ کاملاً مغایر اولدینی بدیہی اولدینندن حرکت واقعہ یہ  
مقابلہ ایلہ آثار اختلافیہنک احساسی حقندہ سلطنت سنیہنک  
اتخاذ بیوردینی تدابیرک ہر حالہ موافق قاعدہ عقل و حکمت  
اولدینی مسلم عالمدر. فقط جناب حق عمرو شوکت شاہانہ سن  
ابد مدت بیورسون. ولی نعمت فاروق سیرت افندمز حضرتلرینک  
حلیہ علیہ ذات مرحمتسمات ملوکانہ لری اولان صفت جلیلہ  
کمال شفقت ومعدلت اقتضاسنجہ ہر یردہ مستظل سایہ عرش پایہ  
رأفت و مرحمت شاہانہ لری اولان کافہ تبعہنک استحصال تأکید  
سعادت حاللری مطلوب قطعی ہایونلری اولدینندن بر آردلق  
بعض سبکمغزانک تسویلات واغفالاتیلہ رہ نامستقیم عصیانہ  
کیتمش اولان خلق ارائہ قوت سطوت ایلہ دائرہ راجوینی

ومطاوعته صوقد قدن صكره بحق شكائتلى اولان ماده لرك  
تحقيقه دولت عليه نك اصول ملكيه سنه وقاعده عدليه سنه موافق  
اولان تعديلات واصلاحاتك اجراسى وعد على حضرت شهنشاهى  
اقتضاي جليلندن اولغله حمد اولسون هر شیده آثار قدسيه سى  
مشهود اولان موفقیت سعادت منقبت حضرت شهنشاهينك  
بوماده ده دخی اثر قوتى مشاهده اولنه رق اوروپانك اکثريرنده  
بوييه مطالب مفرطه اهالى يه وقوع بولان مقابله ده بيكلرجه آدم  
تلف اولمش وسالار كى قانلراقش اولدينى حالد عسا كر نظاميه  
حضرت شاهانه نك ادنى همى شوغانله هائله ني محالتمش واسايش  
مملكتى اعاده ايش اولديغنه بناءً انجاز وعد لازمدر .





### بکر منجی عصرده :

بوتون اطرافى افق مرئى ايله محاط بر دگيزك سكونى ..  
ثقلتى ، آنجاق رياضونك بديهيات صيراسنده فرض ايله ديكي  
نامتناهى برطاقم ارقام ايله ، ارئه اولونان بركتله مهيمه مياهاك  
غريب اولدينى قدر موقت ، موقت اولدينى قدر لطيف منظره  
ركودتى .. پيش چشمان انتباهمزه پك معيدار بر زمين تدقيق  
ومشاهده تشكيل ادر .

هوا ساكن .. روزكار يوق .. صانكه سطح ماء ، بر سكونت  
مطلقه محكوم .. هر طرفده سكوت .. سسس ، صدا هيچ ..  
يوزلرجه يلكن كيلرى ، حدود حقيقه سى كورونمه ين بويوك  
بر ساحه اور تاسنده ، متسلسل و نامتحرك ..

نه غريب منظره ! بوسكون وسكوت نه درجه غريب ايسه ،  
او قدرده غم آكيندر . فقط غفلت آتمه يه لم : محيطك موقت  
بر حكم وتأثيرى محصولى اولان بو حالت ، چوق سورمز . پك  
متبدل ، پك متحول . ثباتسز ، قرارسز برشى . اصل غريبي  
شو ، كه مثلاً : بر ميله متره كشافتده بر طبقه يى اون بيك عدد صحيح  
صفحه يه تقسيم اذن فنون ، طبقات مياهي يه ده قانون تدقيقندن  
آيرماديغندن ، او پرسكون دگيزك اسرار احكامنه وقوفدن عاجز  
دگل . بر آن غير منقسم ايچنده :

« آلدانماییکز ! بوکوردیکیکز پرده سکون آلتنده ، نه »  
 « دهشتلی جریانلر وار . هم بوجریانلر ، ظن آتمه ییکز ، که »  
 « عین هدفه منعطف . هدفلری ، استقامتلی کی هپ باشقه »  
 « باشقه . هپسی بر قانونه مسحور ؛ لکن هپسی آری آری »  
 « بر خط حرکت صاحبی . مبسوطاً متناسب بر سرعت ، معکوساً »  
 « متناسب بر غیرت و فعالیت ! »

« آلدانماییکز . ارض نصل دوزسه .. صولرده او یله »  
 « دوزر . بالیقار نصل کیدر ، کلیرسه .. انسانلرده او یله .... »  
 « اوت بویه ! سکون مطلق ، یوق . فقط بر آهنگ وار . ابدی »  
 « بر قانون موجود . هرشی اونک حکمنه رام . هرشی اوکا منتهی ! »

خطابه سیله تیقظ و انتباهه دعوت ادر .

ذاتاً بوکا حاجت وارمی ؟ شدتلی بر فیرطینا ، بوتون خیالات  
 نظریه یی زیر وزبر ادر : یالکیز انسانلری دگل ، هر شیئی ..  
 بویوک کوچوک بوتون موجوداتی .. بر آندیشه ، بر تلاش ، بر  
 دهشت استیلا ا دیویریر .

بوتون انسانلری ، دیورم . خایر ، خایر ! یا کلش ..  
 بوتون انسانیت دیرسم ، دوغرو اولور . چونکه :

بر فیرطینا ، کره ارضک ربع مسکونی بردن استیلا آتمه یه  
 بیلیر . انسانلرایسه ، ثلومی .. آنجاق براوچوروم اوکنده ، بر جنازه  
 آرقه سنده ، بر کرداب ایچنده ، یا خود . بر مزار کنارنده ایکن ،  
 تخطر آده بیلیرلر .

نه عجیب مخلوق : بوکون بکا ایسه . یارین سکا ! فرمان  
 حقیقتی دوشونمک ایسته من . ظلمک آجیسنی .. عدلک لذتی

کندنده طویارسه ایسته اووقت .. آنجا ق ویا لگر اووقت  
بحق تقدیر آتمه یه باشلار .

اوت ، بوکون بوراده قوپان برفیر طینا ، یارین باشقه بریده .  
عرض دهشت آیلەر . انسانلرده ، اونی نقل و حکایه ایله مشغول .  
غفلت !

بعضاً قیامتدن نمونه اولور : قایلر یرلرندن داغیلیر .. آغاجلر  
کوکلرندن سوکولور .. بویوک بویوک طوپراق ساحه لری یاریلیر ،  
دکیزلره دوکولور . برچوق بنالر تمللرندن صارصیلیر ، ییقیلیر .  
برچوق کوللر پیدا اولور .. کمیلر ، قایلره چارپار .. واپورلر  
قایینار .. بولو طلره قاریشماق ایسته یین امواجدن متحصل اوچوروملر  
ایچنده محو و نابید اولور .. برچوق عجزه مسکنسز ؛ برچوق  
فقرا آج قالیر ... برچوق عائله لری سیاهلره بورونور ... برچوق  
والده لر فریاد و آنین ادر .. عاقبت ، ینه هرکس دردینه دوشر ..  
کیمی صیغینا جقیر ؛ کیمی کندینی .. کندینک کیلری کچیندیره جک  
ایش آزار ..

بر آردلق هرکسی قاپلایان خوف و دهشت چیقار کیدر ..  
اونک یرینه بیك دورلو درد کلیر ؛ بیك دورلو خائله آچیلیر :  
فقط ینه غفلت !

او زمینک آلتی اوستنه کتیرن فیرطینا زائل اولونجه ، بر  
اونو تقانلق چوکر .. ینه غریب ، حزین برسکون عودت ادر ..  
اوجمیت بشریه نك برچوق قیمتدار عضوی یوتان ..  
اومساعی بشریه نك محصول اعصار اولان یادکار صنع و عرفانلرینی  
تارمار ادن دکیز ، صانکه بی کناد و معصوم .. یا خود ، صانکه ،

یاد یغدن مایوس و پشیمان .. کو کدن دوشن آلتین نور لر له چار پيشا  
چار پيشا ، انسانلر ده تازه بر ذوق ونشئه اوياندير مق ايسته ر ..  
ايسته .. بر ملت ، بردگيز کيدر .

دالغه لر .. جريانلر .. لدوسلر .. پويرازلر .. هيچ بر شي ديمز ..  
قاپتانلرک ، طایفه لرک ، يولچيلرک بر چوق هدف استخفافی .. دو چار  
استحقاری اولور ؛ ينه قيميلد نماز . لکن ! بر فيرطينا قوپدی می ؟  
ايسته او وقت ، کيره جک ده ليک آرامانک صيراسی کليز . چاره  
يوق . ساحل سلامت آرامالی . ايسته اوزمان : کميسي قورتاران  
قاپتاندز ، ديرلر !

بر ملت ده بويله دگلميدر ؟ صوصار .. هر شئي يوتاز .. هضم  
بيله آدر .. مواشی کي قوللانيلىر .. ينه صوصار .. هيچ سسی  
چيقماز !

بر کي آلتده ، دارما داغين اولان دالغه لر کي ، بعض  
انسانلرک فغانه .. شکايتنه قارشى : زندان ، منفا ، ايشکنجه .. نه قدر  
مجازات و فلاکت وارسه ، هپسنه او غرار ؛ هپسنه قاتلانير . لکن !  
بر کون کليز : آرتق صبره طاقتي قالماز .. تحملی تو که نير ..  
جاننه تاق آدر : فغانلر ، شکايتلر .. فرياد ، واويلا اولور ..  
عيوقه چيقار !

کوکاري قاپلايان قاره بولو طلر کي سموات فکريه يي  
استيلا آيله ين عمان يأس و فلاکت ، در حال غليانه کليز .. طغيانه  
باشلار ..

آرتق اوکنه چيقيلماز .. چيقيلسه ده طور و لماز : آتش  
پوسکورير .. ييلدير يم ياغديرير .. ياقار .. ييقار .. بو قاپتاندز ،



شوطایفہ در، دیمز و طانیماز۔ ہپسنی خاٹا ایلہ یکسان ادر۔ ہردورلو  
وسائط حقارت، ہردورلو آلات سفالت، بوتون ارباب مصیبت  
پارام پارچہ اولور کیدر۔

بعضاً برکمی یہ زنجیر، برقایفہ یلکن، بر صاندالہ کورہک  
اولمقاہ قالان دمیر، ایپلیک، آغاچ پارچہ لری بیاہ محو اولور۔  
بأس یوق۔ نہ قدر قیمتی، یاخود، آجی اولورسہ اولسون،  
اودہ طبیعی و ضروری۔

انسانلر دہدہ بویلہ : عندالایجاب بیٹ جانہ، برجان فدا  
آدیلیر۔ برقاج میلیون جانہ بیگلرچہ جان فدا اولسون۔ چونکہ  
قانون طبیعت۔۔ حیات جمعیت بونی امر ادر۔ باشقہ دورلو  
اولماز۔ آرتق برجانہ بیٹ جان فدا آدیلیر۔ مگرکہ اوتک جان،  
برچوق جان دگرندہ اول۔ برملت نظرندہ بحق اودگری  
قازانان نہ محترم، معزز و بویوک حکم دار بختیاردر !

بوصاحب حکم۔۔ ایستہر ہیأت دولت، ایستہر بالذات  
رئیس حکومت نام وصفتنی حائر اولسون۔۔ فیرطینیہ طوتولماق،  
پارام پارچہ اولماق آرزوی صمیمیستہ ایسہ۔ بوگا دنیادہ بر  
چارہ، اما یالکیز برچارہ واردر، کہ اودہ عدل و حقہ استناد،  
رعایت حقوق عباد و ملتہ حصر اعتماددر۔۔ بوزک خلافتہ  
حرکت، دائماً خطا۔۔ دائماً فلاکتدر۔

انکلاترہ، فرانسه فیرطینا طانیماز۔۔ روزکارلری، صولری  
کندی خدمتکار امللری ظن اذن بللی باشلری کسمش۔  
قان سیلاریلہ حقوق انسانی مدافعہ آتمشدر۔ پک چوق فدا کارلقلر۔  
لہدر، کہ اورالردہ کیف، قانونہ۔۔ ظلم، حق وعدلہ۔۔ ادارہ  
مطلقہ، مشروطیتہ۔۔ اُلنہایہ مغلوب و پریشان اولمشدر !

اونو تمامالی .. محقق بیلمه لیدر، که برملت، دور انتباهه  
کیردیمی؛ اونی کیریسی کری یه دوندیره جگ قوت، آرتق یوقدر.  
آرتق او وپ ایلری کیدر. بواوغورده چکیلن عذاب، اذیت  
دگل؛ وطن پرورلرک اوغرا دینی ایشکنجه، هیچ قورقونج  
دگل. بونلرک بری تازیانه شوق وغیرت، دیکری درس انتباه  
ومشروطیت اولور.

دائما شونی خاطرده طوتمالیدر، که حق بردر و مطلقا  
متمادیاً تعالی ادر.

هرنه زمان اولورسه اولسون، هانکی شکل حکومت  
بولونور ایسه بولونسون، حق دگیشمز و مطلقا اعتلا ادر.  
اونکا قرشی طورمقی، مطلقا انهرامه مزجر اولور. بناءً علیه:  
بر دولت، مطلقا بر نیچونجی ایستهر .. و حق نه قدر عالی  
اولورسه اولسون، آنجاق مشروطیتله تأید ادر.

عدالت فوقنده قانون ناصل اولامازسه، انسانلری ان واسع  
درجهده حق وعددن مستفید آده بیاهجات مشروطیت دن باشقه  
شکل حکومت، اداره دولتده او یله یوقدر.

حق فوقنده قوت و قدرت اولمادینی کبی، جهان مطاع  
اولان یکانه حکم و حکومتده. یالگز اکی زیاده مساوات حقوقیه نی  
تأمین آدن حاکمیت ملیه در.

ایشته بینهث ایچوندر. که یگر منجی عصرک طلوعی، بزه  
شرق انتباهنی احضار آتمشدر.





### شرق انتباهی :

هنوز ايلك عشرنده بولونديغمز بوعصرک ، ادرالک ايله ديکي  
انقلابات اخيره ، آوروپا تاريخنده ، ائمعنز صحيفه لری تزيين آده جک  
معالي مدنيه و انسانيه دندر :

آوروپا دولتلری ، ملتلك جوش و خروشه كلهرك تأسيسنه  
موفق اولدقلری حاكيت مليه يه التجا ايله محافظه موجوديت  
آتكلى حالده ، شيمدى يه قدر ووردم طويماز اولان شرق..  
غربك شعاع حكمت و عرفانيه استهزاء آديور ، ظن اولونويوردى .  
نه غفلت ! مع مافيه نه عجيب خارقه !

شرقك برنوزاد عجيب و غريبي اولان يونانستان ، رومانيا ،  
بولغارستان ، صربستان ، قارده طاغ بيله كنديلرني يومتق ايسته ين  
يا بما برپدره و ميراث حياتلرني تشكيل ايله ين بدبخت برمادرد قارشى .  
هركون بردرس حكمت و مشروطيت ويرديكى حالده ، آرتق  
او بيلمكدن بيقوب اوصانديغمز معهود شرق آكلامايور ..  
آكلامق ايسته مه يور .. « بن بويله ايسته رم ، كيف بنم ! » دييور  
و عناد آدييوردى .

تاريخ ، بزه ، خون ريزلگك هر دورلوسنى كوستره مشدر .  
اون دو قوزنجى عصرک وقايع متسلسله سى ، جنك وجدال بشرک  
صحايف كونا كونتي ناطقدر . بناء عليه عناد واقعك ماهيتى بوراد  
تشریح و تفسيره لزوم يوقدر .

یالکنز برسؤال وارد اولور، که : غربی و وسطی آوروپایی  
 صارسان جریان اجتماعیلر، ناصل اولدی ده شرقه تأثیر آده مه دی؟  
 بوجریانلرک شدتی، برچوق جمعیتلرک حیات قدیمه اجتماعیه لرینی  
 زیر و زبر آده جک بر درجه ده ایکن، کهنه شرق، نهدن مصون قالدی؟  
 علمای تاریخمیزک، بوندن صوگرا، تدقیق و تتبع آده جگی  
 غایت مهم و پک واسع بر زمین تشکیل آیله یین بومبختی، حل ادا عاسنده  
 دگم. بونکله برابر، بلاتردد دیه بیلیرم، که علی الاطلاق  
 شرقک اونعمت جهان قیمت اجتماعیه دن، طول مدت داها،  
 محرومیتی.. فقدان معارفدن، قسماً ده افساد عناصردن نشأت آتمشدر.  
 برکویلی، ویرکیسنی ویریر.. عسکرلگنی آدر.. حکومتک  
 هرا امرینه « پک ایی ! » دیر.. هر زحمته، هراذیته قاتالانیر.  
 لکن ! أسیر اولمادیغنی.. کندیسناک ده هرکس کی انسان  
 اولدیغنی.. ویرکی یی، باشقه لرینش ذوق وصفاسی ایچون  
 ویرمه دیکنی.. حکومتک ناصل حقوق واریسه، اونکده  
 حکومته، دولته قارشى مطالب و حقوق بولوندیغنی برکره  
 آکلادیمی؟ آرتق او حقمنزلغه دایاناماز.. ظلمه تحمل آده مز..  
 فریاد آدر.. حتی لازمه اژدر کیلیلیر.

لکن کندینی بیلیمه یین بی چاره دن نه بکله نیر !

مع هذا عین تأثیرات و أحداث اجتماعیه جلوه کاد اولان  
 روسیا، تورکیا و ایران بری دیکرینی متعاقب فوران ایتمشدر.  
 بوکوسته ریر، که هراوچ حکومت بری برینه مربوط.  
 ۱۲۹۳ مشروطیت عثمانیه سی، بورابطه یی بر باد آدینجه، بزده فلاکت  
 فلاکتی ولی و تعقیب آیلهدی. محاربه لر اولدی. هپسندن مغلوب

و پريشان چيقدق . حاكيت مليه ده اليمزدن كيديوردى . بوتون بوتون كرداب اسارت وسفالته دوشدك . آندن صوگرا اصول وقوانين حكومت ، بازيجه افكار واحترافات اولدى . اصول اداره ولايات ، دولتي شدتله صارصدى . دشمن افسادات و القاآتى ايله وجوده كلن عناصر اختلافاتى ، زمين و زمانى پك واسع ومساعد بولدى . هيمز تارمار اولدق . برون اولادى ، بر طوپراق قارداشى اولديغىز حالده يريمزى .. يورديمزى خراب آتميه ، كندى كنديمزى بيتيرمه يه باشلادق .

بوكره ، ايش باشدن باشلادى . روسيا اختلاللرى ، بزم ايچون مژده حيات ايدى . لكن اميدلر يمز . اودرجه ضعيف ايدى ، كه طالعت ، برداها ، بزه توجه آده جكي خيانه بيله اينانيلماسه جائز ايدى : له الحمد ! امر برعكس چيقدى . عثمانليق حيات وسعادتى ، درحال ، زيب آور جهان مدنيت وانسانيت اولدى . اول امرده روسيا ، ژاپون هزيمت قهقريره سنه دوچار اولمايا ايدى .. ياخود ، ينه بالقانلرده قيليج ساللامش اولايدى . امثالى كبي كندى برشى قازانماق ، حتى يوزبيك اولاد ملتك داها محو واتلافنه سبب اولمقله برابر ، احتمال ، كه برخيلي سنه لر ايچون داها ، حكومت مستبد مطلقه يي محافظه آده بيله جكدى . ذاتا اون دو قوزنجى عصر ك ايلك ربعنده باشلايان عزم انقلاب ، حریت پرورانك اوغرا ديهي فلاكتله دگل .. هر يگر مى اوتوز سنه ده بر كره بالقانلرده دو كولن بي كناه ، معصوم قانلرله هدر اولويور ايدى .

ژاپون يايه مغلوبيتك دهشت ووخامتى ، روس استبداد يني تارمار

آتدی. سراپا مغاسز و مناسبتسز بر دیپلوماسینک سبب اولدیغی یوز بیگلرجه عائله فلاکتی.. یوز میلونلرجه ضرر دولت وملتى.. آرتق، آکلامایه جق قلاماش. هیکل ظلم واسه تبدادی ییقا جق دهشتلی و فداکار بر قوت میدانه چیقمش. جان خراش فریاد و اینلرله اعلان مشروطیت ا دیله بيلمشدیر !

ایران، بر قاچ قوتک نفوذ حکمی آتنده اتحاده مجبور، بر تائب کنه کارکی، صوگ نفسنه قدر دیکله مه دیگی حقه رجوع و تسلیمیتله عمر آتیسنی تأمین ایچون، میدان مجاهدیه آتیلشدر؛ دینیه بیلیر . بز !

۱۰ تموز ۳۲۴ انقلابی، اوتوز اوچ سنه اول اعلان ادیلن مشروطیتک استردادندن عبارت دگلدر .

بو عثمانلی انقلابی. تاریخ مدنیتک پک مهم بر حقیقه سنی اشغال اده جکدر .

چونکه عثمانلی اقوامنک آوروپا انقلاباتنه قارشى بی کانه قالماسی، یالکیز فقدان معارف ثمره سی صاییلایه جقدر . بزده دشمن مشروطیت اولان قوتلر، چوق ایدی... ایلک مشروطیتسزى پریشان ادن محاربه لرک عناصر مدهشه سی ، یالکیز معهود دیپلوماسی ده دگل .. زمان و تاریخک تبیین و تعیین ایلله جکی بر چوق داخلی و خارجی هیولای ظلم و ظلام وار ایدی . بونده، حریت پرور آوروپانک حصه جرم و مسؤلیتی بویو کدره . ۱۲۹۳ ده، آوروپا ایسته یه ایدی، تورکیا آزاد اولور ایدی. لیکن ایسته مه دی. اما هیچ ایسته مه دی . بو آوروپا ایچون مدنیت نامه، انسانیت نامه بویوک بر قصور و عییدر !

پارس قونغرەسى اونوتیلدی . حکومت مطلقە نك بژده  
عودتی ، خوشە بیلە کیتدی . حال بوکە آوروپا ایستیه ایدی ،  
اوزمان ، روسیا دخی نائل مشروطیت اولاجقدی . شرقده ،  
شیمدی یه قدر دوکولن قانلرده دوکولمه یه جک ایدی !

داخلی قصور لر بحث الیمنی یوروتمک پک ملال آوراو لور . یالکیز  
دیرز ، که بوتون انقلابلر کی ، عثمانلی انقلابی ده احتیاج عدالت و استرداد  
حق ایچون حیز ظهوره چیممیشدر . بر قاق سنه مقدمه ظهور آده  
بیلیردی . یونان محاربه اخیره سندن متولد آثار مظفریت و اختلاف  
عناصر دن منبعث مأیوسیت و عطالت مانع اولدی . مع هذا ، ینه  
احتمال ، که بر مدت دها قوده قالیر ایدی . لکن ما که دونیا حقنده کی  
مذاکرات و مقررات تعجیل ، مجاهدین عثمانیه آرد سنده  
مقتضای عقل و منطق اولارق وقوع بولان تقدرات و استلافات  
تسهیل آدرک ، [انقلاب عثمانی] جلوه کر ظهور اولمش و آوروپا  
تمایلات حاضر سنه ، روسیانیات صلحیه سنه ده پک موافق دوشمیشدر .  
بوکون عناصر مهمه عثمانیه بلا تردد اعتراف آدر ، که  
وقتیله وطن پرورانه دوشونجه لرله برانشمش ، کندی کندی میزی  
محو و تباه آتمکدن باشقه بر نتیجه یی مفید اولمایان تسویلاته قایل مامش  
اولسه یدق ، نعمت مشروطیتی . . حاکمیت ملیه میزی دها اول  
اکتساب آتمش اولاجقدق .

ایکینجی درجه ده عیب و قصور ، اقوام مختلفه عثمانیه  
راجعدر . لکن بونلری معذور کورمه لیدر . هربری بیسک  
دورلو تلقینات و اغواآت ، القات و اغفالات ایله شاشیرمش  
قلمشدر : بویوک یونانستان ! بویوک بولغارستان ! بویوک



صربستان ! هې بويله بويوك خيالات ، اذهان معسومه اقوامى  
صارمش ؛ بالقان مانه ورارى ، آنا طولى اختلالارى عثمانلىق عالمى  
بوتون بوتون غريق ياس و آلم اتمشدر . هر كس يرندن ، يوردندن  
اولمش ، بربرينك كوزلرني اويمشدر !

واأسفا كه باشقه باشقه امللره ابتنا دن بوفدا كارلقلر ،  
اكثريت ملتى تشكيل دن مسلمانلرى آلتي يوز سنه لك وطن -  
داش لرندن صوك درجه لرده متأثر و متفكر ايله مشدر . بوايسه  
طبيعى ايدى . هيچ دنيا ده وطنى صاتان ، يا خود ، طوعاً هديه  
چكن بر ملت وارميدر ؟ بونى ، هانكى قوم ياپارسه ياپسين ،  
آلتى يوز سنه در ، عثمانى دواننى محافظه و مدافعه دن .. او غورنده  
ميليونلرجه جان فدا اتمش اولان كتله عثمانيه ياپاماز ايدى .  
يا پامادى و ياپما ياجقدى . صوك دم حياتنه قدرينه او غرا شاجقدى .  
حتى بر چوق حقسزلىق .. دورلو دورلو يولسزلقه برابر  
— آوروپانك حجر و قهرى آلتند صوك بر مقاسمه خيعة سنه قارشى ،  
قان دوكمه ده مضطر قالماق ايچون — حكومت مطلقه نك دواننى  
تمنى مجبورى و ضرورى ايدى .

شيمدى ، كه عثمانى انقلابى بحق تعزير و تقدير اديله جك  
زمانده يز . مجاهدين ملتك خطابى :

« اى نسل معزز عثمانى ! ايسته و ضمزم قور تولدى . جماعات »  
« عثمانيه آرد سنده كى اختلافاتك ، اتحار كى ، عقلاً و منطقاً مردود »  
« بر خون ريزلك اولدينى آرتق همزجه آكلاشيلدى . »  
« عثمانلىق ، برلك و ديرلك ديمك اولديغنه جمله قناعت كتيريلدى . »  
« شيمدن صوكر ابو شروط و قيود ايله حفظ وطن وظيفه مقدسه سى »

« بزھیمزله مباھی اولاجق. بیلکیز، که : ناموس و حیاتکیز .. »  
 « اقبال واستقبالکیز .. محافظه مشروطیتده : حاکمیت ملیه کزده در. »  
 « بوکون دنیاده بقا و موجودیت ، ترقی ، تکامل ، مدنیت ،  
 « سعادت .. یالکیز ماضی مشئومی اونوتوب تأیید اخوت  
 « وصمیمیتدن و حاکمیت ملیه دن عبارتدر . فی الحقیقه حاکمیت  
 « مطلقه جناب الله مخصوصدر . فعال مایرید ، جناب رب العالمیندر .  
 « بوندن صوگر املتلر ، کندیلرینه ائک زیاده تأمین عدل و حقانیت  
 « اتمک لازم کلن حاکمیت ملیه لری ایله یاشایا بیلر لر . بونک ایچون  
 « هیمز دوشونه لم و اونوتمایلم : بزعثمانلیلر ایچون یالکیز برچاره  
 « قالمشدر : یا اخوت وصمیمیتله : مشروطیت ! یا ئولوم ! » در .

أوت ، آرتق بویگر منجی عصرده : حکمدار و حکومت دم ،  
 دولت و ملت ده آنجاق حاکمیت ملیه ایله مسعود اولاییلر .  
 ذاتاً هر جسم حکومت و ملتک روحی ، اودر . او اولمازسه . ئولوم  
 محققدر !

مجاهدۂ ملتی تقدیس ، مجاهدین امتی تجیل أدرک ؛ تعالیٰ  
 وطن .. سعادت و سلامت وطن او غورنده هر شیئی اونوتوب [ ماضی  
 ماضی ! ] دیهرک هیمز چالیشالم . و هپ ایلری کیده لم !

\*  
 \* \*

زیرا : وطن ، محتاجدر !



وَنَانُونا بِحَيْرِ وَسِينَا

تتبعني

ايلك بيك

اِحْمَدُ اَحْسَنُ اَوْشَرُ كَاتِبٌ

دور دنیا کی کتاب



### بویوک رشید پاشا و فرانسه دیپلوماسیسی :

ایکنجی کتابده موضوع بحث اولان سویش قانالی مسأله سی ، بویوک رشید پاشا ایله فرانسه دیپلوماسیسی حقدده ، بعض وثایق داها تلفیقنه سبب اولویور . بوايشده رأس حکمت و حقیقت ، رشید پاشانک بالجه معاملات سیاسیه سنی تعقیب و تدقیق ایله ممکن الحصول اولور . نه چاره که بزده باب عالی آرشیولری Archives غایت ناقص و مستقلاً خارجیه آرشیولری ایسه هنوز یوقدر و بالطبع حکومت ده ، أرباب تتبع ایچون ، ألیوم بر اصول وقاعده وضعی خاطره کتیرمه مشدر .

وثایق قدیمه دولته اولسون ، وثایق مؤخرده بولونسون ، اویله حقایق سیاسیه موجوددر ، که تاریخ انجمنی کبی بر چوق قومیسسیونلر تشکل آتسه بیله . هر شیئی تدقیق و تتبع اده بیلمک ایچون ، اوزون عمرلر و دورلو دورلو مراقدر ، اختصاصلر ایستهر . بونده ، أربابندن أسیر که نه جک برشی یوقدر و اولاماز . بالعکس هر دولته . . هر مملکتده أرباب مراق و اختصاصی جلب و دعوت و ترغیب و تشویق اتمک لازمه حمیت و وطن پروریدر . دولتهک وثایق سیاسیه سی کیمسه یه کوسته ریله مز ، کبی بر اعتراض درمیان ادیله سنه ده محل کورمه یورم ؛ زیرا موضوع

بحث آتدیگم و نایق ، آرتق شیمدیکی عالم سیاست و جریان عمومی ایله علاقه قالماش زمانلره عائد ، أوراق مخبردر . صدر سابق حسین حلمی پاشا حضرتلرینک تودیع واحاله بویوردقلری [ دوائر حکومت امور ومعاملاتی تتبع ] مادهسی ایچون، کچن سنه پارسده ، فرانسه خارجیه و داخلیه نظارتلرینه دوام آتدیگم ائناده، آرشیولرک بعض ارباب تألیف و اختصاصه بلا تردد کشاده طوتولدیغنی رأی العین کورمش ایدم . فرانسهده — دول سائرده اولدیغی کبی — اون دو قوزنجی عصرک اواسطنه قدر اولان أوراق و مخبرات دیپلوماتیکه، هر کسه مشمول دگل ایسهده ، ارباب تألیف طرفندن ، اَلْهَالَهْ هَذِهِ بِر اصول وقاعده دائره سنده مراجعتله ، تدقیق اولونا بیلیور . رشید پاشانک دور سیاستی او تاریخلره عائد در . بناءً علیه بزده ده — باشقه بر سبب وحکمت یوقسه — او دورک قیمتدار وثیقه لری چیقا . ریلوب بحق تدقیق وتتبع اَدِیْلَهْ . آتدیرینه لی؛ دیپلوماسیمزک، افکار منوره ملتک ارشاد و عرفانه خدمت اولونمالیدر ! بوتون أوراقک عیناً طبع و نشرینی ادعا اتمه یورم . ناصلسه بعض ذوات ائنده قالمش و بالآخره عیناً نشر اَدِیْلش بر طاقم أوراق وارددر، که رأیم صورولسه ، بلکه، مساعده جهتنی التزام اتمم بیله . حتی مثلاً : بزده قریم محاربه سندن صوگراکی و نایق حکومت، یرلی یرنده او یله طور مالیدر، که بونلره — دولتجه برأمر ولزوم اولمادقجه — خزینه أوراق مأمورلری بیله آل دو قوندراماسین . نرده قالدی، که لاعلی التعین، مثلاً : بر مأمور، بو أوراق مطالعه یاخود قویا اده بیلسین . آروپا ده اعتنا بو مرتبه لرده در. و بزده ده

بویله اولق لازم کلیر . لکن بواعثنا ایله برابر ، آوروپاده کنج دیپلوماتلری یتیشدیره جک . . افکار ملت اویاندرروب تنویر آده جک مؤلفات وجوده کتیر مک اوزره ، ماضیه عاڈ عد ایلن اوراقک تتبی ایچون ، تسهیلات و تشویقات اجر اسندن بر آن خالی قالینما مقده در . ایشته ، بومهم وظیفه نك بحق حسن ایفاسی ، [ آرشیو قومیسونی ] تشکیلنه وابسته در . هیچ بردولتده استغنا ایله ین بیك دورلودرس سیاستله برابر ، آرشیولر نك مکتوم و محرم قالمق لازم ککن قسمی حقنده ، تدابیر مخصوصه و قیود احتیاطیه تأمینی ، آنجاق او یله بر قومیسون تأسیسیله وجود پذیر اولور !

\*

\* \*

شیمدی تتبعائی عرض آدهیم :

رشید پاشانك فرانسه سفارتیله مناسباتی ، هیچ بر زمان پك صمیمی اولامامشدر . رشید پاشانك اواخر حیاتنده ایسه ، ایکیده برده مشکلات عظیمه تحدث ایلهمشدر . سؤیش قانالی مسأله سنده ، بویوک دیپلوماتمزله سفارت مصلحت کذارى آره سنده کی اختلاف ، بالوجه تتبعه لایقدر .

اول امرده ، مصلحت کذارك بعض خاطر لرینی نظر مطالعه یه آلام . بوذات ، خلاصه دیور ، که :

[ فردینان دوله سه پس ، خدیو مصر دن استحصال اُتدیگی امتیاز حقنده مساعدۀ پادشاهی ارزانی استرحام ایچون ، استانبوله کلدی . کندیسنی وکلای دولته کوروشدیر دم و حضور شاهانه یه قبول شرفیله مباهی اولدی . لورد ایستراتفور دك کندیسنده تقدیم ایلدهم . هر طرفدن او یله بر حسن قبول کوردی ، یاخود ،



اويله ضن اُتدی و تشبثك قريباً نتیجه پذیر موفقيت اولاجنه حکم ایلهدی . بوقناعت واعتماد ایلهدر، که استانبولده کنديسنه وقوع بولان بياناتك صفوت وصميميته ايناندي ؛ باب عاليجه ايسته نيديگي افاده قيلنان ايضاحات وتفصيلات ايشنده ، خديو سعيد پاشايه معاونت اتمك اوزره ، اسكندريه يه کيتدی . بويله مهم برقانال کشادی امر عظيمي ، بحق سلطانك و اکثر وکلاسنك موجب فيخر ومباهاتي ایدی . لکن بز ، اقتحامي قولای اولماياجق برمانعه معروض قالييور دق . انکاتره سفيري ، باب عالينك موافقتنه ظاهرأ مخالف اولماقوله برابر — بوايشده باشليجه علاقه دار بولونان کندی حکومتي ، تدقيق کيفيته رأيي بيلايرينجه يه قدر — مردورلو قرارك تعليق و تاخيريني طلب ادييوردي . ياغير محدود برتاخير ، ياخود ، برقرار معکوس وقوعني کشف وتخمين ایلهدم .

بومسأله ده . انکاتره نك سسوزي في الحقيقه اهميت عظيمه يي حائز اولمقندن خالی قالا مازدی . لوندرامطبوعاتي ، انکاتره حکومتك بوايشده موافقت ائمه مه سي لازم کله جگني ايهام ادوب طور يور ایدی . استانبولده ، دها دوغروسي ، صدر اعظم منسويني آره سنده . . پارس و لوندراده ويريله جك آرای متضده دن متولد خائنه نك ، صدر اعظمي پك مشكل بر موقعه قوياجني تلاش وانديشه سي حاصل اولدی . بناء عليه کنديسنی بومشکلدن قورتاراجق برتديره تشبث اديلدي . بوتشبث ، بالذات رشيد پاشا طرفندنمی ، اتخاذ اولوندي ؟ يوقسه باشقه سي طرفندن می ؟ اخطار اديلدي ؟ بيله مه يور . سه مده مشار اليه ك بوتشبثي اجراده مسارعت کوسته رديگي محققدر . حال بوکه رشيد پاشا ، رجال دولته مخصوص بعض اوصاف

ایله متحلی ایدی؛ وسعت فکر و مکان و عزیم صاحبی ایدی .  
 وکلای پادشاهی ایچنده ، تورکیایی ساحل سلامت چکوب  
 چیقارمق .. آوروپا آهنگ دولیسنه کیره بیلیمه سی ایچون ، بوندن  
 صوگرا ، یکانه چاره اولان عناصر عثمانیه نث مساواتی تأمین  
 آتمک .. دولتی کوندن کونه سقوط آدوب طور دینی حفره  
 اضمه حالدن خلاص ایلهمک زمانی کلدیگنی ، ائک اول تقدیر آدن  
 رشید پاشا اولمشدر . بونی آچیقندن آچینه سویله مهیه و موقع  
 اقتداره کلیر کلز ، بوفکر جدیدی صحابت آتمهیه جسارت ایلهدی .  
 عالی و فوآد پاشا لر کی کنج و منور فکری ذواتی اطرافه آلدی .  
 کرک بونلر ، کرک دیگر برچوقلری داها ، کنیدیسنک افکارینه  
 اشتراک آتدیلر و مدافعه آنده بولوندیلر . سلطانک اکثر قدما ی  
 بندکانی ایله بغیر حق ارباب علمدن صاییلان بعضلری ایسه ، افکار  
 مذکور دینی بالعکس [ بدعت ] تلقی آدرلردی . رشید پاشا ، مستلزم  
 اولدیغی مخالفتدن قورقمایه رق ، مطالعاتی سلطان محمود خان ثانییه  
 عرض ایله حسن تلقی آتدیردی . او یله بر شکل و صورتده ، که خاقان  
 مشارالیه . هم تصویب . هم تشویق ایله مقابله ده بولوندی . بونکله برابر  
 سلطان محمود خان . بویله عنعنات قدیمه ملیه ایله توافق آتمه یین برچوق  
 مقرراته مساعددوشه جک برووقوف و ماضییه مالک دگل ایدی .  
 موانع واقعیه قارشی ، فکر نده موفق اولمق ایچون ، رشید پاشا یه شدت  
 عزیم و جزم لازم ایدی . ۱۸۴۰ ده اصلاحاته ابتدار آتمشیدی .  
 او آئنده کنیدیسی خارجیه ناظری ایدی . انکلتزه پولیتیکه سی ،  
 خدیو مصر محمد علی پاشا علیه نده اولدیغندن ، رشید پاشا ده انکلتزه یی  
 مداراستناد طوتدی . بالاخره انکلتزه سفارتیه مناسباتی اودرجه

کسب صمیمیت آیه دی، که بواو غورده کندی سربستی فکرو حرکتی بیه فدایه مجبور قالدی. رشید پاشاده آثار عجز و احتراض موجود ایدی. نفوذیه چارپیشه حق رقیلری و ارایدی. بونلره قارشى.. کرک نزد پادشاهیده، کرک افکار عمومیه جه انکلتزه سفارتیه مناسباتنک انتاج آیه دیگی موقع مشکلی محافظه ایچون، بویوک برمتانت کوسته ریورایدی. واقعا بوموقع، برطرفدن قدرت بخش اولویورایدیسه ده، برطرفدن ده کندیسنی هرکسک موأخذاتنه هدف ادیوردی. بونفوذ و انقیاد خلیطه سی، شان و شهرتیه مضراولدیغی کیی، ذهن جوانی تشویشدن ده خالی قالمیورایدی. رقیبلرینک تسویلاتنه قارشى، لوردایستراتفورداک معاوتندن آمین اولدیغندن، عندالحاجه، شدت تدابیره مراجعتله مقابله ده بولونور ایدی. مسند صدارت ایچون قورقولا حق بررقیبی وار ایدی. اوده، اولجه صدر اعظملى آتمش اولان قاین برادر پادشاهی محمد علی پاشا ایدی. ذات شاهانه ایله رشید پاشانک بر ملاقاتی اوزرینه، محمد علی پاشا، کیجه لین سرایه چاغیریلش و برواپوره بئیدیریلوب آناطولی یه نفی ایلشیدی. پادشاه، آز وقت صوگرا، بوشدتن — تعمیر دیکرله — بوأثر عجز و غفلتدن پشیمان اولمش؛ قاین برادرینی منفادن جلب آتمش و مسأله دن برخاطره ألیه صاقلامشدر.

رشید پاشا، مناسبات خصوصیه سنده، هم مشکاپسند.. هم مستبد ایدی. اولادلرینک استقبالی تأمین املیه بویوک اوغلنی پارس سفارتیه تعیین آرزو سنده ایدی. او صیراده، سفارت مذکوره، أسبق کرید والیسی مصطفی پاشانک مخدومی، ولی پاشا عهده سنده ایدی. بودیپلومات، ایمپراطورک توجهنی

اكتسابه موفق اولش و برچوق ذواتك محبتنى قازانمش ايدى. وظائف مأموره سنى ، كرك حكومت متبوعه سنك .. كرك نزدنده مرخص بولونديغى دولتك [ فرانسهنك ] موجب خوشنوديسى اولاجق صورتده حسن ايفا ايله ين سفير مشاراليهك محافظه موقع اتمه سى ايچون - حكومت نامنه - تبليغ آرزويه مأمور اولدم. رشيدپاشا ، بونى قطعاً نظراعتبار آلامش ومصطفى پاشانك تشبث واقعه يابانجى اولمادىغى ذهاب باطليله ، پدرينه فنالق اولمق اوزره ، اوغلنى مغدور اتمك ايسته ديگنى صاقلامامشدر. مصطفى پاشا نفي ايله تهديد اولوندى . بونك اوزرينه ، بعض اخطارات قطعيه ده بولوندم و تهلكه نفيدن قورتولدى . لكن رشيد پاشا ، حدتى تسكينه موفق اولاماديغندن ، تصرف ادعاسنده بولونديغى قيمتمىز بر عرصه ايچون ، مصطفى پاشا عليهنه ، اقامه دعوايه قالقيشدى . دولته متعلق مسائل مختلطه يي تعيين ايچون تشكيل اولونان [ هيات عاليه جه ] باقيلمق اوزره ، محاكم عائده سنه مراجعت ايله دى . هيات مذكوره ، بويله اوفاق برايش ايچون ، اصلاحات اجتماعيه و اقتصاديه مأمور اولان تنظيمات هياتيه برلشدى . بوتون بوتون شخصى اولان اويله بر قورو ملك ايچون ، ايكي بويوك هياتنك اجتماعى ، پك چيركين برشى اولدى . مع مافيه صدر اعظمى وادى اتلاف - ياخود - طريق تحكيمه ارجاع ممكن اولامادى . نزدنده نيم رسمى تشبثانده بولوندم . عنادندن واز كچيردمدم . بوندن آكلادم ، كه رشيدپاشا سويش ايشنده ده برمسلات اتلاف جوييده بولونماياجق ؛ كمال دقت و انتباه ايله حرakte ونيات حقيقه سنى استكنايه بذل مقدرت ايله دم . اول

وقت، سفارت باش ترجانلق خدمتی، ألیوم [أنستيو] اعضاسندن بولونان مستشرق مقتدر موسیو [شهفر] كُ عهدہ سنده ایدی. مزایای مسلکی، بوتون ادبیات شرقیہ دہ کی کمال وقوفی، شیوہ افادہ سنده کی لطافت کنڈیسنہ استانبول دہ بر موقع مهم قازاندرمش و بوسایہ دہ، پک قیمتدار مناسبات پیدا ایلہ مش ایدی. ایشته، محضا بومناسبات ثمرسی اولارق — و فرانسه سفارتجہ قطعاً استعمال ادیلہ یں وسائلہ مراجعت آتمکسزین — موسیوشہ فرہ،

خدیو مصرہ «موسیو دولہ سپسہ ویردیگی امتیازی کری آلدرمق اوزرہ» قرار ویریلدیگنی و بومقصدہ وصول ایچون اتخاذا دیلن خدعہ مرتبہ یی خبر آلدی.

مسألہ یی هر صورتلہ تدقیق ایچون، بر قومیسون تشکل آتمشیدی. بونك سبب تشکیلی: سفارتی آلداتمق و خدیو سعید پاشانی اقناع ایچون لزوم کورونن زمانی قازاتمق ایدی. هیأت وکلایہ داخل بولونان خدیو ك قاین برادری کامل پاشانی، مطلق صورتدہ محرمت توصیه سیلہ برابر — ویردیگی قراری کری آلمق اوزرہ — خدیوہ، ذات شاهانہ نك معلوماتی اولمقسزین، محرمانہ برجانامہ یازمغہ مأمور آتدیلر. بوتدیر، وظایف ومسئولیتنی تقدیر آدن بر حکومتہ لایق اولمامقلہ برابر، اگر باب عالمی یی القا آتدیگی موقع مشکلدن قورتارمق اوزرہ، عباس پاشایہ ایضاحات ویردرک اکتفا ادیلسہ ایدی. معذور طوتولایلیر ایدی. حال بوکہ اویلہ حرکت اولونمادی. کامل پاشا، انکترہ ایلہ فرانسه آرہ سنده بر مقایسہ یاپارق، برینك دیکرینہ رجحانی اثبات و اخطار ادیور ایدی. انیشته سی اولان عباس پاشایہ، انکترہ

خصوصتک بی امان اولدیغی و فرانسه خصوصتک ایسه - حکومتلری کی - پک موقت اولاجغنی آالاتیوردی . حتی بوبابده یازیلان ایلك مسودهده « فرانسهده هرشی ، بر قاتلک قورشونته معروضدر » سوزلری محرر ایدی ، که بوسوزلر ، پیانوری نامنده بر ایتالیا نیک ایمپراطور ناپولیونه سوء قصدینه ایما ایدی . مع مافیه اخیراً یازیلماسی تقرر آدن مکتوبده ، ترکیب مبحوث عنه محافظه أدیلهدی . موسیو شه فەر ، بالذات کامل پاشانک مسوده سی کورمش ایدی . بونده صدر اعظمک تصحیح لری وار ایدی . [۱] بنساء علیه ویردیگی معلوماتک

[۱] اوزمان فرانسه بولیتیکه سنک باشلیجه طرفکی لری : سرعسکر رضا ، عالی . فوآد ، قبریسی محمد پاشا ار اولاسنه نظراً . رشید پاشانک بالذات خط دستی ایله تصحیح لریخی حاوی اولان بومصرلی مکتوبی مسوده سی عیناً موسیو شه فەر کوسته زن ذاتک کیم اولدینی ، حقیقه شاین تدقیق واستکناه ایسه ده ، تعیین ذات وشخص ایچون مدار استناد اولابیجه ک بر دلیل واثق بولامادم .

واقعاً رضا پاشانک سفارتله مناسباتی پک ایلری کیتمش اولدیغندن وکندیسنک رشید پاشایه مخالفی محقق بولندیغندن « بوسر حکومتی اوفاش اتمش » دیمک ، ممکندر . فقط مصلحت کذارک افاده سی وجه ایله ، مسوده نیک رأی العین کورولدیکی نظر دفته آلینجه ، وبو ورقیاردنک سرعسکرک آئنده بولونمق احتمالی اولامایه جنی دوشونولونجه . قولایجه دوغرو بر حکم ویرمک کوجه شیور . مکرکه سفارت ، رشید پاشاچه رقیب میدانجه چیتاریلاماق ایچون ، رضا پاشادن آلدینی معلوماتی او طرز بیان ایله کتم و اخفا آیلهدی ، فرضیه سنه اعتاد اولونسون .

عالی پاشا . سفارتجه تام فرانسه بولیتیکه سی طرفداری دکل ایدی . نمسیه تمایلی داهان زیاده اولونورایدی . اوصیراده ، لورد ایستراتفورده علیهنده کی مکتوب مخصوصنک قویپاسنی قونت به نه ده تییه ویرمش



صحتی حقهده شه بهم اولامازدی . رشید پاشا ایله قونوشمغه قرار  
ویردم و موسیو شه فهرله برلکده نزدینه کیتدم . پادشاهک  
وکیلله جریان ادهجک محاوره نك مکملأ ضبطی وظیفه سنی ،  
موسیو شه فهره تودیع ایله دم .

بو وثیقه شایان مطالعه اولدیغدن — ولی پاشا ایله پدری  
حقده کی تشبأتمه قارشی ، کوسته ردیگی سوء قبوله متعلق قسمی  
بالاخراج — قسم دیکرینی حرفیأ نقل ودرج ادیورم :

مصلحت کذار : — بعض احوال واردر ، که اوزاینجه اُک  
مهم مشکلاتی منتج اولور . بو اُک میدان بیراقماق ایچون ، یالکیز  
برچاره بیاییورم . موافق زمانده ، آچیقندن آچیغه  
آکلاشمقدر . بنی بوکون نزد فخیمانه لرینه سوق آدن شی بودر .  
صدر اعظم : — نه اولدی ؟

مصلحت کذار : — اول بأول ذات فخیمانه لرینه بر سؤال  
ایراد ادهجگم : امور سفارتی رؤیت وظیفه سیله مباهی اولدیغم  
برسنه مدتدنبری ، ظهور اده بیلمش اولان مشکلاتی رفع وازاله  
و سفارتک باب عالی ایله ادامه آتمه یه مجبور اولدیغی مناسباتی

---

بولونماسی ده ، اولیله برظن و ذهابک اصابتنه براعت استهلال اولاماز . زیرا  
بوصورنك اعطاسی بوتون بوتون باشقه برماهیتده در . فؤاد پاشا ایله  
محمد پاشا ایسه قطعاً ذی مدخل دکلدر لر .

دولت پولیتیکه سنده ، محمد پاشای تتبع اده مدیکمدن بیله ، مزسه مده ،  
کرك عالی پاشا کرك فؤاد پاشا فرانسه جه مؤخذه یه معروض اولمندن  
قور تولما مشار ؛ حتی آجی دقیقه ر کوروب کچر مشلر در . شیمدی براحتمال  
داها قالیور ، که اوده اساساً ایشی مروج اولان بعض مصر لیلرک ،  
یا خود ، منسوبیندن بریک افشاسیدر . احتمال ! [ والله اعلم بالصواب ]



هر دور لو خلدن و قايه ايجون، دائماً بذل مساعیدن خالی قالمادم، دگلمی؟  
 صدر اعظم : — فی الحقیقه بوئی مع الممنونیه تقدیر آدهرم.  
 مصلحت کذار : — حال بوکه بن . بعض وکلای پادشاهینک  
 طرز حرکتی حقیقه ، مع التأسف ، عین فکری درمیان  
 آدهمیه جگم . نظر دتسی جالب اولمش ایسی، که برچوق احوالده،  
 سفارت، حقیقه ایفاسی لازم کان بعض آثار احترامه نائل اولما مشدر.  
 بوئی بلکه نظر اعتبارده طو تومادیغی فتنن کورونن بعض مطالباته  
 حمل آتمش ایدم .

صدر اعظم : — فرانسه یه عائد مصالح ، طرفدن ،  
 آرزوکنز دائره سنده تسویه ادیللمه مشمیدر ؟  
 مصلحت کذار : — مساعده تقدیر آدهرم، که سفارتک  
 برچوق مطالبی، صورت مساعده کارانده مظهر قبول اولما مشدر.  
 مع مافیه برچوق حادثه لر ظهور آتدی، که بکا : ترازینک دائماً  
 صورت متساویه ده طو تومادیغی فکرینی القا ایلله مشدر . ( بوراده  
 مصلحت کذار ، صدر اعظم طرفندن معترض فیه اولمایان بعض  
 حادثه لر ذکر آدر ) . بن ، برضیکر ائتلاف پروری ایلله، بونلری  
 اخطاردن اجتناب آتدم . امید آدیوردم، که زمان و فرانسه ایلله  
 تورکیانک مناسبات حاضرده سی حقیقه دهاها سالم برصورتله واقع  
 اولاجق برحسن تقدیر ، بعض فکری تعدیل ایلله جهکدر .  
 مع التأسف بویله اولمادی .

( بوراده مصلحت کذار ، صدر اعظمک مصطفی پاشا ایلله  
 اولان منازعه سی حقیقه کی مسالمتی ایضاح آدیگندن ، رشید  
 پاشا حدتله نهرک : )

صدر اعظم : — مصطفی پاشا ، بریالانجی حریفدر . سز ،  
یالکیز اونی دیکله یورسیکیز . قابا بر حریف ، بر آرناتوددر . رئیس  
مجلسی تحقیر آندی . اوپله بویوک بر موقعده بولونان بر مأموره  
قارشی — بلا مجازات — احترامسزلق آده من .

مصلحت کذار ... — لکن باشقه بر ایش ظهور آندی ، که  
بنی ، ذات سامیلرینه اُنْ جدی اختاراتده بولونمق وظیفه سینه  
سوق ایله یور . شیمدی اوندن بحث آده جگم . تخطر آدرسیکیز ،  
که : سویش قانالنک حفر و کشادی ماده سی .. حکومت ایمرایه  
طوریه جه کرک نورکیانث سعادتیه ، کرک بوتون آوروپیه  
فائده لی بر تشبث کبی عد وتلقی آدیلدیگنی و بوایشک پک ملتزم  
بولوندیغنی و شوقدر که بوبابده ارکان دولته باشقه یولده مباحثه دن  
اجتناب آتمک لگم لازم کلدیگنی سز دسویله مش و تکرار ایله مش ایدم .  
صدر اعظم : — اوت ، حقیقت اوپله .

مصلحت کذار : — خدیو مصر ، تصدیق پادشاهی بی  
استیصال ایچون سزه مراجعت آدیجیه ، ذات صدر اعظمیلری  
ایشی مجلسه حواله ایله دیکیز . خدیو سعید پاشادن تکرار  
ایضاحات طلبی قرار لاشدیریلدی . بوکا آده جک هیچ بر اعتراض  
یوق ایدی و هیچ بر اعتراضده بولونمادم . فقط عین زمانده  
خدیوه محرمانه بر مکتوب کونده ریلیوردی .

صدر اعظم : — بیلمه یورم .

مصلحت کذار [ دوام ایله ] : — که بونده : انکلتزه  
سفیرینک شخصاً مخالف بولونمش اولدیغی بر تصور دن واز  
کچیلمه سی شدتله توصیه آدیلمیوردی . انکلیز مأمورلرینک دائماً

حکومتلری طرفدن مصحوب بولونديغی، و فرانسه حکومتک  
ایسه، بالعکس، قطعاً متاتی اولمادیغندن.. کندی مأمورلرینک  
تشبثاتی انکار اعتیادنده اولدیغی، بناءً علیه استانبولده بحق  
هرکسک چکیندیگی انکلیز ایلچیسینک خصوصتندن بهمه حال  
اجتناب اَدیلک لازم کله جگی و حکومت مصریه دن کمال راحت  
وسکونتله مستفید اولق ایسته دیگی حالده انکلتزه دونانمالرینی  
اسکندریه یشکاهنه کوتورمه یه سبیت ویرمه سی اقتضا اده جگی  
و تصورنده مصر قالیرسه نظر پادشاهیدن دوشه جگی اخطار اولونو-  
یوردی. ذات سامیلری بومکتوبی بیلیمورلر. هیأت وکلا اعضاسندن  
بر ذانک .. مجلس والا رئیس کامل پاشانک امضاسیله مضیدر.  
صدراعظم: — بن، آنجاق مکتوب کونده زیلد کدن صوگرا،  
خبردار اولدم. ذاتاً باشقه لرینک خطالرندن دولایی، مسئؤل  
اولامام. اما بگا عطف مسئولیت اَدیلک ایسته نیلیورسه، او  
باشقه. باب عالی، فی الحقیقه، پک مشکل بر موقعدده بولوندی.  
فرانسه، انکلتزه نی شبه لندیرمه مک ایچون، کورونمک ایسته مه دی.  
انکلتزه ایسه، فرانسه نی اداره اتمک ایچون، چکیندی. او حالده  
یزنه یابیلیردک؟ بحث ائدیگنیز مکتوبک جمله لرینی ائی خاطر-  
لامایورم و سزک سویله دیگنیز تعبیرلر عیناً موجود دگدر، صانیرم.  
کامل پاشا، خدیوئ قاین برادریدر. عائله اعضاسندن بری صفتیله،  
خدیوه مکتوب یازمشدر. بنم، بونده قطعاً دخل ورائیم یوقدر.  
مصلحت کذار: — بنجه کامل پاشا، هرشیدن اول، عثمانلی  
وکلا سندنر. روابط منتهداری ایله فرانسه یه مربوط اولان  
یر حکومت اعضاسندنر. مکتوب جمله لرینک آز اهمیت ی واردر.

لكن مالى بنم دیدیگم کیدر. ذات سامیلری بونی رد آتمه یورلر ؛ ذات سامیلری بومکتوبك تحریرنده اشزاکى کلیاً انکار آدیورلر. بن، بونك عکسنی استدلال آده بیلیرم. شیمدی ویردیگنر ایضاحات، بوگا مساعدر. مصردهده باشقه دورلو دوشونولمه یور. مع مائیه افاده فخیانه لرینی قبول آدهرم. کامل پاشانه یاپدی؛ ایمپراطورك حکومتك حال حاضری و اصول اداره سی حقدده پك زیاده نالایق بیاناتده بولوندى. باب عالی نی توصیف آتمك ایسته مه دیدگم بر درک یه ایندیردی. ایشه ذات شاهانه نی قاریش دیر مق و نامه بیان مطالعه آتمك جرأتنده بولوندى. صدراعظم، رفقا سندن برینك بویله بر مناسبتسزلك ارتکاب آتدیگنی خبر آینجه، کنسلیسك ایلک ویکانه وظیفه سی نه ایدی؟ بونی متبوع منخنه بیلدیرمه لی ایدی. هیچ شبهه یوقدر، که ذات شاهانه در حال عدم تصویب و عدم خوشنودی هایونی موجب اولدیننی اثبات آده جك بر تدبیرده بولوناجق ایدی. ایسته. صدراعظم بو وظیفه نی ایضا آتمه دی. بالعکس، فرانسه تورکیانك سلامتی ایچون کمال بی طرفی ایله اوغراشدیننی برزماده، قابینه اعضا سندن برینك، حکومت ایمپراطوریه جه دیگر باب عالی دوستلری درجه سنده حس حیثیت اولمادیغنی — بی محابا — دوشونمه یه، سویله مه یه و ایناندرمایه قدرتیاب اولدی.

صدراعظم: — کورویورم، که فرانسه ایله مملکتیم آره سنده، مناسبات حسنه بن مانع. چکیله جگم.

مصلحت گذار: — ذات سامیلری بو آرزوی پك چوق کرده لر و پك مهم احوال آشناسنده درمیان آتمش ایدیگنر. بن،

دائماً بونی رد اتمش ایدم. البته اونو تماندیگز. فکر مجه سز، او احوالده وجودی انزم اولان ذات ایدیگز و سزدن باشقه کیمسه یوق ایدی، که سزئه قدر موفقیتله هم ذات شاهانه نك، هم تورکیا متفقرینك اعتمادینه لایق اولسون. اعتراف اُدرم، که شیمدی به قدر شبهه لی عد ایله دیگم بعض وقایع، بوفکر شخصی می تبدیل اُندی. . . بویله دوشونمکده بن یالکُز دگم. دوستلر بگُزدن، بالذات سزئه اثر لطفکُزله یاشایانلر، بعض احوالک اجتماعدن قورقدقلرندن، هر دورلو فرستردن بالاستفاده، ولایاتده ایفای مأموریت اتمک اوزره، استانبولدن اوزاقلاشوب طورویور؛ ذات سامیلرندن آیی بلییورلر. بن ظن اُدیورم، که احوالک تهلهکسی حقنده مبالغهده بولونویورلر. لیکن بوکون اعترافه مجبورم، که: اولنر حقیدر، بن حقسز ایدم.

صدر اعظم: — کیتمک ایسته یورلر ایسه، کیدیور سینلر. مصلحت کذار: — بکا قدر کلش اولان معلوماتی و عرض اتمکدن کجه مهیه جگم شو اخطاراتی ذات سامیلرینه تبلیغدن مقصدم: بالذات یامادیغم و تأسف ایله دیگم بر کیفیتی، صورت صحیحده مکرراً دلائلی اظهاردن خالی قالمادیغم عین صدق و اخلاص، ایله تعیین و توضیحدن باشقه برشی دگم. ذات سامیلری، نوعاً بوتون هیأت وکلا نامه اداره کلامه جرأت یاب اولان بر رفیقنی رد و جرحه لزوم کورمکسزین، بن، باب عالیده — فرانسه یه قارشی بسله نمک لازم کلن آثار احترام حقنده — نه دوشونوله بیلدیگنی اوگردندم. شو احوالده ایلك هدف دقم، ایلك وظیفهم: ذات صدر اعظمیلرینه، تمامیه خبردار بولوندیغمی

بیلدیرمک ایدی . ایشته ، بو کون یاپدیغم شی شوندن عبارتدر .  
صدر اعظم : — بوتون بو دیدکلریگزدن محزون اولدم .  
معلومات ویره جگم . ]

بومحاوره ، سفارت خانه دوسیه لرنده موجود برضبطنامه  
صورتی اولدیغندن، مشته فیه دگدر . مصلحت گذار، بونی نقل  
ایله برابر ، رشید پاشانک ، ابتدا انکار.. صوگرا اقرار مجبو-  
ریتده بولوندیغی خصوصی مکتوب مندرجاتنک ، ایمراطوره  
تعلقندن دولای، اندیشه یه دوشدیگنی ویک متأثر قالدیغی بیان  
ادیور . ویدیور، که : « مع مافیه ینه برأنتریقه احتماله منی ، »  
« جریان محاوره یی حاوی ضبطنامه یی، ایرته سی کونی، شه فهر »  
« واسطه سیله، رشید پاشایه کونده ردم و بالمطالعه هر نه دورلو »  
« تصحیحات ایسته رسه یاپیلاجغی.. هر نه علاوات خاطرینه »  
« کلیرسه یازیلاجغی بیلدیردم . [ طی وعلاوه ادیله جک هیچ »  
« برشی یوقدر ] جوابی آلم .. موسیوشه فهر ضبطنامه یه بو »  
« جهتی ده فرانسرجه علاوه آتدی . بونک اوزرینه، ذات »  
« شاهانه اغفال ادیله مک اوزره، تورکجه ترجمه لرینی ده یازدیردم »  
« و عتبه پادشاهی یه عرض و ابلاغه مسارعت آله دم . (!) پارسه ده »  
« معلومات ویردم . »

\*

\* \*

مصلحت گذارک بوایشه دائر پارسده خارجیه پولیتیکه مدیرینه  
یازدیغی ایکی مکتوب خصوصیدن برنجیسی :

« رشید پاشا اعتراف قصورده مضطر قالدیغندن ، خدیو »  
« مصره یازیلش اولان مکتوبی، دونکی کون، باشلیجه رفیقارینه »





« سزە يازديغ صوڭ مکتوبىڭ بىر کلمەنى بىلە كرى آمام . »  
 « رشید پاشا ایله بز ، بورادە . الی الأبد عین موقعدە بولونا جغز . »  
 « تکرار أدەرم : بوتون قصورلر کنديسندەدر . و کنديسنە »  
 « اظهاردن خالی قالمادیغمز بوتون آثار خیر خواهی و صمیمیتک »  
 « ثمرەسی بزى کندي ذهنيجه مهمسه مز لگه منجر اولمشدر . »  
 « مادام که لازمدر ، وورالم . فرصت پک اعلا در . کیمسه ، »  
 « بونی فنا کوره مز و بزە هیچ بر اعتراضدە بولوناماز . »

\*\*\*

شو مخبرات اثناسندە ایدی ، که ذات حضرت پادشاهی  
 فرانسه و انکلترە ایله اولان مناسبات صحیحە و صمیمیە ایجاباتنە  
 توفیقاً ، رشید پاشایی استعفا صورتیله دوغرودن دوغرویە  
 مسند صدارتدن چکەرک ، قونقەرانساردە بولونمق اوزردە ، ویانە یە  
 کوندەرمک ایستەمش و او وزیر فلاتون تدبیرک عرفان  
 و سیاستدن داها زیادە مستفید اولمق امل وطن پرورانه نی  
 کوستەرمشدر . آنجاق ویانە قونقەرانسارلی همان قابائش  
 و فرانسه و انکلترە دیپلوماتلری دە مملکتلرینە عودت اتمەلریلە  
 بویوک برعثمانلی دیپلوماتینک ویانە یە اعزامنە سبب قالمامش اولدیغندن  
 رشید پاشا ۱۲۷۳ تاریخنە قدر حال انفصالدە کورونمشدر .

پارس قونقەرەسندن سوگرا ، أفلاق — بوغدان مسألەسی تکرار  
 آله ولەنەرک ، احوال سیاسیە فوق العادە اهمیت عظیمە آلماسی  
 اوزرینە ، مقام صدر اعظمی ینە او بویوک سیاسی یە ، رشید  
 فریدە عرض من و افتقار آیلەمشدر . موضوع بحث اولان سواش  
 قانالی مسألەسی ایسە ، مع التأسف ، بر آز وقت کچر کچمز باب

عالی ایله مخا بریه دوام ادیلمکسزین، محلنجه فصل وحسم اولونمش؛  
تعبیر آخرله، بوایش یوزندن متحدث تبدل وکلا.. تصدیق رسمی  
یرینه کپیور مشدر :

§

عثمانی عالم مطبوعاتده بردور تجدد و تتبع تشکیله شایان  
نشریات ادبیه و جدیه سیله اوتوز بش قیرق سنه دن بری شبان  
وطن دایما منہاج معرفتی اولارق طاینمش و مجموعه ابوانضیا،  
لغت ابوالضیا، کتابخانه ابوالضیا کبی کلیات جسیمه و مهمه سیله ادبیات  
لسانیه مزده حقیقی موقع مبعجلی نازانمش اولان ابوالضیا توفیق بگت  
آفندی، کندیسنه خاص برطرز بدیع ایله یازدینی [نمونه ادبیات عثمانیه]  
آثر بی عدیلنده - که اهل لسان و تاریخ نظرند دایما بر مأخذ  
تتبع و مطالعه در - رشید پاشانک تصویر حیاته عائد منقح، وجیز  
و پاک معیندار بر مقاله سنده، اوپیر سیاسی مرکز دهاسنی تجیلاً،  
دیمشدر، که :

«ماحصل رشید پاشا، آوروپانک دولت عثمانیه حقدنه  
یوز سنه دن برو بسلدیگی اعتقاد سقیمک تهله که سنی هر کسان  
اول ادراک ایله دفعی اسبابنه تشبیه و بناء علیه سلطنت سنییه  
دول معظمه عدادینه ادخال ایچون اقتضای عصر اوزره لازم  
اولان اصلاحات ملکینه نک دعایمی تنظیمات خیریه نامیله وضع  
ایله اجرا آتته همت ایلدیگندن طولانی عثمانیلرک اولیای نعمندن  
مغدوددر . « نه بویوک حقیقت ! نه عظیم سیاست !

دولتده، رشید پاشا کبی براییکی ولی نعمت دها بولونوب ده، بونلرده  
اونک شهرا کالات سیاسی سنی بحق تعقیب ایله مش اولسه ایدی ..

بوکونکی تورکیا، سلیمان قانونی تورکیاسی کی، هر دورلو شمول  
معناسیله، مراجعتگاه حکمداران اولوردی؛ دینلر خطامی آتمشلدرد؛  
رشیدپاشا کعبنده عرفان سیاسی یه مالک بر دیپلومات، یاخود،  
اورتبه موفقیت ومظفریتسه دولتی موقع عال العاله چیقاران  
پارلاق ومکمل بر دیپلوماسی، تاریخمزرده کورولمه مشدر؛ دیمکده  
نیچون تردد ادهلم؟

سراپا منطق، سراپا دلائل مقنعه وبراهین قاطعه ایله مؤید.  
اولان مطالعات حکیمانه وسیاسیه سنی حاوی مضبوطلر اوقونسه..  
هر ترکی وهر جمله سی وقوف کاملنک — یاخود — کمال وقوفنک  
شاهد مطلق اولدینی وهاله تظاهر ایله ر.

بوتون آوروپاچه اضمحلالی وجوب ازاله سی ادعا اولونمغه  
باشلایان بر دولت عظیمه یی، انکلتزه سیاست و وفاقیه هم  
آهنک ادهرک، [تنطیات خیریه] قانون اساسیسی ایله احیا  
ایله یین.. ملتجیلر مسأله سی وقریم محاربه سی ایله ده نجم اقبال  
وشوکتک موقع بلند سرافرازینه قدر بالذات کوتورن داهی  
سیاسی عثمانی، حقیقه پک بویوک برولی نعمت صایلیر.. عثمانی  
پولیتیکه عالمنده، عنوان فطانت افشانیله تجیه لایق کورولمجه  
بر دور سیاست و حکومت وجوده کتیروب بیراقدیغنه ده،

غیر مترزل برقناعت فکریه و وجدانیه ایله حکم واعتقاد  
اولونمق لازم کلیر! حتی حقایق ثابته رسمیه ایله عکسی توضیح  
و اثبات ادیلمکجه مصرانه ادعا اولونوب طوراجقدر، که عالی  
وفواد پاشالرک پولیتیکه سی — کمال عرفان واقتمدارلرینه رغماً —  
اجتهاداتده رشید پاشا بختیارلغنه نائل اولامامش.. آوروپا نفوذ

سیاسیستک احضار آیه دیگی محیط آیه حکم زمان نه اولورسه اولسون ، قریم محاربه سندن بر قاچ سینه سوکرا ، اوبویوک خادم دولت و مملکتک ، هنوز آلتش یاشنده ایکن وقوع ارتحالی ، عثمانلیق ایچون پک بویوک بر فلاکت اولمشدر . هله پارس قونغر دسندن حاضر بولونماش اولماسی .. وَ حتی عمرینک صوک کوننه ، صوک دقیقه سینه قدر مقام صدارتده پایدار اولماش اولماسی .. دولتمزک بخت سیاهی ایجاباتندن صایلسه جائزدر . ایشته ، شو نقطه نظر دندر ، که رشید پاشانک فرانسه سفارتی . آیه مناسباتی صوٹ درجہ لرده تتبع و تعمیق اتمک بزجه پک لازمدر .

رشید پاشا ، ۱۲۷۱ ده انفصالی اوزرینه ، بر مدت انغزالی اختیار آتدکن سوکرا . خدیو سعید پاشانک دعوتیه ، مصره کیدرک ، بر مدت ده اوراده قالمشدر . عودتنده میر کونده کی یالیمه بالذات سلطان عبدالحجید خان کیتیش ، کنسیدینی زیارتله غریق التفات و بالوسیه تعاضی افکار و مطالعات آیه مشدر . استاد سیاسیمزک بشنجی دفعه صدارتی ، بوزیارت پادشاهی اوزرینه ، وقوع بولمشدر . [ اوچنجی ناپولیون ثقلت پولیتیکه سی ] باب عالی یه آغیرجه چوکشر ایدی . افلاق — بوغدان غائبه اتحادی ، معهود قومیت پولیتیکه سی بزى پک زیاده اندیشناک آتمه یه باشلامش ایدی . پارس قونغر دسنتک پارلاقلی سونویور ایدی . روسیا ، مداهنه سیله ناپولیونی قزانمش : منازع فیه مسأله ده ، نمسه ناک صمیمی معاوتی بیله ، بزه یارایاماشیدی . عبدالحجید مرحوم ، پک صیقیلیدی . حضرت استاده مراجعت آتدی . باطله لیانندن چیقارق ،

وزیر محترمک ساحل خانہ سی تپہ سندہ کی عزتکاکھنے کیتدی . رشید  
 پاشا . زیارت شاہانہ نک و قوعندن خبردار اڈیلدیگنندن ، اوزون  
 برمسافہ دن استقبالہ شتابان اولدی . خاغان مشارالیه . اسب سوار  
 ایدی . رکابده بولونمق ایستہین وزیر حکیمہ ده آت احضار  
 اولوندی . ایکسی یان یانه و قونوشه قونوشه کوشکه مواصلت  
 ایلہ دیلر . مداولہ افکارده بولوندیلر . تصادفاً و کلای دولت ،  
 اوکون ، وکلا واپوریلہ مدعواً برسفارت خانیه کیدیورلر ایدی .  
 میرکون اوگنندن کچوب ده ، رشید پاشا ساحل خانہ سنک پیشکاهنده ،  
 سلطنت قایغنی کورونجه تبدل وقوعی احتمائی کشف و تخمینده  
 تأخر آتمه دیلر . ضیافتدن — معتاد خلافده اولارق — برآز  
 ایرکنجه عودت ایلہ دیلر . آرده دن برقچ کون کچدی . رشید  
 پاشایه توجیه صدارت قیلندی . فرانسه حکومتی ، فرانسه  
 سفارتی ، فرانسه دیپلوماسیسی .. پک تلاش آتدی . باش ترجمان ،  
 موسیو اوتره ایدی . اولا اونک راپورینی نظر مطالعہ دن کچیردم :  
 « عالی پاشا ، انفصالنه قطعاً منتظر دگل ایکن ، دون آقشام »  
 « باش مابینجی نزدینه کلهرک ، رشید پاشانک صدر اعظم لعه »  
 « تعیین اولوندیغنی تبلیغ ایلہ دی . کیجه برلکده بولونمش اولان »  
 « برذاتک افاده سنه نظراً ، عالی پاشا ، بارمشاغلدن قورتولمش »  
 « اولدیغنی ایچون ، تبلیغ واقعدن متأثر اولمامش و بک ممنون »  
 « کورونمش . بوتون وکلا ، خط هایون قرائتده حاضر »  
 « بولونمق اوزره ، بوصباح قبل الظهر ساعت اونده ، باب عالی یه »  
 « دعوت اولونمشدر . بوخطده عالی پاشادن بحث اڈیلہ یوب ، »  
 « یالکیز و قوف و تجربه سی برچوق مصالح معلقه نک بر صورت »

« تسویه اقرانه کافل اولان رشید پاشانک صدارته تعیین »  
« قیلدینی تذکار اولونمشدر . »

« بو بحرانک اولیائی حقمده آلدیغم معلوماته کلینجه : »  
« کچن چارشنبه کونی انکلتره سفیری نزد شاهانه کتدی . »  
« فواد پاشادن پک زیاده شکایت آتدی وَ عین زمانده دیدی، که »  
« قرالیچه ویتوریانک ذات شاهانه پک صمیمی ودّ و محالستی »  
« وار ایسهده ، هیأت حاضرهُ وکلا بو اثر اخلاصک قیمتی »  
« تقدیر آتمه یور . پنجشنبه، بوتون کون وَ جمعه صبحی ، پادشاه ، »  
« حرم دائره مننده هپ رشید پاشا لهنده استرحاملره معروض »  
« قالمشدر . جامعهده ، محمد علی پاشایه [۱] غائله وَ اندیشه لرندن »  
« بحث آتدی . بردقیقه بیله راحتی اولمادیغنی وَ انکلتره سفیرینک »  
« آنتریقهرینه نهایت ویرمک ایچون، رشید پاشایه بر شی یایمق »  
« نیتنده اولدیغنی اعتراف آیلدی . قایدان پاشا ، کافی السابق ، »  
« خنکاری واز کچیرمک وَ لورد ایستراتفور دئک مطالب مغرطه . »  
« سنی اسعاف خطاسنه دوشمکدن قورتارمق ایچون چالیشدی . »  
« فقط قایدان پاشانک معقول سوزلری آرتق خوف وهراسه »  
« تابع اولان حکمداره تأثیردن عاجز ایدی . سلطان ، »  
« جامعدن چیقوب طوبخانهیه کتدی وَ اوراده مستشار قدیمی »  
« فتحی احمد پاشانک رأینی صوردی . هر طرفدن ویریلن »  
« تأمیناته نظراً : بودات، أفندیسنک خوشنه کیمز قورقوسیله، »  
« تصور شاهانه نک کرک افکار عمومیّه مملکتجه کرک آوروپا »

[۱] محمد علی پاشا ، سلطان مجیدک همشیره سی . عادلّه سلطانک

زوجی ایدی .

« سرایلرنجه سوء تأثیری موجب اولاجغنی سویله مه یه رك ، »  
 « رأی تصویبده بولوندی . کورو شدیگم أسکی وکلانك جمله سی ، »  
 « ذات شاهانه نك ، قرار واقعی ( رشید پاشانك صدارتی ) بر »  
 « شاشقیلانی زماننده اتخاذ آتمش وَ بَوَكُون ، چکن کونکی »  
 « قراردن پشیان اولمش اولدیغنه قانع بولونویورلر ! باشقه بر »  
 « ذهاب داها وار ، که بوگنا نظراً : پادشاه ، رشید پاشانك »  
 « صدارتده نصب و تعیننی - کنديسنی الی الابد دوشورمك ایچون ، »  
 « بر سبب تشکیل اده جگی امید خفیننده ایمش . ایشته بو . پادشاهك »  
 « کندی حقوق و حیثیتی وقایه ایچون بولدیغنی و سائط »  
 « ألیمه ! بر قاج کون اول دیدیگنیز وجه ایله ، انسان مرحمت »  
 « دگل ، یالکیز نفرت حس ألیله بیلیر . محمد رشدی پاشا [۱] »  
 « صوگ درجه ده منفعلدر . بکما : [ حیثیت شاهانه دوشو- »  
 « نولسهیدی ، انکلتره سفیرینه پاسا پورطی ویریه جك ؛ »  
 « رشید پاشاده - حرکت غیر مناسبه سندن دولایی - تحت »  
 « محاکمه یه آلمق لازم کله جکدی . قاپدان پاشایه کلنجه : »  
 « خنکارك ائیشته سی اولدیغنی جهته ، عدم ممنونیتی کتم أیله مه سنی »  
 « توصیه ائدم . [ دیدی . بن دیدم ، که : [ سزك حرم داخلنده »  
 « مناسبه باتگیز واردر . خنکارك برادرینی ، خندوملرینی »  
 « کورو یورسیگیز . شاید سز ، حدت و اغبرار گوسته ریرسه گز ، »  
 « رشید پاشا ، بونی سزك علیه گزده بر سلاخ اولارق ، قوللانا- »  
 « جقدر . ایشدن چکیلمه گز وَ حرکت سنییه یی تقییح »  
 « أیله مه گز عبدالعزیزه تقریبه خقان لاحق خلع اتمك ایسته- »

[۱] اخیراً صدر اعظم اولان مترجم رشدی پاشا مرحومدر .



« دیکگژدن ایلری کلدیگنی ذات شاهانه یه ایهامدن کری »  
 « طورمایا جقدر. رشیده کورده، هر دورلو تدبیر جائزدر و آمین »  
 « اولیکگز که سزی بوتون بوتون محو آتمک ایچون بوفرستی »  
 « قاچیرمایا جق ؛ کرک حیاتی ، کرک تخت سلطنتی علیهنده »  
 « برفساد ترتیبی قورقوسنی ذهن هایونه القا آده جکدر . »

« رشید پاشانک رفقای حاضرده سیله ملاقاتی باردانه »  
 « اولمشدر . آنجا ق علی العاده برقاچ کله تعاطی آتمشدردر . محمد »  
 « علی پاشایه ، اول آمرده ، رشید پاشا سلام ویرمش و قاپدان »  
 « پاشاده ، کله تفوه آتمکسزین ، مقابلهده بولونمشدر . ذات »  
 « شاهانه نث صدر سابق عالی پاشایه نه یولده تبایغاده بولوندیغنی ، »  
 « کندیسندن صوردم . مشارالیه ، تبلیغات سنیه نث توجیه کارانه »  
 « اولدیغنی ویکانه سبب اومق اوزره ( الجای احوال دن منبعث »  
 « برلوزوم ) دینلدیگنی سویله دی . »

« لوردا یستراتفورده ، ذات شاهانه ایله صوئ ملاقاتنده ، انکلتزده نث »  
 « آوستریا ایله اتفاقندن - اتحاد افکارلرندن - بحث ایله مشدر . »  
 « انکلتزده سفیری . ذات شاهانه یی آندیشتنک آتمک ایسته مش ایسه ده ، »  
 « خنکار ، سفیرک کندیسنه تمامانه دیدیگنی کیسه سیله سویله مه مشدر . »  
 « مع مافیه محمد رشدی پاشا ، لوردا یستراتفوردا یله رشید و سلطان »  
 « آردسنده برطاق ترتیبیلر اولدیغنه ذاهیدر . برقاچ کون بکله مک »  
 « لازمدر ، که ذات شاهانه نث بروقت انشراح - یا خود - آن هر اسنده ، »  
 « ملاقات واقعه ده نه سوزلر جریان ایتدیگی آگلا شیلسین . منشأی »  
 « میرکون اومق اوزره ، هر کس روایت ادییور ، که خنکار ، »  
 « رشید پاشانی صدارته نصب و تعییندن مقدم ، سزدن استمزاج »

« اتمش و عالی پاشانك انفصالی سزك موافقتكیز له وقوع بولمشدر . »  
« رشید ، سز د پات زیاده اثر خوشنودی کوسته ریور . بر قاج »  
« کون اول او خانس أفندی طینغیرد : [ ذات شاهانه ، کندی »  
« لهنده سویله مش اولدیغكیز سوزلردن دولای ، سزه پك »  
« منتهدار اولدیغنی [ سویله مشدر . و سزك اقتدار یكیزدن ، فطال . »  
« نكیزدن و ولی نعمتلك حقوق حکمداریسنه اولان رعایت »  
« واحترامكیزدن کمال مسرتله بحث آیله مشدر . بوندن مقصدی ، »  
« سزك صدارته کلمه سنی ترخیص و تسهیل آیله دیگكیزد ایناندر مرق »  
« اولدیغنی محققدر . ذات شاهانه ده ، کندیسنه : رشیدك تعیینده »  
« برکونا محذور بولمادیغكیزی سویله مش اولدیغكیزی ، تأمین »  
« آدیور مش . لمقصد نشر آدیلن بوشایعاتك کافه سنی صورت »  
« قطعیه ده تکذیب آدیورم . »

« اولیسی کونکی مجلس خاص نتیجه مذاکراتی حقدده ، »  
« وقوع بولان سؤالم اوزرینه ، رشید پاشا : عین درجه ده »  
« سهویان ایکی متقندن برینی ترجیح مشکل برمسآله اولدیغنی »  
« و کندیسنه وقت مساعد بیر اقیلسق لازم کله جگنی بیان آیلهدی . »  
« بنده جواباً دیدم ، که : بوراسنی بیلیوروز . لکن مسائل »  
« معلقه عظیمه حقدده بز ( اوت ! ) یاخود بز ( خایر ! ) »  
« ایسته یوروز و بونی ده در حال ... »

« — لکن بن بر هیچم ؛ بن کوچوک بر آدم ، دیدی ، »  
« صدراعظم . »

« — سز یگی صدراعظمسیكیز ؛ بزده ، یگی صدراعظمك »  
« فکرینی صورویوروز ؛ دیدم . »

« رشید پاشا، بگما، پك اوصامش .. مفتور اولمش كوروندى »  
 « زَبو صباح موسيو دويوتنه فك دخی، زردینه كیده رك، عین »  
 « سؤاللى درمیان آتدیگنی سويله دی. بونك اوزرینه، پك »  
 « باردانه یانندن چیقدم . »

\*  
 \* \*

شو برچوق فضله تعیرلریله نقلنده تردد اتمه دیگمز ایلك  
 وثیقه یی عریض و عمیق تتبع ایله ینلر : عثمانلیلق نامنه آغلا -  
 مازلرمی ؟ دوشونولسین : عالی پاشا عزل اولونوبور ، رشید  
 پاشا مقامنه عودت ادیور . سفرای آجنییه نك بومسأله ده شكاتی  
 نیچون ؟ تلاشی نه دن ؟ رشید پاشا آنکلیز طرفدارى ده ، اوندنمی ؟  
 رشید پاشا ، فرانسه علیهدارى ده ، اوندنمی ؟ عالی پاشا ، فرانسه  
 آدمی ده اوندنمی ؟ خایر ، خایر ، خایر !

رشید پاشانك تدقیق و تتبع اتمدیگم و ثائق مهمه سیاسیه سنندن  
 متحصل قناعت كامله وجدانیه ایله بیان و تأمین اددبیلیرم ، كه :  
 رشید پاشا ، فرانسه نك قطعا علیهنده دكل ایدی . خصم جانمز  
 اولان قومشولریمزى بيله اصلا و قطعا رنجیده اتمه مش .. اویله  
 بر محظور ظهور ادر اتمز در حال تصحیح ذهاب - یا خود -  
 ایضاح حقیقت ایچون فوق العاده تدبیر و تشبثلرده بواومشدر .  
 بویوك رشید پاشانك بر بویوك قصورى و ارایسه .. اوده منافع  
 حیاتیه عثمانیه یی تأمینه كافل مطلق اولان مسلك سیاسیه یی ایدی .  
 عالی پاشا مرحوم ، مع التأسف اوکعبه و ارامامشدر .

فی الحقیقه ، رشید پاشانك تکرار صدارته نصی :  
 الجای احوال ثمره سی ایدی . کاشكه پارس قونغرده سننده عالی

پاشا بولونماسه ایدی ... کاشکه ابویوک وزیر فلاطون تدبیر ،  
پارسده ، اومهم قونغروده عثمانلی مرخصی بولونسه ایدی ...  
سیواستوپول محاربه سنده سونکی سونکی یه کلن روس و فرانسز  
عسکری در حال باریشمشلر؛ چارنیقولانک و فاتیه یرینه ایکنجی  
آله کساندرک قعودی اوزرینه، چار و ناپولیون، اوکونه قدر نه  
اولوب بیتمش اینه، هپسنه برسونکر چکوب هرشیی اونیتمشلر؛  
روس و فرانسز دیپلوماتلری بوتون بوتون تبدیل فکر و مسالک  
ایله مشلر ... حتی بلکه برلش، مشلر .. یالکیز بز معلفده قالیویر مشلر؛  
اویله مهم بر وقتده داهی سیاستک کوشه انزواده  
قلماسی ، عفوی ممکن اولمایاجق بر خطای عظیم سیاسیدر .

رشید پاشانک صدارته صورت نصبه دائر اولان دیدی  
قودیلر، اصلا معقول دگلدرد. اصل شایان نفرت بویله بی اساس  
سوزلردر . بویله شیلری عین حقیقت تلقی ادنلر . هروقت شایان  
مرحمترلر . مترجمه عائد محاورده موجب تأسفدر . زیرا  
رشید پاشا، خدمات سیاسیه سنک امتدادی مدتجه ، دولتی رخنه دار  
آده جک درجه ده دگل ، هیچ مشابه سنده عد ادیله جک بر  
قصورده دخی بولونماش .. بوتون حیات سیاسیه سنده، شان  
وشکوه عثمانی بی اعلایه موفق اولمش بویوک بر وطن پرور  
اولدینی حالده، کندیسنی تحت محاکمه یه آلمق تمنیسی، بیلسم، هانسی  
حب وطن قلبنده جایگیر اولابیلیر !

مع هذا، بوشکایات فیرطیناسنک باشلیجه منبعی بعض قونغرود  
مقرراتی ایدی . هله عالی پاشانک و عالی پاشا قایینه سنک تمادی  
ادن مدت مأموریتی ائنده کی اجراءات سیاسیه لری بویوک رشید

پاشانك هدف تعريض و اعتراضى اولمقدن قورتولامايوردى .  
 بو حال ايسه وكلاى زمانك طييعى خوشنه كيتمه يوب ، پادشاهى  
 اغضاب قصديله، دورلو دورلو كفت وكولر وقوع بولويورايدي .  
 دوغروسى بونلر كلاه - ياخود - موقع غوغاسى ديمك ايدى .  
 لكن نه ماهيتمده اولورسه اولسون ، موقع ممتاز دائما رشيد  
 پاشايه خاص اولوب، ديكر لر ينك اونك علمينده بولونمالري، تأويل  
 كوتورور ويا معذور كورولور قباحتلردن دگل ايدى .

وزير اعظمك مابين باش كاتبي امين بگه يازديغي برتذ كره  
 ايله عتبه عبدالحجيد خانى يه عرض و تقديم ايله ديگي لايحه - كه  
 كتابمزه درج اديله جكدرد - نظر عبرتله اوقونسون: على الاكثر  
 لطف ديدلرندن مركب اولان وكلاى زمان ، محي دولت  
 پايه سنده بر عرفان سياسى ايله بوتون آوروپاچه كسب امتياز  
 آتمش اولان ذات محترمي تهديدده، او مرتبه ايلري كيتمش لردى، كه  
 رشيد پاشا - صوكت تجربه طالع قيلمندن اولمق اوزره - بر كرده اها  
 اجتهادات پوليتيقيه سنى تذكيروا خطاردن كيندىنى آلاماقده برابر،  
 بعدما اختيار سكوتيه قرار ويرديگنى ومع مافيه ايسته نيليرسه ..  
 دشمنلرينك ثمره القاتى اولارق، بر منفاه كيده بيله جگنى ذات  
 شاهانه يه بيلدير مه ده مضطر قالمشدر .

عجبا فرانسه سفارتى، رشيد پاشانك پادشاه اولان بومراجعات  
 وشكاياتندن خبردار مى ايدى؟ ياخود وكلاى زمانه ، معروضات  
 واقعه يي وقتيله اوگره نرك سفارتى ايفاظ واغضاب اتمش لرمى ايدى؟  
 بوراسنى بر آز شبهلى كورويورم . چونكه بحق واقف اولمش  
 اولسه لردى ، تبرئه ذمت ايچون ، اونلرك - باخصوص - على

پاشانك ده أدله قاطعه يى حاوى جوابلر ويرمه لرى لازم كايردى .  
 بويله بر جواب وارايسه تيين حقيقت ايچون مدار عظيمى اولمق  
 طبعيدر . شيمديكى حالده ، فرانسه سفارتجه رشيد پاشا عليهنده  
 كورون سبب شكاييت ، لورد ايستراتفور دله بويوك ديپلوماتىك ،  
 تشبثات سياسيه ده كي درجه مناسبات وصميميتيدر . مملكتين  
 مسأله سى اورتايه چيقوب ده ، آوستريا دولتى بزمله همدم ظهور  
 ادينجه ، فرانسه نك تلاشى آرتق موجب تعجب اولماز . چونكه  
 فرانسه ، روسياني خلاف مأمول بر درجه ده اوقشاوردى .  
 پوليتيقي ، ناپوليون وارى ، آلت اوست اولمش ايدى . بابا ايستراتفور  
 ايسه .. دوسته ابدى دوست ، دشمنه ابدى دشمن ايدى !

رشيد پاشانك بوصدارتنده ، خاقان عبدالجيدده ديزباغى نشان  
 مشهورىنى مراسم مخصوصه ايله توديع آتمه سى اوزرينه .  
 ايستراتفورده ، فرانسه سفارتى بوتون بوتون شاشالامش ايدى .  
 فرانسه — روسيا مناسباتنك بوصفحه حيرت افزاسنى آكلامق  
 ايچون ، ينه فرانسه ديپلوماتلرىنى اشهاد ادهرز .

أثنائى محاربه ده سفارت باش ترجمانلغنده بولونمش وبعده  
 فرانسه يه عودتله انستيتوا اعضالغنه و آلسنه شرقيه مكيتى مدير لگنه  
 تعين اولونمش اولان شارل شفه ر ، ۲۰ ايلول ۱۸۵۶ تاريخيه  
 استانبول سفيرينه يازديغى بر مکتوبده ، بيان حيرت وتأسف  
 ادهرك دييور ، كه :

« سزه شوسطرلرى ألمانى محاربه سنه مصادف اولان يوم .  
 » معز زده يازييورم . بوايلاك محاربه مظفر يتنك كرك بزه ،  
 » كرك اووقت بزمله برابر اولمق ايسته ينلرد — كه اوزمان ، بونلر »

« پاك چوق ايديلر - بخش آتمش اولديغي نشوؤ سرورى »  
 « تعريف محالدر . حال بوكه شيمدى بنى آنديشناك آده جك »  
 « تعبيرلرله روسيادن بحث اديلدیگنی ایشیدوب طورویورم ! »  
 « روسيانك ، برزمان ایچون ، استانبولده حال توتفده قالا جغنی »  
 « امید آده بیلیردك . بوراده ( پارسده ) ایسه قطع ادیله جك »  
 « مراحل متباقیه یی چارچابوق آشوب كچمه سی ایچون ، روسیایه ، »  
 « بیکلرجه دست معاونت عرض اولونویور ! موسقو واده کی »  
 « تتوج مراسمی حکایه لری بوتون قفالری سرسام آتمشدر ! »  
 « رادیقال فرقه سی غز تلری بیله یوموشامشدر . موسقو واده کی »  
 « مراسمك بر عینى ده بوراده ، پارسده یایمق ایسته یه جکلر ، »  
 « دییه قورقویورم . [ قونستیتوسیونل ] بیله : انکلیزلری ، »  
 « حکومت ایمپراطوریه قارشى ، بدخواه دییه اتهام ادیور . »  
 « انکلیزلر ، پارس معاهده سنی موقع اجرا یه وضع آتدیرمك »  
 « ایچون درجه کافیه ده مقتدر اولدقلرینی ادعا ادیورلر . بونلر »  
 « فکرلرنده حقسز دگلدلرلر . نه ایسته دکلرینی بیلیورلر ؛ »  
 « لکن متقلری نه ایسته دکلرینی بیلمه یورلر . »

شارل شه فەر ، فرانسه نك شرق پولیتیکه سنده بیان رأى  
 ومطالعه ایچون پاك صلاحیتدار بر صاحب وقوف اولدیغندن ،  
 مملکتك آفكار سیاسیه سنده کوردیگی تبدل عظیم ناکهانی نی  
 هر کسدن زیاده تقدیر آتمش و بوکا هر کسدن زیاده اظهار تعجب  
 وحیرت آیه مشدر .

[ ۱۲۷۰ ] عنوانی بر محصول تبعده بوتون عنعناتی ،  
 بوتون تفرعاتیله شرح وایضاح ادیلن تبدل واقع ایچون بوراده



زمین کلام داها زیاده تفصیلاته متحمل اولمادیغندن، بحشمزی رشید پاشانک صدارته عودتی حقنده کی دیپلومات تلاشلرینه نقل ادهلم .  
اول بأول شارل شهفه ری دیکلمه یهلم :

« رشید پاشانک مقام صدارته عودتی احتمانی کمال آندیشه »  
« ایله تلقی ادهرم . ایلک آی ، سفارت ، کنندیسندن متشکی »  
« اولمایا جقدر . بالعکس رشید پاشا ، سفارته قارشی مساعدده »  
« کارانه حرکت ادهجک ؛ بعده برخصومت شدیدده ، آرزوی »  
« انتقام باشلایاجق ؛ بویوزدن بیك دورلو مشکلات چیقا جقدر . »  
« وکنندیزی جرم مشهود حالنده طوتولدجقه ، نفوذی پک »  
« مشکل اولان لورد ایستراتفور دك قالدانی سپر اتخاذ اده جکدر ؛ »  
« اوحالدهده ، ینه استانبول سفارتنده مصلحت گذار بیر اراقی »  
« اصولنه عودت لازم کله جکدر . زیرا بر بویوک ایلیچی ایچون »  
« موقع ، مساعد اولامایه جقدر . [ ویل - داوره ] ده کی »  
« عزت لکاحمده : ۱۶نجی ، ۱۷نجی ، ۱۸نجی عصر لرده ، اوجدی »  
« زمانلرده تورکیایه دائر نه لر یازیلش ایسه هپسنی تکرار »  
« تکرار اوقویورده . بز ، تورکیاده ، آنجاق تورکلرک منافعی »  
« صحابت آندیکمز زمانلر صاحب نفوذ اولایلمشز وبونلر ، »  
« اهالی خریستیانیه نك تمایله هر زماندن زیاده بز اولمشلردر . »  
« اون دور دنجی لوئی ، تورکیاده اصلا سوء معامله کورمه مشدر . »  
« ۱۸۰۷ تاریخندن سوکرا ایسه ، تورکلر ، منفعتلرینک »  
« کنندیلرینی سوق ایتدیگی طرفه کیتیمکدن چکینه مشلردر . »  
« بولا که ، ۱۸۰۷ مزی آشمش اولمایلم ! »

فرانسه سفیرینک تلاشی داها باشقه دورلور . بونی

آکلامق ایچون آریجه یازیلاچق بعض مباحث سیاسیہنی تدقیق لازمندر . لیکن بزم بوبیجده آرادییغمز شی، رشید پاشا ایلہ فرانسه دیپلوماسیسی آراسنده کی مجادلہ متبادیہ شخصیه دن عبارت اولدیغندن، رشید پاشانک آلتنجی صدارتده، ۲۸ تشرین اول ۱۸۵۷ تاریخیه خارجیہ ناظری قونت والہ فسکی یازیلان خصوصی بر مکتوبی ده کوزدن کچیرمک لازم کلیر :

« کچن جمعه ایرتہ سی کونی، آمین بگ (کاتب)، ترجمانلق »  
 « آتمک اوزره، رفاقتنده موسیو آنطوان طینغیر [۱] — که »  
 « عالیہ سنک سفارتده مناسبات قدیمه سی اولان برآرمنیدر۔ اولدیغی »  
 « حالدہ نزدیمه کلدی . فاتحه کلام، حرفیاً شودر : »

— « ذات شاهانه، حق گزده پک زیاده حسیات تقدیر »  
 « ومخاندت بسله مکده اولدیغی سزه تبلیغ ایچون، بی مأمور »  
 بویوریلر .

« بلا جواب سر فرو آتدم. آمین بگ سوزینه دوام ایلہ : »  
 — « ذات شاهانه، رشید پاشانک صدارتہ نصب وتعیینی »  
 « برکونا ماهیت پولیتیکیه نی حائر اولدیغی — بر آن ایچون »  
 « اولسون — فرض ایلہ مه گزدن مکدر اولورلر . »  
 جواباً دیدم، که :

— « ذات شاهانه، ایشنه کلن وکلای آلمق صلاحیتی »  
 « حائرلر . بوکا اصلاً اعتراض آددم . مع مافیه بوبابده »  
 « طرف شاهانه دن وقوع بولان معامله نک هر دورلو مطالعه »  
 « پولیتیکیه دن خارج اولدیغی قطعاً قبول ایلہ یه مم . »

[۱] پوسته مدیر لکنده بولونمش اولان یاور پاشادر . برادری بانکهر اوچانس آفندی طینغیر، رشید پاشانک آدمی ایدی .

آمین بگ شو مقابله ده بولوندى :

« — حال بوكه بنم مأموریتم، سزه بوبابده تأمینات قطعیه  
 « ویرمکدر. ذات شاهانه، رشیدپاشانك صدارته عودتی بوتون  
 « بوتون شخصی .. بوتون بوتون خصوصی .. یالگیز کندی  
 « نفس هایونلرینه عائد بعض اسبابه منی اولدیغدن آمین  
 « اوماگزی اکیداً رجا بویورویورلر. سزی منون اتمك ،  
 « سفارتك بوتون ایشلرینه براعتنای مخصوص ایله باقق و وکلای  
 « موجوده یی مقاملرنده محافظه ایله مك ایچون صدر اعظمه  
 « قطعياً اراده بویوردیلر. آکر ظاهرده پولیتیکه ایجاباتی وار  
 « کبی کورونویورسه ، بونك مقارن حقیقت اولمادیغنی بیان  
 « ادهرم . بناءً علیه ذات شاهانه آرزو بویورویورلر ، که  
 « کندیلرینك دوستلقلرینه رعایه کچمشى اونوتاسیگیز و سزگله  
 « کندی صدر اعظمی آره سنده برودت بولونماسین . بوبابده  
 « عرض توسط بویورویورلر . »

« — نزد مده ترجمانی اولدیغیز احتساستدن بك متشكرم  
 « و ذات شاهانه نك مخادنتلرینی نه درجه قیمتدار طوتدیغمی  
 « اثبات ایچون، کندی شخصم اعتباریله هر شیئی پامایه حاضرم .  
 « آنجاق حکومتیه قارشی ایفاسییه مکلف اولدیغ وظایف  
 « واردر . بناءً علیه هیچ بروقت طلبه جرأت ادهمه یه جگم  
 « بعض ایضاحاتی لطفاً عطایه، ذات شاهانه یی سوق ادن سبب  
 « نه اولورسه اولسون، مع التأسف سزه سویله مه یه مجبورم، که  
 « — بویوك اینچی صفتیله — ایضاحات واقعه دن بیان خوشنودی  
 « ادهم . امور و معاملات بشریه ده احوال ظاهریه — هیچ »

« اولمازسه — حقیقت قدر حائز اهمیت اولور . »

« — سزه یمین ادهرم : بوايشده کی اسباب ، صرف شخصی »

« اولوب ، بونلری سزه افاده ایچون ، بلکه آفندیمنز بکا اذن »

« ویره جکلردر . »

« — بن بوکا قانع اولورم و پادشاهک سوزینی مشتبیه فیه »

« عداتیم . لیکن اصل اقناع ادیسه سی لازم کان افکار عمومیهدر . »

« هنوز کیمسه اونو تمادی ، که رشید پاشا ، بوندن ایکی آی مقدمه ، »

« غایت اهمیتلی اسباب پولیتقیه دن دولانی انفصال آتمش ایدی . »

« بوکون کندیسنک ینه صدارته عودتی ، عین اسباب پولیتقیه دن »

« نشأت آتمه دیگنه کیمسه اینا نما یا جقدر . بویه چارچابوق »

« کندیسنی تکرار مقام صدارته کتیرمه دن ایسه ، کچنده عزلی »

« جهته کیمه مک اولی ایدی . بز رشید پاشانک شخصنه »

« عائد بر طلب و ادعاده بولونماش ایدک . ذات شاهانه ، »

« دوغرو دن دوغرویه رشید پاشانک صدارتن استعفا سنی »

« قبول آتدکن باشقه ، قسماً دکیشن قابینده محافضه قیمنده »

« بولوندیغی موقع دن بویه ، کندیسنی عزل آیه مشلردی . »

« — امین اولیگز ، تمامیه سزک ایسته دیگگز کی حرکت »

« آده جکلدر . کندیسنه اراده بویورولمشدر . »

« — بن بونی ، باشقه وقت ، بالذات فم پادشاهیدن ده »

« تلتی آتمشیدیم ؛ فقط ناصل انفاذ اولوندیغنی کورویورسیگز ! »

« ذات شاهانه نک کوسته ردکاری اعتماد . بکاده مقابله بالمثله جسارت »

« بخش اولویور : مساعده گزله خاطر مدده منقوش اولان »

« بعض شیلری خلاصه ادهیم : حکومتدن آدیغیم تعلیمات »

« شخصیاتہ متعلق مسائلہ قاریشما قلم ، یعنی ، وکلای عثمانیہ »  
 « کیملر اولور ایسه اولسون ، اولرله عین درجه برصمیمیت »  
 « مقابله دائرہ سندہ حرکت اُدھرک حقوق عالیہ حکمداری یہ »  
 « رعایت ایلہ مکملگم مرکز ندہ ایدی . استانبولہ موصلتمدہ ، »  
 « بو حقوق عالیہ ، ہرشی استیلا تمک ایستہین بر نفوذ اجنبی »  


---

 « دلالتیلہ ، ہمہ حال موقع اقتدارہ کچمک ایچون اوغراشان »  


---

 « رشید پاشا طرفدن خللدار اولمش ایدی . اوزمان ، بالذات »  
 « شوکت مآب بواحوالی بکا آکلات مشلر و ایچندن چیقاییلمک »  
 « ایچون ، کنڈیلرینہ یارڈیم اتمہ می رجا بویور مشلر ایدی . او »  
 « وقت ، ذات شاہانہ رشید پاشائی ، آپ آشکارہ بر صورتہ ، »  
 « بوتون غوائل سنیہ نك سبب و منشائی ، بلای حیاتی کبی »  
 « تلقی ادرلردی ! بناءً علیہ بو رجل دولت علیہندہ بر فکر »  
 « حاصل اتمش ایسہم .. بونی ذات شاہانہ دن آلمشم دیمکدر . »  
 « فقط بن بوبادہ اجتناب اُتدم . حتی اون آلتی آی صوگرا ، »  
 « رشید پاشا تکبر ار مقام صدارتہ کلدیگی زمان ، کنڈیسیلہ اویلہ »  
 « مناسباتہ بولوندم ، کہ — کیتدجہ اُہمیتی آرتان تبلیغاتہ بی »  
 « مجبور اتمہ سنہ رغماً — مجلس وکلانک بزملہ قطع مناسبات »  
 « قرارینی منتج اولان ۱۸ تموز اجتماعندہ : موقع اقتداردن »  
 « چکیلمہ مہ سنک سبی ، ہم کندی حقندہ کی حرکتمدہ شخصی »  
 « ہیچ برشی بولونما ماسی اولدیغنی سویلہ مشیدی . غائلہ بیتینجہ »  
 « ہرکس بوگا تقدیم — یاخود — بونی تعقیب اُدن احوالی »  
 « تقدیرہ صلاحیتدار ایدی . بن دہ بو حقمی ، ذات شاہانہ »  
 « طرفدن براجرات وقوعہ سببیت ویرمکسزین ، استعمال »

« آیه دم . فقط بر سبب مشروعدن بالاستفاده ، رشید پاشایی »  
 « مقامدن ابعاد آدن وَ بونی یاپمائی ده . . الجای احوالک صورت »  
 « موقته ده دوا منه مانع اولدیغی صفت رسمیه مله اُز سر نو سرای »  
 « همایونه عزیمتدن مقدم ، ملتزم طوتان بالذات شوکت مآب ایدی . »  
 « بو تفرعاتی بیلیمه یین خلقک ، رشید پاشانک بو کره صدارته »  
 « تکرار عودتنده پولیتیق بر مقصد تصور آتمه مه سی ناصل »  
 « ممکن اولابیلیر ؟ وَ ناصل ممکن اولابیلیر ، که حکومت ، »  
 « بوماده ایله نیم اولجه اشعاره مأذون ادیلدیگم احوالی تألیف »  
 « آیه یه بیلسین ؟ ذات شاهانه بکا اوقدر شیلر سویله دیگی »  
 « وَ کندیلرینک افکار و نیات صمیمیه لرنی بیلدیگم حالد »  
 « وَ اخیر آنامه وقوعبولان معروضات احترامکارانه دن صوگرا ، »  
 « ناصل ممکن اولابیلیر ، که بالذات بن ، نه دوشونوب نه یه »  
 « اینا متقلغم لازم کله جگنده ، دوچار بهت وحیرت اولماییم ؟ »

\* \*

آمین بگ ، سفیری اقناع ایله عودت امکانتی کورده میخه ،  
 طوبه ذیل طرفندن ، ذات شاهانه یه عرض اولونمق اوزرده ، یازیلان  
 بر مختصر دینی آمشدر . بو خطر ده بیان تشکراتدن صوگرا ، سفیر ،  
 بوکره وقوع بولان بیانات سنیه ناک اولجه موجود اولان افکاره  
 مبیانتی جهتیه کنده سنه باعث تردد اولارق ، مواعد اخیر دنک  
 فعلیاتنه انتظار مجبوریتنده قالدیغی درمیان آیه مشدر . خارجیه  
 ناظری ، سفیرک بواشعارات متغلبانه سنه سرای ایمر اطوریدن  
 ویردیگی جوابده : طبعی وَ مختصر بر مقدمه تصویبدن صوگرا ،  
 بالواسطه رشید پاشا طرفندن ایمر اطوره وَ خارجیه تأمینات دوستانه

ویریلدیگی جهته، بالذات و بلا واسطه رشید پاشا ایله ملاقات و مناسباتده بولونمائی - ایمپراطورک آمریله - اخطار آتمشدر. پارس سفیری جمیل بگت ، بویله فیرطینالر اولدوچه ، هم ایمپراطور هم خارجییه ناظری طرفندن صارصیلیر ایدی . رشید پاشا مرحوم ایسه ، ترتیبات دشمنانه دن تحصیل آده جاك هر دورلو احوالی و قتیلله کشف و تخمینده غافل اولمادیغندن ، سفر پاشائی در حال پارسه کونده رمش و استانبولده دوندیریله سی محقق اولان آنتریقهلری آپ آنسزین نتیجه سز بیراقیور مشدر . خارجییه ناظرینك بالواسطه دییه رك نامنی تصریح آتمه دیگی ذات . بوسفر پاشا ایدی ، که خدمت واقعه سنه مکافات عودتنده قریقلک رتبه سنه نائل اولمشدر . حتی سرعسکر رضا پاشا بوکا مخالف بولوندیغندن ، رشید پاشانك تشبثات مکر رده سی نتیجه سنه ، تلطفی ممکن اولابیلمشدر .

تصادفات عجیبه دن اولمق اوزره ، خبر ویردم ، که ۱۸۵۷ کانون اوانده اوچنچی ناپولیون تکرار لوندرایه کیتمش ؛ اوسبورن سراینه مسافر اولارق ، لورد پالمه رستونی اقناع آتمش .. لورد ایستراتفورده دوره دقلیف در سعادتن انفصال آیله مشدر .

آرهدن هنوز بر آی کچمه دن ، ۷ کانون ثانی ۱۸۵۷ [ ۱۲۷۴ سنه هجریه سی ] تاریخنده ده ، بویوک رشید پاشا آجل موعودیه ارتحال داربقا آیله مشدر . بونك اوزرینه . دیپلوماسی عالمنده رشید پاشا نامنه ایکیده برظهور آدن تلاش و اندیشه لر .. باشقه ماهیتلر آلمش ، باشقه رنگلره کیرمشدر .





دیپلوماسیده بویوک بر انصافسزلق واردر ، که اوده  
شخصیاتده پک ایلری کیدیلهسی مادهسیدر . رشید پاشا  
مرحومک بوتون حیات خصوصیهسی بیله ، فرانسر دیپلوما -  
تترینک شدتلی تقیدات وتعقیباتندن قورتولامامشدر .

بز بو مسألهدن بویوک بر نمونه حکمت آلمق - داهای  
دوغروسى - پک بویوک بر درس عبرت چیقارمق ایسته رز ، که:  
بوده ، بر دیپلومات ایچون بحق دیپلومات اولمق پک مشکل اولدیغی  
اعتراقدن عبارت قالیر . مع مافیة زمان کچدکجه ، بر دیپلوماتده ،  
بوتون آوروپاچه آرانیلان اوصاف و مزیات فوق العاده  
کسب اهمیت آتمش .. حیات خصوصیه ، حیات عائله بوتون  
بوتون نظراعتبار واعتایه آلمشدر . ایشته ، بوکون کورولویور ، که  
دیپلوماسی عالمنده یاشایانلرک موقعلری ، اهمیتلری ... آنجاق موقع  
اجتماعیلری و حیات عائلهلری درجه لرنده اولاییلیر .

رشید پاشا حقنده کی سفارت معلوماتنک اصل و اساسی  
تماماً بیله مزسه کده . داهی سیاستیمزک خصم عادیلری هر دورلو  
مفتریاتدن چکینمه دکترینه نظراً ، معلومات منتشره دی مصنوعات  
غرض کارانه و کستاخانهدن عدایله رز .





## نیش آیالتی

يك مهم خاطرہ لرخی یازمق امیدندہ بولوندیغم بر ذات محترمك  
 هر ملاقاتندہ موضوع بحث ومقال ، صرف تاریخمزنك صحایف  
 ماضیہ سنہ عاٹ و منحصر اولدیغندن ، بالمناسبہ کچندہ ایشیتدیگم بعض  
 فقراتی ده شورایه نقل وقید آده رك ، آفت نسیاندن قور تارمق ایسته ده :  
 مدحت أفندی [پاشا مرحوم] مجلس والا باش کاتبی ایدی .  
 قبریسللی صدر اعظم اولدی . باب عالی آرکانی ، من القدییم چکمه مزلك  
 سیئہ سنہ مغلوب ؛ مدحت أفندی ایسه صیراسی دوشدکجه دیلنك  
 دوندیگی قدر آچیق ، عقلنك اردیگی مرتبه ده سربست و بلا تردد  
 سوزینی اسیرکه مز اولدیغندن و او اثناده صیر بییا جهتلرنده چته  
 اصولی ایلرله مش بولوندیغندن ، قبریسللی ، مدحت أفندی بی  
 رتبہ وزارتله ، یگی تشکیل آدیلمن نیش آیالتی والیلمکنه آشیرمش ،  
 یاخود ، قاییریویر مشدر .

مدحت أفندی ، مجلس باش کتاتبندہ ایکن - خسته لگی جهتیله -  
 برای تداوی آوروپایه کیمش ؛ آیلرجه پارسده قالمش و اُنک  
 قولای اصولده فرانسزجه بی توسیع و اکمال ایله برابر تدقیقات  
 وتبعاتدن خالی قلمامش ایدی .

نیشه مأموریتندہ ، باب عالیدن ابعاد آدیلدیگنی دوشونمك .

دگل. «خصمك ستمك آكلاماق خصمه ستمدر!» قاعدۀ حكمتی  
خاطرینه كتیرمك بیله ایسته مه مش .. فكر و املنی ولایتك  
تشکیلله برابر، برطرفدن بوتون ملحقاتی مرکزہ ربط آده جك  
و محصولات مملکتك بازارلره ایصالنی تأمینہ کافی اولاجق شوسه لر  
انشایله اهالی نی احیایه، برطرفدن ده حیات و سعادت مملکتی  
تشکیل آیلہ یں امنیت و آسایشی تحصیل اینچون قوۀ عسکریه ایله  
تعقیب اشیایه باشلامش ایدی. لکن باب عالی پوایتیه سنه اعتمادی پك  
ضعیف. داهادوغروسی. آك خفیف تعیری «موفقیت سزلك» اولمق  
اوزرد، برضریه اوغراماق پك محتمل ایدی. بوكا قارشى ایسه، كندی  
عزم و اقتدارندن باشقه یار و یاوری یوق ایدی. برمدت  
اوغراشدی. تأمین سكون ممكن اولامادی. قوۀ منتظمه  
عسکریه ایله حیدود چته لری تعقیبك تطبیقاتنده كوردیگی  
مشكل و محذورلر مرتبہ بده وجود ایله تضاهر آدیجیه. باب عالی یه  
مراجعه مجبور اولدی. ژاندارما تشکیله مأذونیت آلدی.  
مفرزلر ترتیب آیلہ دی. چته لر حدود خاقانی نی كچرك تجاوزاته  
باشلادیمی؟ مفرزلر شدتله هجوملر آندی. حیاً و میتاً برچوق  
شقیلر اورتادن قاتلیدی. اهالی، ایشه كوجه قویولدی. اعمار مملکت  
تشبثلری شمرده لر اولدی.

\*\*\*

نیش تشکیلاتنده والی یتیش بش بیك، متصرفلر اون بش  
بیك، قائم مقاملر یدی بیك بش یوز؛ برژاندارما نفرلری بش یوز  
غروش معاش آیلرلردی!

\*\*\*

دیپلوماتلر، اَشقییا چتهلرینک تارمارادیلمه سندن ، سکون و آسایشک اعاده سندن ، اَهالی مُلککتک سعادت حیاته نائلیتدن منون ومتشکر اولمق لازم کلیر کن شکایتلره قالدیشدیلر . علی الاصول باب عالی یی صیقیشدیردیلر . چته اَفرادینی ، برزمرء معصومین ومظلومین توصیفنده ، مدافعه سنده بولوندیلر . حال بوکه حدود خاقانیه کچمش ، مُلککتمزده تجاوز حالنده یاقالانمش چتهلری کوکدن اینمش ملک — یاخود — استفسار خاطریمزه شتابان اولمش دوست صایاجق قدر صاف درونلق ممکنمی ایدی؟ قوجا دیپلوماسی مطبوعاتله مرثیه لر بیله ترتیب آیه دی . برمعتاد : حیدودلر مظلوم ، ینه تورکلر ظالم اولدی ...!



### وفادارلق :

ابراهیم شکری پاشانک [\*] بر خاطرده سی :  
بن صدارت مکتوبی قلمنده ملازم ایدم . بویوک برادرم حمدی بگ عدلیه ده قلم میزلرندن ایدی . مدحت پاشا مرحوم ، عدلیه نظارتنده بولوندیغی اُشاده برادرک اقتدارینی تقدیر اتمش ایدی . شورای دولت ریاستنه کینجه اونیده معیتنه آلدی . بر آرزو کرا ، بنی ده بش یوز غروش معاشله دائره یه آلدیلردی .  
مرحوم حمدی بگ ، پاشانک تقدیر وامن واعتمادینی قازاندیغی کبی جداً محب ومتقداری اولدیغندن ، فکر وقلبی اقبال پرستلک دگل .. وفادارلق وصمیمیتله مشحون ایدی .  
وقنا که مدحت پاشا ، وجوده کتیردیگی قانون اُساسینک

---

[\*] سوریه والی اُسبق

ایلاک هدف تعرضی اولارق ، ممالک عثمانیه دن اخراج معامله سنه  
اوغرادى . در حال برصنداله یینوب کندیسنه عرض وداع ادن  
یارصادق ، حمدی بگ مرحوم اولدی . حمدی بگ ، بووظیفه  
انسانیتی ایفا اتمکله مسعود . . لکن اطرافنده انظار دشمن موجود  
ایدی . آرهدن برقچ کون کچدی . تعقیبات وازعاجاتی حس ادن  
حمدی بگ ، مأذوناً بر آرهلر بروسه یه کیده رک قور تولق ایسته دی .  
چوق کچمه دن .. مأذونیتی بیتسه دن اقامته مأمور ادیلیویردی .  
بوراده کندیسنه یتیشن بردست امداد [۱] ینه دولت ایشنده  
استخدامنه دلالت اتمیه ایدی . حکم فساد زمان کیم بیلیر ؟  
کندیسنی ناصل محو وپریشان ایلویه جک ایدی !

مدحت پاشا مرحوم ، برادرک نفی وابعاد ادیلدیگندن خبردار  
اولدی . برزمانلر منتظماً معاونت تقدیه ده بولوندى . مفروشات  
فابریقه سی صاحبی متوفی نارلیان افندی نث ، اوزمان ، استانبولده بر  
دکانی واردی . کندیسى فرانسه دولتی تبعه سندن ایدی . پاشا مرحوم ،  
پارهنی او کا کونده ریردی . بنده اوندن آلیر ، برادره کونده -  
ریردم . ته ئودور قاصاپده پاشانک لطف دیده سی ایدی . بونک  
پارهنی ده نارلیان بن آلیر ، اقرباسندن بری معرفتیه ، اوصیراده  
محبوس بولونان ته ئودور قاصاپه کونده ریردم .

پیش

زمین کلام مساعد اولدقجه مدحت پاشان بخت اتمه مک  
ممکنمیدر ؟ خاطرات خصوصیه رجالده نه بویوک حقیقتلر  
محفوظ ! ینه حافظه عرفانه مراجعت ایلهدم :

[۱] مجلس اعیان رئیس محترمی سعید پاشا حضرتلریدر .

ابراهيم شكري پاشانك خبر ويرديگي مائر وفاداري شايان  
حيرت دگلمى ؟

مدحت پاشاده ثروت ونقد مفتود.. آوروپاده بر ملتجى  
سياسى دن باشقه برشى دگل .

بالذات مرحومدن ايشيديلش : آوروپاده بولونديغى مدتجه  
هيچ ضرورت چكمه مش ؛ من طرف الله كنديسنه ، دائما پاره  
كليرمش . لكن هم خوش . هم غريب . اوتلده ضرور  
ظوروركن آرا حيرت پوسته دن مكتوبلر نه برابر كنديسنه بر  
مظروف كتيريليرمش . برده خرفلرى آچاركن بيك - ياخود -  
بش يوز ليرالق بانقنوط خهور آديويريرمش . مكتوب يوق .  
آدرس يوق . عجب ، بو طرز معاونتك سبب وحكمتى نه ؟

مدحت پاشا ، صاحب حيت بر مرد عثمانلى ايدى . برأجنيدن  
پاره قبول اتمك - سياسى بر آدم ايچون - فكلر ومسلكنى  
صاتمق ديمك اولور ايدى . عزت نفسنه كران كن بويله  
بر شائبه ، مرحوم دوشرمى ايدى ؟ ايشته پاشا مرحومك  
بو حالنى بيلن ، كنديسنى پك زياده تقدير آدن دوستلرى اويله  
بر طرز غائبانه ايله ، عرض دست اخلاص وامداد ايله لرلرمش .

يازيم عصره قريپ ، پرهنس دوغال اولان متوفى قرال اوچنجى  
آدوار ، مالكانه لرنده خصوصى شومن دوفر صاحبي اولان  
دوق دو [ سوتهرلاند ] مدحت پاشانك اعز احباسندن ايدى .  
باشليجه معاونتك ، بو ذوات محترمه طرفندن وقوع بولديغى اقواى  
احتمالاتدنر . بويون بر ملتجى سياسينك عزت نفسنه ، علو  
جسابنه - ان فلاكتنى زمانلرنده بيله - بو درجه لرنده حرمت

اوپنجی آدوار کجی بویوک ، نادرالوجود بر انگلیزک لازمہ جالات فطریہ سیدر .

مدحت پاشا ، یاروفاداری - یاخود - شانلی حامیسی دیمک اولان بویوک آدوارک احضاردن خالی قالمادیغی اسباب ووسائل سایہ سنده ، بالدفعات قرالیچه ویقتوریا ایله دخی (هایدپازق) ده شرف ملاقاته نائل اولمش ایدی . دون دوسوتہرلاند ایسه ، مجمع اعظم وکبار اولان اقامتکاهنده مدحت پاشایہ دائرہ مخصوصہ آیرمش ایدی . مرحوم ، ہفتہ لرجہ فدا کار دوستک خانہ سنده مسافر قالیر ، رجال سیاسیون ایله ملاقاتلر دہ بولونور ایدی . مناسبات دولیہ نی محافظہ محافل رسمیدہ جای قبول بولمایان مدحت پاشا ، انگلیز ملتک آغوش تکریم واحتشامندہ .. انگلیز وجدانک موقع عالی احترامندہ زوال ناپذیر بریر طومش ایدی . او درجہ دہ ، کہ از میردہ کنیدیسی فلاکتدن قورتار مق ایچون بیله ، وقت وزمانندہ ارشاد و اخطار وقوع بولمش ؛ صد ہزار حیف .. واسفا کہ مرحوم مشارالیه کنیدیسنہ اوزادیلان یدہمت و اخلاصی ، باشقہ برفکر واعتقاد ایله ، پک عالی جنابانہ رد آدہرک ، حکم لایتغیر قدر ، یرینہ کلشدر .

طرابلس شام تراموای مہندسی انگلیز اوستہن ، سوریدہ مرحوم پاشایہ انتسابی دولایسیلہ . پرنس دوغال دوق دوسوتہرلاند تزدندہ دخی معروف اولمش ایدی . وقتا کہ استانبولده خاقان جنت مکان عبدالعزیز خانکث وقعہ تحیحہ اتخاری . برجایت حالہ ، افراغ اولوتیق ایچون ، ترتیبات وتشبثاتہ باشلانیدی . انگلترہ حکومتی در حال ایشدن خیر اولدیغدن ، برسرعت فوق العادہ



ایله از میره خصوصی برکمی کونده ریلدی . مهندس اوستهن ، پاشا مرحومه تبلیغات اجراسنه مأمور اولدی . کیتدی . پاشا ایله کوروشدی . ایشی آتلاتدی . تشبثک وخامت ودهشتی سویلهدی وانکلیر کمینسک ، لیان خارچنده . ایستیم اوزرنده . آمرینه آماده اولدیغنی بیلدیردی .

مدحت پاشا ، موقعنک وخامتی آرتق بیلیر دکل ایدی . شدتلی تعقیب وترصد آلتنده بولوندیغنی آکلامش ایدی . اوستهن بونی ایشیدیر ایشیتمز : « بونک چاره سی قولایدر . استیمبو طایله دوره چیقارسیکیز . کمی یی کورونجه هان یاناشیر ، کویا تقیش آتمک ایچون کیره رسیکیز . آلت طرفنه سزقاریشما . ییکیز . بزم بیله جگمز شیدر ! » دیدی . حتی عائله سنسندن آیریلمایه جنی ده دوشونولدیگنی وایسته رسه بوتون عائله سنی ده آلابیله جگنی - داها دوغروسی - خلاصه تعلیماتی تکرار ایدی . ایشته مدحت پاشا ، بوفدا کارانه .. مخلصانه تکلیف لری تماماً دیکله دکن صوگرا ، جواب رد ویردی .

مدحت پاشانک فکر واعتقادی پک شایان دقت ایدی : اول امرده پاشا ، جنت مکانک اتحاری کونش قدر ثابت و آشکار بر حقیقت محضه اولماسنی دوشونه رک ، بوباده وجدانی قطعاً آمین ومستریح اولدینی کی .. جنایتی کندیسنه تحمیل وافترا ایچون وقوع بولدیغنی خبر ویریلن تشبثاتک ماهیتی نه اولور ایسه اولسون ، کندی علیهنده بر نتیجه یه اصلاً و قطعاً امکان تصور ایله مه دیگندن ، اسنادلرینی قبوله دلالت اده بیله جک رأی فراره موافقت کوسته رده مه مک ضروری ایدی . قالدی ، کی ملتجی

سیاسی صفیہ، اولجہ انکلتزہ و فرانسیہ و ماجارستاندہ مظہر اولمش  
اولدینی آثار صمیمیت و محبتدن متولد اغترار، استانبول  
انتریکہ لرینک کندی حقندہ انتاج فلاکتہ منجر اولاجغنه بر  
دورلو احتمال ویردیرمه یور ایدی . فرانسیزجہ کاتبی اولان  
آنطوان قلیچہن، بوذہابی تأیید و ترویج اُدہ جک خاطرہ لرلہ ،  
آچیق سویلہ یہ لم : کوتہ بینانہ و پک بی خبرانہ تشجیع لرلہ ، ناصلسہ  
پاشانی حکم زمانہ مغایر بروادی ظن و تخمینہ سوق ایلہ مش  
ایدی . مرحوم ایسہ، رأی و فکرندہ ثابت قدم بر ذات اولدیغندن،  
[ اوستہن ] کُ مصرانہ سوز لرینہ، مقنعانہ اصرار لرینہ قارشی :  
— « ممکن دگل کیدہ مم . چونکہ اختیار فرار اُتدیگم کبی، »  
« اسنادی مرتب و متصور اولان عظیم برجیاتی کندی اوزریمہ »  
« آئمش اولاجغمدر . بن ایسہ، بومسألہ دہ او قدر مستریخ القلم، کہ »  
« نہ یاپارلرسہ یاپسینلر ، بِنم قیلہ بیلہ دو قونامازلر . واقعا »  
« آوروپادہ کی موقع خصوصی شخصیمی بیایرم . فقط اورا »  
« محافل کبارندہ قازانمش اولدیغ موقع محبت و احترام، ملتجی »  
« سیاسی صفتی حائز بولوندیغ بر زمانہ مخصوص ایدی . ولوسلم کہ »  
« شیمدی دہ عین معاملہ صمیمیہ نی کورہیم . بن بویلہ برجایتلہ »  
« لکدار اولارق او محافل محترمہ یہ کیرہم ؛ او مخاندت پرور . »  
« انسانیت کستر ذوات کراملہ کوروشہ مم . آوروپادہ کی »  
« روابط و مناسباتمہ اغتراراً ایسہ، وقوع بولاجق محاکمہ نث »  
« دول اجنبیہ قونترولی آلتندہ ، بر طرز معدلتکارانہ دہ، جریان »  
« ایلہ یہ جگنہ معتمد م . »

جواب قطعیسندہ دوام و اصرار آئمش و صدر اعظم لغندہ

بولونمىش اولدىغى ھىأت حكومتك مزاج و ماھىتى ادراك و تقديرده  
صوك مرتبهده و قوفىزلق و غفلت كوسته رمىشدر .  
الٲنايه ، انكليز ، پاشاي اقناعدن قطع اميدايه كرى دونمىش ؛  
پاشا مرحومده ، عاقبت ، سرانجام فلاكتته ايرىشمىشدر .



شوخصوصى سرگذشت فجيعةده ، عثمانلى تاريخنك نظر تدقيق  
و تقديره آلاجنى ايكي مهم نقطه واردر : برنجيسى ، او بويوك  
انكليز قبالينك - قانون اساسى عثمانى مؤسسنة قارشى - صور  
عديده ايله ابرازندن خالى قالمادىغى مائر جليله علويتدر . بونى  
تقدير و تحيل همزك بورجىزدر . چونكه - زمين و استعداد زمان  
اقتصادسنجه ، بزده اوتوزبش سنه مقدم مشروطيتك تأسسنة امكان  
بولونوب بولونمادىغى مسألهسى ، نه درجه و نه كى تدقيقات و محاكاته  
معروض اولورسه اولسون - او بويوك انكليزك . مؤسس محترم  
مشروطيتمزه كوسته رد يكي مخالفت و فداكارى عثمانلى ملت  
ودولتلك تعالى شان و جلالته نه قدر محب و فادار اولمىش اولدىغى  
اثبات ايچون اك بويوك برهان .. اك جلى دليل دكيدر ؟  
ديپلوماتلريمز ، بوعظيم حقيقتى پيش نظر اتباھده بولو -  
ندورماليدرلر !

ايكنجى نقطه : مدحت پاشانك ماجارستانده نائل اولدىغى  
تحيل و محبتدر . ماجارلر ، او عاشق حریت و فداكار ملتلك  
عثمانلى مجبرى .. عثمانليلك جدا پرستشكار عوجنانى اولدقلىرندن  
و توركيانك سعادت و مشروطيتى ماجارستان منافع وطنيه سنه  
يك موافق كورولديگندن ، ۱۲۹۳ محاربه زائله سنده - هنوز

[ پلونه ] فلاکتی وقوعه کله دن - عثمانی دولته کنديلرنجه آتيا مفيد اولاييله جك بويوك بر خدمت ايفاسنی آرزو آتمشله .. او آره لوق فرانسه ده بولونان ملتجي سياسي مزي جلب ودعوت آيله مشلدره . [ پلونه ] هزيمتدن مقدم عثمانی عسکرينك دهشت وجلادتی ، پریشان و امیدسز بر حالده بولونان روس هیأت حكومتی و عسکرینی پك دوشوندير مكده اولديغدن ، همان عقد صلح ایچون وقوع بولاجق بر تكلیف كمال مسارعتله قبول اديليوي ره جك ایدی .

ماجارلر بونی و قتیله خبر آلمشله و شاید صلح منعقد اولمايوب ده حرب دوام ادرسه .. روملرك ، دخی روسلره امدادده شتابان اولايه جقلىرنی كشف و تخمین آيله مشلر ایدی . رومانیانك شكل حاضرینه كيرمه سی ايسه ، آوستريا دولتك و بالخاصه ماجارلرك منافعنه مخالف ایدی . پاشا مرحوم ، پارسدن ويانه يه كیده رك دوستلويه كوروشدی . كندیسنه حقایق مبحوثنی سرايه بیلدیرمه سی تكلیف و بیان اولوندی . مدحت پاشا : بر ملتجینك - ولوكه صادق ابدیسی بولونديغی - حكومت متبوعه سنه ، اویله مهم بر مسأله عظمی ایچون عرض معلومات و مطالعاته هیچ بر صفت و صلاحیتی اولمادیغنی تفصیل و اعتراف ايله برابر ، سه و كیلی وطنی تهلكه محققدن قورتاراجق بر تدبیری خبر آلمش ایكن بیلدیرمه مك . پك بويوك بر جنایت اولاجغنی تقدیرده ده قصور آتمه دی .

لكن ایش پك مستعجل ایدی . كندیسنده اسه ، هیچ بر واسطه مخبره یوق ایدی . ويانه سفیر كیری آله قو پاشا - دولته بويوك بر خدمت و صداقت ابرازی امل و قصدیه - حكومتك شیفرده سنی ملتجي سياسي مزه تسلیمده قطعا تردد كوسته رمه دی . مدحت

پاشا همان وظیفه وطنیه سنی ایفا آتدی . فقط بونک یا اگیز تأثیری .  
 کورولمه دی دگل ! مسموع بیله اولمادی . مدحت پاشا کی بر  
 مطرود دولته سفارتک شیفره مفتاحنی تودیعی صورتیله ابراز  
 فداکاری اُدن بویوک ایلیچیمز ایسه ، مقهوراً و مغدوراً ایشدن  
 چکیلمک و برداها ، استانبوله کله مه مک اوزره ، خدمت و حمیتک  
 غریب مکافاتنی کوردی !

\*  
 \* \*

حمدی بگ ، پاشا مرحومک صدارت مهردار اغنده ده .  
 بولونمش ایدی .

ته ئودور قاصاپ ایسه ، او وقت مشهور ( قاره کوز )  
 غزته سنی نشر ادیور ایدی .

سبب توقیفی : [ مطبوعات ، قانون دارنده ، سربستدر . ]  
 ماده معلومه سنی ، زنجیر لر آلتنده طوران بر قاره کوز رسمیه بحق  
 تصویر و تشهیر آتمه سی اولمش ایدی .





پرنس دوپسمارک ملاحظه و خاطرہ لرنڈن :

قارہ دکنز مسالہ سی و آلمانیاںک ۱۸۷۰ روسیا پولیتیکہ سی

پارس محاصرہ سی پک زیادہ امتداد آندیکی جہتلہ، دول معظمہ  
جانبندن برمداخلہ وقوع بولماسین دیہہ، آندیشناک ایدم .  
روسیادہ ، ایمراطور! ایکنجی آلہ کساندرک احتساست  
ذاتیہ سی، یعنی کرک دایسی اولان روسیا قرالی حقندہ کی تمایلات  
دوستانہ سی .. کرک فرانسه علیہندہ کی حسیاتی بزم ایچون  
تأمینات کافیہ دیمک ایدی . واقعاً بوتأمینات ، فرانسه دوستی  
اولان پرنس غورچاقوفک غرورندن و شخصاً بکا حسدندن  
دولایی دوچار ضعف اولابیلیر ایدی . بناءً علیہ بن ، قارہ  
دکنز ایشندہ احوالک، بزم ، روسیایہ خوش کورونہ جگمز بر  
صورندہ ظہورینی ، لطف طالع عدایلہ دم . روسیا خاندان  
حکمداریسی ، هانوورا عائلہ قرالہسنک سقوطندن - قرالیچہ  
ماریا دولایسیلہ - حسب القرابہ مغبر اولمش ایکن .. بواغبرار،  
۱۸۶۶ دە، ینہ روسیا خاندانہ منسوب دوق دولدہ نیورغہ وقوع  
بولان مساعدات ارضیہ و مالیہ ایلہ تعدیل وتسکین اولونمش  
ایدی . بوقیلدن اولارق ، ۱۸۷۰ تاریخندہ دە، یالکیز خاندان  
حکمداری یہ دگل ، روسیا دولتہ دخی بر خدمت عرضی ایچون  
امکان ظہور آیلہ دی . ایش ، روسیا دولتک قارہ دکنز دە کندینہ

عائد سواحلجہ سربستی حرکت و تصرفہ مانع اولان و طول مدت ادامہ سی ممکن اولمایان منطقسز احکام معاہدہ مادہ سی ایدی . پارس معاہدہ صلاحیہ سنک اُک مناسبتسز شرائطی بونده موجود ایدی . یوز میلیون نفوسی اولان برملتی ، کندی سواحلندہ کی حقوق طبیعیہ حکمداریسی استعمالدن الی الابد منع اتمک ممکن اولماز . روسیا طور اغندہ دول اجنبیہ ویریش اولان مساعدات کی آثار تحکم ، بویوک برملت ایچون ، غیر قابل تحمل برحقارت ایدی . ایشته بومادہ ، روسیا ایہ مناسبات حسنه مزی محافظہ ایچون بزه بروسیلہ ایدی .

پرنس غورچاقوف ، بویولده رأینی آلمق ایچون وقوع بولان ایلک تشبثاتمه ، آنجاق نفرت واکراہ ایلہ جواب ویردی . شخصی بدخواہلغی ، (روس) لغنه پک غالب ایدی . بزم ابراز اخلاص اُتدیگمزی ایستہ مہیور ، آلمانیایی روسیا علیہنہ سوق ادوب فرانسه نک متدارلغی تحت تأمینہ آلمق ایستہ یور ایدی . تکلیفمزک ، پتربورغده برماہیت و تأثیری اولابیلمک ایچون ، اولوقت پروسیا دولتی نزدندہ مأمور بولونان روس مرخص عسکریسی قونت (قوتوزوف) کُ معاونت کاملہ خیرخواہانہ سنہ احتیاج مس ایلہ دی . بینمزده تقریباً اوتوز سنہ دوام اُدن مناسباتدن صوگرا ، پرنس غورچاقوفک بکا قارشی ، شخصی قیصقانجیلغی ، کندیسنجہ روسیا منافعدن زیادہ حائز اہمیت اولمش اولدیغی فرض اُدرسم ، پکده حقسزلق آتمش اولمایاجعمدر . غروری ، بکا حسدی .. وطن پرور لگندن داہا زیادہ ایدی . ۱۸۷۶ مایسنده ، برلینده بولوندیغی صیرادہ ، بالمناصبہ نزدمد



ایکن تلفظ اُتدیگی بعض سوزلر، غورچاقوفک علت غرورینی  
 پک کوزل تصویر وارانہ ایلہر. یورغونلغندن وچکیلیمک نیتند  
 اولدیغندن بحث ادرکن دییور ایدی، که : « لکن آوروپاده اُل  
 اوفق برشیته ریاست اُتمه دجه .. سماواتده، سن پی یه رک حضورینه  
 چیقمام ». بونک اوزرینه، بن دده، او اُئاده صرف نیم رسمی  
 اولارق طوپلامش بولونان « قونفرانس دیپلوماتیق » ریاستی  
 درعهده اُتمه سنی رجا ایلهدم . قبول اُتدی . اوزون نطق  
 افتتاحیسنی دیگله مکله غائب اولان زمان اُئاده قورشون قلمیله  
 شو کله لری یازدم :

Pompons, pompo, pomp pom, po

یائمه بولونان نورد [اودوروسهل] بوکاغدی قایدی و صاقلادی.  
 ایشته بومنا سبتله تلفظ اُتدیگی برسوز دها: « بن چکیلیر سه م  
 (حیات سیاسیهدن) . قیلی بیتمش برلامبا کی سونمک ایسته مم .  
 کوکب آسا غروب اُتمک ایسته رم » .

شوفکر لرینه باقیلندجه، ۱۸۷۸ دده، برلین قونغر دسندده بالا آخره  
 اویندیغی رولت کندیسنه کافی کله مش اولماسی شایان استغراب  
 دگلدر. چار، قونغردیه اونی دگل . قونت شووالوفی باشایجه مرخص  
 تعیین اُتمش ایدی . بناء علیه غورچاقوف دگل، یالاکیز شووالوف  
 روسیانامه حق رأیی حائز ایدی. غورچاقوف، برلین قونغردسی  
 اعضاسی عنوانی، امپراطوردن، نو عما زورله قوپارمش ایدی .  
 بوگادده ، روسیاده ، عمری مواقع مهمه حکومتده کچن رجال  
 حقندده، من القدیم جاری اولان معامله نوازشکاری ثمره سی  
 اولمق اوزرد، اکتساب موفقتیت ایلهمش ایدی. حتی (موسقووا

غزته سی) طرفندن تعقیب اولونان عین مقاصده خدمت و تبعیتله روسیاده قازانمش بولوندیغی توجه عمومییه ، قونغروده ، حکومت متبوعه سنک کوسته ره بیله جگی مساعداتدن منبعث سوؤ تأثیرات ایله ممکن اولدیغی قدر خلل کله مه می ایچون، اجتماعلرک یالغز صوکلرنده کورونور .. بر راحتسزک بهانه سیله اکثریا بونونمازایدی. مع مافیه [اونته ر ددن ایندین] جاده سنده بولونان دأر دسنک پنجره سی اوکنده کمال صحت وعافیتده کورونمکده ده قصور آتمزایدی . مقصدی ایلریده ، روسیا ملته قارشى — حکومتجه وقوع بولان مساعداتده — کنديسنک بی کنده اولدیغی ادعا آده بيلمک امکانتی محافظه ایدی، که بو ، مملکتک منافعنه رغماً اختیار ايله دیگی بر خود بینانه مناسبتسزک دیمک ایدی.

قالدی ، که اوتهدن بری تورکیا — روسیا معاهده سی ، قونغرودن صوکلرا دخی ، روسیانک تورکیا ايله محاربه نتیجه سنده عقد آتمش اولدیغی معاهده لرک اؤ موافقی دگلکسه بیله ، ینه روسیایه اؤ موافق دوشلردن بری اولمق اوزره قالمشدر . آسیای صغرادن آلتان باطوم ، قارص و آخ ... روسیا ایچون دوغرودن دوغرویه فتوحاتدن معدوددر . لکن روسیا ، غره ق مذهبنده بولونان بالقان حکومتلری تورکیا اداره سنندن قورتارمايی، حقیقه کندی منافی اقتضاسندن عد آتمش ایسه ، بواسطه خلاصک بر نتیجه سی ده غره ق خریستیان عنصرینک ، فوق العاده ترقیسی و تورکیا اداره سنک اونسبتده فوق العاده تدنسی اولمشدر . ایغنایه ف طرفندن آیاسته فانوسده یاپیلان شرائط ابتدایه صلحیه ايله قونغره نتیجه مقرراتی آره سنده ،

پولیتیکی فرق، اہمیتسزایدی. بونک دلیلی دے جنوبی بولغارستانک شمالی بولغارستانہ برلشمک اوزہ تورکیہ اادن آیریلماسندہ کورولن سہولتدر. مع مافیہ بو حادثہ حصولہ کلمہ مش اولسہیدی؛ ینہ بعد الحار بہ. قونغرہ مقرر اتیلہ روسیایہ ترک اولونان کافہ قوتو حاکم الحوالا بد مهم شیلر قالماسی طبیعی ایدی .

روسیا، بولغارستانی ایمپراطور ایکنجی آلہ کساندرک زوجہ سنک یگنی اولان پرنس دو « باتہ نبرغ » د ویرمکله، اوقدرده آمین اللرد تودیع آتمش اولمایور ایدی. لکن بو، برلین قونغرہ سندہ کشف و تخمین ممکن اولمایان برشی ایدی. پرنس دو باتہ نبرغ، روس خاندان ایمپراطور یسنک بولغارستان نامزدی و عائله ایمپراطوری ایلہ قرابتی ایسہ بینلرنده کی مناسباتک دائمی و متین قالا جنی ظننہ بادی ایدی. چار اوچنجی آلہ کساندر، یگنی اولان پرنس دو باتہ نبرغ و فاسزلغنی پولونیالی اولماسنہ حمل ادیور ایدی. پرنسک حرکتندن متولد انتباه اوزرینہ، مشارالیه روسیا ایمپراطوری، ( ! polskaja mat ) دیہہ اعلان حیرت و اغبرار آتمشیدی .

مناسبات خارجیہ ایشلرنده ملتہ افہام مرام آتمہنی پک آزیلین و ایستہ نیلدیگی کی تبعیتہ مجبور ایلین بر مطبوعات معرفتیہ، برلین قونغرہ سی مقرراتی حقندہ، روسیادہ ایقاع اولونان خوشنود - سزلغک - هر دورلو حقیقت و منطقہ مغایر اولقلہ برابر - ماہیتی آکلامق ممکندر. غورچاقوف، اُسکی رفیقی اولان آلمان شانسلہ سی علیہندہ حس اُندیکی عداوت و حسد سائقہ سیلہ، روسیادہ کی نفوذ سیاسی اُربانی و فرانسدہ روابط قرابت پیدا

آتمش اولان دانوفسکی ، او بروچهف کبی فرانسه محبان سیاسیسینی تشویقدن کری طور مامشدر . بونلرک هپسی ، باشده ، موسقو واده . چیقان ( وده موسقی ) غزته سی اولدینی حالده ، عالم مطبوعاتده ، ( آلمانیا نث فقدان خلوص نیقی ، برلین قونغر دسندده . . روسیایه باعث اولدینی ضرر دن دولایی ) روسیایه بر انفعال ایجادینه قدر وارمشلردر . حال بوکه برلین قونغر دسندده ، روسیا طرفندن درمیان ادیش بر آرزو اولمادی ، که آلمانیا بونی ، خسته و آسیر فراش بولونان انکلیز باش وکیلنه . . حتی عندالایجاب صورت مؤثرده بر توسطله اسعاف آتدیرمش اولماسین . بوندن اظهار منتداری ادیله جگنه ، اختیار لغیله برابر هنوز علت غرور ایله مالامال اولان غورچاقوفنک اداره سی آلتنده و موسقو و مطبوعاتنک یاردیمیه ، روسیا ایله آلمانیا آردسندده محافظه خصوصتک ادامه سی روسیا پولیتیکه سنه موافق عداولوندی . بونک ، قومشو اولان هر ایکی دوات معظمه دن هیچ برینه فائده سی یوقدر . بر بریزدن قیصقاناجق بر شیشمز اولمادینی کبی ، بریمزک دیکرندن قازاناجنی فائده بخش هیچ برشی ده یوقدر . مناسبات متقابله مز ، آنجاق ، اولجه غورچاقوفنک و شیمدی ده فرانسه ده رابطه قرابت پیدا آتمش روس رجال عسکریه سنک احتسابات شخصیه سی کبی ، یا خود ، حکمدار لر آردسندده متحدث برودت کبی سبیلر له خالمدار اولاییلیر . ناصل ، که یدی سنه محاربه سندن اول ، بویوک فره دریقک روسیا ایمپراطور یچه سی حقنده کی بیانات مستهزیانه سیله ، اوایله بر حال حدوث آتمشیدی . ایکی مملکت حکمدار لرینک مناسبات شخصیه سی ، هر ایکی قومشودولتک صلح و مسالمتی ایچون .

أهمية عظيمه في حازرد. بومسالت . هیچ برکونا اختلاف  
منافعه مختل اولاماز. يالکئز برنفوذ غالب اعمال آتمک ايسته ين رجال  
حکومتک تحسنت شخصيه سيله خلل پذير اولاييلير .

دوائر حکومتده ، معيت مأموريني ، غورچاقوف ايچون :  
« کندی عکس صورتی یازی حقه سنده کورور. » دیرلردی ؛  
به تینا قاین برادری مشهور ساوین-ی ایچون: کندی عکس صورتی  
کورمه دجه سوقاقده بر دردی بیه آتلا یاماز، دیدگی کبی .

غورچاقوف محرراتنک بویوک بر قسمی .. باخصوص ائک  
معیدارلری .. کندیسنک دگل ، ژومینی نئک محصول قلمیدر. بوذات .  
ایسویچردلی بر جنرالک مخدومی اولوب . ایمپراطور آله کساندرک  
سوقیله ، روسیا خدمته کیرمش مقتدر بر محررایدی .

چین

باویه راقرانی حشمتو لوئی حضرترینه

عاشته یین ۱۰ ایلون ۱۷۸۹

« ذات حشمتانه لری . چکنده آمانیا ایله ایکی بویوک  
« قومشو دولت اولان آوستریا وروسیا آردسند ، محافظه  
« صلح و محاذنه مصروف مساعیدن دولای ، لطفاً بکالواسطه  
« تبلیغ محظوظیت بویورمشلر ایدی . صوئک اوچ سنه  
« ظرفنده مساعی واقع ، روسیا پولیتیکه سنک قاپیلیویردیگی  
« پانسلاویرم تمایلات حربجو یانه واختلال پرورانه سی مناسبتیله ،  
« داها زیاده کوچلشمشدر . ۱۸۷۶ ده ، روسیا ایله آوستریا  
« آردسند ، بر حرب وقوعی حالنده نیاتمز ته اولاجغئک  
« علی العاده بیانی تکلیف مزعجی ، زده بالدفعات ایراد اولومش »

« ایدی. [لی وادیا] دن کلن بر تلغرافنامه ده بی طرف قالا جقمی یز؟ »  
 « دییه بالخاصه سؤال ادیلیور ایدی. بونی باشدن صاومه »  
 « بر جوابله صاووشدیر مق ممکن اولمادی؛ روسیانک قویار مق »  
 « ایسته دیگی حرب فیرطیناسی، بالقانلر دوغرو اخذ استقامت »  
 « آیلهدی. روسیانک بو محاربه نتیجه سنده، حتی قونغر دنگ »  
 « اجتماعدن صوگرا، اقتطاف آیلهدیگی ثمرات عظیمه مع التأسف »  
 « روس بولیتیمه سنک تهییجی، مسامت پرور آوروپانک ایسته دیگی »  
 « درجه ده تسکین آده مه مشیدی. روس تمایلاتی هیجانه »  
 « معطوف و کلیاً سکون وسکینتدن محرومدر. افراط مرتبه ده »  
 « پانسلایزم نفوذی، چار آله کساندرک ذهننده بویومش »  
 « و آکلاشیلدیغنه کوره قونت شووالوف نزد ایمپراطوریده »  
 « جداً دوشکون اولمقله برابر، کنسیدی اثری اولان برلین »  
 « قونغر دسی دخی چار نظرنده اهمیت واعتباردن دوشمشدر. »  
 « باش وکیل - آکر روسیاده بر باش وکیل اولمق لازم کلیر »  
 « ایسه - آلیوم حربیه ناظری میلویتن در. بونک طلبی ایله »  
 « در، که شیمدی صلحک عقدندن صوگرا، روسیا هیچ »  
 « بر طرفدن تهدید اولونمادیغی حالده، تسلیحات مدهشه »  
 « وقوع بولمش و بویوزدن محاربه نك ایجاب آندیگی مصارف »  
 « عظیمه یه رغماً، حال صلحده کی روس عسکری نك مقداری آلی »  
 « آلتی بیك و غربده کی سفر بر عسکر مقداری تقریباً دورت »  
 « یوز بیك راده سنده آرتمشدر. بوعسکر، آنجاق آوستریا، »  
 « یاخود، آلمانیا علیه سوق اولونابیلیر؛ و پولونیا قطع سنده »  
 « وقوع بولان تحشیدات، هدف بواولدیغنه دلیدر. ذاتاً »

« حربيه ناظرى ، بلا قيد احتراز ، قوميسيونلره : [١] »  
 « روسيانك آوروپا ايله بر محاربه ده بولونمق ايچون حاضر لاسى »  
 « لازم كله جگنى بيان اتمشدر . »

« اكر ايمپراطورك ، ايسته مهديگى حالده ، پانسلاويست »  
 « ارباب نفوذينك تضيقى آلنده اولارق ، توركييا ايله محاربه يه »  
 « قاتلانديغى محقق ايسه .. اكر اوزماندن برى ينه پانسلاويست »  
 « فرقه سى ، مدعياتى ، ايمپراطورده اولكيندن زياده شدتلى »  
 « وتهديد آميز بر صورتله تاثير آدهجك مرتبه ده آرتديرمش »  
 « ايسه .. بوفرقة نك ، ملكه تك غرب جهتنده باشقه تشبثات »  
 « حربيه ايچون ده . ايمپراطور آله كساندر ك موافقتى استحصال »  
 « آده بيلمه سندن پك قورقمق لازم كلير . اكر روسياده »  
 « — محافظه كارلر ك ديدىگى كې — هيچانى ترتيب آدن فرقة نك ، »  
 « خارجاً احراز آثار ظفر دن زياده ، داخلأ براختلال احضارى »  
 « مقصديله ، روس قواى عسكريه سنى محاربات عظيمه و آلميه »  
 « مجبور اتمك ايسته ديگى صحيح ايسه .. روسيانك شو تقدير جه »  
 « آوروپاده مصادف اولاجنى مشكلات ، ميلوتين ، ياخود ، ماقوف »  
 « كې بر ناظرى دوچار خوف و آنديشه آده من . »

« شو احواله نظراً مسالمتك ايلريده روسيا طرفندن »  
 « — اما يالكلز روسيا طرفندن — دوچار تهديد اولاجنى »  
 « فكر نده بولونمقده مضطر قالييورم . روسيا ، اعلان حرب »  
 « آندىگى تقدير ده ، فرانسه ايله ايتاليانك اتخاذه آدهجكى خط »

[١] ١٨ تموز ١٨٧٨ برلين معاهده سنك بعض احكامنى موقع

تطبيقه قويغه مأمور هيئات مخصوصه .



« حرکتہ دائر شوصوئک زمانلر دہ ظرفزدن استحصال اولونان »  
 « معلومات ، مناسباًتمزد باقیلیرسہ ، بو ایکی دولتک اجتناب »  
 « آدہ جکرینہ حکم آتدیریور . ایتالیا دہ قوت یوقدر . فرانسه »  
 « ایسہ . شیمدیلتک حرب ایستہ مہدیگنی ویا لکیزجہ . روسیا ایلہ »  
 « متفق اولارق ، آلمانیاہ قارشى تجاوزى بر حرب یایمق »  
 « اقتدارندہ بولونمادیغنی در میان ایلہ مشدر . »

« احوال بومرکز دہ ایکن ، روسیا ، شوصوئک ہفتہ لر »  
 « ظرفندہ — مواد مشتبہ فیہا ایچون شرق قومیسونلرینہ مأمور »  
 « آلمان اعضا لرد کندى انہندہ تعلیات ویرمک صورتیلہ — روسیا »  
 « ایلہ آوستریا آردسندہ بر طرفک قطعاً ترجیحی بزدن طلب »  
 « آتمشدر . بزم فکریمزہ کورد ، قونغرہ مقرر اتنک تفسیر »  
 « حقیقیسی بویلہ دگلدر . بوتفسیر کیفیتی ، اکثریت تشکیل آدن »  
 « آوستریا انکلترہ و فرانسیہ عائددر . آلمانیا ، دائماً بویولدہ »  
 « رأی ویرمش و روسیا ایسہ بعضاً یالکیز ، بعضاً دہ ایتالیا ایلہ »  
 « برلکدہ قالمشدر . »

« سلسترہ مادہ سی ، قونغرہ دہ تورکیا یہ بیراقیانان »  
 « بولغارستان طریق عسکر یسی ، پوستہ لر ادارہ سی ، بعض »  
 « کویلدہ عائد حدود اختلافاتی کی بر طاقم مسألہ لر .. بویوک »  
 « دولملر آردسندہ کی مناسبات صلحیہ نسبتلہ ، پک اہمیتسز »  
 « اولمقہ برابر روسیانک بزی — آوستریا ایلہ دگل ، بالعکس »  
 « کندیسیلہ — ہم رأی کورمک آرزوسندہ اولدیغنی ، یالکیز »  
 « برکرہ دگل ، بالدفعات غیر مبہم تہدیدات ایلہ اظہار قیلنمش ؛ »  
 « وبالحاصہ بزم عدم موافقتزدن ایکی مملکتک مناسبات »

« بین المملنجه ترتب آده جك وخامت اخطار اولونمشدر. نظر »  
 « دقتی جلبدن خالی قالمایان بوماده ایسه ، آوستریاده قونت »  
 « آندراشی نك خدمت دولتنن چکیللمه سی زمانته مصادف »  
 « اولدیغندن ، روسیا ایله نمسه آره سنده ، آلمانیا ضررینه »  
 « اولارق ، برائتلاف خفی وقوعی آندیشه سنی تولید آدیوردی . »  
 « واقعا بو آندیشه بی اساس ایدی . آوستریا دخی ، روسیا سیاست »  
 « مهیجه - ندن ، بزم کی متأثر اولقده وایکی دولتنن بری علیهنده »  
 « بر روسیا تجاوزی وقوعنه قارشی ، مشترکا حرکت تدافعیده »  
 « بولونمق اوزره ، عقد ائتلافه متایل کورونمکده در . »

« بن ، آوستریا ایله آلمانیا دولتی آره سنده ، بویوک بر مقابله »  
 « عقدیخی آوروپا صلح و مسالمتی و آلمانیا نك امنیت و سلامتی »  
 « ایچون برضامن حقیقی عدا دهرم . بو مقابله دن مقصد ، »  
 « روسیا ایله بعدمادخی ، کافی السابق ، محافظه صلح و سلمه اعتنا »  
 « ایله برابر ، شاید دولتین متعاهدتیندن بری دوچار تجاوز اولور »  
 « ایسه . يك دیگریمزه معاونتدن عبارت اولاجقدر . شو تأمینات »  
 « متقابله موجود اولونجه ، ایکی دولت ، بوندن صوگرا دخی ، »  
 « کافی السابق [ اوچ ایمپراطور لر اتفاق جدیدی ] نك تأییدینه »  
 « جصر مساعی آده بیلیر . »

« آلمانیا دولتی ، آوستریا نك متفق صقیله ، انکلتزه »  
 « معاونتندن محروم اولمایاجق وایکی بویوک دولتنك مسالمت »  
 « پرور پولیتیکه سی سایه سنده ده ، ایکی میلیون محارب عسکرله »  
 « آوروپا صلح و سلمنی تأمین اتمش اولاجقدر . کلیاً و منحصر آ »  
 « تدافعی ماهیتده اولارق ، ایکی آلمان دولتنك يك دیگرینه ایفا »

« ایله یه جگگی معاونت، کیمسه ایچون مستلزم شکایت اولامایه »  
 « جقدر. زیرا ایکی دولت آردسند، بوتأمینات متقابله مستند »  
 « عین مقاوله، ۱۸۱۵ ده اُسکی قونفه ده راسیون زماننده ده موجود »  
 « وَحقوق دو لجه مصدق اولوب اَللی سنه دوام اَتمشدِر . »  
 « اَکر بو مقاوله منعقد اولماز ایسه آوستریا، روسیا ته ديداتنک »  
 « تضییقی سائقه سیله - وَ آلمانیا ایچون ده بر قرار ویرده میه - »  
 « جگندن - فرانسه یه، حتی احتمال که روسیایه یاناشمق ایسته میه - »  
 « جکدر. وَ بوکا مغبر اولما مالیدر. شوقدر، که بویله بر حال »  
 « وقوعی تقدیرده آلمانیا، فرانسه یه قارشی اولان موقعندن »  
 « دولایی، آوروپا قطعه بریه سنده بوس بوتون منفرد قالمش »  
 « اولاجقدر. لکن آوستریا - ۱۸۵۴ ده اولدینی کی - فرانسه »  
 « وَ انکلتره ایله برله شیرسه .. آلمانیا، حال نفرادده قالماق ایچون، »  
 « روسیایه صاریلغه مجبور اولاجق وَ کَرک داخل کَرک خارجا »  
 « روس بولیتیه سنی تعقیب اَتمه یه قاتلانا جقدر، که بو کیدیش، »  
 « قورقارم، هم مضر هم مهلکدر. »  
 « اَکر روسیا - کندیسیله آوستریا آردسند - بر طرفی »  
 « ترجیح ایچون اجبار اُدرسه .. آوستریا ایله اتفاقز، بزى، »  
 « محافظه کارانه وَ مسالمت کسترانه بر طریق اختیارینه سوق »  
 « ایله یه جکدر. روسیا ایسه، بالعکس بزى مشکوک بر طریق »  
 « تعقیبه مجبور اُده جکدر. »  
 « اُفکار پولیتیه لرینه واقف اولدیغ ذات حشمت سمانلری، »  
 « امید اُدرم، که اعتقادات معروضه مه اشتراک بویورورلر »  
 « وَ بوبابده، نائل تَأمینات اولور ایسه م بختیار اولاجمدر. »

« در عهد ایل دیگم وظیفه نث مشکلاتی ذاتاً عظیم اولوب،  
 « بویله واسع و قاریشیق بر مسأله مذاکراتی بورادن تحریراً  
 « تعقیب اتمک لزومی ده اومشکلاتی قات قات آرتدیر مشدر .  
 « حال بوکه بوراده، یالکیز باشمه، چالیشیق مجبوریتنده یم. کندمده  
 « ایسه، بر سعی مفرط نتیجه سی اولارق، آرتق اواققدار و تحمل  
 « قالمشدر . احوال صحیه سببیه اقامتی تمیدیه مجبور اولدم.  
 « معافیله آیک یگرمیسنده ویانه طریقیله عودت اده بیله جگم  
 « مأمولدر. اکر او وقته قدر، هیچ اولمازسه اساس حقنده،  
 « قطعی بر نتیجه حصوله کلز ایسه قورقارم، که مساعد فرصت زائل  
 « اولاجق و آندراشی آرتق مقامنده بولونمایاجغندن، بو  
 « فرصتک، برداها نه وقت ظهور اده بیله جگنی کشف و تعیین  
 « ممکن اولمایه جقدر . »

« آلمانیا دولتمک پولیتیکه سی ذات حشمتانه لرینه عرض  
 « اتمدی وظیفه دن بیلدیگم کی، قونت آندراشی ایل اده مزده  
 « موضوع بحث اولان پیلانی محرم طوتمق ایچون، متقابلاً  
 « متعهد بولونمش اولدیغمنلده، طرف حشمتانه لرندن لطفاً نظر  
 « دقته آلمانسی استرحام اده رم. شیمدی یه قدر باش وکیللرینک،  
 « ایکی دولت آردسند بر ائتلاف عقدی حقنده کی تشبثندن،  
 « یالکیز ایکی ایمپراطور خبردار بولونویور ... »



## مشارالیه قرالک جوابی

به‌رغ ، ۱۶ ایلول ۱۸۷۹

« عزیزم پرنس دو بیسمارک ،

« ۱۰ تاریخلی مکتوب بکزدن جدی تأسف لرله خبر آلدیغمه  
 « کورد، مساعی ائیمه مأموره کزدن متحصل تأثرات، کینسینکن  
 « و غاشتا این ده کی تداو یگزیه باعث کلال اولمشدر . پولیتیکه نك  
 « شیمدیکی صفحاتنه متعلق ایضاحات مفصله نی کمال دقتله  
 « مطالعه و تعقیب ایلهدم . بیان شکران غراوان آده‌رم . آکر  
 « آثار تشت نتیجه سنده ، آلمانیا دولتی ایله روسیا آره‌سنده  
 « محاربه وقوع بولمق لازم کلیرسه، ایکی بویوک دولتک مناسبات  
 « متقابله سنده حصولی طبعی و شایسته تأسف عظیم اولان  
 « تبدل ، بنی پک زیاده ائیم بر صورتده متأثر آده‌جکدر .  
 « مع مافیه ائیوم امید وارم، که روسیا ایمپراطوری نزدنده،  
 « حسیات مصلحانه ایله تشبث ادیلدیگی تقدیرده، او یله مؤسف  
 « بر نتیجه حصولنک اوکی آینه بیلیر . هر حالده تقدیرات  
 « کامله مه و ایمپراطور لقله آوستریا-ماجاریستان آره‌سنده براتحاد  
 « صمیمی حقنده کی تمنیات خالصه مه اعتماد آده‌بیلیرسیگز .  
 « مسقط رأس بگزیه تازه قوتلرله موفقیت عودتگزی تمنی  
 « ایله برابر، حقه بگزیده کی حرمت مخصوصه م تأمیناتی تکرار  
 « آده‌رم . »  
 محب خالصکیز : لوئی

## بیسمارک جواب الجوابی

غاشتاين ، ۱۹ ، ايلول ۱۸۷۹

« نامه لطف افاده حشمتانه لرینی حسیات متقدارانہ و »  
 « تعظیمکارانہ ایہہ اخذ ایلہدم و آوستریا - ماجارستانلہ بر »  
 « ائتلاف عقدی حقنہدہ کی تشبثاتمک کاملاً تصویب »  
 « بویورولدیغنی کمال ممنونیتلہ مشاہدہ ایلہدم . روسیایلہ اولان »  
 « مناسبات مجتہدہ عاجزانہ شوراسنی عرض اُدہرم ، کہ : »  
 « یالگنز پولیتیقہ نقطہ نظرندن دگل ، شخصاً بیلہ پک »  
 « زیادہ تأسف اُدہجگم حرب تہلکہسی - فکرمجہ - قریب »  
 « الظہور دکلدر . بو ، آنجاق فرانسه روسیا ایلہ مشترکاً »  
 « حرکتہ مہیا بولونسہ ایدی ، کسب جدیت و اُہمیت اُدر »  
 « ایدی . شیمدی یہ قدر بویلہ برشی واقع دگلدر . ایمپراطورک »  
 « آمانلہ توفیقاً : پولیتیقہ مز ، چار آلہ کساندر نزدندہ اجرای »  
 « تشبثلہ . آلمانیا دولتتک روسیایلہ مناسبات صلحیہ سنی ادامہ »  
 « و تأیید ایلہمک اوزردہ اصلاً دریغ غیرت اُئمہ یہ جکدر . »  
 « آوستریا ایلہ براتحاد حصولنہ عائد مذاکرات ، بر مقصد مسالمت »  
 « کستری و تدافعی یہ و ممالک مجاوردہ ترقی مبادلاتہ مبتنیدر . »  
 « یارین غاشتاين دن حرکت اُتمک و بازار کونی ویانہ یہ »  
 « واصل اولمق نیتہدیم . احوال صحیہم حقنہدہ اظہار »  
 « بویورولان آثار لطفکاریدن عرض متقداری اُدہرم . ذات »  
 « حشمتانہ لرینک :

بندہ اصدقاری

دوبیسمارق


بېسارځك - شو خصوصي مخاېره سندن ده آكلاشيلديني وجه .  
 ايله - روسيايه قارشى اغبرارى ، ياخود ، غورچاقوڤدن اخذ ثار  
 آرزوسى اكثر ، انسانلك قورتولاماديني برنوع حرص بي معنا قىيلندن  
 عد اديله مليدر . بېسارځ ، روسيا ديپلوماسيسنك صوك درجه  
 شماريقلغنه تحمل ائمه مكه برابر .. راس اداره سنده بولونديني سفينه  
 حكومتك تعالى شانه وقف ذهن ايله ديكي جهته ، او كي احتراصات ،  
 اولسه اولسه .. كنديسنة ، جهاني حيرته بيراقاجق بر رول اوينامق .  
 ايچون ، كوزل بر بهانه احضارينه ياراياجق ايدى .

آوروپاده و بلكه قطعات سائر ده بيله اجراى حكم ونفوذ  
 املنده بولونان بو داهيه زمان ، متبوع مفخمى برنجى ويلهلم مانع  
 اولمايائيدى .. بالفان تحديد حدودى مسأله سى وسيله سيله ، روسيايه  
 دهشتلى بر ضربه اينديره جك وبوتون آوروپا شاشا قلاجق ايدى .  
 آوسترياي بوتون بوتون ائله آتمش ، روسيا عليهنده بر اتفاق ،  
 قوى اساسنى قورمش ايدى . آلمانيا و آوستريا ، انكتره و فرانسه -  
 بي ده دائره اتفاقلرينه داخل آده جكلر . روسيايه شدتلى يوصروقلر  
 اينديره جكلر ايدى . آوستريا ايمپراطورى وباش وكيلى قونت .  
 آندراشى ، بېسارځك فكريته مشارك ايديلر . لكن برنجى ويلهلم ،  
 يكنى اولان چار آله كساندرايله [ آله كساندرو - وو ] ده كوروشه رك ،  
 ايكي دولت آره سنده كي ضديت وبرودتى آره دن چيقار يويرمشر .

ايشته ، آلمانيا ايمپراطورينك شو عزم قطعي سى سايه سنده در ، كه  
 آوروپا ساحه سياستنده اوينانان [ بېسارځ هائله سى ] نك ايكنجى ،  
 ياخود ، اوچنجى پرده سى هنوز آچيلمادن قاپانيويرمشر . بو  
 پرده ده بزم ايچون صاقلانان دوستلغك - داهيه زمانك فكر ومسلكنه  
 نظراً - پك ده خيلى برشى اولاجقنه حكم آده بيلمك باياغى محال  
 كورونور !







قائال مسأله سی ایچون پارس ولوندراسفارات سنیه سنه  
کونده ریلن و عالی پاشا مرحومک قلمیله یازیش اولان تحریراتک  
ترجه سی، بوباده کی معلومات تاریخیه و افکارسیاسیه مزى توسیع  
وتنویر ایچون کافیدر :

بوندن برقاچ سنه مقدم سویش جدولی مسئله سی نزد دولت  
علیه ده موضوع بحث اولدیغی وقت کندوسنه عرض اولسان  
قونظراتو مسوده سنک مواد سائرده سی حتمده دخی مقتضی  
کوردیکی شرائطی وضع ایتک حقوقی محافظه بیورمش وبواهمیتده  
برطریقک کشادینک محتاج اولدیغی تأمینات خارجیه اوزرینه  
ایکی الک بیوک دولت بحریه بیننده اول امرده حصول اتحادی  
کورمک ارزوسنده بولندیغی بیان واعلان ایتشدی . اشبو اتحاد  
بوآنه قدر حاصل اوله مامش ومصر والی للاحقی فیخامتالو  
دولتو اسماعیل پاشا حضر تلری بومسئله ده کندیسنه تعیین مساک  
اولمسنی دولت علیه دن رسماً طلب واستدعا ایتمش اولغله  
بوبابده طرف والای دولت علیه دن رخصت اعطاسنک بهمه حال  
سوقوف علیهی اولمسی لازم کلن شرائطی مشارالیه حضر تلرینه  
حسب الوظیفه بیلدیرمش اولدیغمزدن شرائط مذکورینی بازارده  
سنیه متفقین مفخمة حضرت پادشاهینک تقدیر محقانه وخیرخواها .

نه‌لرینه عرض ایدرز . قومپانیا مأمورلری سلطنت سنیه‌نك  
 حقوق حکمداریسنه اصلاً رعایت ایتمکسزین و دوات علیه‌نك  
 لابد اولان موافقتی بکلمکسزین ایشه کوندن کونه کیریشوب  
 بعض معاملات اعدادیه‌یه بیه مباشرت ایتش اولدقلرینی کورمکه  
 متأسف اولدیغمز جهتله بوبادهرأی وانکارمزی بیانده بوندن  
 زیاده تأخر جائز اولدیغی درکاردر . بناءً علیه منافع سلطنت سنیه  
 نظریاتنه تطبیقاً شوامر متصورک حکمدارملکتک مساعدده‌سی ایه  
 قابل‌الحصول اوله‌بیلرسی ایچون نه‌لازم ایشه آنی آچیتدن آچیغه  
 بیان ایتک مجبوریتندیز . اولامبحوث‌عنه اولان جدولن مأمول  
 اونان نواند نه‌رتبه مهیم و مشکوک اولسه بیه حصولک منعی فکر  
 ونیتی دولت علیه‌نك خیال و خاطرینه کله‌مز . انجق سلطنت سنیه  
 بحر سیاه بوغازلری کبی مسدودیت تامه‌سنی تأمین ایدر شرائط  
 وضع اولندقجه جدول مذکورک کشادینه راضی اوله‌مز . حال بوکه  
 الده اولان مسوده‌ده لابد اولان اشبو تأمیناتک هیچ‌بری موجود  
 اولمدقدن بشقه مسوده مذکوره شرائط محرره‌نك طبان طبان  
 خلافتده بولمقددر وابتدای امرده کمال دقتمزی جلب ایتش  
 ایکی ماده واردرکه بونلردن برنجیسی ممالک دولت علیه‌ده آنغاریه  
 ملغا بولندیغی ومؤخرأً والی مشارالیه حضر تلری طرفندن  
 دخی بوانشات اجرا قلندیغی حالده اعمالات اعدادیه‌نك یالکز  
 شو آنغاریه اصول ظامیه‌نك انضمام معاونتله اجرا اولنسی  
 و اعمالاتک دوامی ایچون اصول مذکورک بقاسی استدعاقلنسی  
 ماده‌سیدر . مصر اداره‌سی بهرماه یکرمی بیک کشی‌یه زراعت  
 و حرقلرینی وفامیلیالرینی ترک ایه جدولک اعمالاتنده چالشمغه اجبار

ایتمکده در. شو یچاره آدم لر قریه لرینه عودت مصر فی کندولری  
 چکمکده وایچولندن اکثریسی مجبوراً کار وکسبلرینک ترکیه  
 دوچار اولدقلری ضرورتدن بشقه مسافه بعیده وطنیه ده بولمغه مجبور  
 اولمده درلر. برده زراعت وحرقت و تجارت مملکتک محروم  
 اولدینی عمله و صنعتکار یالکز شو یکر می بیکه منحصراً اولیوب  
 بر طرفدن یکر می بیک عمله ایش باشند چالشمقده اولدقلری  
 حالده یکر می بیکی محللارینه عودت و یکر می بیکی حدود محله  
 عزیمت حالده بولمق اوزره قرق بیک کشی دخی یولده  
 بولدیغندن بو حالده دائماً آلتش بیک کشی فاملیالردن وایشالردن  
 دور ایتمکده در. بویله بر اصولک درکار اولان انسانیتسزلکی  
 و تأییدات مضره سی حقده بوندن زیاده تطویل بیلزوم عد  
 ایدرم. محاذیر مذکوره کوزه باتر صورته ظاهر و آشکار  
 اولدیغندن هر نه شکلده اولورسه اولسون دولت علیه جه هر  
 درلو حقانیت و انسانیت و مدنیت و تصرفات پولتیقیه قاعده لرینه  
 بودرجه مغایر بولنان برحالی تصدیق و تأیید ایتک قابل دکلدر.  
 بالاده بیان اولنان مواد ایکنجیسی دخی طاتلی صو قنالریله  
 برابر اراضی محیطه سنک ترکی ماده سیدر. اشبو مساعده قبول  
 اولدینی حالده مجهول الاعضا بر شرکت خطه مصریه نك الزیاده  
 واجب الاعتنا دینلمک شایان موقعی حاوی بر قطعه جسیمه سنه  
 حاکم مطلق اولمش اولور. مبحوث عنه اولان قونطراتو مألنه  
 کوره ذکر اولنان طاتلی صو جدوللری زهرله قدر ممتد اولور  
 ایسه ساحلدرنده واقع اراضیه شرکت مذکور دنک حق تصرف  
 ادعاسنه صلاحیتی اوله جقدر. بوصورتله سویش و تمساح

شهرلری و سعید لیمانی و برالشام ایله مصری فاصل اولان کافه حدود  
 بالطبع و المجبوریه اکثریسی حکومت و مأمورین اجنبیهیه تابع  
 مجهول الاسامی اعضاءن مرکب بر شرکتک یدتصرفنه کچه جکدر.  
 ایشته شرکت مذکوره مراد ایتدیکی حالدہ دولت علیه نك شایان  
 اعتنا اولان اشبو موقعنده بیانی دولت علیهیه غیر تابع مهاجرلر  
 اسکان ایده جکدر. حقوق استقلالیه سنه و وظائفنه ادنا و قوفی اولان  
 دولتلر ایچنده بومثللو مقاوله یی امضا ایده بیله جک هیچ بر دولت  
 یوقدر. بناءً علیه شوشرطی هیچ بروقتده قبول ایده میه جکنی بیان  
 ایتدیکی حالدہ اجرای وظائفده مرکب قصور و دولتلرک نظر اعتبا  
 رندن ساقط و مهجور اولمش و منازعات متبادیه یی مولد بر طاقم احوالک  
 تقرر و تأسیسنه مساعدہ ایتش اولور. و الحاصل بومسئله ده دولت  
 علیه نك موافقتی مسائل آتیه نك اول امرده حلنه یعنی جدول مذکورک  
 مسدودیتی و آنغاریه اصولنک لغوی و طاتلی صوقالار یلداراضی  
 محیطه سنه دائر اولان شرطک قومپانیا طرفندن ترکی شرطلرینه  
 قویاً و قطعياً مربوط اولوب و اولمق لازم کلوب برکزه اشبو  
 مواد ثلثه قرارلشدیغی کبی دولت علیه والی مشارالیه حضرت تلریله  
 متحداً ذکر اولنان قونطراتو مسوده سنک مواد سائره سنک  
 هر بررینی موقع مطالعه لرینه المغه جداً مسارعت ایده جکلر در.  
 مبحوث عنه اولان قونطراتونک هیئت مجموعه سنه کلنجه بونک  
 الآن مسوده حالنده بولندیغی و طرف دولت علیه دن هیچ بروقت  
 تصویب اولندیغی معلوم کزدر. و مادامک دولت علیه نك تصدیقی  
 بحثی مسوده ده قونطراتونک شرائط اساسیه سی کبی مندر جدر.  
 شرکت مذکوره دخی اول امرده دولت علیه نك استحصال

تصدیق لزومی مجهول ایدوکنی ادعا ایدہ مز . بردہ مؤخرأ  
 موسیو لسیسک والیٰ مرحومدن شرکت مذکورہ ایچون  
 مساعدات جدیدہ طلب ایلدیکی وقت دولت علیہ نک تصدیقی  
 اون سکر آی ظرفندہ استیصال ایدہجکئی باقونظراتو تعہد  
 ایتیشیکن اشبو تعہدینی هیچ بروقتدہ ایفا ایتامش اولدینی جملہ نک  
 معلومیدر . ایمدی دولت علیہ بونک کبی برمسئلہدہ اتخاذ  
 ایدہجککاری مسلك حرکتی استفسار ایچون ایکی اک خالص  
 متفقارینہ صورت مخصوصدہ وکال اعتماد ایلہ مراجعت ایدر .  
 ممالک محروسہ شاهانہ نک مجهول الاعضا بر شرکت تأسیس ایلسنہ  
 وسلطنت سنیہ نک تحت حکمداریسندہ اولہرق خطہ مذکورہ نی  
 اداره ایدن بر ذات طرفندن مجرد ذات عالیٰ حضرت ملوکانہ نک  
 استیصال تصدیقی شرط مخصوصیلہ مساعدہ امتیازیه وعدی  
 اوزرینہ شرکت مذکورہ نک اورادہ دولت علیہ نک قبول  
 ایدہمیہجکی برطاق حقوق ادعاسنہ قالقشمسنہ مساعدہ ایتلی میز ؛  
 ذات حضرت پادشاهینک مألوف اولدقلری حسن نیات صادقہ نک  
 بردلیل جدیدینی ابراز ایچون شمدیہ دکین ہر تقدیر بعض  
 شیلر وقوعبولمش یعنی شکایتیزی موجب برطاق خلاف مرضی  
 حرکتلر ظہورہ کمش ایسہدہ قونظراتونک بالادہ محرر اولدینی  
 اوزرہ تمتع القبول اولان شرائطی طی اولندیغی کبی سائر  
 شرائطی دخی غرضسزجہ تدقیقہ حاضر بولندیغمزی برکرہ  
 دہا بیان ایدرز . حقانیت کاملہ قاعدہسنہ نظراً شرکت مذکورہ نک  
 بوبابدہ مصارف ایتدیکنندن بحثہ حق اولہمیوب چونکہ  
 قونظراتونک اک باشلی شرائطندن بری اجرا اولنقمسزین ایدہجکی

مصارفك تهاكده و ضررى كنديسنه عائد اولديغى قومپانيه نك  
معاومى ايدى . مع مافيه دولت عليه بواينه قارشمش اولان منافع  
مخصوصه يي درپيش مطالعه ايتمكه حاضر بولنديغندن شركت مذكوره  
كندوسنه مساعده اولنه ميه حق فوائددن محروم اولديغى جهته اعمالاته  
دوام ايتك استمز ايسه سلطنت سنيه والى مشاراليه حضرتلرله  
بالاتحاد مذكور قومپانيانك صرف ايتمش اوله جنى مبالغك  
كندوسنه ردى تدابير لازمه سنك اتخاينه تشبث ايده جاك  
وبو حالده شركت مذكور دنك ياپمش اولان شيلرله النده اولان  
اراضى يي بالطبع دولت عليه يه ترك ايتمى لازم كله جكدرد .  
شوراسنى دخی علاوه ايتلى زكه شركت مذكورده اجراى تصوره  
دوامدن صرف نظر ايلديكى حالده دولت عليه اثر اختلاطك  
تسهيلي ايچون الندن كلانى دريغ ايتماك آرزوسيه ينه والى  
مشاراليه حضرتلرله بالاتحاد تصور مذكورك حيز فعله اخراجنه  
اك صالح كورينان تدابيرى اتخا ايدده جكدرد .

بالاده محرر ايضاحات خالصانه ومستقيمانه نزدنده مأمور  
بولنديغكز دولته كاملاً قرين تقدير وتحسين اوله جنى مجزوم  
بولنديغندن اشبو تحريراتك امور اجنبيه ناظرينه قرائتيله بر  
صورتى براقغه مأمورسكز .





مدحت پاشا مرحومك معارف ابتدائيه حقننده طونادن  
نظارته يازمش اولديغي بر جواب نامه، مملكتهمزده هنوز بر شكل معين  
آلمانان تدريسات عموميه مزك ماهيت تاريخيه سني كوسته رده جك  
مطالعات مصيبيه ني شاملدر:

۱۲ رقلى و ۱۰ تشرين اول ۸۳ تاريخلى اوله رق انمله زيب  
ابجال اولان تحريرات عليه جناب نظارت پناهيلارنده مكاتب  
رشدیه دن تکمیل مدت تحصیلیه ایله چیقمش و خارجدن دخی  
رشدیه دن چیقانلر درجه ده اهمیتلی بولنش اوللردن مناسبی  
مقدار طایفه انتخابیه موقوف پوصله ده محرر درسارک تعلیم و تدریسی  
حقننده اولان مطالعه عاجزانه م استفسار بیورلش، واشبو سؤال  
علی معارف پروریلری مکتبلرک اصول وقاعده تحصیلیه سی حقننده  
دخی بعض معلومات ناقصه عاجزانه مکت عرض واشعارینه مساعد  
بروسیله عد اولنش اولدیغندن ایضاحاتنه ابتدار اولنور. شویله که:  
مکاتب رشدیه محلات مکتبلرندن مقدا علوم مذهبییه سنی  
تحصیل ایدن اطفالک اکتساب فنون و ادبیات واکال معارف  
ومعلومات ایتلریچون وضع وتخصیص اولنش پک کوزل واعلی  
برترتیب اولوب مشاهده اولنان فوائد و محسنات دخی بر صورتله  
انکار اولنه مز. لیکن شوفائده ومنفعت مکاتب رشدیه نك وضعندن



مقصود اصلی اولان فضائل وادبیاتدر. یوخسه اطفالک بو وسیله ایله  
برمدتجک حسن ضابطه واداره تحتند بولملرندن طبیعی حاصل  
اولان ترتیب ایله برده ممکن مرتبه یازوب الیشمش اولملرندن  
عبارتیمدر وبوده اوقدر تکلفه کوره نتیجه کافیه میدر ایشته  
ابتدا بوراسی جای مناظره در .

معلوم عالی کریمانه لری بیورلدینی وجهله مکاتب رشیده ده  
اوقونان درسارک اک باشلوسی صرف و نحو ایله منطق و حساب  
متعلق بعض جزئیاتدن عبارت اولغله بر طالب نقدر زکی و مستعد  
اولسه بیله امثله دن باشلا یوب کافیه نی اکمال ایدنجه قدر اوچ درت سنه  
زمانی بوکا حصرو صرف ایدر. واقعا بو ایکی فنک قواعد و مسائلنه  
نهایت اولمادیغندن کافیه اصول و فروغنی بیلمک بیلما مکدن ده  
اعلاددر. بونلر ایلروده علوم عالیله اوقویه جق طالبه لازم ایدوکنده  
شبهه یوغیسه ده مکاتب رشیده طریق عالی یه مخرج اولان مدارس  
نوعندن اولمیوب محلات مکتبلرنده قرآن اوقومق و ثلث یازو  
یازمق کی مقدماتی اوکرنمش اولان و تحصیلات واقعه سی کندو  
تربیه واداره و معیشتلرینه کافی اولمیان اطفالک یا دولت ایشلرنده  
استخداملرینه و یا خود سالک اوله جقاری طریق تجارت و صنعتلرینه  
لازم اوله جق درجه ده اکتساب فنون ایتلری یعنی خدمات  
دولتمده و خدمت کتسابتده بولنه جق اولنلرک جغرافیا و تاریخ  
و حساب و املا اوکرنمک و تجارت و صنعته سلوک ایده جک لرک  
دخی اصول حسابی و دفتر وقاعده تجارت کی شیلری بیلملری  
مقصدینه مبنی اولدینی حالده بر طالب اوچ درت و بش سنه  
مدت دوامندن بونلرک هیچ برنی تحصیل ایتمه رک یالکیز علوم

عالمیه لازم اولان مقدمات ایه مشغول اولمسیله بونلر اوقودقلری  
 درسلرک ثمره سنی کندی سملک وطریققلرنده بوله مدقلرندن  
 طبیعی و ضروری بر حال یأس وفتور ایچنده بونلورلر وعلت  
 غایه سنی بیلیمان بر فعلک تحصیل مقدماتنده طبیعت بشریه نک  
 سعی نه درجهیه قدر اوله بیلور ایسه اشته او درجهیه قدر  
 چالیشورلر . ایچلرندن بعض ذکی و مستعدلری دردنچی ویا  
 بشنچی سنه نهایتنده تکمیل مراتب ایدرک بالامتحان شهادتنامه  
 آلدقندن صکره یا بر مأموریتیه ویا بر صنعت و تجارتیه سلوک  
 ایتدکده یازو و حساب و املا و دفتر و اصول تجارت و قانونه  
 هر نه لازم ایسه یکیدن باشایوب مکتبده کی تحصیلاتندن یالکیز  
 عبارده اوقومق و الفاظ و کلماتک فعل و حرف و اسمنی تفریق  
 ایده بیلیمک درجه سنده کی معلوماته یاردم ایدر ایسه مکاتب  
 رشیده ده بش سنه مدت امک ویردیکی درسلرک مسائل اصلیه سندن  
 مثلا سمعی و قیاسی معرب موضوع و محمول کبی شیلرک ایلک  
 سنلر یالکیز ذهنلرنده اشکالی قالب برقاچ سنه صکره انلرده  
 محو و زائل اولور . اشبو درسلر علوم عالمیه نی تحصیله آلات  
 اولدیغندن مدرسه لرده اوقویان و علوم عالمیه تحصیلنه چالیشان  
 طایفه کوره بونلری اوکر نمک و بر طرفدن عبارده نی استخراج  
 ایچون مقدمات و مشکلاتیه اوغراشماق یوانده ایسه ده استدکلری  
 نتیجه به وصولک یولی اوطریق اویوب اولسه بیله مثلا  
 تیمورجیلک صنعتی اوکر نمک ایچون بر آدمه قیومجیلایق صنعتیه  
 لازم اولان مقدمات تحصیل ایتدیرلکدن صکره تیمورجیلک  
 صنعتی ده اقولای اجرا ایده چکی وارد اولسه بیله ایشنه یرامیه جق

برایش ایچون زماننك برچوق مدت بیهوده وفائده‌سز استعمال اولمش اولمسندن وبوحال ایله برابر اکسر ویابرعادی تیمور ایچون یکیدن برملکه وممارسه دهاتحصیانه مجبور بولمسندن طولای فی نفس الامر فرق عظیمی تزد عالیرنده تعریف وتشریحدن مستغیدر . ایشه خلقجه وهر طرحه مکاتب رشديه‌نك وجود ولزومنه رغبت وارایسه‌ده بوده مکاتب سائر نك فقدانی جهتیله مملکتلرده بعض ذی قدرت وارباب حیت طاقنك اولادی بوش کرمامک وممكن مرتبه یازو واقومق اوکرنمک ایچون خواهش وغیرتلی اثری اولوب یوخسه تحصیانه بوشان طلبه‌نك اکثری بالذات کیدیلوب مشاهده اولنان حاللری اقتضاسنجه یاپدقلری اعماللرک وازبرلدکلری اعرابلرک کندولرندن اول شهادتنامه ایله چیقانلرده اثری بیله قلمدیغنی کوردکلرندن ایچلرندن بعضیسی شهادتنامه‌دن صکره قرعه‌دن قورتلق ایچون مدرسه‌یه جیقوب ایلروسنی اوراده اوقومق امیدیه چاشماش اولسه اکثری وبلکه جمله‌سی استکسر و خواهشسز بر حالده دوام ایتدیکی کوریلور . وبوسبیدن واثری کورندیکندرکه مکاتب رشديه‌ده بونان شاگردانک چوغی صرف ونحو درسلرندن زیاده حسابیه ورقعه یازوسنه وفارسی‌یه چالشمغنی تحصیلات سائر دیه تقدیم ایلر . بناءً علی ذلک تحریرات علیه‌لرنده ملفوف پوصله‌ده بیان بیورلدیغنی وجهله مکاتب مذکوره شاگردانه جبر هندسه کیمیا زراعت تجارت قنلری و تاریخ و جغرافیا درس‌لری و اصول دفتری و انشای ترکی تعلیم وتدریس اولنق و فرانسزجه و آلمانجه اوقوتدیرلق خصوصنه دائر اولان ملاحظه دولتلی پک

مضیب و بجا اولوب فقط بو درس لر مکاتب رشديه ايچون معين اولان دوت بش سنه مدت تحصيلدن صكرميه براغيله جق اولور ايسه يوقاروده عرض وتفصيل اولنان محاذير كما كان باقى اونغله برابر بونلرك تحصيلاتى دخى بر اوقدر زمانه محتاج اولمق وبوجه تله برچو جق ىدى سكيز سنه مكتمله قالمسى لازم كلوب بوايه كرك كندولرينك وكرك اكثريسنك اعانه سنه محتاج اولان پدر و مادرلرينك ايشنه اويه ميه جغه شاگردانك تحصيلاتندن منتظر اولان علت غائيه كوره انلرجه صرف ونحوك قواعدندن لازم اولان شيلر افعال واسماء حروفك تقريرق وتعريفى وتركيبنده بعض قواعد عاديده دن عبارت اولوب ان شاه تعالى بونلر ايچون بر تاليف مفيد و نافع تأسيس اولنجه يه قدر شمديلك يالكنز بناء و مقصود و عوامل و اظهاره حصر ايله انلرك دخى يالكنز اختصارى اختيار اولور ايسه اوده بهمه حال بر سنه ايچنده اكمل اولنه جغندن بشقه او صروده حساب و ادبيات و تاريخه متعلق بعض شيلر اوقوم سنه دخى هيچ مانع اولميه جغه مبنى ملاحظه قاصده عاجزانه مه قالور ايسه طشرده مكاتب رشديه نك اصول و قواعد تحصيليه مى اويولده يكي دن ترتيب اولنه رق ايلك سنه سنه صرف ونحو ايله تركجه بعض جزئيات اوقونمق و ثلث ورقه يازولرينه برلكده چالشمق و ايكنجى سنه سننده ينه تركجه حساب و هندسه و جغرافيا و تجارت و فقه و عقائد متعلق بعض رسائل مختصره تعليم ايدملك و در دنجى و بشنجى سنه لرنده تركجه انشا و املا و اصول دفترى ايله برابر فرانسزجه لسان تعليم اولنوب كسب اقتدار ايدن مستعدلرينه اولسانده فن

زراعت و تجارت و ادارهٔ امور ملکیه متعلق بعض درسلر  
کوسترملک مناسب اولور و بو حالده شو فنری اوقوتمق ایچون  
برترجه و فرانسزجه معلم دخی تعینی لازم کلور. آلمان لساننک  
بوحوالیجه فرانسزجه دن زیاده مناسبتی اولمق طبیعی کورینور  
ایسه ده نزد عالیلرنده معلومدرکه فرانسزجه لسانی هر طرفه  
لسان عمومی حکمنده اولوب هر موقع و تجارتده اولسان  
قوللانلیدیغدن و هر علم و فن اوزرینه مؤلفات عدیده سی  
بولندیغدن منحصراً بونک ترجیح و اختیاری ایجاب ایدر  
و شو مطالعات اوزرینه هر نوجهله رأی و قرار بیوریلور ایسه  
فعلیاتنه و دوام اجرا آتیه حسب المصادقه بذل مساعی و غیرت  
قلنور اولباده

\*  
\* \*

مدحت پاشا مرحومک اخیراً انتشار اُدن خاطراتنده ،  
تورکیا - روسیا محاربهٔ اخیرده سی دولایسیله و یانهیه صورت  
دعوتنه دائر اولان فقره لر، مبحث مخصوصنده یازدیغم خاطر دله  
مغایر کورونویور . بونک ایچون تکرار صوردم . ضبطمه  
خطام اولمادیغی آکلادم . اُک زیاده شایان تدقیق قالان جهت:  
سفیرک سبب نکبتی اولمق لازم کلیر، که بوده بلکه آله قوپاشانک  
مدحت پاشا مرحومه نسبتی و فکرینه خدمتی کبی معناسز  
و مناسبتسز برظن نتیجه سی ایدی .

مع مافیه بورالرنی تنویر اُده جک وثایق حکومتدر .  
چیقاریلیرسه آلبته استفاده اولونور !



وَنَاءُ نَارٍ يَخْضِرُ وَسِينَا

تَبَعَانِي

ايلك بيك

الحمد الحسناء وشركا

بشنجی کتاب





بوتون شرق مسأله سی ، برلین قونگره سنده مند مجدر ؛ یا خود ،  
برلین قونگره سی : شرق مسأله سنک ماضی و آتی سی آکلامق ایچون . یکانه  
زمین تبیع و تدقیق در .


شو فکر و اعتقاد ایله ، مطبوعات آجندی ده و صدارت ترجمان لغنده  
ایکن ، بعض اثر لر طوبیلامش . بعض ترجمه لر حاضر لامش ایدم .

کچن ، سنه تبعات تاریخیه ده بولونمق اوزره ، پارسه کیتدم . ادبیات  
تاریخیه و سیاسیه کبی واسع بر ساحت عرفانده مشار بالبنان اولان . فرانسه  
آقاده میسی اعضا سندن مورخ مقتدر موسیو غابرییل هانوتو ایله ،  
خارجیه نظارتنده ، شرف یاب ملاقات اولدم . قار دینال ریشه لیو تاریخی ،  
فرانسه نك دور اخیرنی برلسان بدیع و فصیح ایله یازمش اولان مؤلف  
محترم ، مبحث عنه قونگره تبعاتی تعقیب آتمه یی و بعض آثار مهمه یی  
توصیه آیلهدی .

حقیقت ! ۱۸۷۸ ده ، برلینده [ ۱۳ حزیران - ۱۳ تموز ] بویوک  
بر ماصه نك اطرافنده طوبیلامش اولان آوروپا دیپلوماتلری ، شرق مسأله سی  
دینیلن هر دورلو تصورات و تمایلات پولیتیقه نك بر معکس مجسمه  
تشکیل - داها دوغروسی - تمثیل آتمش اولدقلرندن . عثمانی تاریخچه  
بونك هر صحیفه سی حرف بحرف . . حتی نقطه بنقطه تدقیق و تعمیق  
لازمه دندر . فقط بویله مهم برتبعده بولونمق ، بویوک بر وقوف  
و عرفانه محتاجدر . بن ایسه عجزیم بیلر و اعتراف آدهرم . بناء علیه ،  
اویله ایسته نیلدیکی کبی قیمتدار بر اثر وجوده کتیر یله سنی آهلنه  
براقیورم . بن ، یالکن ، مملکت مزده یکی بر زمین مطالعه آچق امل معقولیه ،  
دول معظمه صفحات پولیتیقه سنی ناطق اولان بعض دیپلومات خاطر دلرینی  
پی در پی ، شوکلیات آره سنده ، نقل و نشره عزم آیلهدم .

دیپلوماتلریمز ، آوروپاده اولدیفنی کبی ، بومهم مسأله ایچون بر اثر اعتقاد

تأليف ونشرينه همت بويورورلر سه . . تاريخمزه وكنيج ديپلوماتلريمزه  
 بك بويوك برخدمت ايفا آتمش اولورلر .



۱

۱۸۷۶ سنه ميلاديه سنك صوڭ بهارنده ، « وارزين » ده  
 بولونديغم صيراده ، روسيه ياده كي مرخص عسكريمز جنرال دو  
 [ وِر-دەر ] دن شيفره بر تلغرافنامه آلد . امپراطور آله كساندر ك  
 سوءال وطلبي اوزرينه ، لي واديادن چكيلن بو تلغرافنامه ده ،  
 مرخص موما اليه روسيا و آوستريا بيننده بر محاربه وقوع بولديغي  
 تقديرده : بزني طرف قالاچقمي يز ؛ ديه صورويور ايدى . بوگا  
 جواب ويرديگم حالده ، اول باول جنرال [ وِر-دەر ] نزدنده كي  
 شيفره نك ، شهه سر ، روسيا سراي امپراطوريسنجه مجهول  
 اولماديغي اونو تمام قلم لازم كليوردى . حتى په ترس بورغده كي  
 سفارت خانه مزده شيفره مفتاحلرينك محرميتي تايمين آده جك  
 صنايعي كليدلر موجود اولماديغي تجربه سندر بالذات بولومش  
 اولديغمي و شومهم محذوري دفع ايجون ، يكانه چاره ، صيقچه  
 صيقچه شيفره يي تبديلدن عبارت اولديغي تخطار ادييوردم .  
 الحاصل آمين ايدم ، كه تلغرافله نه يازسه م روسيا امپراطورينك  
 قولاغنه واصل اولاجقدى . بوندن باشقه ، ذاتا بويله برمسأله نك  
 اويله برواسطه ايله درميان آديش اولماسي ماده سي ، حد ذاتنده ،  
 قواعد ديپلوماسي يه تجاوز ديمك ايدى . برقايينه ، ديكرينه بويله  
 سوءال درميان اتمك ايسته ديگي زمان .. بونك دوغرو يولى ،

او قابینه نك افكار و تمایلاتی كندی سفیری واسطه سیله محرمانه بر ملاقاتده بولونارق آكلامقدر. بعضاً ده او یله بر مسأله ایکی حكمدار آره سنده، بر ملاقات وقوع بولدیغی ائناده مذاكره اولونور. فقط ایمپراطور نيقولا ایله سهیمور [۱] آره سنده تحدث آتمش اولان ماجرالر، روس دیپلوماتلرینه، فکری آكلاشیلماق ایسته نیلن دولت سفیرینه او یولده بر سوءالده بولونمانك بعض كره وخیم نتایجی منتیج اولدیغی او گره تمش ایدی. غورچاقوفك بزده تلغرافلره و ترلینده کی روسیا سفیری یرینه بزم په ترسبورغده کی سفیریمز واسطه سیله سوءالیر ایدینه اولان انهما کی، أكثریا دیگر دولتلر نزدنده کی سفر امزدن زیاده په ترسبورغده کی سفیرلریمزده بر اخطارده بولونمایه بنی مجبور ائدی، كه اوده كندیلرینك (سفیرلریمزك) وظیفه سی: نزدیمزده روسیا منافعنی مدافعه آتمك اولمایوب، بزم آرزولریمز روسیا په بیلدیرمكدن عبارت اولدیغی متضمن ایدی. بر دیپلوماتده، نزدینه مأمور اولدیغی حكومه قارشی، ملتفت و متواضع كورونهرك كندی موقع رسمی و اجتماعینی داها زیاده تسهیل و تأمین هوس و آرزوسی بویو كدر. بر حكومت خارجیه ناظری، بزم مأمورلریمزى - بزجه حصولی دگل، بلكه تصویری بیله مخدوردن سالم اولمادیغی هنوز بیلمه دیگی - بر طاقم آمللرینه خدمت ائدیرمه په موفق اولدیغی تقدیرده ایسه .. او مأمورك تأمین موقع خصوصنده کی آرزوسی داها مهلك اولمش اولور. فقط روسیا سرایى نزدنده کی آلمان مرخص عسكریسك،

[۱] انكارتهدك په تر-بورغ سفیركبری سرهامیلتون سهیموردر. كه چار برنجی نيقولا ایله قریم محاربه سنی انتاج آدن ملاقاتلری مشهوردر.

بن برلینده اولمادیغ بر زمانده، بر تلغراف شکل قطعیننده اولارق،  
 روسیا ایمپراطورینک آمریله، بزه، ماهیت پولیتیکهسی پک بویوک  
 بر مسأله درمیان آتمهسی یالکنز قواعد متخذهیه دگل، هر دورلو  
 عادات و اصوله مغایر برشی ایدی. په ترسبورغده بولونان عسکری  
 مرخصلریمیزک راپورلرینی، دیگر مرخصلر کی، خارجیه  
 نظارتی و ساطیله تقدیم آده جک یرده، بالذات حکمداران طرفندن  
 یازیلان نامه لر شکلنده، دوعرودن دوعرویه، ایمپراطوره تقدیم  
 آتمه لری عادت قدیمه سنی، نفس الامر عدم موافقیله برابر،  
 دگیشدیرمه یه اصلا موفق اولاماشیدیم. بوعادت، په ترسبورغه  
 ایلات آتاشه میلیتهر کونده ریلن بیگباشی (قولبه رغ لوقادو) یه  
 ایمپراطور نزدنده بر موقع ممتاز تأمین آتدیرمک ایسته ین قرال  
 اوچنچی فرده دریق کیلیوم زمانندن بری، جاری ایدی. آتاشه  
 میلیتهر، بالطبع راپورلر زنده ایمپراطورله کرک عائله جه. . کرک  
 بر معتاد وقوع بولان ملاقاتلرده پونیتیکه یه دائر روسیا چاری  
 نه سویلهر ایسه هپسینی یازار ایدی و علی الاکثر بو یازدیغی  
 شمارده، غورچاقوفل په ترسبورغ سفیریمزه سویله دکلرندن فضله  
 برشی یوق ایدی. روسیا سراینده (پروسیا قرانلک یاورى)  
 نامه یه یاد آدیلان آتاشه میلیتهریمز، چاری همان هر کون و هر حالده  
 غورچاقوفدن داها چوق کورور ایدی. چار، کندیسیله یالکنز  
 مواد عسکریه دن بحث آتمز ایدی و متبوع مفخممز نزدنده  
 ایضا آتات اوزره. روسیا ایمپراطورینک کندیسنه تودیع ایله دیگی  
 مأموریتلرده، دائما عائله ایشلرینه مقصور و منحصر دگل ایدی.  
 روسیا و پروسیا قایمه لری بینه ده کی مذاکرات مهمه دیپلوماتیکه

اکثریا - رسماً طانیمنش اولان سفرا راپورلرندن زیاده -  
(رائوخ) ، (مونستر) کبی آتاشه میلیته لرلک زمان مأموریتلرنده ،  
بونلر طرفدن یازیلان راپورلرله جریان ایلهمشدر . ایمپراطور  
کیلیوم - بعضاً پک کج اولقله برابر - په ترسبورغده کی مرخص  
عسکریمزدن کلن راپورلری بعدالمطالعه دائماً بگا تبلیغده امال  
آتمه دیگندن وکندیسی ، رسماً تدقیق وتذکرأیلهمدکجه ، پولیتقیه یه  
دائر مقررات اتخاذ ایلهمه دیگندن ، مرخصمزله قرال بیننده  
دوغروندن دوغرویه واقع اولان شوو مخبره نك محاذیری :  
راپورلرده مندرج معلومات واطاراتک بگا کج واصل اولماسندن  
عبارت قالیور ایدی .

ایمپراطور آله کساندرک - مطلقا پرنس غورچاقوفک تشویقیه -  
نبضمنی یوقلامق ایچون موسیو دو ورده ری آلت اتخاذ آتمه سی ،  
اعتیادات دیپلوماتیقیه کلاً مغایر بر حرکت ایدی . غورچاقوف ،  
او اثناده ، کندی ایمپراطورینه : بنم ، مشارالیه حقنده کی  
اختصاصک و روسیا حقنده کی محبتک صمیمی اولمادیغی ،  
یاخود ، هیچ اولمازسه غیر مفید اولدیغی اثبات آتمک املنده  
ایدی . شوصورتله کندی ایمپراطورینک بگا اولان آمن واعتمادینی  
اخلال آتمک ایسته یور ایدی و بالآخره بوکا موفقده اولدی .

جنرال دوور - دهرک سؤالنه جواب اعطاسندن اول ، وقت  
چکیده جک صورتده ، اداره کلامه چالیشدم . بوکا سبب اولق  
اوزده ، برآرهلوق متبوع مفخمک مساعدده سی اولمقسزین .  
جواب ویرمکلگم محال اولدیغی سویله دم وینه جواب اعطاسی  
ایچون اصرار ادیلدکده ، مسأله نك روسیا سفیری طرفدن ،

محرمانه اولمقله برابر ، رسماً برلینده خارجیه نظارتنده درمیان  
 آدینه‌سنی توصیه آیلهدم . مع مافیه جنرال دو وِر - ددر طرفندن  
 تاغرافله استیضاحلر بر برینی تعقیب آتدیگندن آرتق تدابیریمک  
 آرقه‌سی کسیددی . او آئنده ، متبوع مفخمه، لی وادیاده -  
 دیپلوماسی نقطه نظرندن - وظیفه مأموریتی سوء استعمال آدیلن  
 و کندیسنی مدافعه‌دن عاجز اولان وِر - ددرک نزد قراالییه  
 چاغیریماسنی وهرنه اولورسه اونسون - آلمانیا ایشی دگل ، روسیا  
 ایشی اولماسندن دولای - هیچ بر پولیتیکه مأموریتی درعهده  
 آتمکدن کنديسنک منع اولونماسی عرض واسترحام آیلهدیسه مده ،  
 قرال ، بواسطه موافقت کوسترمه دیگی کبی .. آلهایه ایمپراطور  
 آله کساندر ، مناسبات سیاسیه مز نامنه برلینده کی روس سفارتی  
 وساطتیه . کندی شخصی رأی ومطالعهمی سؤال آتدیگندن آرتق  
 بوسوءال ادشا کارانه یه قارشى ، داهازیاده باشدن صاومق صورتیه ،  
 تأخیر جواب امکافی قالمادی . مأذوناً کلش ومدتی بیتمش اولان  
 په ترسبورغ سفیریمز دو [شوواینیتس] ی ، په ترسبورغه عودت  
 آتمزدن ، [وارزین] ه اوغرایه رق تعلیمات آلمق ایچون نزدیمه  
 چاغیردم . دو [شوواینیتس] ، تشرین اولک اون برنجی کونندن  
 اون اوچنه قدر بگامسافر اولدی . بر آن اول ، په ترسبورغ طریقیه ،  
 لی وادیاده چار آله کساندرک نزدینه کیتمه‌سنی تنبیه آیلهدم . موسیو  
 دو [شوواینیتس] ه ویردیگم تعلیماتک خلاصه مالی شوایدی :  
 « بزم برنجی وظیفه مز ، یکدیگریله محاربه حائنده قازانمقندن »  
 « زیاده غائب آده جک اولان حکومت معظمه مطلقه بیننده » .  
 « ادامه مصافاته چالیشمقدر . مع التأسف روسیا ایله آوستریا »



« آردسندە محاربە وقوعنى منع اتمك بزنة ممكن اولمادىنى »  
 « تقديرده ، دوستلر يىمىزك محاربەلر قازانوب غائب اتمەلرینه ، »  
 « شېھەسز ، قاتلانابىلير ايسەك دە .. برىنك ، ياخود ، دىكرىنك »  
 « آوروپا هيات دوليەسندە صاحب رأى اولان دولت معظمه »  
 « مستقاه موقعنه خىل كەجك درجە دە آغىر صورت دە ازیلدیگنه »  
 « مساعده ادمەنز . »

غورچاقوفك ، چار معرفتيله ، محضا دوستلر يىمىزك روسيايه  
 فائده سزلىگنى اثبات اتمك ايچون ، بزدن ايستەتمش اولدىنى بو  
 جواب اوزرىنە ، روس فيرطيناسى شرقى غالىچيادان اوزاقلاشەرق  
 بالقانلرە دوغرو يورومش ؛ بزمە مذاكرات منقطع اولدقدن  
 صوگرا : روسيا ، آوستريا ايله مكلما تە كىرىشمە يە و خاطرمدە  
 قالدیغنه كوردە ، ابتدا پشته دە مذاكراتە باشلامشدر . مذاكرات ،  
 [ رايخشتات ] مقاولە نامەسى مائنه توفيقاً جريان آتمشدر .

۸ تموز ۱۸۷۶ تاريخندە ايمپراطور آلەكساندر و فرانسوا -  
 ژوزەف بينندە ، محل مذكوردە بر ملاقات وقوع بولمش و بوندە  
 بزم . ائتلاف واقعدن ، بى خبر بير اقيلمامز آرزوسى بيان و اظهار  
 ادىلشدر .

آوستريانك بوسنە و هرسيكى ايادى تصرفنە چكىرمەسى برلين  
 قونفرەسى نتيجهسى دگل ، مذكور مقاولە نامە [ ۱ ] ثمرەسى  
 اولوب ، توركلرلە اثنای محاربە دە ، روسلرە آوستريانك بى طرفلغنى  
 تأمين ائديرىن شى دە ، ينە مذكور مقاولە نامە اولمشدر .

۲

بوسنە و هرسيك قطعەلرينك نىمە يد تصرفنە چكىرمەسى - كه  
 [ ۱ ] مقاولە نامە ۱۵ كانون اول ۱۸۷۷ تاريخندە عقد اولونمشدر .



اوستريايي طرفلغنه مقابل، رايخشتانده منعقد مقاموله نامه موجبنجه، روسيانك انضمام موافقتي ايله حصول پذير اولمشدر - روسيانك، برلين سفيري موسيو دوبريل طرفندن : « بالقانلرده محاربه دن مقصد : بر عسكري كزينتيسندن، قواي عسكريه يه بر مشغوليت احضار آتمكدن و بر قاچ توگ و سن ژورژ چلپاسي ويرمكدن عبارتدر. » يولنده تاامينات ويريلير كن، بزه حقيقي سويله مه مش اولديغني ميدانه چيقار مشدر. شبهه سز، په ترسبورغده « بولغارستان، دولت عليه دن قورتولنججه، روسيانك تابعيت دائمه سي آلتنده قالاچق » ديه اميد اولومش ایدی. حال بو كه آياسته فانوس معاهده سي، هيچ بر تعديله اوغرا مقسزین، موقع اجرا يه قومش اولسه ایدی بيله .. اميد واقع قوه دن فعله چيقا مايه جق ایدی. بناء عليه روس ملتته قارشى بو حالك مسؤليتدن قورتولمق ايجون محاربه نك پك آزمونويت بخش اولان نتيجه سي قصور ني آلمان پوليتيقي سي حسابنه، دوست آلمانك صداقت سز لگنه عطف آتمه يه مسارعت كوسته رديلر. بو ايسه حقيقتنه ناموافق براخترع ایدی. بزم روسيا يه اميد ويرديگمزشى، خير خواهانه بي طرفلقدن عبارت ایدی. حر كتمز پك ناموسكارانه اولدی. روسيانك - رايخشتات مقاموله نامه سنى صاقلامق صورتيه - بزه قارشى اظهار ايله ديگي عدم امنيتته مقابل، بزه، من القديم روسيا يه اولان اعتماد يزدن و خير خواهلغمزدن واز كشمه دك. بالعكس قونت بي به رشو والوفت، بر لينده بر قونغره عقدى ايجون، فريديرخسه دروهده بكا درميان ايله ديگي آرزويه مسارعتله موافقت كوسته ردك. روس حكومتك بر قونغره معرفيله استحصال صلح وسلم آرزوسنده بولونماسى،

استانبولی اشغال فرصتی قاجیر دقندن سوکرا، انکلتره و آوستریا  
ایله بر محاربه وقوعی تهلکه سینه رغماً ، ادامه حربه — عسکرلک  
نقطه نظر نجه — کندیسنی درجه کافیده قوتلی حس اتمه دیگنه  
دایل ایدی. شهبه سز، که روس پولیتیکه سنک خطیئات واقعه سندن  
متولد مسئولیت ، غورچاقوف ایله کندیسندن داها کنج وداها  
فعال اولان طرفداران افکارینه عائددر . بو حصه مسئولیت  
بحق غورچاقوفه ترتب اتمشدر. غورچاقوفک — علی الخصوص  
روس نقطه نظرندن — موقعی نه قدر قوی اولدیغنی بر شی  
کوسته ریر ، که اوده ، متبوع مفتخمنک آرزوسی خلافنه اولارق،  
روسیا مرخصی صفیله برلین قونغر دسنده حاضر بولونماسی در .  
غورچاقوف ، روسیا دولت معظمه سی شانسه لیه سی و خارجیه  
ناظری صفاتیله قونغر دده اخذ موقع ایله دیگی وقت ، پک غریب  
اولدی : آمر اولان شانسه لیه ایله اداره معیتده مأمور بولونان  
سفیر شووالوف یان یانه اوتور مشر ایدی . لکن روسیانک  
مأذونیت کامله یی حائر مأمور مرخصی سفیر ایدی ؛ شانسه لیه دگل .  
بو حال ، — که روس آرشیولر نده أمثالنه اصلا تصادف  
اولونامایه جنی درکار اولقله برابر — شاید مئانی بولونسه بیاه ،  
نجه قطعاً موجب تردد دگلدر . بونی بالذات تجربه و تقدیر آدم .  
هر حالده شوراسنی اثبات ادیور ، که : حکمدارک « یکانه صاحب  
مطلق نفوذ » اولدیغنی بر حکومتده بیاه . حرکت پولیتیکه وحدتی  
دائماً تحت تأمینده دگلدر . بلکه انکلتره ده داها زیاده تحت  
تأمینده در . چونکه اوراده ، باش وکیل و بونک آلدینی راپورلر  
دائماً افکار عمومیه نک انتقادینه معروضدر . حال بوکه روسیاده —

انسانلر حقنده کی درجه معلومات و تقدیراته و آرزوق مصیب  
اولاجق کشف و تخمینه کوره۔ کندی اطرافنده کیلری آگلا یا جق  
یا لگز ایمراتوردر . تحریری ، یا خود ، شفاهی راپورلرنده  
بندکاندن کیمک کندیسنی آلدادیغنی ، یا خود ، کیمک کندی  
کندینه آلدادیغنی و کیمک کندیسنه بوتون حقیقتی سویله یه جگنی ،  
یا لگز ، بالذات او بیلیمک لازم کلیر . امور و معاملات جاریه نك ،  
لوندرا خارجیه نظارتنده په ترسبورغ خارجیه نظارتندن داها  
ماهرانه جریان آدیگنی ادعا اتمک ایسته مم . فقط انکلیر حکومنی ،  
مأمورلرینک خطالرینی یالانلرله تعمیره ۔ داها نادر صورتده ۔  
مجبوریت حس ایدیور . لورد پامهرستون ، فی الواقع ، ۴ نیسان  
۱۸۵۶ تاریخنده عوام قاماراسنده ، اعضای مجلسک مطلقاً نظر  
دقتندن قورتولمش اولان بر طور استهزا کارانه ایله ، قارص  
ایشنه دائر پارلامنتویه تودیع ادیله جک و ثایقک انتخابی ..  
خارجیه نظارتنده ایکنجی درجهده موقع صاحبی دگل ، بویوک  
بر موقع اشغال ادن ذوات طرفندن بویوک بر دقت واعتنا ایله  
اجرا قیلنمش اولدیغنی بیان مجبوریتنده بولونمشدر . قارص ایشنه  
دائرمائی کتاب و «سر آله کساندر بورنس» ک افغانستان حقنده کی  
قیر پیلیمش محرراتی ایله منجیه نوفک تکلیفنه ترجیحاً ۱۸۵۴  
سنه سنده ویانه قونغرهمی طرفندن تصدیق سلطانی یه عرض  
و توصیه اولونان نوتانک اساسنه متعلق هیأت وکلا بیاناتی ،  
انکلترده مطبوعاتی و پارلامنتوی آلداتمق قولای اولدیغنه دلیدر .  
لوندرا ده امور خارجیه و ثایقک محافظه سنجه التزام اولونان دقت  
واعتنا ایسه .. اویولده باشقه دلائل داها موجود اولدیغنی فرض  
و تخمین ائدیرمکده در .

مع هذا، شوراسی شایستهٔ اعترافدر، که پارلامنتودن زیاده جاری آلداتق دها قولایدر.

مرخصلر، برلین قونفرهسی مقرراتی موقع فعل و تطبیقه وضع ایله اشتغاله باشلادقلری زمان په ترسبورغده، بز - په ترسبورغ ایله برلین آره سنده براتلاف متقدم حاصل اولقسزین - انکلتزه و آوستریا افکارینه مخالف دوشه بیله جک بالجه روس تکلیف لرینی التزام ادوب قبول ائدیره جگیز، دیه ظن اولونویور ایدی. بونک اوزرینه ایماء و بعده صراحة روس پولیتیکهسی نقطه نظر لرینی - فقط صمیمیتله - محرمانه او گره نمک و موقع تدقیق و تذکره قویمق آرزو سنده اولدیمی آالاتدم. بوتکلیفم مسسوع و مقبول اولمادی. او یله حس ائدم، که پرنس غورچاقوف - برقادینک عاشقندن بکله یه بیله جگی صورتله - روسیا بزه آملارینی بیلدیرمه یه و مسئولیتنی درعهده آتمه یه محتاج اولقسزین، نم اونک آرزو لرینی کشف و تخمینه مسارعت کوسته رمکلیگمه انتظار ایله یور ایدی. روسیا منافع و نیاتی تماماً بیلیرز، ظننده بولونا بیلدیگمز و کندی منافع مزای اخلاص ائتمکسزین طوعاً برنشانه دوستی اظهارینه مسارعت ایله دیگمز بعض احوالده روس دوستمزک، بزدن بکله دیگی شیئی کشف و تخمین آده مه مشر، دیه طادسز برمعامله تقییحکارانه یه هدف اولویوردق. خدماتمزک فائدهسی و مطلوبه توافقی بزجه شبهه سز اولدیمی زمان بیله، روسیانتک تشکری عینی ایدی. بو طرز حرکتک اصل و اساسنده بزه دگل، ایمپراطور آله کساندره قارشى ترتیب اولونمش بر دولاب خیانت وار ایدی، که بوده مشار الیه آلمان پولیتیکه سنی حیله کار

و ثباتسز کوسته رملک لزومنه مبنی ایدی . حتی ایمپراطوریچه  
 مارییا ، برکون ، سفرامزدن برینه - برطور مؤاخذه کارانه  
 ایله - « سزک دوستلغکز پک زیاده صوریدر . » دیمشدر .

واقعا ، بردولت معظمه نځ دیکرلری ایچون مخادتی دائماً  
 برآز صوری اولور . زیرا هیچ بردولت یوقدر ، که کندینی بر  
 دیکرینک خدمتنه حصر اُتسین . ملل سائر ایله اولان مناسبات  
 حاضره و مستقبله سنی هیچ بر وقت نظردقتدن اسقاط اُتمه مک  
 و اساساً دوامی و التزامی خصوصتله میدان ویرمه مک لازم کلیر .  
 بولزوم ، موقع مرکزیسی حسبیله اوچ جههدن تعرضه هدف  
 اولان آلمانیا ایچون ، سائر بالجمله دولتلردن زیاده موجوددر .  
 بر دولت معظمه قابینه سی طرفندن وقوع بولان خطیات  
 پولیتیقیه ، کرک په ترسبورغده کرک برلینده درحال مقارن عفو  
 اولماز . حال بوکه هیچ بر زمان نتایج مؤسفه دن خالی دگدر .  
 منطق تاریخی ، بزم دیوان محاسباتمزدن داها زیاده قرین و ثوقدر .  
 قونغرہ مقرراتنک حین اجراسنده روسیا امیدادیور و  
 ایسته یور ایدی ، که شرقده محلنجه جریان اُدن مذاکراتده روسیا  
 و سائر دولتلر آرمسنده ، تخالف افکار وقوع بولدیمی ؟ آلمان  
 قومیسرلری علی الاطلاق روسیانک فکرینه کوره اعطای رأی  
 آیله سینلر . برچوق مسأله لرده اتخاذا اولونان صورتسویه بزى  
 لاقید بیرا قیور ایدی . بزجه حائز اهمیت برشی وار ایدی ، که  
 اوده مقرراتی ناموسکارانه تفسیر اُتمک و آلمانیا منافعیله هیچ بر  
 تعلقی اولمایان مسائل محلیه دن دولایى دولتلرله مناسباتمزی  
 اخلال آیلهمه مک ایدی . بوتون روس غزته لرینک حقه مزده

استعمال اُتدیگی شدت لسان و روس سانسورینک روس افکار عمومی‌ه‌سنی‌علیه‌مزه تهییج ایچون‌کوسته‌ردیگی سربستی‌مساعدده، بزی دول سائره نزدنده قازانابلیه جگمز تمایلات دوستانه‌نی قاجیرما مق احتیاطنه سوق ایلهدی .

ایمپراطور آله‌کساندر طرفندن برلینه برنامه مخصوص کلدیگی وقت، احوال بومرکزده ایدی . بردوسته ، باخصوص ، مسن برعمجه‌یه قارشی مقتضی اولان احترامه رغماً . . بونامه‌نک ایکی یرنده ، حقوق مللجه معین آشکال و صور معروفده اولارق ، صراحةً حرب تهیداتی وار ایدی . تقریباً مأل مکتوب بو ایدی : « اکر آلمانیا روسیانه‌نک نقطه نظرینی قبولدن امتناعده اصرار ادرسه .. بینمزده صلح و مسالمت دوام ایله‌یه‌مه‌یه‌جکدر . » بو افاده ، نامه‌نک دیگر ایکی فقره‌سنده دهاپک آچیق و غیر مبهم بر صورتده مذکور ایدی . بن ، بونی‌اقور او قوماز ، ۱۶ ایلول ۱۸۷۹ده [سوله‌ی] غزنه‌سی مخبری لوئی پهامون ایله ملاقاتنده ، فرانسه‌یه بر صورت فوق‌العاده ، اعلان عشق اتمش اولان پرنس غورچاقوفنک اشتراکی اولدیغنی در حال آکلادم . اخیراً واقع اولان ایکی تجربه بو تخمیننی تأیید ایلهدی : تشرین اولده بادن بادن قابلیجه‌لرنده [آروپا اوتلی] نده ، غورچاقوفله او طه قومشوسی بولونان برلین کبار نسوانندن بر مادام ، پرنسک : « محاربه اتمک ایستهر ایدم . لکن فرانسه‌نک نیاتی باشقه‌در ! » دیدیگنی ایشیتمشدر . تشرین ثانی ابتداسنده ده ، تایمسک پارس مخبری : « چار آله‌کساندرک ، آله‌کساندر و و ملاقاتندن اول ، ایمپراطور کیلومه مکتوب یازوب آلمانیه‌نک طرز معامله‌سندن



شکایت آیه دیگنی و بومکتوبنده [باش وکیلگز، ۱۸۷۰ موعادینی  
اونوتدی.] فقره سنی یازمش اولدیغنی « غزته سنه بیلادی ریویر مشدر.  
روس مطبوعاتک نشریاتی، افکار خلقت کیتدجکه تهییجی  
و قوای عسکریه نک پروسیا حدودنده تجمعی .. بزجه، احواله  
نظر بی قیدی آیه باقغه و مقدماتمظهر کمال تعظیم واحترام اولان  
دوسته قارشی ابراز ادیان تهدیدی آگلا مقده ترده مساعد  
دگل ایدی. ۱۸۷۹ ایلونک اوچنده، سرای ایمپراطوری ناظری  
فهدماره شال دومانتویفه انت توصیه سیله، ایمپراطور کیلوم طرفندن  
[آله کساندرو-وو] ده واقع اولان تشبندن مقصد، حفیدینک  
(چارک) تهدیدات تحریریه سنه شفاهاً بر جواب کافی ویرمک  
ایدی. بن بو تشبئی بگنمه دم. بنم فکریم و قلم بگا دییور  
ایدی، که: یاپیلمق لازم کلن شی بو دگل ایدی.

برلین قونغره سی خاطر دلری



۱۸۶۲ مشکلات عظیمه سنی - روسیا آیه براتفاق عقد آدردک -  
حل آیه مهیه مانع اولمش اولان اسباب و مطالعاتک عینی بو کرده  
۱۸۷۵ دن ۱۸۷۹ تاریخنه قدر کچن مدت طرفنده - آوستریانی  
خارجده بیرا قهرق - روسیا آیه دوستلغمزی داهاز یاده تشید  
اتمک آرزوسنه مانع اولویور ایدی. قونت [پییه ر شو والوف] ک  
کرک بالقان محاربه اخیره سندن اول، کرک برلین قونغره سنک  
اجتماع اتدیکی اثناده آلمانیا آیه روسیا آردسند براتفاق عقدی  
مسأله سنی تدقیق وتذکر ایچون نه درجه لرده قدر مأموریت



مخصوصه بی حائز بولونمش اولدیغنی بیله مه یورم . زیرا شو و انوف برلین دگل، لوندراسفیری ایدی . شوقدر وار، که بنله اولان مناسبات شخصییه سی کرای برلیندن هر کجده که کرک قونغر ائاسنده کندیسنگ بنله — بلا احتراز — هر دورلو مباحثاده بولونماسنه مساعد ایدی .

شباط ۱۸۷۷ ایتداسنده، کندیسندن اوزون بر مکتوب آلمش ایدم . جوابی وقونتك جواب الجوابی شورایه نقل ادییورم :

برلین ۱۴ شباط ۱۸۷۷

« عزیز قونت ،

« لطفاً یازدیغکز کلمات ملتفتانه دن دولایی سزه تشکر ادهرم .  
« وقونت [ مونستر ] ده پک منتدارم، که سزگله داها ایات  
« طانیشدیغمزده حصونه گلش و، بوکون بزى مناسباتده  
« بولوندوران روابط پولیتقییه دن صوگر ادخی، پایدار اوماسی  
« طیبی بولونمش اولان رابطه مخالفتی.. شو وسیاه ایله سزه  
« تماماً ابلاغ ایله مشدر . حیات رسمیه دن افتراقک بیراقه جغی  
« تأثراتک ائ مهملرندن بری ده سزگله اولان مناسباتمک  
« تحطرنندن متولد تأثرات اولاجقدر .»

« مملکتلریمزک استقبال پولیتقیسی نه اولورایسه اولسون،  
« بگا بوایکی مملکتک لزوم اتفاقی حقنده، وطن داشلریکزر  
« آرسنده، ائسه ویملی رجل دولته اوتهدن بری متحدالافکار  
« بولونمش اولمق یاد مفخرتی بیراقه جقدر . بن، محافظه موقع  
« ائدجکه، یگر می بش سندهن بری رهبر حرکتیم اولان و اساسی روسیاه

«ایہ آمانیانک۔ ہر ایک سینک منافع مخصوصہ سی مصاب اولمش»  
 «اولمقسنزین۔ بربرینہ متقابلاً ایفا اُدہیلہ جکلری و برعصر دن»  
 «زیادہ مدتدر، اُدہ کلدکلری خدمتقرہ دائر مکتوبگنزدہ مصرح»  
 «افکار ایہ توافق ایلہین.. ماثورات قدیمہ یہ صادق قالا جغمدر. کرک»  
 «۱۸۵۸ء تا ۱۸۶۳ء تاریخلر ندہ.. کرک ایلوم وطن داشلریمک»  
 «کثرت مطلقہ ایہ رأیی قازانمغہ موفق اولدیغم حال حاضرده، بگا»  
 «رہبرلک اَدن شی، قناعت واقعہم اولمشدر. بوبر اُتردر، کہ»  
 «تأسیسندن زیادہ بلکہ تخریجی قولای اولاجقدر. باخصوص»  
 «خلفلرم۔ نقصانی تجربہ حسیلہ۔ ہم کبی ماثورات قدیمہ نی»  
 «تعقیدد عین ثباتی التزام اتمزلرسہ.. و بعضاً احوال ظاہرہ نی حقایق»  
 «امورہ و تاثرات و انفعالاتی منافع عظیمہ حکمداری یہ توفیق»  
 «ایچون مقتضی اولان عزت نفسدن فراغتہ قاتلانمازلرسہ....»  
 «ہم فطرتمدد بر تجربہ دیدہ، اساسسنز تلاشلرلہ قولای قولای»  
 «ششیرماز. بن؛ متبوع مفہمملہ مایکتہک منافعنہ رعایہ، سزک»  
 «مڈکتگنر جہ شوصوٹ ایکی سنہ ظرفندہ، حقمدد دریغ اَدیلہین»  
 «مناسبتسنز لکلری اونوتا بیلیرم. پترسبورغدہ کی محب قدیم»  
 «ووصیم [غورچاقوف] ایلہ پارسدہ کی کنج دوستمک [اورلوف]»  
 «فیض قوصلرینہ اُہمیت ویرم. لکن اوچ سنہدن بری یاپیلدیغی»  
 «کبی.. مکتگنزدہ انتقام اساسی اوزرینہ براتفاق احدائی قولایلغی»  
 «کوستہردک، بندن صوگرا کلہ جک شانسہ لیہلری افکار»  
 «پولیتیقیہلر ندہ ششیرتمق بلکہ داها قولای اولاجقدر.»  
 «شواحوالی صورت تلقیدہ کوستہردیگم صوغوق قانلیلغی»  
 «خلفمہ میراث بیراقغہ مقتدر دگم. تہدیداتدہ بولونان نیم»

« رسمی غزته لرله .. پولیتقه قادینلرینه غزته تفرقه لری »  
 « و مکتوب شکندہ یازیلان پارس کاری ناز و نیاز لرله .. »  
 « کونلرک برنده ، اندیشه فکر انفرادہ دوچار اولان بر آلمان »  
 « ناظرینت یوصولاسنی شایر تمقیک کوچ اولمایاجق ؛ اوایسه »  
 « بوانفرادی منع ایچون مناسب تسز .. فقط بالا آخره فسخی مشکل »  
 « تعهدات آتسه کیره جکدر . هر حالده بونی یاپاجق بن دگم . چونکه »  
 « بن ، آیت یگر می ایکسینده آچیلاجق و آنجاق بر قاج هفته دوام »  
 « اده جک اولان ( دیهت مجلسی ) مطالباتنه آبی کوتوخدمندن »  
 « صوگرا ، بر داها مقام مأموریتہ عودت ائمه مک اوزره ، »  
 « قابیلجیلره کیده جگمدر . untauglich اولدیغمه دائر »  
 « فکوتعدن تصدیق نامه وارددر . که بونده مذکور اولان اوکله ، »  
 « تقاعده قبول ایچون معین بولونان تعبیر رسمی اولمقله برابر ، »  
 « مع التأسف حقیقت الیمه یی مفیددر ! آرتق ایسته مم . »  
 « بو تشبہ مدن مقدم ، پولیتقه گرک صولک معماسنه جواب »  
 « ویرمکدگم لازم کله جکدر . کشف و تخمینده مهارتسزم ؛ »  
 « غالباً وقیلہ یا کلش آکلامش اولدیغم بر فکر خصوصی »  
 « حنند ، محتاج تنویر بولونویورم . هیچ براخطار و اخبار »  
 « آمادیغم حنند ، « صلحدن بحث ادرکن تشجیع » »  
 « مواخذہ سیله « صورت خائنه ده حربہ تشویق » آردسندہ »  
 « خط وصل بولامایورم . حال بوکه بو اتماماتک معکوسنه »  
 « دوچار اولدم . بناءً علیه ، قلاغوزسز .. حتی مواصلت »  
 « آتدیگمزی ایسته دیگمکز لیمانی کوسته ره جک فنار اولمقسزین ، »  
 « تکرار اورتایه آتیلمایاجمدر . »

بیمارق

لوندرا ۲۵ شباط ۱۸۷۷

عزيزم پرنس ،

مکتوب لطيفگزدن پک زياده متحسس اولدم . يالگنز سزک ، بونی يازمق ايچون اختيار اُتديگگنز کلغتی وَاَضاعه ايله ديگگنز قيمتدار وقتي — سزک اولديغی ايچون — دوشوندجه .. حقيقي برنامت حس اُدييورم .. بومکتوب ، مسلك سياسيمک اُک کوزدل يادکارلرندن بری اولارق قالاجق . اوغلامه ترک و وصيت اُدهجگمدر .

برسنه دن بری برلين وِپه ترسبورغدن اوزاق اولديغ جهته ، بگا شبهه عارض اولمغه باشلامشیدی . اُولجه موجود بولومش اولان شی بلکه آرتق پايدار دگلدر . ظن اُدييوردم . سز ، بونک خلافنه دليل کوسته رييورسيگنز . بناءً عليه اُي بروس صفياه وِبتون قلبيله سه ويندم .

عزيزم پرنس ، اُکر بن سزک کرک پوليتيقيده .. کرک دوستلرينه خير خواهلقده اصلا دگيشمز بر آدم اولديغگزی آکلاماش اولایدم ، روس تحويلاقمی هان صاتمش اولاجقدم . ناصل که سزده ، بوندن اوچ سنه مقدم ، بنم حقمده کی حسن نظريگزه بناءً اويله ياقمق ايسته ديگزدی . مکتوبگزدن بعض فقره لر اُي صورتی چيقاردم و متبوع مفخممه کونده رددم . ميليرم ، که بونلری اوقومق مشاراليهک خوشنه کیده جکدر . ايمپراطور ، قاچ کره سزکله دوغرو دن دوغرو تماسده بولونديسه .. اُي وفائده لی نتیجه لر حاصل اولدی . بناءً عليه ، دوست خطاييله مشرف اُتديگگنز بر آدمه يازدقلريگزی اوقومق ، مشاراليهک کنديسيله مخبره اُديليور کي در .

غورچاقوفه عائد سوزلری کاملاً مسکوت عنه بیراقدیغمی  
بیانه حاجت یوقدر. زیر اوناڭ حقنده کی تلمیح لری، بگا قارش  
کوسته ریاش بر اعتمادک دلیلی اولمق اوزره، تاقی ایله دم .

بدر سبور غده نه ایسته دک لرینه دائر کرچه پک ناقص صورته  
خبردار ایسه ده . تأجیل و ترک سلاح بگا محتمل کورونویور. روایت  
کوره صیرییا و قاره طاغ ایله صلح عقد اولونمق اوزره در .  
صدراعظم ، خنکارک قونفرانسده طلب اولونان بوتون اصلاحاتی  
در حال اکمال آتمه یی و عدا ایله دیگنی تبلیغ ایچون ، ده قاز [ فرانسه  
خارجیه ناظری ] ایله دَرَبی [ انکلترة خارجیه ناظری ] یه مکتوبلر  
یازمشدر . آوروپا ، تورکیسیایه زمان بیراقتی زره تکلیف  
أده جکدر . شیمدی، بزم ایچون . اعلان حرب و آوروپا احتیاساتی  
داها زیاده علم مزده سوق و تحریکه زمان مساعد میدر ؛

بعض مصالح ذاتیه روسیایه عزیمتی قطعاً ایجاب ایله دیگندن ،  
دوئیجه [ روسیاجه ] برویا دیگر صورته برقرار اتخاذ اولونور  
اولونمز ، آز مدت ایچون . مآذونیت ایسته مک نیتندیم .  
اومارم ، که عزیمت پرنس ، برلیندن کچرکن سزی کورمک لگسه  
مساعده أده جکسیگنز . زیر پک زیاده آرزو أدهم .

شووالوف

قونت شووالوف ، قونفرندن اول ، بگا روسیا ایله آلمانیا  
آرد سنده تجاوزی و تدافعی براتفاق عقدینه دائر برسوز چیتلا .  
تمشیدمی . اخیراً بوتکلیفی آچیقندن آچیغه درمیان ایله دی .  
بونث اوزرینه ، بن ده ، بو مسأله نڭ و آوروپای شرقی دولترنج  
اتفاق ثلاثی ادامه اولونامادیغی تقدیرده روسیا ایله آوستریادن

برخی انتخاب و ترجیح اتمک ماده سنک ، بزم نقطه نظری مزجه ،  
کوستره دیگی مشکلاتدن و احوال آتیه دن صورت واضحده  
بحث اتم . شووالوف ، اثنای مباحثه ده سویله دیگی سوزلر  
آرسنده : «سزده اتفاقلر کابوسی وار» دینجه ، بنده : «بالضروره!»  
جوابی ویردم . قونت شووالوف ، ائک امین چاره اولمق اوزره روسیا  
ایله متین و ناقابل تزلزل بر اتحاد عقدنی در میان ایدیوردی .  
زیرا روسیا بزم اتفاقلر رقبا سی میاننده اولماجه ، موجودیت می  
تهدید اده بیله جک باشقه بر اتفاق یوق دیمک ایدی .

شو صورت مطالعه یی بنده قبول اتم . آنجاق افکارینی  
روسیا اتفاقنه حصر و تحدید اتمک روسیا آمانه موافقت ایچون ،  
حکومات سائره اتفاقنی رد ایلهمک صورتیه ، آلمانیا پولیتیمه سی  
روسیا به نسبتله کوچوک بر موقعه دوشر ، دیه اندیشنانک اولدیغی  
بیان و روسیانک موقع جوغرافیسی و استقلال اداره سی بزم  
یا پامایه جغمز قدر بر قولایلقله فسخ اتفاقه مساعد اولدیغنی و ما .  
ثورات قدیمه ثمره سی اولارق آلیوم موجود بولونان پروسیا  
و روسیا اتفاق قدیمک یالکیز بر قفایه یعنی تحت امپراطوریده  
قائم بولونان امپراطورک تمایلات فکریه سنه مستند ایدوگنی  
علاوه اتیان ایلهدم . بزم روسیا ایله اولان مناسباتمز .. اساساً  
ایکی حکمدار آرسنده کی مناسبات شخصییه و قرنا ایله دیپلوما .  
تلرک محافظه مناسبات حسنه به معطوف مهارتنه و الیه ایکی دولت  
سفیرلرینک تمایلات فکریه لرینه مبتنیدر ، دیدم . مثلاً : وقیله  
یه رسبورغده کی پروسیا سفیرلرینک بالخاصه شایان تذکار اولان  
قابلیتسزلگی ایله برابر ، جنرال دوراثوخ و جنرال قونت دومونستر

کې عسکری مرخصلریمزك مهاریتله مناسبات حسنه محافظه اولونا کمشیدی. واقعا بومر ایکی طرفه ده پک خوشه کیتسه مشیدی. بوندن باشقه بودبه رغ و اوبریل کې حدید و خشین الطبع اولان روس سفیرلرینک کندی جان صیقیتلیرینه قاپیلار ق، بعضاً برلینده کی حرکت و معامله لریله .. و بعضاً حکومت متبوعه لرینه تقدیم آتدکلری راپورلرله یوزاللی میلیون جاندن مرکب اولان ایکی ملتک مناسباتنه ائک مهلك صورتده خلل طریان آتدیره. بیامه سی ممکن بولونان تأثیراته سببیت ویردکلری دخی اولمشدره. ایشه، بر خاطرهُ شخصیه : بن په ترسبورغده سفیر اولدیغم ائناده ، پرنس غورچاقوف، حقمده غیر محدود براعتاد و توجه کوسته رمکده ایدی. بعضاً کنديسنی بکاهمه یه مجبور اولدیغم و قتلر، بگا، برلیندن کلوب هنوز آچیلسامش اولان راپورلری اوقوتیر ایدی. بعض دفعه لر، محب قدیم بودبه رغک بین الدولتین محافظه مناسبات وظیفه معتنا بهاسنی کندي حسیاتنه، یا خود، برلین شهری و سرای قرالی ایله هیأت وکلاسی حقمده بدخواهانه برسوز سویله مک آرزوسنه فدا آتدیگنی کوره رک حیرتده قالیر ایدم . بوراپورلر، بالطبع هیچ برکونا علاوه و تحشیه اديسکسزین چار حضرتلرینه تقدیم اولونمقده ایدی . آره صیرا ایمپراطورک مذکور راپورلرله یازدیغی و غورچاقوفک بگا کوسته ردیگی اشاراتک مالی ایکنجی آله کساندرک بزم حقمزده کی احتسابات صحیحه دوستانه سنی و بودبه رغ ایله اوبریلک راپورلری کنديسنجه موجب خوشنودی اولمادیغنی، نظرمدده واضحاً اثبات ایله رایدی. نه چاره که، بالنهايه، مشارالیه ایمپراطور سفیرلرینک کنديسنه یا کلیش معومات



ویردکارینه قانع اولمایور ، برلینجه متخذ پولیتیکه ناک پک محق  
وَخیر خواهانه اولمادیغنه ذاهب اولویور ایدی . پرنس غورچاقوف ،  
حکمده کی اعتمادینی کوسته رمک ایچون ، بگا اوکی اوراق  
اوقوتدینی وقتلر ، برمعتاد ، دیر ایدی که : « اوقومامقلنگیز  
لازم کلن شیلری اونوتا جق سیگیز » . بنده فی الحقیقه سوز  
ویریر و اوراق مذکور دینی یانی باشنده کی اوطهده مطالعه ادر  
ایدم . په ترسبورغده بولوندیغ مدتجه کندیسنه ویردیگم سوزی  
تمامیله محافظه ایله دم . بوبابده ، روسیانک برلین سفیری علمبنده  
بولونمق صورتیله ، ایکی سرای حکمداری آره سنده کی مناسباتی  
اخلال اتمک بگا عائد اولمادیغی فکرنده بولونور و بوندن باشقه  
بنجوبولده کی اشعار اتمی مناسبتسز بر معامله ایله ، برکون . برلینجه  
سرای آتریقهلرنده استعمال ادرلر ، دیه چکینیر ایدم .

علی العموم هر دوست حکومت نزدنده کی سفیر یمزک ، کندی  
مماکتک پولیتیکه سنه خلل کتیرمه مکه برابر . ایکی حکومت  
مناسباته کشایش ویرمه یه چالیشاجق دیپلوماتلردن اولماسی  
شیان تمئیدر . بوبابده یاپیلاجق شی دیدی قودیلر و منافقلقلر  
وقوعنده ممکن مرتبه صوصمق ، نکته پردازلغه برحد تعین  
تمت و علی الاکثر ایشارک آئی جهتلرینی میدان چیقارمقدر .  
بن . آلمانیا قراللری نزدنده کی مأمورلر یمزک راپورلرینی ،  
منسرجاتی دوقوناقلی اولمق جهتیله ، اکثریا ایمپراطور  
حضرتلرینه تقدیم اتمز ایدم . بو مأمورلرک مساعیسی ، ایکی  
سرای آره سنده کی مناسباتی حسن محافظه اده جک یرده نفاقی  
منتج اولمش اولان بعض احوال ویا وقوعاتی ، کندی فکرلرینه

کورد، تفسیر و اخباره منحصراً قالیورایدی. حال بوکه آلمانیا ده  
 پولیتیکه مزین اساسی دائماً تأمین ائتلاف نقطه سنه معطوف ایدی.  
 بن. پارس و یا په ترسبورغده مشاهده، یا خود، استماع ایله دیگم  
 یک چوق شیلر حقنده اختیار سکوتی وجیهه دن عدا دردم. زیرا  
 بیلیردم، که مملکتتمده او یله شیلر بلا فائده احوالی اشکال آتمکدن،  
 یا خود، موجب خنده و استهزا اولمق دن غیری بر نتیجه یه منجر  
 اوما یا جقدی. و کلا سلکنه داخل اولونجه، بوباده حکمداریمه  
 هیچ برشی سونیه مه مه یی وظیفه دن عد ایله دم. بر دولت معظمه  
 نزدنده مأمور بولونان سفیر کبیر اودولتت سراینده جریان ادن  
 مناسبتمز گفت و کولری.. سوء حاللری، بر یازی ما کیناسی کبی،  
 قید و ضبط آتمه یه مجبور دگلدر. یانگیز بر سفیر کبیر دگل، بوتون  
 آلمانیا سرای قریالیرنده بولونان بالجه آلمان دیپلوماتلری ایچون  
 لازم اولان شی روسیا سفیرلری بود بهرغ و او بریلک برلیندن  
 و (بالا بن) و یانه دن یازدقلری و بر طاقه تحفله قیلا ره اهمیت تندی ر مک  
 ایسته دکری راپورلر طر زنده محورات ترتیب و تنظیم آتمه مکدر.  
 مناسباتده بولونولان دولتلر ایله، مناسباتک دوستانه اولماسی اقتضا  
 آتدیگی مدتیجه، او کبی گفت و کولردن.. زه وزه کلکلردن احتراز  
 لازم کیر. واقعا ایشلرک یالگیز مادی جهتلری نظر دفته  
 آلان بر آدم، بر سفیرک نه ایشیدیر سه هپسینی یازماسی اقتضا  
 آده جگنی.. بونلردن هانکیلری نظر دفته آلوب، راپورده هانکی  
 جهتلری مسکوت عنه بیر اقق لازم کله جگی ماده سنی خارجیه  
 ناظرینک راینه ترک آتمک داها مناسب دوشه جگنی در میان آده بیلیر.  
 لکن بویه یا یتمق او خارجیه ناظرینک مزیت مخصوصه و تجربه

لازمه‌ی حائز اولماسنه وابسته‌در . بنده ، کنده‌ی اووقت  
پروسه‌ی خارجه نزارنده بولونان [ده‌شلاينيتس] قدر عقلی  
طوتديغمن و دولتک امور سياسيه‌سنده داهازياده بذل غيرت  
و اعتنا اتمش اولديغمن ناظر مشار اليهک ائنده سراجه -  
قربانک پوليتيقيسي خلافتده - ائتريقه‌لر سببیت و يردجک و قوعاتی  
اشعاردن اجتناب ايله‌ردم .

شيمدی ، بالقان محاربه‌سی ائنده ، قونت پی‌یه‌ر شووالوف  
ایله آره‌مزده جریان اذن مکلمه‌یه نقل بحث اددیم : کنده‌سینه  
دیدم ، که : روسیه ایله براتفاق متین عقدی اوغورنده ، دیگر  
دولتله اولان مناسباتمزی فدا ائدیگمز حالده ، بز - باخصوص  
موقع جوغرافیمز نقطه نظرجه - روسیه قارشی پک تهاکلی  
برتابعت آلتنده بولونمش اولاجغز . زیرافرانسزله اوستریا -  
لیرک اخذ انتقام سوداسندن تولد ادهجک و قوعات مهمه‌ی نظر  
دقدن دورطو تمامق لازم کلیر . روسیانک ، کنده‌ی ایلگی اوتمسزین ،  
موجودیتی تأمین ادهمه‌یه جک اولان دولتله اتفاق آتمه‌سنده کی فوائد  
- باخصوص پرنس غورچاقوفک بوس بوتون آسیایه مخصوص افکار  
اجتماعیه‌ی متضمن اولان پوليتيقيسي کی بر پوليتيقي ايله اولدینی حالده -  
پک محدود قالیر . اکثریا کنده‌سینه درمیان اولونان اعتراضات  
پوليتيقيیه‌ی « ايمپراطور پک قیزغیندر ! » قبول مجردیله رد و جرح  
ائدیگنی ، پرنس ، بالذات بئاسویله‌رایدی . بنده ، مسته‌زانه  
« یا بخی ! » جوابی ویریدم . بونک اوزرینه ، قونت شووالوف :  
« غورچاقوف بر حیواندر [ بوسوز په‌ترسبورغجه پک اوقدر  
معنای قیمی مفید دگلدر ] هیچ بر نفوذ مالک دگلدر »

دیدى وَ : « أليوم ظاهر حالدہ رأس ادارهٔ اموردہ بولونماسى ،  
 ايمپراطور طرفدن کنديسنت سن شىخوختى وَ مزيت سابقهسى  
 نظر اعتبارہ آينماسدن منبعثدر . برده ، روسيا ايله پروسيا آره سنده  
 هانكى چيتمده براختلاف مهم ظهور آده بيلير . بينلرنده خوشنود .  
 سز لغه سبيت ويره جك بر مهم مسأله يوقدر ! » سوزلرينى  
 علاوه آيله دى . قونتك بومطالعه سنى بنده تصديق آتمكله برابر ،  
 [ اولموچ ] وقعه سيله [ يدى سنه محاربه سى ] شايان اخطار  
 بولونديغنى وَ بعضاً اهميت سز بر طاقم سبيلر . . حتى قواعد متعلق  
 مسأله لرك توليد منازعات آنديگنى وَ بر روس ايچون - غورچاقوف  
 قاله آينمقسز ين - كنديسنت استفاده آنديگى حقوق و مساعدات دن  
 دوستك دخى استفاده آتمه سنه مساعد آيله مك مشكل ايدوگنى  
 وَ بنجه اصول وقاعده يه عايد مسأله لرك اهميتى يوقايسه ده شيدى كى  
 روسيا ، غورچاقوفك يالكنز اطوار و حر كاتنى دگل . . مدعيات  
 مخصوصه سنى دخى اتخاذ و قبول آتمش اولديغنى اخطار آيله ده .  
 الحاصل ، آوستريا ايله روسيا آره سنده برينى ترجيح حدن  
 استنكاف و اوچ ايمپراطور لر اتفاقى ، يا خود ، هيچ ازمائشيه  
 بينلرنده محافظه صلح و سلم لزومنى توصيه آتم .





قونغرده بولونمق اوزره پارسدن [\*] برلنه كلدن [ ۱۲ ]  
 حزيران ۱۸۷۸ .

خارجيه نظارتنده بولو - و ، هولشتاين ، بوهه و رادووچ  
 ايله كوروشدم . بو ايلك ملاقاتده اوگرندم ، كه : روسيا ايله  
 انكلتره آره سنده - كاملاً دگلسه ده - اتفاق حاصل اولمش و  
 محتاج حل اولان بر نقصانده تنويرى مأمولدر ؛ بى قونسفيلد  
 اعتدال پرور كورونويور ؛ بيسمارق قونغردنك ايلك اجتماعنده  
 بولغار مسأله سنى موقع مباحثه قويمق تصورنده بولونويور .  
 آوستريا ، بالعكس ، اصلاً خوشنود دگل ! آندراشى ، سراى  
 ايمپراطورينك وجهت عسكرينه نك تمايلاتيله ماجارلر ك منافرت  
 وآمالى آره سنده شاقاقلارق شرق مسأله سنده بر صورت  
 قطعيه ده مداخله فرصتى قاچيرمش . . بوسنه يى اشغال ايچون  
 قونغردنك نمسه يى مجبور ايله مه سنى ايسته يور . حال بوكه آوستريا  
 حقدده كى بوتون آثار خير خواهيمزه رغماً ، آندراشى يى موقع

[\*] هوهه ن-لوهه آلمانيا نك پارس سفيرى وقونغره ده مرخصلرندن

برى ايدى .

مشکلدن قور تارمق ایچون، انکلترة و روسیایله بوزوشایه قطعاً آرزومز یوق . آندراشی، برقاج کون کندیسنه میدان بیراقیلیمق ایچون، مرخصلری دولاشوب طورویور . اودو — روسهلده ، ایلک اجتماعده یالکیز مسائل ابتداءیه ایلک اکتفا ایچون، بیسمارق کندیسیله هم فکر اولدیغی سویله یورایدی .

خارجیه نظارتنده ایسه ، بعضی ارکان مأمورینک قونغرعه اشتراکندن دولای، مسکینانه ائتریقهلر حکم فرماییدی . بی قونسفیلدک زیارتشه کیتدم . اوراده آندراشی بی بولدم ؛ یک متلاشی ایدی . آندراشیدن صوگرا بی قونسفیلدک نزدینه کیردم . بر آز کوروشدم . « ولی عهد [ایمپراطور اوچونجی فرهدهریق] سزى ایسته مشدر . ذاتاً بنمده بو وزیرتام ، انگیزی صیقمق ایچوندر » دیدم . « یا اوپله می؟ المی صیقمق .. آوت ، المی صیقمق » دیدی . آیریلدم . کیجه، پرنس دو بیسمارقک نزدینه کیتدم . بیسمارق ، اوکون ، دول معظمه مرخصلرینه وزیرتا ویرمهیه کیتمش . هم یورغون ، هم فرانسز مرخصلریله صولزبورینک کندیسنی قبول آدوب آلیقویمش اولمالرندن دولای یک قیزغین ایدی . [\*]

ایرته سی کونی [۱۳ حزیران ۱۸۷۸] ، بعدالظاهر ساعت ایکینده قونغرعه اجتماع آدهجک و بی قونسفیلدک آرزوسنه بناء ، اونیفورما اکتسا آدیله جک ایدی .

ساعت بش بوچوقده قونغرعه دائرهنه کیتدم . صالونده شیل چو حایله اورتولمش بویوک برماصه . اورتاسنده ریاست موقعی .

[\*] بویله نزاکت وزیرتالرنده قبول عادی یوقدر . یالکیز قازت بیراقیلیر ، کیدیلیلر . بیسمارقک شکایتی بوندن ناشی ایدی .

بونك صولنده فرانسسه ، صاغنده آوستريا؛ آوستريانك ياننده  
انكلتره ، فرانسه نك ياننده ايتاليا؛ داها اوزاقده : صاغ طرفده  
روسيا ، صول طرفده توركييا . بيسمارك [ رياست موقعك ]  
قارشيسنده كىتابت وظيفه سنى ايفا آدهك اولان رادويچ و  
بونك صاغنده بولو-و ، صولنده بن .

بيسمارك و بولو-و كلديلر . برآز صوگرا دول أجنیه  
مرخصلری ده يك ديكرىنى متعاقباً كليه باشلاديلر . قيصه بويلى  
وچيركىن اولان قونت قورتى برژاپونىالى كې . تورك مرخصى  
أهميتسز بركنج . بعدد قونت شوووالوف ايله يك فرتوت  
اولمش اولان پرنس غورچاقوف . وادينغتون صيرما ايشله ملى  
اوينغورما ايله . آنهايه انكليلر و فرانسيلر . بى قونسفيلد ايله  
غورچاقوف آردسنده كى ايلك ملاقات يك مهم برآن تاريخى ايدى .  
اجتماع اولوندى . بيسمارك ، راسمه خوش آمدى يي ايفا آيله دى .  
بعدد كنديسى ، اتفاق آرا ايله رياسته كچدى و مذاكراته آك مهم  
مسائلدن باشلاماي و مذاكراتك محريميتى تكليف ايله برابر ، قونت  
آندراشنى نك طلبى اوزرينه ، برقچ كون كچريله سى توصيه سنده  
بولوندى . شوايلك اجتماع ، أساسلى برمذاكره وقوع بولماقله  
برابر . حائرأهميت ايدى . بى قونسفيلد ، انكلتره نك موقعى بالا  
قيد و شرط محافظه عزم آتمش كورونويوردى . روسلر ، آنديشناك  
برحالده ايديلر . او آقشام سىراى ايمپراطوريده ضيافت ويريلدى .  
ايمپراطور بىرنجى ويلهلم [ ۱۱ ميس ۷۸ ] ده كنديسنه وقوع بولان  
سوء قصددن دولاني راحتسز اولديغندن ، طعامده ولى عهد  
فرانسزجه برنطق ايراد و قونغردنك موفقيتى تمينسى درميان آيله دى .



تایمست مخابری [بلوویچ] ایله کوروشدم. بونک فیکرنجه  
بی قونسفیلدک اخلاق شایان نظر اهمیت ایدی: کندیسنه نزا کتله  
معامله دایر، جمیله لر کوسته ریلیر ایسه.. در حال شبهه لیر، اغفال  
اولونا حقی ذهابنه دوشرمش. مغایر نزا کت معامله ادیلسه بوندن ده  
آلینیرمش. مو مالیهک افاده سنه نظر آ، روسلر، بر داده یه قدر روی  
موافقت کوسته ره جکار.. فقط بو حد تجاوز ادیلدیمی؟ محاربه یی  
ترجیح ایله یه جکار. حال بوکه انکلیر ملتی محاربه یه مخالف.

ولی عهد ایله ملاقاتده بولوندم. قونغر دناک موفقیتلرندن بحث  
ایله دند. دیدم. که: «تهلکه لرک بری، انکلر دناک چوق ایسته مه سی  
وبوگا قارش روسیانک حربی ترجیح ایله مه سیدر.»

بعده بیسمارقک خانه سنه کتدم. بیسمارق، تورک مرخصلری  
عیدینده کی خوشنود سز اغندن بحث ایدی. تورکیاناک، قونغر دناک  
موفقیتلر گندن بر فائده استحصالی ظننده بولونمقله، یا گلیش یوا  
کتدیگنی و بر حربک نتیجه سی، تورکیا ضررینه، دولت لک  
اتلافدن عبارت قالاغنی آچقندن آچیغه تورک مرخصلره سویله.  
دیگنی آکلاتدی. بعده بیسمارقک کو یگندن بحث ادیلدی. پرنس  
بیسمرق دیدی. که: کو یگمک تربیه سی هنوزا کمال ادیمه مشدر.  
کیملری بصیر مق لازم کله جگنی هنوز بیلمه یور. بیلمش اولسایدی،  
تورک لری بصیر مش اولاجقدی!.. بیسمارق، محمد علی پاشاناک  
مرخصلغه تعینتی مغایر نزا کت عد ادیور. قاراته ئودوری  
خریستیانیدر؟ دییه واقع اولان سؤال اوزرینه، بیسمارق:  
«هر حده اوچ مرخصک یکانه مسلمان اولانی: ماغده بورغلی  
[محمد علی پاشا] در» دیمشدر. بوملاقا تمزد پرنس: بی قونسفیلدک

حرب طرفدارى اولوب اولماديغنى بيلمك ايسته ردم . زيرا انكليزلرك ولوجزوى درجده حرب تيملى ، آوسترياليره روسلرله آكلاشمى تامين اده جكدور ، مطالعه سنى درميان ايله دى . بيسمارك برانديشه سى وارايدى : قونغره دى ، پك ائى بيله مه ديگى فرانسز لساننده كي بيان ايله ، حسن اداره اؤدوب اده مه ديگى ماده سى ايدى . بانكدر بلايخروده رك افاده سنه نظراً ، بى قونسفيلد لوندرادن برلينه افكار صلحچورانه ايله كمش ايدى . بناءً عليه قونغره ده كي نطقى مناسبتسز ايدى . بونكله ، آنجاق روسيا و آوستريانك بران اقدم حصول اتلافنه موفق اولدى . بلايخروده ر ايله وقوع بولان ملاقاتمه خوشمه كيتمه ين برشى وارايسه ، اوده بانكدر رك ، تجارت پوليتيقيقه سنده پرنس بيسمارك اوزرنده نفوذى بولونماسنى اياما اتمه سى ايدى . بلايخروده ر ، ادعاى محويتله برابر ، اداره امورده اشتراك ائديگنى ايهام ايله يور ايدى .

نصف اليلده بيسمارك ايله كوروشدم . توركلارك و شووانوفك نردينه كيتمش ، هنوز عودت اتمش ايدى . بونلرله ملاقتدن پك ممنون كورونويوردى . كندى اعتقاد نجه . بى قونسفيلد ايله صلحچور اده سنده اختلاف افكار وارايدى . يالگزالچي طرفندن ناكه ضهور برضربه وقوعندن قورقويور ايدى . آوستريا مرخصلرينت معين بر پروغرامى حامل اولمادقلى ، قونغره ده كي خط حركتلىرى برلينده تعيينه چايشا جقلى ده مروى ايدى .

۱۷ حزينان آقشامى ، پرنس بيسمارك — ولى عهد ارايه اتمك اوزره — بوروقه وىردى . بوروقه ، روسيا ايله توركييا اده سنده بعض قلاع و استانبول اوگنده بولونان عسكر حقنده بر اتلاف

تکلیفی حاوی ایدی . ایرته سی صباح ولی عهدده کوسته رده .  
و بوتکلیفی ، آنجاق بی قونسفیلد عسکرک کری چکیلیمه سی  
حقنده کی تکلیفندن واز کچر سه ، در میان اده جگمزی آکلاتدم .  
آقشامی ، پرنس بیسارک ضیافتده بولوندم . قاراته ئودوری  
ایله محمد علی پاشا هنوز بگا پرده زانته ایدمه مشلر ایدی . بونلرک  
بیرنجیسی کنج و حیاه کار ؛ ایکنجیسی ایسه عقللی ، فقط آز  
امنیت بخش کورونویوردی . سفره ده قارشیمده اوتورمش  
بولونان صولزبوری ققالی بر آدمدر . بی قونسفیلد ، چیرکین یهودی  
صورتیله بوتون بوتون خوشمه کیتمه یور . شووالوف ، تام سرائ  
آدمی ، دائما متبسم و متفکر .

۱۸ حزیران شووالوف ، بی قونسفیلد و آندراشی ایله بولغر  
مسأله سی موضوع بحث و مذاکره آتدیلر . فقط شووالوف نتیجه  
مذاکراتی په ترسبورغه بیلدیرمه یه مجبور اولدیغندن ، قرار  
ویره مه دیلر .

۱۹ حزیران تایمس خابری [بلوویچ] زردیمه کلهرک دیدی ، که :  
«قونغرده مذاکراتک حسن نتیجه بولاجغنه اعتماد اولونا ماز . آوستریا ،  
اولکیندن زیاده عزم و متانت کوسته ریور : قاره طاغث آتی  
واری بی آلمانسه و صیر بایلرک ، بوشناقلرک . قاره طاغیلرک [نیکیتا]  
ریاستی آلتده اعلان حکومت آتمه سینه قطعاً مخالف طور ویور .  
حال بوکه آوستریا تدابیر مقتضیه بی اتخاذ ایله مزایسه بو محقق الوقوعدر .  
یالگنز آوستریا ، بوقطعه لری اشغال آتمک ایچون ، مجبور آدینک  
آرزو سنده در . آوستریانک پک ناخوشنود اولاجنی بوندن  
آکلاشیلیر . حتی قونغرده دن چکیلیمک تصورنده در . لکن

یالگیز کندی باشنه چکیمک ایسته مه دیگندن ، انکیزلره  
مراجعتله ، بولغارستانده امتیازات لازمه نك اعطاسنه مخالفت  
کوسته ریلر سه انکیزلر کده آوستریا لیلرله برلکده قونغرهدن  
چکینوب چکیمه یه چکلیری استمزاج ایله مشلردر . انکیزلر ،  
هنوز جواب ویرمه دیلر .»

بئوویچک فکر نجه ، آوستریا لیلری قونغرهدن چکیمک  
مده سنده یالگیز بیر اقق ایچون ، انکیزلری خوشنود اتمک  
لازم . او حالده آوستریا لیلر چکیمه مزلر . فقط انکیزلر .  
— یالگیزده اولسلر — هیچ امور لر نده دگل ، چکیلیویر لر .  
افادات واقعه یی بر کاغده قید اتم و پرنس بیسمارقه ویردم .  
قونغرهدنك او کون انعقادندن اول کوروشدیگنده ، بیسمارق ، بو  
افاداتك بعض جهتلری حقیقت اولاییلر ، دیدی . شووالوف ده  
بوفکرده اولوب ، انکیزلری خوشنود اتمک ایچون ، په ترسبورغدن  
مساعده استحصال اده بیله جگی امیدنده بولوندیغنی سویله دی .

۲۰ حزیران فرانسه مرخصی وادینغتون ، بالقان خط حدودینه  
روسیانك قطعاً موافقت ائدیگنی و صوفیا ایچون مذاکراتده دوام  
اولونمقده اولدیغنی ، انکیزلرک صوفیا په مقابل تورکلر ایچون وارنه یی  
ایسته دکلیری ، رومانیا لیلر بوتون دوروجای ایسته یورلر ایسه ده  
شو حالده بولغارستانك دگیزدن محروم ادیش قالاغنی آکلاتدی .  
بوا یسه روسیا جه قبولی مشکل برشی ایدی . وادینغتونك فکر نجه ،  
بولغارستانی بویه مختلف ادارلی ایکی قطعه یه آیرمق ، یگی اختلافاته  
حاضر لاق دیمک ایدی . حتی شمالی بولغارستانی تمامیه مستقل یاپوب  
جنوب جهتی تورکیا په بیر اقق داها خیرلی اولاجق ایدی . یونانستانه

نموریه چکنده حال تردد واردر. انکلیزلی یونانستانک بویوم سنه مانع اولمازلر سده. کړیدی واخل یونانه ویرمک ایچون تورکلری اجبار ائتمک ده ایسته منزل. تورکلر، بوراسنی بیلدکلرندن کندیلری دخی مخالفت آده جکلر در. آندراشی، هرچه باد اباد بوسنه — هر سکی اشغال آده جگنی وشمیدیلک ایشک ساده بر اشغالدن عبارت اولاجغنی وادینقونه بیان ایله دی.

۲۱ بوتون کون، شوو الوف و بیسمارق ایله بی قونسفیلد آره سنده، مذاکرات ایله کچدی. په ترسبورغدن جواب مساعد آئندیغندن بر ائتلاف حصونه موفقیت مأمولدر. انکلیزلر هرشیدن اول، بولغارستانک جنوبی ترک صورتیه تورکیانث موجودیت حیاتیه سنی تأمین ائتمک مقصودنه بولونویورلر. آسیاده، روسیایه سربستی حرکت بیراقییورلر. بو، اودو — روسه لک فکریدر. برآردق، سیغاره ایچدیگمز صیراده، محمد علی پاشا ایله اوزون بر مکالمه به باشلادق. مشارالیه اول امرده بولونمش اولدینی محاربه لری حکایه آدی. قاره طاغیه قارشى اتخاذی لازم کلن حرکتی آکلاتدی. بوتون قاره طاغی، محاصره ا دیله جک جسم برقلعه کبی، تلقی آده رلک اوکا کوره حرکت اولونماسنی سویله دی. شاید تکرار محاربه اولور ایسه استانبول اوکنده طوران روس عسکرینک محو اولاجغنی ادعا ایله دی، که بو خصوصده بنده هم فکرم.

۲۳ حزیران آقشامی سن — والیه نلک سو آره سنده بر آلاى مجلوبینه مصادف اولدم. ارمیلر بی سلاملا دیلر. قاره طاغی په تروویج بر جیدود قیافتده ایدی.

۲۵ حزیران قبل الاجتماع شوو الوفله کوروشدم. غورچاقوفی،

ایمپراطوره چکمه ایسته دیگی بر تلغرافک کشیده سندن واز چیردیگی  
آکلاتدی. غورچاقوف، بوتلغرافنده، احوال صحیه سنک قونغره  
مقررات اخیر سنک مسئولیتی تحمله مساعدا و لمادیغنی، یازیوردی.  
شو و الوف، «اگر بوتلغراف چاره کیدرسه بنده برلینه باشقه  
بر مرخص کونددرینه سنی تلغرافله استرحام آده جگم» دیدیگندن،  
غورچاقوف نیتندن صرف نظر آیه مشدر.

بو کونکی اجتماعده، بیسمارق، احکام معاهده ناک تفرعانه  
کیریشیلمه مه سی و یالکیز دولترک اتحادینی محل اولاجق نقطه نره  
باقیلماسی لازم کله جگنی بیان آتدی. ذاتاً بالقان اقوامنک احوالی  
امورنده بیله دگل ایدی.

ایام اخیرده ایمپراطوره سوء قصد و وقوع بولمش، ولی عهد  
وقوع بولاجغی ده ظن اولونمش ایدی. آلمان افکار عمومی سنده  
پرنس بیسمارقک علیهنده بویوک بر جریان وار ایدی. فریدریش  
ایله ملاقاتده احوال داخلیه مزدن بحث آتدم. بیسمارقک مسنک  
وعنادندن شکایت آیه دی. بیسمارق بزه لازمدر؛ کنديسینی محافظه  
ایچون هر شیئی یا مالی یز، دیدم. اوده فکریمی قبول آتدی و دیدی. که:  
بیسمارق، غربت طبعیه برابر، در حال دگیشه رک، ناسیونال لیبرال  
فرقه سیله ائتلاف آیه یه بیلیر.

آقشام بیسمارقک دائره سنه کیتدم. اوغلی هربرت یا نه کدی.  
قونغره یه ویریلک اوزره، هنوز مذاکره اولونمایان ایشری  
حاوی بر لیستا، یعنی: تعدیلات ارضیه و بوغاز لرله طوناده سیر سفائن  
ماده لرینی و قونغره اعضا لری طرفندن امضا آدیله جک معاهده نامه  
مسوده سنی حاضر لامای پدري طرفندن تبلیغ آیه دی. تفرعانه



متعلق اولان مسائل، برلینده بولونان سفرای دول معظمه دن مرکب بر قوننه و انسه تودیع ایله بیله جکدر. پارس معاهده سی، بالخاصه بومعاهده ده مندرج تأمینات فسخ اولونمق لازم کلیر.

یارین، بوایش ایچون، ابتدا بولو- وایله مذاکره ده بولونمق و بعد مرخصلرک موافقتی آلمق ایجاب آدر.

فی الحقیقه ایرته سی کونی لازم کلنلرله کوروشدم. آیاسته فانوس معاهده سیله پارس معاهده سی قارشیلان شیردق و یکی معاهده نی تنظیم ایچون قفا پاتلاندق.

۲۶ حزیران وادینغتون، بیسمارکک یونانستان حقنده کی نیاتی بیلیمک ایسته دیگندن، بوبابده پرنس ایله قونوشامی رجا ایله دی. ۲۹ حزیران معاهده نی قلمه آلا جق قومیسونه ریاست ائتم.

اعضائر: اودو-روسه ل، او بریل، لونه، هایمه رله، ده پره، قاراته ئودوری ایدی. دمپره، راپورتور انتخاب اولوندی. مطلقا کنیدیسی بوا انتخابه منتظر ایدی، که عقبنده، اولجه حاضر لامش بولوندیغی بعض موادی قرائت ایله دی.

بعد الظهر قونغر داجتماع آده زک بوسنه - هر ساک قطعه لرینک آوستریا طرفدن اشغالی مسأله جسمه سی موضوع بحث ومذاکره اولدی. آندراشی، اوزون بر نطق ایضاحی ایله ایشه کیریشدی و آوستریانک آنجاق، دوامی بر صالح و مسالمتی تأمین آده بیله جک بر قراره اشتراک ایله بیله جگنی سویله دی. بونک اوزرینه صولز- بوری- سوزه باشلادی و تأمین صالح و سلمک چاره احسنی قطعات مذکور دنک آوستریا طرفدن اشغالی اولاجغنی بیان ایله دی. بعده بر برنی متعاقباً بوتون مرخصلر جواب تصدیق و موافقت ویردیلر.



يالكز توركلار پروتستو آتديلر . صيريبيا حقوقك تدقيقنه صير  
كلينجه موسويلردن بحث اولوندى . غورچاقوف ، بوندن بالاستفاده  
يهوديلرك عليهنده بولوندى . ديدى ، كه : « بونلر ايكي قسمدر . بيرنجى  
قسمى [ يهوديلر Juifs ] بر مصيبتدر . ديكرلرى [ موسويلر  
Israélites ] بر اين ولوندراموسويلرى كچى — مكممل انسانلر  
اولا بيلير . »

آئينى اجتماعده : يونانيلىر قونغره اداخل اولونديلر . بونلر  
نطقلىرى ايراد آتديلر وهان چكىلديلر . صولزبورى ، بى قونسفيلد  
و وادينغتون اعلا بر او يقوچكييورلرايدى . بعده رومانيايلركده  
قونغره قىبولى مسألهسى اورتايه قونولدى . بيسمارق ، بوگ مانع  
اولمق و غورچاقوفى قانديرمق ايسته ديسده موفق اولامادى .

۳۰. حزينان مخابر بلو وچ بى زيارته كلدى . تايمسله نشر ياتك  
بى قونسفيلدك انكلترده موقعى تحكيمه و قونغره نك موفقيته  
نتيجه لهنه خادم اولديغى سويله دكدن صوگرا ، باطومك روسلره  
ويريله جگى ظنده اولماديغدن ، بونك بر سر بست ليمان حالته افراغى  
لازم كله جگنى اخطار آلهدى .

۱. آموز صيريبيا حدودينك تحديدى قوميسيوننده طوبلاندى .  
فقط محمد على پاشا مشكلات چيقارديغدن ، ايشى بتيرمه موفق  
اولامادى . قونغره نك اجتماعنده رومانيايلر تمنيات معلومه ي درميان  
آتديلر . آوروپا مرخصلردن مركب اولان هيأتك حضورنده  
رومانيايلرك جيسارتلى قيريلش كورونويور ايدى . مع مافيه كمال  
آدب واعتدال ايله حركت آيله ديلر . [ روكه نباح ] ك افاده سنه نظر آ ،  
بيسمارق ، بالخاصه رومانيايلره قيزغين ايدى .

۴ تموز بولغار حدودی ماده سنده انکلاتره مشکلات چیقارمش ایدی. قونغرده بی قونسفیلد ایله صولزبوری صوفیا سنجاغنت بولغارستانه ویریله سی طرفداری اولمشلرایدی. بالاخره بونک بالقان جبال متسلسله سنک اوته سنده بولوندیغنی، بناء علیه فضله یر ویردکریخی آکلامش اولدقلرندن بونی کری آلمق ایسته یورتر وپک متجاوزانه حرکت ا دیورلرایدی. شوو الوف، پروتستواتدی. شرقی روه ایاینک تشکیلاتنده قاراته تودوری والینک خریستیان اولماسنه معترض اولدی.

بیسمارق، انکلیزلرک احداث ایدیگی مشکلاتدن خبردار اولونجه، پک زیاده حدتله نه رک ترک ریاست کبی الح بعض فیکرلره دوشدی. صباحلین ولی عهدی کوردم. رومانیایشلرندن بحث ایدی وروسیانک طونایه قدر توسعنه مساعده ا دیلایگندن دولای، بیان تأسف ایلهدی. طونایی قارده کیزه ربط اده جک برقانات لزومنی آکلاتدی. برده [ پرنس نیکولا دوناصو ] ی رومانیای امارتنه نامزد وضعنه مأمور ایدی.

بعد الظهر، قونغرده نک اجتماعنده هایمه رله قارده طاغ حدودینی حاوی برکاغد او قودی. فقط حدود نقطه لری نقصان اولدیغندن سن- والیه اخطار اده بولوندی. سفیرینک خطاسنی کورن آندراشی ایسه پر حدت میریلدانیورایدی. زاواللی سفیر، دایاق یمش بر کوپک حائنه کیردی. طوناده سیر سفائن مسأله سی اوزون بر مباحثه میدان ویردی. انکلیزلر، مالک عثمانیه ده بوتون مذاهبک حقوق متساویه مظهریتی تکلیفنده بولوندیله. بعده لورد صولزبوری: «آوستریالیله عائد بر تکلیفم وار!» دیدی. بیسمارق «فضله بر داهامی؟» دیوب ایچنی چکدی.

۶. حزيران قونغرە اجتماعندە وادىنقتون، يونانىلرڭ لەندە ایراد  
 كلام و تور كيانك يوناستان ايله تحديد حدود اچون آكلاشمانى  
 تكليف اتدى. واقعا يونانىلرڭ خوشنە كىتمەسەدە، بى  
 قونسفيلدك نطق مفصلندە ايضاح اتديگى وجه ايله، تور كيا تقسيم  
 اولونماياجقندن، باشقە دورلو يايلامازدى.

بعد الاجتماع، لوردصولر بورى ايله قونوشدم. انكليز لر خط  
 حدودك بالقان تپەلەردن كچمەسەنە موافقت اتمشلىرىدى. فقط بۇ كۈن  
 اونقەسەنە اعتبار باش كيلومترولق براراضى داها تركنى ايستە يورلر.  
 صوفيا سىنجاغى حقندە كى قرارى بوايشە تعلیق ادييورلر بيسمارق،  
 انكليز لرك بومد عياتندن پك حدتلى ايدى.

ايرتەسى كۈنى بلوويچ كەلدى. انكليز لرك سربىست، برليمان  
 ياقمق و اصلا تحكيم اتمەك شرطلە، باطومى روسىايە تركە  
 موافقتلارنى تامين ادهيله جىگىنى سويلەدى. يالگىز روسلرڭ بونى  
 قونغرەك اجتماعى عقيندە تكليف ادييورمەسنى و بۇ صورتلە  
 مناسب سىزاعتراضات وقوعنە وقت و ميدان بىراقاملارى لازم كەلە جىگىنى  
 افادە ايلەدى. درحال بورالرينى پرنس بيسمارقە يازدم و كاغدى  
 بالذات كنديسنە ويردم. بۇ، قوميسيوندە بولغار حدودى مذاكراتلە  
 مشغول ايكن، شو و الوف دىشارى يە چاغىرىلدى. عودتندە، ھربەرت  
 بيسمارقك كنديسنە بر مکتوب كتيرديگىنى سويلەدى.

قونغرە توپلاندى. غورچاقوف، باطومى سربىست برليمان  
 يايماي تەھدىت دىگىنى سويلەدى. بونك اوزرينە، بى قونسفيلد، كنديسنە  
 خاص اولان مؤثر بر نطقدە باطومك روسىايە تركنى تصديق ايلەدى.  
 ۹. تموز آقشامى اودو. روسەلى زيارتە كىتدم. سالوندە بولونانلرڭ

جمله‌سی، قبریس جزیره‌سنه دائر عقد اولونان تورکیا - انکلتزه معاهده‌سندن بحث ایدیوردی. ایتالیا نلرله فرانسه لرلرک فنا حالده متأثر اولمشلردی. [۴] جزیرانده عقد اولونوب، اوتاریخه قدر مکتوم طوتولمش ایدی ] .

۱۰. تموز اجتماعنده، روسیانهک آسیاده کی حدودی موضوع بحث اولاراق، غورچاقوف ایله بی قونسفیلد آره‌سنده اختلاف افکار تخذت آیه‌دی. حدود قومیسونی ایشی تدقیقه مأمور اولدی . بعده غورچاقوف، قونغرده نت تأمیناتی بحثی حقنده کی تکلیفی درمیان آتدی. مباحثه اوزون سوردی. بونده اُلْائی نطقی پرنس بیسمارک ایراد و غورچاقوفی بیله اقناع واسکات آیه‌دی. داهاصوگرا، حدود قومیسونی غورچاقوف - بی قونسفیلد اختلافی تدقیقه قویولدی. روسیا اراضیسندن برپارچه آلوب خط استلافی بونک اوزرینه تأسیس آیه‌دک. قونغرده جده قبول اولوندی . مع مافیه بو خطک معقول اولوب اولمادیغنی هیچ بریمز بیامزدی. چونکه ارمنستانک بوقسنه، دخریطه لر اوقدر مناقض و غیر صریح ایدی، که برلینده تعیین حدود اتمک حقیقهٔ مشکلدی .

۱۰. تموز اجتماعنده غورچاقوفک حدود مسأله‌سی حقنده کی تکلیفی مذاکراتندن صوگرا، شووالوف، شیکا قربنده بر مقبره تأسیسی تکلیف آتدی. نطقی او یله مهیج ایدی، که بونی اوقورکن هیجانندن توقف اتمیه مجبور اولدی. فقط تورک مرخصی قاراته. ئودوری . روسلرک مقصدی محل مباحث عنهی تحکیمدن تورکلری منع آتمک اولدیغنی سویله یه‌رک، شووالوفک ایقاع آتدیگی حمای رفته بر بارداق صوئوق صو دوکدی .

کجه قارولى يه کيتمدم. ينه ارميلر، ايشلري ايچون، بنى ازعاج  
اُتديلر .

۱۳ تموز صوڭ اجتماع وقوع بولدى. مرخصلر، خط دستنريله  
امضالا يه رق ، تصويرلرينى تعاطى اُتديلر . بعده معاهده لرى  
امضالا ديلر . متعاقباً بيسمارق نطق اختتاميسنى ايراد آيلهدى .

\*  
\* \*

آوستريا مرخصلرى : آندراشى ، قارولى ، هاييمه رله  
آلمانيا مرخصلرى : بيسمارق، بولو-و، پارس سفيرى هو هه ن لو هه  
فرانسه مرخصلرى : وادينغتون ، سن - واليه ، ده پره  
انكلترة مرخصلرى : بى قونسفيلد، صولزبورى، اودو-روسه ل  
ايتاليا مرخصلرى : قورتى ، لونه  
روسيا مرخصلرى : غورچاقوف ، شووالوف ، دوبريل  
تورکيا مرخصلرى : قاراته ئودورى پاشا، مشير محمد على پاشا،  
سعداه بگٹ (برلين سفيرى )



## پارس قونغرە سندن سوکرا

خواجە أول ومحترم سەلانیکی توفیق أفندی مرحوم ،  
ملتک حریت لسان وقلمه مظهریتی اوزرینه ، [ تاریخ اصلاحات  
عثمانیه ] عنوان مهمیه غایت تیمتدار بر اثر وقوف وعرفان  
ترتیب ونشرینه باشلامش ایدی . تاریخمیزک آیاقلی بر کتابخانه سی  
اولان مشارائیه ، بو کوزدل تألیفی بوتون آثار موجوده  
تاریخیه مزى تتبع و مشاهیر محررین آجنبیه نك بزه متعلق اشریات  
ومؤلفاتی تدقیق وتنقید صورتیه ، وجوده کتیره جک ایدی .  
شوعزم وتصمیمی ، کتابتک ایلك فورمالرنده کوروان انتقادات  
واستدلالاتیه ده مبرهندر . تأسف اولونور ، که عمری کفایت  
آتمه دی .

تاریخمیزی مستثنا براطلاع واحاطه ایله بیلن مؤلف مرحوم ،  
صوگ بر کذار عرفانی اکمله موفق اولمش اولسه ایدی . .  
یا لکن بزه دگل ، آوروپا مورخلرینه دخی بویوک بر درس حقیقت  
ویرمش اولاجقدی . بونگله برابر اثرینک صحایف منتشره سی ،  
بوندن سوکرا ، بز عثمانیلر ایچون : ناصل تتبع و تفحصه  
تألیف آثار آتمک لازم کله جگنی . . مؤلفات آجنبیه دن بزه عابد

اولانلره قارشى ، محررلر يىمىزك نه كىي وظائف وطن پرورى ايله  
مكلف اولديغى . . بالطبع وبالضروره - حتى بعضاً لمقصد ،  
ياخود ، لغرض - ناقص ويا ياكلىش معلومات اوزرينه مبتنى  
اولان نشریاتك بلاتديق لسانمزه نقلنده پك چوق محذورلر  
كورولديگنى ، وضوح قطعى ايله ، تبیین واثبات ايله مشدر .  
ديمك ايستهرم ، كه ادراكيله بختيار اولديغىز بودور تجددده ،  
أرباب اقتدار مشتركاً و منفرداً مرحوماك اثيرنه اقتفا ادرلر سه . .  
عثمانلى تاريخنه بويوك ، بويوك خدمتلىر آتمش اولورلر .

\*  
\* \*

دولتك تنظيم واصلاحنده بويوك خدمتلىرى . عثمانلىلق  
شائى اعلاده پارلاق موفقيتلىرى ايله شهرت ابدیه قازانان بويوك  
رشيد پاشا ، بر خارقه محض فطرت اولان دهاسنى - هم مرضك  
كشفت وتشخيصنده هم مريضك اسباب تداويسنده كوسته رديگى  
وقوف ودرائتله - بوتون جهانله تسليم ائدير مشدر . سلطان  
محمود عدلينك اواخر سلطنتنده باشلايان تنظيمات . . دور مجيده  
افلاق - بوغدان ، ماجار و ايتاليان ملتجىلر كى مسائل عظيمه ده  
وبالآ خره قريم محاربه مشهوره سنده اكتساب اديلن موفقيات  
ايله - پك سريع دگل ايسه ده - هر حالده متمادى خطوه لرله  
هدفه دوغرو ايلر بله يوب كتير مشدر . لكن پارس قونغره سندن  
صوگرا ، آروپا فعاليت سياسيه سى هدف قديمى دكيشدير مش . .  
توركيا حقنده كى فكلرلر ، كيده رك ، بوتون بوتون دگيش مشدر .  
قريم محاربه سنده ظاهراً مغلوب و پريشان كورونن روسيا ،  
أثنای حربده چار نيقولانك وفاتى وقوعيله ، بيك دورلو هزيمت



وفلا کتی تلافی اُدہ جک بویوک برمساعده طالعہ نائل اولشدر .  
چار نیقولا صاغ قالایدی .. کندی کندی محوہ قدر اوغراشہ جق ،  
یا کاغندہ طویدینی عثمانلی شامارندن زیاده ، ناپولیونک سہائے تحقیق  
وتأدینی هضم اُدہ مہیہ جک ایدی . بو حال ، تور کیانک آتسی ایچون ،  
نہ بویوک امیدلر اویاندرمش ایدی !

چار آلہ کساندرک مقام ایمپراطوری یہ صعودی ، بوتون بوطاتلی  
امیدلری محو و ہدر ایلہدی : چار نیقولا اورتادن قالقار قالقماز  
پولیتیکہ دیکشیدی . عزت نفس مسالہسی قلمادی . آرہدہ محقر  
ومحقر قلمادی . چار و ایمپراطور ، اُبی دوست دگل .. قارداش اولدیلر .  
ذاتاً حربک مقتضیات الیمہسی .. آثار ماتمک شمول و وسعتی کبی  
احوالدہ تراز ی یہ پک آغیر باصمش ایدی . عمومیتلہ صلح  
ایستہ نیلیدی . سلاح سسلری کیلیدی . دشمن اور دولر ، دوست ..  
بلکہ درد اورتاغی حالنی آلدیلر . قونغرہ طوپلانندی . روسیہ ،  
مغلوب ایکن ، غالب معاملہسی کوردی . روس دیپلوماتلری ،  
ناپولیونک حضورندہ نہ قدر کوچولدیلر ایسہ .. ناپولیون یکٹی  
قارداش اتدیگی چار آلہ کساندرک خاطرنی کوزہ تمہدہ اوقدر  
فوق العادہ اعتنالر کوستہ ردی . پک چوق اوزہ ندی . صانکدہ ہشتلی  
برسحر باز پارمانی ، بر اشارتہ ، ہر شئی علم ہمزہ چہ ویرمش ایدی .  
قونغرہدہ «استعطاف واسترحام کبی» اَلْ عَقْلَی حکمدارلری شاشیر -  
تاجق ، اَلْ دُورین و دُور اُنْدیش دیپلوماتلرک بیلہ اکثر یا یلکنلرنی  
صویہ ایندیردجک معرفت لردہ پک بویوک موفقیت قازانان روس  
دیپلوماسیسی .. یکٹی حکمدارلرینک معزز و محترم خاطرنی صایدیر مق  
ایچون ، نہ غریب تسایمیتلر کوستہ رمش .. نہ متوکلا نہ تظلم لردہ

بولونمیش ایدی! هر شیئی بیلیمک.. هر شیئی دیله دیگی کی، یاخود،  
باشقه لرینک ایسته دیگی کی یانی ویرمک معنادی اولان ناپولیونه ..  
بوقدری یتز می ایدی ؟

انکلیر دیپلوماسیسی، بویله حسابات دولتمده، یالکیز حساب  
و کتاب ایله ایش کورور . میدان وغاده بر ارکان حرب رئیس  
نه ایسه .. انکلیر دیپلوماتی ده ایشنده اودر. احتمال که قاتی یوره کلی،  
دیک قفالیدر. لکن او یله دولابره کلز ؛ طانی، فقط، ساخته  
خطابره قایلماز و آلدنماز . چوق اوزاق کورور و چوق آیی  
دوشونور. هله طو تدینی مسلکدن آیریلماز، صوگنه قدر دوام ادر.  
بویوک رشید پاشا بومتین، عزیمکار پولیتیکه دن استفاده اتمیش  
ایدی . آق دیکزده اتفاق دول ایله محکوم سقوط اولان دولت  
علیه، قاره دیکزده دولت معظمه مرتبه سنه چیقاریلدی: کندیسنه حق  
ویریلدی، یاخود، حق تسلیم اولوندی . دولتمزده بوبلند آبد  
موفیقی رکز اذن داهی محترم، بویوک رشید پاشا اولدینی و - تعبیر  
جائز ایسه - بالذات دولته تازه حیات ویردیگی حالده .. الی الابد  
لغتله یاد ادیله جک برطاقم شخصیات واحترافات، کندیسنی  
- دولتک ائزیده محتاج اولدینی نازک، مهم بروقتده - مسند سیاست  
و حکومتدن آیردی. واقعا دولتلرک حیاته نسبتله، برانسانک عمری  
هیچدر و بعضاً سیاست حکومت ایچون شخصک پکده اهمیت بوقدر.  
بوقضایای بدیهیه ره غماشو محققدر، که پولیتیکه عالمنده شخصک اهمیت  
اکثریا چوق، حتی علی الخصوص [ فکر تعقیب ] دییه بیله جگمز  
Esprit de suite مهمه استقبالک مطلوب و ملترم اولدینی  
مسائل دولیه ده شخصک اهمیت او مرتبه چوق و بواویله غیر منکر در، که

کیمسه عکسنى ادا آده مز. حتى بردوات - که صاحب مسلکدر - سعادت استقبالى تأمین آدن رجال حکومتی ، صوڭ درجه یه قدر فدا کارلقه محافظه آیلر . و بر کیمسه که - تدبیر سیاستی و عرفان و فطانتیه ذات و شخصه خاص بر موقع احراز آیله مشدر - او موقع نازک و مهمده قولای قولای استخلاف اولو ناماز. داها دوغروسی، موفقیت استخلاف پک نادر الوقوعدر .

یشته، بزده ده او یله اولمشدر: عالی پاشا، کمال عرفان و اقتدار یله برابر، رشید پاشای بحق استخلاف آده مه مشدر. چونکه رشید پاشا پولیتیکه سنی تعقیب آیله مه مشدر؛ یاخود، آیله یه مه مشدر. اجتهادی، استاد سیاسینک مسلک نه تماماً موافق دگل ایدی . او آردلق انکیز پولیتیکه سی حرارت غریزه سنی بر آغائب آتمش کبی کورونور و او مناسبتله عالی پاشا مرحوم ده معذور کورولور. فقط هر حالده شخصت تبدیلی بوتظا هر اتده ذی مدخل ایدی. نیچه نیچه وقایع تاریخیه وارددر، که بو حقیقته برهان کوسته ریله بیلیر. ایوا! که خسیس و ذلیل منفعتلر محصولی اولان سرای منسوبینی آنتریکه لری، حتی قادین پارماق لری.. او دورده ده اجرای تقوذن خالی قلامش و سیاستمزده ایراث نحوست آتمشدر. اُحاصل بر مبحث دیگرده دیدیگمز وجه ایله : طالع ناسازیمز اقتضاسنجه، رشید پاشا چوق یاشامادی. پارس قولغره سندن صوگرا، همان ئوله مش - یاخود - اون سنه داها یاشامش اولسه ایدی.. محور سیاسی عثمانی، مرحومک اخلاقی ظرفندن هیچ اولمازسه داها قولای و داها آضرریمزه دوندور یله بیله جک ایدی .

باب عالینک - عالی پاشا اسانیله - او قدر فریاد و شکایت آیله دیگی

انكلتره سفیری لورد ایستراتفورد مداخلاقی ، نه شکل وماهیتده اولور ایسه اولسون ، دولت عثمانیه یی شهره تجدده سوق ایله آخرک تعرضه قارشى قوت ومکنت صاحبی بریویک دولت حالنده کورمک املندن نشأت اديوردی . انکلیزک بو دوستلغی - ولو که سفیرک روسیا یه شخصی خصومتی نتیجه سی اولسون - بزجه مابه الحیات دگلمی ایدی؟ اصلاحات ایچون تضییقتدن ، عجا بز نه صورته ضررتولد اده جک ایدی؟ حال بو که شو اصلاحات بحشده لورد پامه رستون Lord Palmerston بوتون آوروپا سیاسیوننه بر درس عبرت ویرمش :

« دولت علیه نك دوستلری ، بدایت تنظیماتدن شیمدی یه قدر »  
 « قطع ایلن مراحل ترقی یه باقالی ؛ وکلای عثمانیه ایسه ، کری یه »  
 « باقما یه رق ، اوکده قطع اده جک لری یوله عطف نظر دقت آتمه لیدر ! »  
 دیمش ایدی . عالی پاشا مرحومک : « آمان مساعده اديکیز ، قزانلری پاتلا تمایلم ! » دیمه سی ده بونک ایچون ایدی . حتی بونک ایچوندر ، که ویانه قونفهرانسینده ایکن ، فوآد پاشا مرحومه یازدیغی خصوصی مکتوبده : « ولی نعمت رشید پاشانک شخصیاتى ترك ادوب اصلاحات ایله اوغراشما سی لازم کلیر ایدی » طرزنده شکایتی ، بیان حقیقتدن زیاده ، بر اثر اغبرار عد اتمکده مضطر قلییورم .  
 وینه بوکبی برچوق سببلرله در ، که : « فلک ، بزده رشید پاشا ایله بابا ایستراتفوردی چوق کوردی ! » دیمکدن کندی می آلامایورم .  
 اصلاحات عثمانیه یه متعلق وثایق رسمیه بحق تدقیق اولونور ایسه بویله پک چوق حقایق میدان چیقار . یوقسه مؤلفات آجنبه ده گورولن شیلر ، بزده بوس بوتون یابانجی نقطه نظرلردن متحصصل

اولدیغندن ، شبهه وَ تردد لریمیزی آرتیرمقدن غیری نهیه یارار ؟  
 بونی اثبات ایچون ، بویوک بر دلیل کتیره میم : رشید پاشا ،  
 انکلتزه پولیتیکه سنک او یونجانی دگل ایدی . انکلیز دیپلوماسیسی  
 رشید پاشانک حرز جان بیلدیگی عثمانلی پولیتیکه سنه یار و معین  
 اولدینی ایچون ، داعی سیاسیمیر ، بو قیمتمدار مخادتی تقدیر و تجیل  
 ادردی . فقط بو وجیه قدر شناسی منافع حیاتیه دولتی تأمین ایله  
 مقید اولدیغندن . رشید پاشا ، بویوک قونشومز روسیا ایله مناسبات  
 دوستانه ده بولونمق آرزوسندن اصلا فارغ اولمامشدر . ملتجیلر  
 مسأله سنده ، باب عالی سفارتله قطع مناسبت حالنده ایکن . رشید  
 پاشا کیزلیجه فوآد آفندی نی سفارت فوق العاده ایله په ترسبورغه  
 کونده دره رک دولتین مناسباتی دائره صمیمیته ارجاع آتمش ایدی .  
 ایش استانبول سفارتنه قالسه ایدی . . یا بز نی چاره ملتجیلری  
 روسیا وَ نمسه یه قربان ویردجک ایدک ؛ یا خود ، انکلتزه ایشه  
 قاریشه جق ایدی ده ینه بز بر وادی مجهوله دوشه جک ایدک .  
 آوروپا مورخلری ، بو حقایق بیلمه دکلی حالده ، حسن نتیجه یه  
 مقرون اولمش اولان تدبیر رشیدی انکلتزه پولیتیکه سی صایارلر .  
 حال بوکه دوغرو دگلدر . واقعا رشید پاشا انکلتزه پولیتیکه سنه استناد  
 آتمش ایدی . وَ هر وقت آده بیلیر ایدی . لیکن بو استنادی  
 شانلی عثمانلی پولیتیکه سی ایدی . انکلیز دگل !

مقامات مبارکه مسأله سنده ده رشید پاشانک فکر و مسلکی  
 روسیانی قطعاً قیرمامق ، داریلتمامق ایدی . لسان باب عالیده  
 [ قدس شریف مسأله سی ] عنوانیه معروف اولان وَ بیوده عناد  
 ایله . . مکابره ایله . . قریم محاربه سنی انتاج ایله دیگی معلوم بولونان

قدسده کی مقامات مبارکه غائله سنه دائر آوروپا آثار تاریخیه سی  
 او قونورسه .. رشید پاشا ۰ روسیانک خصم مطلق کی کورونور، که  
 حقیقتده قطعاً او یله دگل ایدی. بونک اُک بویوک شاهی ایه :  
 محاربه ایچون دواتک هیچ بر حاضر لقمده بولونمادیغی بیلن و دوشون  
 بویوک دیپلوماتمژک فرط تانی ایله حسن تدیری دگمیدر ؟  
 حتی اعلان حرب مجبوریت آیمه سی قارشیسنده رجال حکومت  
 طرفدن کوسته ریلن مخالفتلر، رشید پاشا مرحومه ادیلن  
 اعتراضلر دوشونولور ایسه .. عقل اول صاحبی اولان رشید  
 پاشانک، دولتی تهلیکه یه دوشوره رک، روسیا ایله محاربه آتمک  
 ایسته دیگنه ناصل حکم اولونابیلیر ؟

مرحومک - قطعاً مایوس اولماسی اوزرینه - روسیانک  
 آغوش لطفنه دوشمک ایسته مه می، دولتی قورتارمق ایچون  
 فرانسه وانکلتره ایله اتفاق آتمه سی برخصای فاحش ایسه .. باری  
 محترم مورخلر، دیپلوماتمژک بو خطاسنی .. وطن پرورلگنه  
 باغیشلامالی، او یله مواخذه ایله مه لیدرلر، که بزده مفتخر اولالم.

\*  
 \*\*

محترم برذات، مشاهیر رجال دولتمزی « خدایی نابت  
 یتیشمش برطاقم مستثنا انسانلر» عدادر. بوسوز پک دوغرودر.  
 حقیقهٔ رجالمژک ترجمهٔ حاللری تدقیق ادیله جک اولور ایسه  
 کورولور، که زمانلرنده ادرا گنه نائل اولدقلری موفقیترلر  
 تصادفات، احوال مستثنیه قیلندن شیلردر. ذاتاً معلوم  
 ومسلم دگمیدر، که فطرتک تمناز بعض شخصیتلری خوارقندن  
 معدود اولاجق بعض آثار ایله تفرد ادرلر ؟



طالع ، حکم زمان، تصادف کبی هر معترضك ديلنده  
دولاشان يارديمجیلری ده اونوتماق لازم کلیر .

يالکیز رشید پاشا، اوان عمرنده طالعی .. حکم زمانی ..  
حتی تصادفی ایسته دیگی کبی یار ومدارطو تامایه رق ینه کیمسه یه  
نصیب اولمایاجق قدر بویوک ایشلر کورمش ، آت مدهش  
قوتلره قارشى طورمش ودولتی بوسایه ده ، بویوک مهلکه لره  
سقوط حالنده ، قورتاریویورمشدر . اکر طالع دیدیگنرشی  
رشید پاشایه عرض چهره التفات آتمش اولسه یدی ..  
اگر رشید پاشا گروه مخالفینک دورلو دورلو ملعتلرینه ،  
مفسدتلرینه اوغراماسه یدی .. عصر مجیدیده او بویوک دهای  
عرفان و سیاستک بحقِ فردی کبی قدر و قیمتی ده بیلینه جک  
وبالطبع دولت ده پایه اعلاى سعادت واصل اولاجق ایدی .  
بیلیمه دی وکنديسندن - لزومی کبی - استفاده ایلهدی . بوکا  
حمیه تأسف آتمه مک ممکن دگلدر . هله اودورده دخی ، برمعتاد  
وکلا ده کورولن چکمه مزلك ، قرنا ده اکیسک اولمایان  
خیرسزلق .. رشید پاشا کبی آت مهم مسألده . بعضاً حکم زمانی  
بیله کندی رأینه رام آتمش اولان برصاحب قدرت واقتداری  
عاقبت محو وتارمار ایلهدی .

کرچه رشید پاشا ده ملک دگل ایدی . مثلاً : بالعله لیماننده کی  
قصری ایکی یوز آللی بیٹک ایرایه خزینة دولته یوکه تمش ،  
بالآخره ادعا اولونان مقتضای حیتله .. استناد اولونان عقل  
ومنطقه محاکمه ادیلبیرسه ، ویريله جک حکمک شدتی .. ایشک ،  
بلکه ماهیتى بیله متجاوز اولور . لکن انصاف ادیلبیر ايسه ..



هر زمانت باشقه باشقه احكامی اولدیعی نظر تأمله آلنیرایسه.. معارضینك شدت وحدتی بوتون قوتی غائب آدر . اوزمان ، بویله یولسز مناسبسز شیمار اولور ایدی ، حکمی بلا تردد ویریلویوریر ؛ فقط هر حالده داها ایلری کیدیله مزدی . چونکه اوزمان او یله ایدی ، دیمك .. بوتون ماتلرك هر دم تازه حکمت تاریخنه موافق اولور . معلومدر ، که رشید پاشایه عائد وثائق سیاسییه .. کنديسنگ ، هر هانکی مسأله ده اولورسه اولسون ، دهشتلی بر قوف واحاطه .. بویوك برفکرو نظر صاحبی اولدیغنی اثبات ایچون براعت استهلالدر . وَفِي الْحَقِيقَةِ رشید پاشا ، تورکیانك پرنس دوینمارقی ایدی . سیاست عثمانیه یی پارلاق بر شهره متینه قویمش ، هر امر و تدبیرنده بویوكا گنی کویسته رمشدر . رهگذار حیاتنده .. رشید پاشا ، بیهمارقك *A canaille, canaille et demie* پیره نسینی قبول آتدیگی کبی ، دشمنلرینه « دینسزك حقندن ایمانسز کلیر ! » قیلندن بعض مقابله لرده بولونمش اولابیسلیر . لیکن بونك ایچون ده موأخذه اولوناماز . زیرارشید پاشانك عرفان و فطاتی.. درایت واصابتی مسلم انام بولوندیغندن ، میدان جدال سیاسییه - حریص .. حتی وجدانسز اولان رقیبلرینه قارشى - عین سلاح ایله مقابله یه تنزل آتمش اولماسنی بیله عذر مشروع و معقول ایله معذور کورمك اقتضا آدر . بوفکری قبول آتمه ینلر ایسه .. مطلقاً حمیت بشریه حقنده او یله موهوم بررتبه کمال تصور ایله مش عداولو نورلر ، که او یله لر یله بومب حشده حرف واحد سویله شه مه مک ضروری واضطراری قالیر ! برده اونو تماماً لیدر ، که حال ، دائماً

ماضينك منتقيدىر و بالا آخره رشيد پاشايى تنقيد أدنلر، كمديلرينك آتیده اوغرايا جقلرى مواخذاتدن آنديشناك بيله دگل ايديلر... ديمك، كه على الاكثر آتيناك دورلو دورلوستمنه دوچار اولمق احتماللى وارا يكن، انسانلر، حسن ظنى يالگىز كندى نفسلرينه حصر ايله غريب تسليتلره ربط قلب أدوب طور و يورلردى . ايشته ، رشيد پاشانك رقيبلرى بويله دهرين نكات تاريخيه يي تقدير آتمه مش اولمقله الى الا بد محكومدرلر .

رشيد پاشا مرحومك اهل و مقتدر آدم انتخاب آتمك ويتيشدير- مك ده كي موفيقى ، بوس بوتون باشقه برأثر دهادر . لسان باب على يي رونقدار آده جك بر وضوح و سلاستله ارشاددن خالى قلماديني اذكيائى مأموريني ، بيك دورلو وسيله لرله امتحان آدهرك درجه اقتدار و درايترلرينه كوره ، مأموريتلره سوق آيلهر ايدى .

[ على پاشايى دوشوندورمه لى ، فواد پاشايه حواله اجراآت آتمه ايدر ] دين بعض ارباب عرفانك اصابت فكر و رأيى تسليم آدهرك ديه بيليرز، كه رشيد پاشا مرحوم ، برچوقلرينك منفرداً حائز اولديغى مزيتلرى نفسنده جمع آيله مش بر خارقۀ فطرت اولوب ، اصلاحات دولت ماده سنده طوتديغى مسلك پك رخواستكارانه ظن اولونسه بيله . ينه محض اصابت و حكمت ايدى . و بو اصلاحات ايچون زماننده تعين آيله ديگى خط حركت ، هر دورلو اعتراضدن سالم برشهره سلامت و سياست ايدى . بونى زمين وزمان على الدوام اثبات آتمشدر . ذاتاً على پاشا مرحومك معترض علمى اولان تأخر اصلاحات ماده سنده باشليجه سبب كنديسى كي رجالك فقدانندن باشقه نه اولاييلير ؟ اصلاحاتك

مدافع فداکاری اولان رشید پاشایی مانع تصور اتمک ، خاطره کتیر یله بیلیر می ؛ اوتهدن بری بزده قحط رجال قضیه سی مطلق صورتده معترف علیه قالمشدر . مع مافیه یتیشنلر خدایی نابت اولارق ناصل یتیشدی و ناصل یتیشیر ؛ دییه سورولورسه شو جواب ویر یله بیلیر :

رشید پاشا ، بر فطرت ممتازه اولمقله برابر ، بولوندیغی مناصب دولته تکمل اتمش بر ذات ایدی . رشید پاشا آمد . جیلکده ، پارس ولوندر اچیلک لرنده دولتک هر دورلو احتیاجاتی تدقیق .. هر دورلو قابلیاتی تتبع و تقدیر آیه مش ایدی . رشید پاشا ، استانبولده و طشرده بوتون احوال مملکته کسب و قوف اتمش ؛ آوروپاده ایسه .. دولتک نه کبی اصلاحاته قابلیتی اولدیغی ، بزده نهلر یایلار ق آوروپا دولتلرینک و دو مخادتی تحصیل ا دیله بیه جگنی مدت مدیده تحقیق و تعمیق آیه مش ایدی . رشید پاشانک دهای شاذینه بو قوف و تجربه انضمام اتمیه ایدی .. صدارت لرنده کوسته ردیگی موفقیتلر — اوزمان — ممکنمی ایدی ؟

عالی پاشا ، فؤاد پاشاده بویله یتیشمشدر . ظاهر آ آر لرنده کی فرق ، بویکی ذات محترمک استاد سیاستدن تدرس اتمش اولمالری — تعبیر آخره — رشید پاشانک خوجه و عالی ، فؤاد پاشا لرنک شا کرد بولونمالریدر . حقیقه ایسه برشا کردک بعضاً خوجه سنی حیران اده جک بر اثر موفقیتی اولسه بیه ، خوجه سنک کعبه وارماسی مشکل اولدیغی کبی عالی ، فؤاد پاشا لرنده رشید پاشا مرتبه سنه حقیقه لری ممکن اولامامشدر . شو فروق ظاهرده

محصول عرفانی اولان مناسبت پولیتیکه فاصبت رأی ده علاوه  
اولونورسه ، رشید پاشا نوعی ذاته منحصر و تک دیپلومات قالیر .  
رشید پاشادن صوگرا ، باب عالی مکتب عرفانی .. خدای نابت  
قانوننه داها بویوک بروسعت و شمول ایله محکوم قالمشدر .  
زیرا آدم یتیشدیر مک دینلن آمرمهم وعظیم داها زیاده  
کوجلشمش ، بلکه کسب ندرت بیله آتمشدر . معافیله تمیز ، ینه  
حکمنی اجرادن خالی قالمامشدر . بونده دقت ادیله جک شی :  
بوتمیزک باشقه ، تفردک باشقه اولماسیدر . چونکه تفرد اندر ..  
تمیز ایسه معدود بولونور . تفردک ندرتی طبعیدر ؛ زیرا  
فطرتک احسانیدر . تمیز ایسه او یله دگل . بونده ذکای فطری  
اولمقله برابر ، اوزون برکور کو .. مدید بر تجربه لازمدر . ایشته ،  
اصل بوکور کو .. تجربه دیدیگمز شیلر — که بوتون صنوف  
وطبقات بشریه آرانان خواص مهمه در — خدای نابت رجال  
یتیشدیر مشدر . او خاصه لرك فقدان ، پک چوق نور ذکاوت و عرفانی  
بیله سونوک بر حالده بیر اقمشدر . رفاقتنده بولونانلر ایچون بر استاد  
کامل اولان مطبوعات آجنبیه مدیری متوفی نشان صفر أفندی — که  
باب عالیجه وقوف و عرفانیله بین الاقران مشار بالبنان ایدی — بزده ،  
عالی پاشا مرحومدن صوگرا ، ایکی یاریم خارجیه ناظری  
کلمشدر ، دیر ایدی . بونلرک بری صفوت پاشا ، دیکری ده  
عارفی پاشا مرحوم ایدی .

آلمانیا ایمپراطوری بیرنجی ویلهلمک پرنس دو بیسمارق ایله  
مناسباتی تصویر — داها دوغروسی — بر حکمدار ایله باش وکیلی  
آرمسندده پایدار اولمق لازم کلن روابط صمیمیتی تعریف

مقصد مخصوصیه یازیلان یگر می اوتوز صحیفه لك بر خلاصه یی  
مفتون عرفانی و حیران کالی اولدیغ بر ذات محترم اوقودقدن  
صوگرا، بگا دیمش ایدی، که : « بیرنجی ویلهلم ، حقیقه بویوک  
بر حکمدار ایدی . کبر سننده ، معلم مخصوصدن حقوق سیاسیه  
تحصیل اتمه سی .. بویوک لگنه شاهد دگلمیدر ؟ »

بومهم سؤاله امعان نظر اولونسون . خدای نابت رجالك  
خوارق مستثنیه سنه بیله نه آغیر وظیفه لر تحمیل ادر ! دیپلوماسیده  
عجز ، نقصان بوتون چهره مخوفیه کوزه چارپاز !  
روسیا و اوستریا دیپلومانلرینی کوزلریمزك اوگندن آییرما -  
مالی یز . دیپلوماسی قواعد اصلیه سی اورالرده پك کوزهل  
اوگر نیلیر . واقعا شیمدی یه قدر شرق دیپلوماسی شعبه سی  
پك قارا کلق ایدی . چونکه هپ ال آلتندن چالیشیق ..  
آلتدن آلتیه ایش کورمك انا بویوک پیردنسیپ ایدی . قارا اقمده  
کورولان ایشار دائما مظلوم اولور . لکن مأمولدر ، که اختلافات  
واقعه اخیره کبی درسالر ، اوکهنه پیردنسیپك پایدار و بردوام  
اولامایه جغنه قناعت بخش اتمشدر . وروسیا ، بوسایه ده داها  
قولای .. داها سرعتله اوغیای مخوفك اوتیه سنه آتلائی ویرمشدر .  
اوستریانت . شرق پولیتیکه سنجه درمیان واعلان ایله دیگی  
صفوت وخالصتی الحاق مسأله معهوده سننده سبب مشروع  
کوسته رمه سی ده پك مشکوک برماضی یی اونوتدیرمق .. پارلاق  
بر آتی یه هوسله ندیرمك ایچوندور ، دینلمه دی می ؟ بوخصوصده  
واقع اولاجق مسابقت دولیه حقیقی ایسه .. هر ایکی مملکت  
دیپلوماسی ده ، بزم ایچون ، او یولده شایان تدرس و موجب

انتباهدر . حقیقی دگل ایسه .. او حالدهده ، بزجه داهای زیادہ  
محتاج تعقیب وتدقیقدر .

شرقه ، یاخود ، برحق انسانلره مخصوص برمزاج واردر ، که  
نه دینلیر ، نه یاپیلیر ایسه .. هپ آنداماج ، یا کیلتاج اولور .  
فطرة بویوجک قسمی شرق حصه سنه دوشن بو حالت روحیه یی  
کوسته ره جک أمثال وشواهد ، پک اَلیم منظرلر وجوده  
کتیر مشدر . او برجهتده ، بونقیصه بزم بیلدیگمز کبی تجلی آتمز  
وَأْتَمَمَ مشدر . بالعکس اونلر یاپاجقلرینی سویله مه مشلر . یالکیز  
نه یاپیلسق ایسته نیلدیگنی آچیقدن آچیعه سویله یی ویر مشلر در .  
مثلا : فرانسه ده ذاتا سمتی مجهول برانحنایه محکوم اولمش  
اولان سیاست شخصییه ، بزم ایچون ، هر وقت فائده لی - یاخود -  
ضرر سنز قلمامش .. انکله رده ایسه وقتیه کربدلر ، قبریسلر ،  
مصرلر پیشکش چکیلدیگی حالده ینه علیهمزده بر قرار و  
تکلیفه یاناشیلما مشدر .

تاریخی پک بی رحمانه تتبع ادرسه ک ، قرار مباحث  
عنہک عدم حسن قبولی .. حصولی امکانشزلغندن نشأت  
آتمشدر ، دییه بیلیرز . و بوده بر دیپلوماتک درحال  
قبول آده بیله جگی یکانه صورت تفسیردر . چونکه دیپلوماسی  
عالمده ، دولتلر ایچون ، بربرینه قارشى اکتساب نفوذ وتفوقدن  
و غایت خسیس حسابدن باشقه برشی تصویری بر آز کوچ اولور .  
بونکله برابر بز دیپلوماسی یی داهایو کسه ک کورمک ایسته رز .  
اگر دیپلوماسی یالان .. دولان ، دسیسه .. دولاب ایسه ،  
اون دوقوزنجی عصرده ملتربوندن آرتق بوتون بوتون اوصامش

قالمشدر ، ادعاسنده اصرار ادهرز . آوروپانك ۱۸۴۸ ده حالت  
روحيه سی بو ادعامنك اصابتی اثبات ادر طورور . ۱۸۷۰  
وَ ۱۸۷۶ محاربه لری صرف اثر بهتان وغفلت دگلمی ایدی ؟  
شیمدی ، شومهم حسابلری یایمق .. شودریای پی پایان ارقامه  
کیروب دوغرو بریکون چیقارمق .. باخصوص ایله رییسی  
ایچون صاغلام بر بودجه حاضرلامق .. ظن اتمم ، که مکتبده  
ریاضیات اوقومقله ، یاخود ، باشقه صورتله قوپ قولای وجوده  
کتیریه بیلسین . وَ ظن ادهم ، که حسابات سیاسیده اعمال معلومه  
اربعة دستورلری کافی کلسین .

تمیزك .. حتی تفردك سبب وماهیتی بویله در . وَ خدایی  
نابتلك قضیه سی ده شوسبب وماهیتده آرانمالیدر .  
بوندن صوگرا مطبوعات ومؤلفات ده کفایت اتمه یه جکدر .  
زیرا اکثریا ایقاظ وارشاددن زیاده باعث کلال ومشکلات  
اولویور . تردد واشتباهلر فنا حالده صارصییور .

هرمسلك ایچون باشقه باشقه قاعده لر اولدینی کبی دیپلو -  
ماسیده ده بوتون بوتون باشقه ویکئی دستورلر واردر . وَ بونلرك  
اصل واساسی یالگنز فرانسه ده ، آلمانیا ده معلوم اولان تحصیله  
وَ السنه مهمه تدرسنه منحصر دگلدر . مراکز مدنیه ده جدا  
تدقیقات ومناسباتده بولونمق ، ایلوم سیاسیات عالمك روحی اولان  
مسائل اقتصادیه متعلق وقوف واطلاعی قازانمق ، احوال حقیقیه  
مملکتی بیلوب نقایص واحتیاجاتمزی آکلامق ، بعده بیپرانمش  
احتمال که لزومسنرلغنه بیهل حکم اولونمش برچوق کهنه دوسیه لری  
آراشدیروب مدققانه اوقومق .. اول بأول یاپیلاجق شیردندره .



رشیدپاشانك ، عالی پاشانك بزه بیراقدیغی سیاسی درس لر  
نه قدر تدقیق و تعمیق اولونور ایسه .. او قدر چوق حقیقت لر  
او گره نیلمش اولور .

[تبدیل زمان ایله تبدیلی احکام] قاعده سی ایسته دیگی کی جریان  
أده طور سون ، ذکر اولونان صور آساییه دائمایان تدقیق و تبعدر .

\*  
\* \*

تمهیدات واقعه دن مقصد اصلی ، پارس قونغره سنندن  
صوگرا - أعظم ر جالمز احوال واجتهاداتنی تذکیر ایله برابر -  
دولت علیه نك آوروپایه قارشى دوچار اولدیغی مشکلات تحمل  
فرسایى اخطار ایدی . شیمدی بو جهتی تدقیق أده لم :  
بزه آوروپا دیپلوماسیسنك ازعاجات و مداخلاتی بر راده  
وارمش ایدی ، که آثاری ایکی سنه اولنه قدر دوام ائمه مش اولسه  
ایدی ، بو کون اینا نمقده بر آز کو جلك اولاجق ایدی . مع التأسف  
أسکی قاپیتولاسیونلر هیچ قالمش .. قریم محاربه سنندن غالب چیقان ،  
هیات دولده موقع مخصوصی قزانان دولت عثمانیه اصلاحات  
نامی ویریلن و زمانه محتاج بولونان تدابیر و اجراءات داخلیه  
ایچون بر مراقبه زجریه هدف اولوب طور مشدر .

ظن اولونماسین ، که اصلاحاتك لزوم و وجوبی انکار  
ادیوروز . بالعکس دولتک کلیاً و أساساً اصلاحات عظیمه و وسیعیه  
احتیاج قطعی ایله محتاج بولونمش اولدیغی - تاریخه وقوفی  
اولانلر دگل ، آزچوق دوشونه بیلنلر دخی - تسلیم و اعتراف  
أدرلر و أدرلر ایدی .

شو قدر ، كه تطبیقات واجرات پك كوچ ایدی . باشند  
معارف اُکسیك ، اما پك اُکسیك ایدی . عناصر مائتک سویه  
ادراك و معلوماتنده نسبت بیه یوق ایدی . بعض اُجني حکمدار-  
لرني اعزّه مذاهب صیراسنده صایاجق و طانیاجق قدر نفاق  
جویانه فکرلر ... افراد اُهالی نی ایش و کوجندن ، ناموس  
و حیاتندن ، معیشت و عائله سندن باشقه غائله لره اشباع حالنه  
کثیرمش ایدی .

هر مملکتده موجود اولان تعصبدن بحث اُتمه نی زائد کورورم .  
چونکه بوبر مجادلّه اقوام دیمک ایدی و طبعی پایدار اولوب  
کیدیور ایدی . ذاتاً وحدت ملیه نث فقدانی ، اتحاد بعض  
منافع خسیسه یه انحصاری . اخلاص و صمیمیت یرینه ریا کارلقاه  
یا لانجیلغث .. معاملّه جدیه یرینه تبصص و حیه کارلغث رواج  
بولماسی انسانلرک حیات قیمتدارلر نی زهرله مه دن باشقه نه یارار !  
آوروپا دیپلوماتلری بو حقایقه بی کانه می ایدیلر ؟ بو افترا یه جرأت  
أدیه من . فقط دینیه بیلیر ، که دیپلوماتلر - قریم محاربه سنده  
ایکن - تبدیل فکر اتمشلر ایدی . صانکه قریم محاربه سی تورکیایی  
وصایت آلتنه آلمق ایچون کوزدل بر فرصت اُتهاز اُتدیرمش  
ایدی . بردشمن ، تورکیانک مقاومتنه معروض ایدی . دوست  
بر - یا خود - برقاق دولت ایسه پک اعلی دیدکلر نی دییه جکلر ،  
ایسته دکلر نی یابدیر اجملر ایدی . بوتون تشبشلر ، اخطارلر هپ  
بو فکرله و بویولده ایدی . صانکه هپسی : Combien faut-il  
d'idiots pour faire un public ? کلام مشهور نی سند  
صحیح عدایه همان آسوب کسمه یه قیام اتمشلر ایدی . دوست ،

دشمن جمله سنك بر اتفاق و عزم قطعی ايله میدانہ آتیلسانی محضاً  
و منحصراً خالصانه بر صلاح حال تأمینی فکرینه معطوف تلقی  
اتمکده بردورلو بیان معذرتدن کنیدی آلامیه جغمدرد . شو  
پولیتیکه قومہ دیسی ایچنده اوزم کنیدی کنیدی مزه مواخذه دن  
چکینه دیگمز ( تعصب ) بویوجك بررول اوینامش اولدیغی  
آوروپا تاریخ سیاسی مطابقا یازاقدرد .

دیپلوماسی حجره لرندہ هنوز قارتونلر آردسندہ صیقیشمش  
قائش بولونان اوزمانلردہ عائد مخابرہ و محاورہ راپورلری برکون  
میدانہ چیقاریلینجه کوروله جك، اعتراف اُدیله جکدر، که عوامل  
پولیتیکه دن زیاده عادی برسوق اورتاغی صارصمش بیراقشدر .  
روسیا دیپلوماسی سنك، برهزیمت قهقریه دن صوگرا، بوتون  
آوروپاده اوینادیغی رول قولای قولای تعریف اولوناماز .  
نه سئل - رود پولیتیکه سنك کورمه دیگی بویوک ایشلری . اخلافی  
بلا مشکلات و مزاحم حسن تسویه اتمشدر .

حال بوکده شرقدہ افکار عمومیہ موجود اولمادیغنه قناعت  
مطلقه ايله قانع بولونان دیپلوماتلرک اجتہاداتی کلیاً باطل اولدیغی  
کی، برقومک - نه قدر جاهل و بی کانه اولور ایسه اولسون -  
کنیدی احوالنه . کنیدی مملکتته علاقہ طبعیه سی حیاتی - دیمک دره .  
برقومک بو علائقدن استغناسی حیاتندن استغناسیله وجوده  
کله بیله جك و دوغروسی تصویر ییله عبث اولاجق برشی  
دگلمیدر ؛ آوروپاده افکار عمومیہ نك سلطنتته قائل اولان اهل  
عقول - شرقدہ فقدان معارف دولایسیله - عکس حاله اعتقاد  
آده بیلیمک ایچون، عجبا، نه کی دلائل کوسته ره بیلیر ؟

روس دیپلوماتلری ، اسلاو افکار عمومییه سنی ، اُك بویوك دعوارلنده ، عامل مطلق کویسته رمز لر می ایدی ؟ عجب روسیاده معارف ، مدنیت داها مترقی می ایدی ؟ هیهات ! فقط بومقایسه لردن ، موأخذهلردن واز کچلم ؛ رشید ، عالی پاشالری دوشونهلم :

آوروپانك تكلیف آتدیگی اصلاحاتك اساسی حقنده رشید پاشا مرحوم ناصل دوشونور ایدیسه .. عالی پاشا مرحومده اولیه دوشونور ایدی. لیکن انسانلرك تحری عیب وقصور نقیصه سندن قورتولاماماسی الجا آتندنمیدر ؟ نه در ؟ خلف سلف اولان بو ایکی محترم سیمای سیاسی موأخذات شدیدۀ مخالفه دن خالی قالماشدر .

پیر سیاسیمنرك عالی پاشادن وقاینه سندن فریاد تظلم کارانه سنی ناطق اولان برتذکره سی (باش کتایته) پك معنیداردر. عبدالمجید مرحومه یازدینی لایحه ایسه دولته تأسیس آتمش اولدیغی سیاسی پروگرامك خطوط اصلیه سنی مصور بولوندیغندن ، غایت مهم وقیمتداردر . بولایحه حقنده نه کبی اعتراضات وارد اولورسه اولسون ، رشید پاشانك مداخلۀ دولیه و افکار عمومییه دائر بیانات ومطالعائی تاریخ سیاسی عالمك هر وقت تجیل وتقدیر آده جگی اجتهادات دیپلوماتیه دندر. آوروپالیرك . عالی پاشا و طرفیکیرانی ایله تماسلرندن آلدقلى معلوماته بناء ، رشید پاشایی دشمن اصلاحات کبی کورمه لری و بونی ده صرف شخصیاتدن عد آتمه لری ظاهر حالده پك ده حقسر دگلدر . لیکن بو طرز محاکمه هر آوروپالینك کسندی محیطنه کوره

و یردیگی بر حکم نتیجه سی اولوب ، دوغرودن دوغرو رشید پاشانک مطالعاتی رد و جرعه کافی کورونمه یور . رشید پاشا مرحوم ، اجتهاداتنده کی اصابتی ایله .. خلاف کیرلری ده ، خطای اجتهادیلری ایله أسلافه حقیقه بویوک بردرس عبرت و سیاست وصیت آتمش بولونویور . تأسف اولونور ، که بزبونی آکلایاماشنز .

ألواح ماضی نی تنقید و مطالعه ایله بوکون استتباط ایله - دیگمز اُک بویوک حقیقت : هنوز مداخلاتک مبادیسنده ایکن رشید پاشانک اثرینه اقتفا ادیله مه مش و پک چوق احوالده مضطر قالینمش اولماسیدر !

دول معظمه نك اصلاحات مناسبتیله اتخاذ آتمش اولدیغی طرز حرکت و سیاست ، باشقه باشقه و نایق سیاسییه نك تمهید و تدقیقه تظاهر ایله یه بیلیر . بونك ایچون ، یالکز علاقه داراندن برینك بیانات و مدعیاتی کفایت اده مز . مع مافیه پای تحت سلطنتده دول اجنبیه سفیرلرینك مسلك و تشبثلری نظر اعتباره آلینیر ایسه روسیا ایله انکلتزده نك پک ایله ری کیتدیگی و فرانسه نك ایکسی آره سنده صیقیشهرق پارس معااهده سی موادی نی تفسیر و تطبیقده قالا قالدیغی تبین آیله ر .

ایستراتفور دیرلرک ، بول - و رلرک مدعیات و مطالباتی قارشیسنده غورچاقو فلرک ایسته دک لری احتمال که خفیف کورونور . مع التأسف زمان اثبات آتمشدر ، که انکلز لرک تکالیف اصلاحیه سنده هیچ بر سوء قصد یوق ایکن ، قونشو دیپلوماسیمز بزی هر ج مرج آده جک براوچور و مه سوق آیله مشدر .

## ﴿ رشید پاشا مرحومك سلطان عبدالحمید خانہ لایحه سی ﴾

ذات والای حضرت صدارتپناهی بوطرفدن حرکت اغتردن اول  
 کندولرینه فرانسه سفیرینك بالوسنده تصادف اولندیغندن اثنای صحبتده  
 خرستیان تبعیه دائر یاپیله حق شیلرك برآن اقدام اجرایی تقدیرنده  
 بوخصوصك معاهدهیه داخل اولمقن قورتیله جنی سفرای ثلثه طرفندن  
 وعد اولندیغنی حکایه ایله برابر بوبایدہ مطالعہ چا کرانه می استفسار  
 بیوردقلرینه بناءً مادامکہ شرائط صلحیهك دردنجی ماده سی خرستیانلر  
 اوزرینه اولوب بونك ایسه شمیدی به قدر هیچ برورقہ رسمیه ده  
 کورلیان حقوق پولتیقه تعبیرینه اهل اسلام و خرستیان تبعیه ی هرخصوصه  
 مساوات کاماه حاله قویه حق برسوزدر . بودخی مندرج ایکن طرف  
 دولت علیه دن رد اولندقدن بشقه مواد خمسہك اساسی اتخاذ اولنه جفته  
 دائر ویانده منعقد اوله حق پروتقولوی امضا ایتمکہ سلطنت سنیه  
 مصلحتکنذارینك مأذون اولدینی دخی غرتہ لرده کورلش اولدیغندن  
 و پروتقول دخی عهد قوتنده بولندیغندن بونك ایچون عجباً معاهده یه  
 کیرمکدن قورتیله بیلورمی سؤالنه محل اولیوب شمدیدن کیرمش  
 نظریله باقلمق لازم کلدیکی وازجله پارسه تشریف لرنده بین الدول مقرر  
 اولدینی اوزره مواد اساسیه امضا اولنه حق اولدینی حالده برنجی  
 وایکنجی واونجی ماده لر ذکر اولندقدن نصکره ارده ده دردنجی بی  
 براقوبده بشنجی به کچلمسنه دولترک راضی اوله جقلرینه عقل کسمدیکی  
 والحاصل سفرائك وعدلرینه مبنی دولترک ایدہ جکی مساعدہ اولسه  
 اولسه ( چونکہ بوامتیازات یابر خط هایون ویاخود فرمان عالی ایله  
 اعلان اولنه جغندن ) انک احکام مندرجه سنی معاهده عمومیه یه لفظ  
 بلفظ کچورمیه رك مثلاً مواد اساسیهك دردنجی ماده سنده مذکور  
 اولدینی وجهله خرستیان تبعیهك امتیازات مذهبییه و حقوق پولتیقه سنی  
 دولت علیه فلان تاریخده نشر بیوردینی خط هایون ویا فرمان عالی  
 ایله اجرا وتأمین بیورمش اولدیغندن ارتق بونلرك موضوع بحث  
 اولنسنه حاجت اولیه رق یالکز ذکر یله اکتفا اولنمشدر یوللو  
 برفره علاوه ایتمک استیه جکلری محتملات قویه دن اولوب بونك اجرایی  
 تقدیرنده ایسه امتیازاتی متضمن خط هایون ویاخود فرمان عالی عهد

نامه‌نك اجرا سندن معدود اوله‌رق اشته بونكله دولتره برحق نظارت ویرلش وبوصورتله سلطنت سنیه‌نك استقلال عالیسی اخلاص ایدلش اوله‌جنی وامروفرمان حضرت پادشاهی متعلق بیورلدینی حالده قونفرانسه کیتمه‌ک ایتدادن میل چا کرانم وار ایکن مصلحتک کسب ایتدیکی رنك وروشه کوره بوغذوردن قورتلمسی امکانش کورینوب بویه برماده مضره‌یه وضع ید ایتمکن غایتله مجتنب بولند بگمدن شو کونجی کونده کیتیه جگمه‌د نظولایی ممنونیم برکال بولندینی جوابلارینی ویرمشمدم و متعاقباً منتشر اولان فرمان عالی‌نك صورت مطبوعه‌سنی قرائت ایلدیکمه‌ده کرك مصلحتک مبداً و منتهاسنده و کرك صورت اجرا سنده دولت علیه‌نك استقلال و شانسه رخنه و ذهلره خدشه ویره‌جک شیلر کوردیکمدن بعض ذوات ايله بوکا دائر مصاحبت اثناسنده حسب الصداقه طیانهمیه‌رق تأسفی اظهاردن کیر و طور عامشیدم . بلمم بومثالو سوزلر بعضیلرینک پولتیقه‌سنه طوقندیغندمیدر و یا خود یاپدیغمن نظامات حسنه‌یه بعض معزول و کلا طرفندن اعتراض وقوعبولور . ارتق بونلری محاکمه‌یه چکمدنجه بزراحت ایده‌میه جکیز ا یوللو کلمات تفوه اولندیغنی اشتمش اولدیغمدن سائر معزولینک اقوال و حرکاتی بیله جگم شی دکل ایسه‌ده کندجه محاکمه‌یه حاضر اولدیغمی طرف . والای فتوا پناهی‌یه اخبار ایتدیکم جهتله اکر محاکمه‌یه دعوب ایدرلر ایسه سلطنت سنیه‌نك استقلال عالیسنه طوقینان و خصوصیه پادشاهنر افندیغره بورجلی اولدیغمن صدقته منافی کورینن شیرینی بیان و اثبات ایتمکله‌ده تردد ایتیه جگم درکار اولوب هر برحالی عتبه‌ علیای حضرت پادشاهی‌یه عرض ایتمکک دخی وظائف عبودیتک اگ افندی اولغله بو عاجز کی املسز بربنده‌نك بویه حرکتته بشقه درلو برمعنا ویرله‌میه جکی دخی بدیهیاتدن بولغله شووچه‌له بیان حاله ایتدار اولنورکه بالاده مذکور اولدینی اوزره ابتدا شرائط صلاحیه‌نك دردنجی ماده‌سنده حقوق پولتیقه لفظی کورلدیکی کی پروتستواولنیه‌رق قبولی مشعر اولان سکوت معامله‌سی کوسترلسی و ثانیاً تدقیق مصلحت اولنقه‌سزین و یانه‌ده منعقد اولان پروتقولوی امضا ایچون دولت علیه مصلحتکدنرینه مأذونیت ویرلسی و ثانیاً سلطنت سنیه‌نك صرف امور داخلیه‌سندن اولان نظامات ایچون بوراده سفرا ايله قونفرانسه کیریشیلرک مضبطه بیله طوئدیرلسی



دولت عليه نك استقلال عاليه سني و حقوق حكومت سنيه سني تهلكيه  
 راغه حق صورتده پوليقيقه جه پك چوق خطاير اوله رق اكر شو فرمان  
 عالي هر فصل عباره ايله اولور ايسه اولسون معاهده ده مذكور  
 اوله حق اولور ايسه ارتق معاذ الله تعالى مقاسمه حكومت ديمك اوله جني  
 جهته سلطنت سنيه نك شو محاربه ده ايتديكي فداكارلقلر و چكديكي  
 مستقيلر و دول متفقه نك دخي صرف ايتديكي مساعي و همتلر بياغي بي ثمره  
 قاله بقدر . و دولترك محافظه استقلال حقنده اولان دعوايرني شو فعل  
 نقص ايدجكي و نتيجه مقدمه به موافق دوشميه جكي جهته بودخي لفظ  
 بي معني كبي كورينه جكدر و قره دكرده روسيه دونماسنك محوي  
 و بشار ابيه دن براز اراضينك بغداد امارته الحاق كبي في نفس الامر  
 فوائد مادييه سي اولان شيلر دخي اشبو مضرات حقوقيه و استقلاليه  
 برمكافات اوله ميه جكدر . سالفالند كر فرمان عالينك حاوي اولديني  
 احكامك صورت اجرائيه سنه كلنجه زمان و مرقعك ايجابي منكر  
 اوله رق خريستان تبعه نك بوندن يوز سنه اولكي دكل يكرمي سنه  
 مذكومي حاله بيله قولالانسى ممكن اوله ميه جني و شمدى به قدر كرك  
 جنتمكان افنديمرك و كرك عصر عالي شهنشاهيده خريستانلر حققرنده  
 اراتق اراتق شايد بيورش اولان مساعدات سنيه نك هپ بوملاحظاتدن  
 نشأت ايتديكي مسلماتدن اولديغنه نظراً بوندن بيله دخي بعض مواد  
 مساعد اولمسنك لزومي حقنده برديه جك بوغيسته بيله شيلر تدرجي  
 و خصوصيله دول اجنبيه نك مداخله رسميه سي قارشق سيزين ياپيلوب  
 اهل اسلامك اذهاني الشديرسنه و همده خريستان طاقنك حوصاله  
 تحمللرينه صغيه حق صورتده دفعه برچوق امتيازات و يريلوبده  
 كندولرينك بردن بره شماردنامسنه دقت اولمق مقتضاي حكمتدن ايكن  
 و كلای فخام حضراتي طرفلرندن دخي بوصورتك ميدانه قولديغنه شبهه  
 يوق ايسه ده كچن سنه كي شرائط صلحيه ده يالكيز امتيازات مذهبيه نك  
 بقاسي فقره سي مندرج اوله رق بين الدول ياپيلان بعض اوراقده دخي  
 انجق راحت و رفاه معناسني منضم اولان اصلاح حال رعايا قضيه سنك  
 فتوت سنيه حضرت ملوكانه به حواله سي عباره سي مسطور اولوب  
 بونفء كي شرائط صلحيه نك دردنجي ماده سنده بيله حقوق پوليقيقه لفظي  
 وجوديله برابر ينه استقلال عالي و حقوق عليه به رعايت قيد قويسنك

دخی مجرور بولمسی اسباب مبرمه مطالعه سنی سالب اوله جفندن بشقه ایلیچیلرک دهها مکالمات هنکامنده (طوغریسی وکلای دولت علیه هروجهه تسهیل مصلحت ایدرک آرزو و امیدلریمزک بیهله اوتیه طرفنه کچدیلر) وادیسنده سوزلر سویله دکلرینه دائر روایتلر وشو آراق بوکاتی مصدق وغزته لرده کورلیکنده اولان حکایتلر دخی هپ ماده ابرامیه نک فقدانای ملاحظه سنه قوت ویره جک شیراولدیغنه نظراً مجرد آورو بجه برمدوحیت قزانلق هوسیه اصل التزام اولنه حق طریق احتیاطکارانه و حکومت شعارانه نک ترک اولمش اولمسی ظنی پک غالب کورنمکنده در . اشبو فرمان عالینک معنای حقیقه سنی ستر ایچون هر تقدیر تأویلات اغفلیه ایله وغراشلمقده ایسه ده اصل صحیحی آوروایه بیله یزلیکی اوزره (امناسیون قومیت) و (اغلیته یارفت) [\*] قضایسی اوله رق بوندنبویه ملت حاکمه ایله ملل محکومه بیننده هیچ برکونا فرق قالمدینی وفرمان عالینک شوشیلرده وکرک تملک املاک ماده سنه دائر محاللارنده کوریلان فقرات مبرمه دخی انجق بورایی اغفال ایچون میدانه قولمش کلمات مصنعه اولوب یوخسه بوخصوصلرک بردائرء محدودده اینجده طوتمسنی ووقتیه دعوا اولندجقه اسکات واقناعه مدار اولور صورتده اولدیغنی اثبات ایتمک ایسه پک آسان شیدر . هر نه ایسه بوخصوصلره مجبوریت قویه اولدینی تقدیرده بودرجه ایلرو کیدنک مناسب کورلیدیکی مثالو شاید برقوی مجبوریت اولدینی حالده دخی چونکه بوماده ده دولت علیه نک التي یوز سنه لک رنکی تمامیه ضد و مخالفی اولان دیگر بررنکه قویه حق واهل اسلام وخرستیان بیننده معاذالله تعالی برمقاتله عظیمه وقوعنه سبب اوله بیهله جک اولوب الحاله هنده درسعادته برقوة اجنبیه بولمسی جهته بوراجه (باشلوجه وقوعاندن قالمز) وروم ایلینک دخی بوسنه وارنبودلقدن ماعدا بررندن برکونا او یغونسزاق مأمول اولمز ایسه ده شام وحب و حظه عرقیه ده وانا طوایینک پک چوق یرلرنده بونک سوء تأثیراتی واجر اسنک صعوباتی ملحوظات قویه دن ایکن بورالری اصلاً قید اولمیه رق بالعکس بوکا بغایت خفیفجه صورته تشبث اولمش اولمسی دخی عقله ملایم کورنمز . زیرا اسباب مبرمه صحیحاً موجود ایسه انی اثباتده صعوبت

اولدینی جهته سلطنت سنیه نك عادت قدیمه سندن اولدینی وجهه بو  
 مصلحت بر مجلس عمومی قونلش و حقیقت حال اطرافیه آکلادیش  
 اولسیدی هر کس مجنون اولدیغندن بتون بتون مصلحتك قراری آرای  
 عمومی نك اتحادیه اولور و دولت عایه دخی هر درلو تعریضاتدن  
 و امر اجراده دخی مشکلاتدن مصون بولنورایدی. چونکه بوندن مقدم  
 سوخته لر ماده سی وقوعنده اولوقت آرای عمومی یی و مساع شرع شریفی  
 و انك اوزرینه متعلق بیوریلان اراده سنیه یی جامع اوله رق الده بولمش  
 اولان سند علتی رفع فساد سلاح و قوت اولدینی جمله نك معلومی  
 اولدیغندن بوکره اعلان اولنان نظامات ایسه شمدی ده دکن هیچ  
 امثالی کورلماش غایت تنك بر ماده بولندیغندن شمانه سزجه اجرایه  
 مدار اولق و شاید طشره لرده بوکا قارشو حرکت ایدن اولور ایسه  
 اومقوله لر قولا یلقلا یوله یاترمق ایچون الده برسند قوی بولنسی  
 قضیه سندن دخی و کلاجه غفلت اولنماق اقتضایدر ایدی. حالبوکه مصلحت  
 بو صورتده طو کلیه رق بر مجلس مختصرده بر قاچ کره اجتماع ایله  
 علی العجله هرشی یاپیلوب و کلایه فریضه ذمت و مقتضای صداقت  
 و عبودیت انحق ذاتلرخی میدانه قویمق و حاصل اوله حق انکسار قلوبه  
 دخی کندولرخی قارشو طوتمق صورتلری ایکن فرمان عالینك قرار  
 وکلادن بحث اولنمق سزین اراده سنیه مخصوصه صورتنده اعلان اولنسی  
 دخی عقل کترانجه وکلای وظائفنه مابین پک بیوک خطادر. و فرمان  
 عالینك اعلانندن هیچ اولمز ایسه اون اون بش کون اول ولاة عظام  
 و متصرفینه محرمانه بر مکتوب یازیلوبده [ایجابات عصریه دن اولق  
 اوزره شو مآلده بو صورتده بر فرمان عالی کوندریله جکدر. سز لر مدمات  
 مناسبه ایله خلقك اذهانی حاضرلغه همت ایدیکز] یوللو بعض وصایا  
 یازلق اهم مهمادن ایکن تحقیق اولندیغنه کوره بونده دخی غفلت  
 اولمشدر. و بزم ایچنده ایکن حس ایده مدیکمز مشکلاتی خارجدن  
 اوروپا لونك ده اطرافیه کوردیکنه و استخفاف ایتدیکنه بودخی  
 دلالت ایدرکه نظامات جدیده یراشنجه یه قدر ممالک دولت علیه نك  
 بعض مواقعنده دول متفقه عسکرنك مدت و افره اقامت لری لزومندن  
 اوروپا غزیه لر یی بحث ایتککده درلر. بوا یسه فعله کله جک یعنی دول متفقه  
 ایله یاپیلان اتفاق معاهده سنك و مصالحه نك انعقاد ی عقیبنده و مدت معینه

ظرفنده حاضر لنوب عسکر وسفینه لری اعاده ایتملی مشروط ایکن بویله سبیلر ایله تمید صورتی ظهور ایده جک اولور ایسه بونک دخی مضرت عظیمه سی اوله جنی بدیدر. هر نه ایسه شمدی مصلحت بودرجه یه کلوب بوندن دوت سنه مقدم قدس مسئله سنک صورت تنظیمه سنه دائر ویریلان قرار هر طرفه مقبول اولمش ایکن صکره اجر اسنده وقوعه کلان خطیات محاربه حاضره یی منتج اولدینی کی بومحاربه نك مصالحه یه مبدل اوله جنی هنکامده مشهود اولان حرکات غافلانه دخی دولتک شرف وصیتتی واستقلال عالینسی بر حال خطرناکه ایصل ایلمش اولدیغندن ولی نعمت بینتمز پادشاهمز افندیمرک صادق قوی وکوله سی اولنره کوره بوشیلردن طولای محزون ودلخون اولمقلقه برابر بعضی کونا تدابیر تجربه دوشنمکک دخی واجبه ذمت اولدیغنه بناء شوراسی عاجزانه وفقیرانه خاطر کذار اولمدرکه ابتدا بو فرمان عالینک احکامی سلطنت سنیه نك کندولکنندن تأسیس بیورمش اولدینی سائر نظاماته بکزه میهرک دل ثلثه ایله رسماً قونفرانسلرده قرارلشدیرلمش اولدینی جهته تماماً اجر اسنه مجبوری قویه درکار اولدیغندن بونک تعدیل وتغیری امر محال اولوب فقط ایالات والویه ده تماماً اجرا آتده دخی مأمورین طرفلردن یولسزلیق واقع اولور ایسه بوندن برطاقم غوائل نکلون ایده جکندن وبونک ایله عساکر اجنبیه نك ممالک سلطنت سنیه ده تمید اقامتلینه دخی سبب ویریه جکندن شبهه اولماغله باری شو محاذیر ملحوظ نك اوکنی کسیدیرمک اینچون مأمورین کرامی حرکات حکیمانه یه دعوت یولنده کندولرینه تنبیهاتلر یازلسی واشبو فرمان عالیدن طولای هر طرفه اهل اسلامک مکدر ومغموم اوله جقلری امور طبیعیه دن اولوب اگرچه محاربه حالیه اوانده خرسیتیان تبعه طرفندن دخی خدمتده قصور اولنماش ایسه ده اغور ذولت علیه ده اصل فدای جان ایدن یته ملت اسلامیه اولدیغندن عموم اهل اسلامک بعضی مرتبه تطیب وتلطیفی تدبیرینه دخی باقلمسی وحوالی ججازه نك صفت جلیله خلافت کبرایه رابطه قویسی جهتیله اول قطعه مبارکه اهالی کرامنک افکارلرنی کوزتمک فریضه دن اوله رق ده ایقین وقتده بر اثر ممنوعیتی سوزینک اورالرده فصل قتال عظیمه سبب اولدینی دخی بو فرمان عالینک اورالرده شیوعی هر کسی المناک ایده جکتنک دلیل قویسی اولماغله وجده

والیسی دولتو کامل پاشا حضرتلری هر تقدیر اصدقادن برذات ایسه ده  
بروقتدنبرو کندوسنک مشهود اولان شدت وحدتی وخصوصاً حرم  
شریف دروننده سفک دماء بشریه به سببیتی اولحوالی مقدسه ده هر کسی  
دلکیر و تنقیر ایلدیکی دخی ارباب وقوف طرفندن روایت اولمغله  
مشارالیه سایه شوکتوایه خلافتناهیده آخرایشده قولالخلق اوزره  
شوآراق عزلی و حرمین شریفین اهالی کرامنی تأمین وتألیفه وسوء  
تأثیری اوله جق شیرلی تفهیم وتعریفه منتدر برذاتک جدیده والی تعیینیه  
سریعاً محل مأموریتنه اعزام بیورلمسی وبودفعه شرائط صلحیه نك  
دردنجی مباده سی حقنده بروجه محرر ابتدادن قیدسزاق وقوعبولش  
اولدیغندن شمدی سالفاند کر فرمان عالینک عهد نامه جه مذکور  
اولمقدن قورتمسی پک مکمل کوریلوب صورت خفیفه ده اولور ایسه  
اواسون برکرده ده معاهده ده مذکور اولدینی کی سلطنت سنیه نك  
استقلال عالیمنه عظیم رخنه اچلمش وبوندوبوله دولت علیه نك مصالح  
داخلیه سی حقنده دولتک برمداخله رسمی حق ویرلمش اوله جغندن  
فرضا بوبلانک چاره وامکانی بولنه میه جق اولدینی حالده باری دولت علیه  
دولتلك الی الابد حمایت مشترکه سی تحتنده قالماق ایچون مثلاً بوندن  
بش سنیه قدر سلطنت سنیه ممالک محروسه سننده لازم کلان اصلاحات  
واجرا آنه همت بیوره جنی جهتله اول مدت انقضاسنده ماده رابعه نك  
کأن لم یکن حکمنه کیرمسی واول مدت ظرفنده دخی دولتلر طرفندن  
امور دولت علیه برکونا مداخله ایدلامسی فقراتک دخی عهدنامه یه  
درج ایدلمسی کی بعض شیرل یاپلمسی وقت وحالجه فائده لو کی کورینور  
ایسه ده بونلر ملاحظات قاصره قبیلدن اوله ورق مبارک ذهن پاک وخاطر  
تابنک حضرت ظل الاهی به لایح وسایح اوله جق آرای رزینه محض اصابت  
وکرامت اوله جغندن اشتباه اولماغله اولیابده فی ۱۲۷۲

\*  
\* \*

﴿ مشارالیه ک مابین همایون باش کتابته یازدینی ﴾

﴿ تذکره نك صورتیدر ﴾

دردست اولان مصالح دقیقه دن طولانی بعض کیفیات ومطالعاتی

حاوی قلمه النان لایحه منظور دقایق نشور حضرت پادشاهی بیورلیق  
ایچون تقدیم قلندی لایحه مذکوره نك بعض فقراتی ذوات مستخدمه دن  
بعضلری اتهام صورتنده کبی کورینور ایسه ده خدا علیمدر که هیچ  
کیمسه حقنده غرضم و کندجه سرمایه حیاتم اولان توجہات جلیله ولی-  
النعمتك بقاسندن غیری املم اولیوب فقط جان وجهنده اقدام بیایدیکم  
پادشاهم افندیمره ودولتعلیه لرینه ووطن وملته مضر اوله جق شیلری  
تجویز ایدنلر ولو پدر ویا برادر واولادلرم دخی اولسه له الحمد خنفت  
ذاتیهمده بولنان صدایم جهتیله ینه طوغری بی سویلکدن کیرو  
طورمیہ جغمه وولی النعمت بیتمن شهنشاه ملک خصات افندیمره ووطن  
وملته منفعتلی ظن ایتدیکم کیفیاتی دخی عرض وبیان ایتکلیکی فریضه  
ذمت بیایدیکم مبنی لایحه مرقومه یه بعض خصوصیات درج اولمش  
اولغله بوصورتده الحله هنده بولندیغم حال وموقع اقتضاسنجه بری ادبانه  
حرکتیه جسارت رنکی الهجنی جهتله شایان توبیخ اوله جغمی دخی  
معترف ایسه مده نیات صادقهم حبیبیه عفو عالی یه مظهریم خصوصنده  
امید کترانهم دخی پک قوی بولمغله حق بندکانه مده هر نه درلو معامله  
بیوریلور ایسه پک بیوک نعمت و عنایت بیله جکمی وچونکه لایحه  
مذکوره مألندن مستفاد اوله جنی وجهله ذات والای وکالتینده اینک  
بوترفدن قبل الحریکه واقع اولان سوال لرینه لازم کله جک جوابی ویروب  
بعض مسموعان دنطولای استنور ایسه محاکمه به حاضر و آماده اولدیغمی  
جانب جناب فتواینها یه اخبار ایلدیکم دن و بکره دخی لایحه مذکوره  
ایله هر حای وذهن قاصر مجله بعض مطالعات سخیفه بی دخی من غیر حد  
عتبه علیای حضرت ولی النعمته بیان و اشعاره متجاسر اولدیغم دن  
ارتق بندۀ بی ریالری نك بوندن صکره اتخاذ ایده جکم اصول ومسالك  
اقتضاسنجه شید محاکمه دعوت ایلندیغم حالده هر خصوصک طوغری بی-  
سویلک وماعدا وقتلرده التزام سکوت ایتکدن وهیچ برشیئه قارشیمقدن  
عبارت اوله جق ایسه ده مجرد کندی جرم وکناه وطالع سیاهم اقتضا-  
سنجه اکثریا سهام قضایه هدف اوله کلدیکم ودر دست بولنان  
شیلره طرف چا کرانه مدن اعتراض وقوعی شایعه سی حق کترانه مده  
ایلچیلرک تشدید افکار لرینه باعث اولسی محتملات قویه دن بولندیغمه  
نظراً بویولده ظهور ایده بیله جک قیل و قاللر بالاخره ولی النعمت



راحتسز قلربی و بلكه عبد مملوك دخی حسن نظر مرحت اثر جناب  
شهریاریدن دوشمككمی انتاج ایده بیلمسی و اهمه سی بنده کینه لرینه  
خاطر خراش اولقده اولسیله شمیدن هواسی لطیفجه برحاله کیدوب  
اقامت ایتسکاکمه امر و فرمان جناب تاجدارى متعلق بیورلدور ایسه  
اجرای مقتضای متیفته مسارعت اولنه جنی رهین علم سامیلری بیورلدقده  
اولباده فی ۱۲۷۲

\*  
\* \*

### ( عالی پاشا مرحومك برلایحه سی )

احوال عمومیه عالمك كوندن كونه كسب ایتسكده اولدینی رنك  
و حال ملل آوروپانك وانلره تبعاً دولترینك مالك اولدقلى طرق  
اختلال اشغال دولت علیه یی دخی بر موقع خطرناكه قومشدر . وطن  
اولندیغنه كوره شو اراقى دوچار اولدیغمز مشكلات و مخاطرات سائر  
و قتلرده كوریلنلردن پك زیاده آغرو هول انكیزدر . زیرا هیچ برزمانده  
آوروپانك پولتیقه عمومیه سی بورتبه قاریشمامش و مالك دولت علیه ده  
روسیه مقاسدی بودرجه میدان بولامشدر . بوندن اون بش یکریمی سنه  
اوللری روسیه دولتی شرق طرفلرنده ایشی آزیتمه باشلادینی آنده  
بتون آوروپا دولترینی و بالخصوص انكلتزه و فرانسه یی قارشوسنده  
بولور وانلرك قورقوسندن اولدقجه سینوب اوتورور و بومحاسده دولیه  
دولت علیه یی خارجاً جای سلامتده بولندر ایدی . سلطان محمود خان  
فردوس آشیان حضرتلری عصرلرنده سرنمای سباحه ظهور اولان  
مصر مسئله سندن طولانی روسیه دولتیله عقد اولنان خنكار اسكده سی  
اتفاقنك ضرر سزجه کچمی و مؤخرأً منجیقوف سفارتیله عرض اولنان  
تكالیف سخیفه انكلتزه و فرانسه دولترینك اعلان حرب ایله جواب  
ویرمسی مدعای مذكوره دایم کافیدر . ایشته بوجه تترله امنیت خارجیه من  
مکمل و داخلأً دخی تبعه مسیحیه نك افكار و اداره لری شمیدیکندن  
اهون واسهل اولسی ملابسسه سیله ایلروسی اولقدر مظلم و مخوف  
کورنسیله برابر حرب اخیرك نتیجه سی اوله رق پارسده عقد اولنان  
معاهده صلحیه ایله دولت علیه نك تمامیت ملکیه سنك تحت کفالت  
دولیه یه کیرمسی و ذات شوکتسمات حضرت ملوكانه نك تبعه شاهانه لریله



اولان معاملاتنه دولتلرک نه منفرداً ونه ده مشترکاً مداخله ایتیه جکری  
 رسماً تعهد اولمسی اولدجه موجب امنیت واعتماد اولور ظنی کلش  
 وبوامینتک بر ممت اولسون دوام ایده جکی ودولت علیه نک اومدن استفاده  
 ایله ایشنی مهمما امکان یولنه قویه جنی مأمولی دخی حاصل اولمش ایکن اصول  
 پولتیقیه ده بیض ایله سیاه بینده اولان فرق قدر تغیر نا کهای حادث و ظاهر  
 اولوب عالمی حیرته دوشوردی. ودولتلرک بتون بتون یولنی شاشردی. ودولت  
 علیه نک بحق مأمول یوردینی فائده امنیت بر دیره محو و هبایتدی. شویله که  
 پارس معاهده سنک امضاسی ده قوریمق سزین ایمراتور ناپلیون ایتالیا ده  
 اوستریا نفوذینی بتورمک قصدیله اتخاذ ایده جکی مسدکه روسیه دولتی  
 مخالف و اوستریا لویه معین بولامق ایچون معاهده منعقددن فدا کارلق  
 ایتیکه و بزم ضرر مزی و روسیه لونک فائده سنی موجب اوله جق یوللره  
 کیتیکه و کویا هیچ تعهد لری یوق کبی هر ایشمزه مداخله بی و خصوصیه  
 مملکتین و صربستان و قره طاغ و سوریه و کرید مسئله لرنده دائماً  
 اضرار مزی التزام ایلمکه باشلادی. و برده [هر قوم ایستدیکي حکمدار  
 و حکومتی انتخاب و اختیار اتمک اقتضا ایدره بر قوم ایستدیکي بر قوم  
 اجنبدیکي جبراً اجرای حکومتنه حق اوله من] اصول فساد شمولی دخی  
 درپیش ایدوب بالعموم اقوام مختلفه نک وبالخصوص بزم خرسستیانلرک  
 اذهنتی کلیاً تخدیش و تشویش ایلدی. انکلتزه دولتی ایسه برمدتنبرو  
 هر طرف حقنده جاری اولان پولتیقیه سنی اساسندن تغیر و تبدیل  
 برله تجارت و منافعه طوغریدن طوغری تأثیری اولیان مصالحده  
 اصول بقیندی و بیطرفی طریقنه کیرمکه و نظامات داخلیه سی سربست  
 اساس اوزرینه مبنی اولدیغندن سالتالند کر قومیت اصولنه مخالفت  
 ایده مکه کندوسندن جزوی و کلی معاونت امیدی بر طرف اولدی.  
 بوحالک اوزرینه فرانسه دولتی ایتالیا دن اوستریا دولتی دفع و اوراسنی  
 دول متفقه نامیاه کوچک حکومتلره تقسیم ایدرک جمله سنک اوزرینه  
 اجرای احکام ایدیم دیر ایکن اوده کی بازار چارشویه اویموب ایتالیا ده  
 قوم واحد اوله رق یکر می درت ملیون نفوسی جامع بر دولت عظیمه  
 تشکل ایتسیله باشنه بر عظیم بلا چیقاروب بوندن برده روم مسئله سی کبی  
 اوجی اورطه سی بولمز برایش تولد ایتدیکینک اوزرینه مکسیقا و المانیا  
 خصوصلرنده ایتدیکي خطالرک نتایج وخیمه سی دخی منظم اولدیغندن

وانكلكره دولتك بروجه محرر متخدى اولان اصول بيطرفى اقتضاسنجه  
اوطرفدن كاملا" مايوس بولنديغدن و اوستريا دولتى فرانسه دن آز  
وقت اينچنده كوردىكى فناقلردن حسب الايجاب تجاهل ايدوبده بر كده  
اولقى آوزوسنده اولسه بيله عهد قريبه دوچار اولدينى فلاكتلىك  
آچدينى ياره لر شوكونكى كونده كندوسنى هر درلو حركتدن اسقاط  
ايلسيلاه انك اتفاقنده بر فائده اولهميه جفغندن و پروسيا دولتيلاه مناسبات  
حاضره لر ينك درجه سى ايسه ميدانده ايدو كندن چاره سز روسيه لولره  
مماشانه احتياج مجبوريت حاصل ايتدى . روسيه دولتى دخی اشبو  
وقوعادن ناشى خارجدن هيچ بر قورقوسى قالميوب بالعكس او روپانك  
فرانسه و پروسيا كې اك قوتى دولتلرى كندوسنى جلبه چالشدق قيرىنى  
ا كلامسيلاه و كندوسنه پك مضر اولان فرانسه ده لى بار ثقیل خطيائى  
التنده ازل كده اولديغنى و بعد ازين كندوسنجه پكده حكمتى قلمديغنى  
كورمسيلاه و پروسيا دولتى اوتة دنبرو متفق خاصى اولوب باخصوص  
بو ائانده كندوسنك المانياجه اولان دولابنى ايستديكى وجهه چو بر مسنه  
حيلوت اولمز ايسه شرجه يابه ميه جق شيلره اندن قطعاً اعتراض  
و مخالفت كليه جكنى بيلمسيلاه و لهستان غائله سنى قوه قاهره واسارت  
مسئله سنى تدابير معقوله ايله دفع و حل ايدرك داخل دخی غوائل  
عظيمه دن قور تلمسيلاه الحاله هنده امورنده اك فاعل مختار و ديكر لر ينك  
ضمفندن ناشى اك قوى دولت مرتبه سنه كلدى . دولت مشارا ليها  
جمله نك معلومى اولدينى اوزره تابيوك پترو زماندنبرو نظر حرص  
و آزينى بلاد شرقيه و بالخصوص محسود دول وملل اولان ممالك  
محروسه عثمانيه ديكمش و سمنند مفايده اوراسنى ميدان جولان  
اتخاذ ايلمى اولدينى حالده احوال مشروحه كندوسنه تماماً ارخاى عنان  
ايتش واورته لنى اغياردن خالى بولش اولسيلاه ارتقى استديكى وجهه  
آت اويناده جنى آن با آن هر طرفده كور نمكده اولان آثار و اموراتى ايله  
ثابت اولفنده در . ملاحظه قاصره كترانه مه كوره پترسبورغ قبينه بوسى  
دولت عليه يه طور و ب طور ركن رسماً اعلان حرب ايتك نيتنده  
دكلدر . اكر او بوله كيتهمسى لازم كلسه حضور محكمه افكار عموميه ده  
حقسز چيقه جغنى و بو حركته توسيع ملك غرضى و يريله جكنى بيلور .  
انك ايچون حربدن مجتنب اولوب بريانندن انواع تسويلات و تشويقت

خرستیان اهالی بی دولت علیه دن شکایت و ایقاع عصیان و شتافته  
اغرا و دیگر طرفدن کندو تسبیح دستکاه حیل و فسادی اولان  
کر پاسیاره ا کاذب و مفتریات ایله اوروپا خلقنک سربتیت و قومیت  
طرفدارلرینک چشم هوش و بصیرتلینه تعلیق پرده عما و صربستان  
و قره طاغ و یونانستان دخی تحریک و تسلیطه بذل مساعی اوفی ایدرک کویا  
کندوسی ممالکنک توسیعنی و دولت علیه نک محوینی ارامیوب و آرزو  
ایتمیوب فقط هم دین و هم مذهبی اولان خرستیانلرک ترکرک  
زبون پنجه قهر و حقارتلری اوله رق قالمسینه الی الابد تحمل ایدمه چکی  
و خرستیانلر یأسه دوشه رک جمله مستعد طغیان اولدقلرندن و صحیحاً  
اصلاح حاللرینه دائر و یردیکی نصایح خالصه اصفا اولمدیغندن ممالک  
محروسه ده زبان کیر اشغال اولسی عندنده محقق اولان آتش اختلاک  
شراره سی روسیه ممالکنه دخی اتلایه جنی قورقوسنک اتحاد دین  
و مذهبدن بالعموم روسیه لولره حاصل اولان مرحت و رفته انضمامی  
حسیله روسیه دولتک بوکانه معناً و نه ماده نظریقیدی ایله باقی انندن  
کلمه چکی و ایدینده کلمات ریا کارانه و مزورانه ایله هم بزم خرستینری  
و همده حقیقت حالی بیلمیان و افکار پولتیقیه لرنده منبع اراجیف اولان  
غزته لردن تدرس ایدن میلیونلره اوروپا خلقنی دولت علیه چکوب  
کتورمکده و بو تقریب ایله نائل مرهم خبیت انجام اولغه بذل مجهود  
ایتمکده در. و اصول قومیت نامنه بالدفعات رفع لوای عصیان ایدن ایلولری  
کندوسی جبراً و قهراً تحت حکومتده طوتدینی و بودفعه کاملاً ازوب  
بتوردیکی حالده دولت علیه علیه برده و اصولی اورته به آتیه طرق  
سائر ایله اولان اغفالاتی بونکله دخی تحکیم و تأیید ایتمکده در. کرید  
اختلالی سر رشته سیله مؤخرأ روسیه و فرانسه و پروسیا سفارتلری  
طرفلرندن و یرلمش ولان ورقه نک مالی مدعای مشروخی تمایله مؤید  
اولوب مطلقاً پترسبورغده قلمه الشمس اولدیغنده و بونی قبول ایتمش  
اولان دولترک مسائل شرقیه ده روسیه لویه کاملاً موافقت ایلش  
اولملرینک دلیل و اثری بولمیدیغنده قطعاً اشتباه اولنه مز. دولت علیه شو  
مشکلات و مهالکک قارشوسنده فرید و وحید قالب ملتزمک تناسلجه  
وزراعت و حراجه ک نافع و الزم اولان افرادینی دائم سلاح نشنده  
ابطال و واردات معینه سنی بو اغورده صرف ایتکه مجبور اولدیغندن

نه اعمار ملكه خرج ايدە جك براچە ونە دولت وملته خير ومنفعتي موجب  
 نظامات دوشونمكة بردقيقه بوله ميور. وايشته بوده دشمنلرمزك ارايوب  
 استحصاليه چايشد قلري نتيجه مهلكه ي برياندن تعجيل ايدە بور. زيرا  
 ملت اسلاميه نك عسكر ورن نفوسنك مدت مدیده بوحاله متحمل  
 اوله ميه جني وخزينه دولتك اوله ثمره سز مصارف كليہ طيانه ميه جني  
 وشخصلري عسكر باصقيسندە وقلبلري فساد و خلاص ارزوسندە اولان  
 اون ميليوندن متجاوز تبعه نك دهها برچوق زمانلر تحت تابعيته  
 طوتيا ميه جني اشكاردر. تاريخ ازمنه سلفه وسيا وقوعات حايله نك  
 ارباب فنه تعليم ايلديكي علم واعتبار وتجربه اقتضاسنجه بوله بر موقع  
 هونك كده يارم تدابير ويا خود تأني ايله چيقلمق قابل دكلدر. وميدانده  
 اولان اماراته نظراً بعد ازين تأني وتردد ايله كچوره جك وقتمزده قالمدي  
 كيدرد. ايمدي دشمنلرمزك دولت محمدية وملت اسلاميه ي دوشورمكة  
 چايشد قلري كراد باضمحلالدن بعونه تعالى تخلص ايجون ارتق اوراق تفك  
 محاذيره باقلمه رق وحفظ اصول نيت خير عاقبت ايله فروعدن بعض مرتبه  
 فدا كارلق اولمسنه خالصانه عزم وقصد اولنه رن حال حاضر مري بولمسيغن  
 عسرك مقتضياتنه مهمما امكن تقريبه وتقريب ايله پيئناده مفاسد ومقاصد  
 اجتنبيه ي تخريبه مسارعت وشتاب فرض درجه سني كچمشدر. چونكه  
 روسيه دولتنك واكا اتباعاً ديكر لر ينك درميان ايلديكلري نيات وعلناً  
 متشبث اولد قلري حيل وفسادات تحريكك نتيجه مضره سي چوق  
 كچميه رك ظهوره كلسه كر كدر. دولت عليه قوه موجوده سيلاه برياندن  
 داخلي اختلاللري ازمكه وير طرفدن خريستيان قاني دو كيرميز ديو  
 وقوع بوله جق صدمات بلكه محاربات خارجيه مفاوضت ايتمكه مقتدر  
 اوله بيلمك محالاتدن كورينور. ايله برعجوم عمومي يالكز سلطنت سنيه  
 دكل دنياده برد دولت وبرقوت يوقه ركه تقابل ايتسون. اول تقديرده بالفرض  
 محال ر-م ايلي قطعه سي اليزدن بتون بتون چيقمسه بيله يانيه وترحاله نك  
 يونانستانه وبوسنه هر سرك وبلغارستانك صربستانه الحاق اولمسي وهيچ اولم  
 ايسه بونلردخي برر امارت مستقلا ياپلوب صرب ومملكتين مثللو اسما  
 دولت عليه نك تحت تابعيته قالمسي محل شبهه دكلدر. دهابيوك محالي عني قيبيلندن  
 اوله رق مثلاً كندولكمز دن خريستيان تبعه يه كوستره جكمز مساعداتك  
 دولترك شفاعت مجبرانه لريله يوزده يالكز اوتني وهر سرك ينه استقلال مزي

یتورمش و تبعه‌نی کلیاً بتورمش اولورز. شویله بر بئوگ بوره افقده باورمکده و غمام ظمانیمی اوستمنه طوغری کلمکده یکن سفینه دولتی قورتارمقی ایچون براز یوگ اتقده تردد اقتضایدرمی؟ و اتلیوبده معاذاء تعالی کمی قره‌یه دوشدیکی کی تخفیف بار خاطر ایچون قداسنده خست اولنان حمله‌ده برابر غارتزده امواج تلف اولنمی؟ والده ندامتدن بشقه سرمایه فالیرمی؟ و ندامتک بر فائده‌سی اوله بیلورمی؟ اوهم و خیالات قیلمندن اولمری اغلب محتملاتدن اولان ملاحظات و تفصیلات محرره‌یه مبنی اصدقای بندکان حضرت شهنشاهیدن هر فردده حوصله استعداد و تجربه لرینک مساعد اولدینی مرتبه‌ده خاطر لرینه وارد اولان آرای و لو سقیم دخی اولسه وضع کفه قسطاس؟ تدقیق دولت ایتک اقدم فرائض ذمت و اعظم وظائف صداقت و عبودیت اولدیغندن و بو عید مستمند جناب خلافتیناهی بومثللو معظمت امورده خود بخود رأی قارشیدرمغه قطعاً مقتدر اولدیغیمی قلباً و صمیماً معترف اولمالله برابر من غیر استحقاق نائل بولندیغیم خدمت عبودیت ولی نعمت شرف عظیمتک المدن کلدیکی و عقل قصیر کمرانه‌مک ایردکی مرتبه‌ده ایفی وظیفه نظیفه‌سی املیه بروجہ آتی عرض مافی البالہ جرأت و جسارت ایلدم .

بیانه حاجت اولدیغی اوزره افراد بشری اصلاح و انیساد ایدن اک باشلیجه سحیه امل اولوب هرکس و ناکس حصول املیه ممنون و عدم حصولندن دلگیر و محزون اولدیغی مسلم الثبوت قواعد کلیه دندزه دولت و حکومتلرک اقدم اموری امال متباینه تبعه‌نک یک دیگرله قارشولشمسندن حاصل اوله‌حق مهالکی منع ایچون هرکسک حقنی تأمین ایلہ برابر وظائفنی دخی کهای حقها ایفا ایتسنه نظارت و دقت ایلکدره بولندیغمز عصرده ایسه معموریت و قوت کاملاً الارنده و بنابرین زمام اخلال و تصحیح عالم ید اقتدار لرنده اولان اوروپا لورک کل یوم اقطار جه نه نشر و افاسندن خالی اولدقلری افکار جدیده که خلاصه الاخلاصه‌سی هر فردک حریتنده و هر شیده کاملاً مساوی اولسی و اعضا سندن بولندیغی هیئت و جمعیتک امورنده حالجه رأی بولنسی و حتی اول جمعیتک شکل و حال بیلہ اجتماع آرای افراد ایلہ تأسیس اولنسی و کرک دینجه و کرک اصالت ذاتیه‌جه اصلاً فرق و امتیاز اولیوب لیاقت و استحقاقنه کوره هر شخصک هر مرتبه‌یه و هر خدمته نائل اوله بیلنسی اساسلرندن عبارتدر

اشبو قواعد اليوم اوروپا نك بتون دولتلرنده مری الاجرا ونظر دولده  
 امر استخدا مده قتلوك وپروتستان ویهود ودين سر لقرديلری بتون  
 بتون منسی وملغا اولديغنه بناءً عموم ناس كندولرینی ایشلرده مشترك  
 واپواب فیض ورفعتدن فصل مانعی متفك كورمكده وبواساسلری  
 مملكتلرنده ایلرولتدكجه سائر ممالك وملله سرایتنه دخی بذل مجهود  
 ایلکده درلر بزم ملل غیر مسلمه نك بیایغی اولاد وعقارینی اوروپایه  
 ویونانستانه كوندروب ومقتدر اولیانلری بویولده مأكولات ذاتیه سندن  
 كسکی وبورج ایتکی اختیار ایدوب ونصل ایسه برچاره بولوب تحصیل  
 ایتدرمكده اولدقلرندن ايجلرنده زمانه ده تربیه اطلاق اولنان شیئی  
 واداره امور حكومه لازم اولان علوم وفتونی اکتساب ایتمش وبالاده  
 بجملاً بیان اولنان اساسلری ذهنلرینه قویه رق امللری ایتمش آدمك  
 عددی آن نك تزايد وتكثر وینلرنده [ بزده بوملكك اها لیسندن  
 وبودولتك تبعه سندن ایكن مسلمان اولدیغمزدن یالکیز برطاقم وظائف  
 وتكالیف ایله محمول وهمشهریلرمن اولان اسلام ایله حقوقه عدم مساوات  
 كامله دنشاشی محذول اولیورز] لقرديلری تگون وتوافرا تیده وبوافكاری  
 مفاسد خارجیه لایتنقطع تشدید ایلده اولمسيله ایلروسی دهامشکل  
 ورعایای تحت تابعیتده طومتق غیر قابل اوله جقدر شو حالله  
 نظراً دولت علیه اول طاورانوب شو افكار مضره نك ازاله سی  
 واوجه تله تبعه نك ایادی فسادات اجنبیه دن تخلصی چاره لرینی  
 بولقی اقتضایدر بوده دولت متبوعه نك تبعه سنی سائره مراجعت  
 واتجایه مجبور اولیه جق حاله كتورمسی ومداخله وفساد مائل اولان  
 دولترك سررشته بوله مامسی ایله حاصل اولور واول مقصده وصول  
 طریق لرینك اك بیوك چاره سی بروجه محرر دائره افكار تربیه لری  
 پیایی توسع ایتكده وبریاندن دخی بتون دول معظمه نك كندولرینی  
 حمایه ایلدكلرینی كوره رك دورلو امللره دوشمكده اولان تبعه نك  
 خارجدن منتظر اولدقلری شیلری طوغریدن طوغریه پادشاه  
 مشروعلرندن كوروب اجانبدن قطع رشته امل ایتلری یعنی مساعداتجه  
 وخدمات دولته اکتساب فیض ورفعتجه وحقوقه دول سائره  
 تبعه سنیك مملكتلرنده اولان حاللرینه غبطه ایده جك سبیلرك کلیاً بر  
 طرف اولسی وكندولرینه بر دولت اسلامی نك محكومی اولیوب حمایت



و صحیحی جمله به مناسبتاً شامل اولان برپادشاه جلیل الشانك بزه تبعه می  
نظریله بققلری اسبابك استحصاال اولنمی ماده لیدر . اشبو اجمالك  
تفصیلی شودرکه واقعا اليوم ملل غیر مسلمه دن نائل مراتب و مأموریت  
اولا سر محمد رتبه لری اولان مسلمانلردن هیچ بروجهله تمیز اولندقلری  
اولمیه اولیاده اساساً بر دیه جکلری یوف ایسه ده ملل مرقومه دن  
احراز رتبه ایدنلر و خصوصاً مأموریتده بولنلر اعداد نفوسلرینه  
و مسخه من اسلامیه نسبتله اقل قلیل اولوب حالوکه بونلرک تربیه  
کورمش و امور مالیه و ملکیه و قانونیه و مواد سائریه دائر لازمکلان  
علوم و فنونی تحصیل اتمش اولان افرادی بالاده بالاطراف بیان  
اولنمی اوزره بریاندن تنکثر اتمکده اولدیغندن اومقوله لر رأس المال  
تخصیصلری صرف ایده جکلری و اوسایه ده رهین فیض و رفاه اوله جقلری  
قیورنک مسدود و کافه دواثرده خدمت سنیه نك یالکز بر قومك اعضاسیله  
محظ و محدود اولدیغنی کوردکلری و واردات دولتك بلکه ثلثانی آنلر  
و یرنکلری حالده منحصرأ بشقه لری مستفید اولوب کندولرینک  
صالح قیون منزله سنده طوقلدقلری اکلادقلری کبی هر درلو فسادات  
خارجیه بی جان قولاغیله اصغا ایلیه جکلری و ابواب فیضی اچیق بر  
حکومت قیدینه دوشه جکلری هر درلو شك و اشتباهدن عایدر .  
خرستیاندلرک هر نوع خدماتده قولالئلری تجویز اولنه حق اولورسه  
آتم عصر مزده اداره ملکده مقتضی اولان علوم و فنونده بزدن یلری  
اولملری جهتیله ایشلری بالطبع استیلایدرلر . و اسلام مأمورلری کیرو  
قالورلر و برده ملل غیر مسلمیه بوقدر یوز و یرملکدن اسلام ناخوشنود  
اولور مطالعه لری و بوکا مماثل پك چوق محاذیر وارد اذهان اولماق  
مستحیل و بونلرک ایسه باشلو محذورلر اولدیغنی و ارسته قید شکوک  
و دیلدر . انحق حیفاکه ذکر اولدن علوم و فنونی تحصیل اتمکسزین  
و کندومزی اطراف زده اولان ملل متمدنه سائرله ایله مساواته کتور .  
مکسزین بزبوملکی خرستیاندلر اولسه ده اداره ایده میه جکمن درکاردره .  
مرتبه ثانیه ده ملل غیر مسلمیه مادامکه اکیوز سنه اول ایتدیکم  
معاهده بی اتمک و کندولرینک کوزلرینی قاپیوب حاملری اولان و اکیوز  
منه دن زیاده حراوله رق تبعه بی شامل بولنان دول قویه بی محو و یاخود  
مدخیه و فساددن کلیاً منع ایلمک قابل دکادره . و چونکه بشقه یوله کیدر



و یا شمیدیکی مسلکمزده دوام ایدر ایسهك خدانكرده اساس دولت اسلامییه وهن واندراس وملت اسلامیهك شمل واستقلالنه شائبه پریشانی بیقیاس طاری اولهجنی علائم عیدیده دن مستباندنر . تدابیر معروضه اختیار جزئی حکمنه کیرر واعاظم دول اسلامیه اولان دولت علیه عثمانیهك بقاودوامی اومثللو محاذیری بیلارک اختیاری دکر . زیرا ربمز تعالی وتقدس حضرتلری اوکونلری کوسترمسون دولت علیه برحال اولقی لازمکسه دین وملتمز بتون بتون صاحبمز قالور وجهیتی اه ایتسون کلیاً برپاد اولور . خلاصه بوندن بویله کرفتار اولدیغمز مهالکک عظم وصحتنده اشتباه ایتاممز وعون وعنايت السهمیه استناداً قورتلنک چاره نی ارایوب بولقده سرعت ایله مز واولور اولز محذور ومشکک اوکنده ایلیشوب طورمانمز الزم واهم اولدی . خرستیانلرک علی الاطلاق استخداملری حقننده خاطر کذار اولان محاذیرک تعدیلی ضمننده امور دولنده قولانیلمق ترکجه اوقویوب یازمه بیلکه متعلق ضوتیلور وبویله جه اعلان اولنور ایسه بوکابزم تبعه غیرمسلمهك ونه دول معلومهك قطعاً بر دیه جکلری اوله مز .

ملتمزک تربیه ومعلوماتی لزومی درجهیه کتور مکّه زیاده سیاه اقدام وغیرت وصرف نفوذ همت دخی فرض مثابه سندده در . زیرا بو حاصل اولز ایسه دخی طایانه میوب بیترز وهرنصل ایتسک واطرافنه چیت دیواری کبی حصارلر چکسک یتنه معلوماتی قوملر بزه غلبه ایدر ورفته رفته هرشیئی المزدن الورلر . فقط بزملمتزی تربیه ایدلم . انک حصولنه قدر اصول حاضره نی طوتوب کیده لم وخرستیانلره فیض واستخدام قپوسنی تماماً اچیه لم دیر ایتسک بوده ممکن اوله مز وعاجلاً دفعنه چالشمقغمز لازمکلان مهلك ومحدورات وقت ویرمز . بنابرین بالاده شرح وتفصیل اولنان تدابیرک همان اتخاذیله برابر تربیت عمومیهیه مقتضی اولان اسبابک استحصاال واکمالی دخی دولتک اک برنجی ایشی بیلوب اکاکوره البرلکیله تسویه سریعه سنه لیل ونهار اقدام ارنلق وبویله اچه دریغ اولنماق مناسب کورینور .

اداره تبعه غیرمسلمه نی یومافیوماً تصعیب واشکال وقلب وزه نرنده آتش عداوت وکینه نی اشعال ایدن اسبابک بیوکلرینک بریدخی بزه مطلوبه موافق مکتبلر اولدیغندن لاجل التحصیل روم چوجقلرینک

یونانستانه وبلغار کنگلرینک روسیهیه کوندرلیسی والحاصل بریاندن  
بتون عیسوی تبعه نك تربیه وافکارجه دولت علیهیه مخالف اولمغه یوز  
طوتمسی مسئله مهمه سیدر .

بردقیقه اقدم مکتبلرک تنظیم وتوسیمی واسلام وخرستیان  
چو جقلرینک تخلیصی ایله شو تهلکه عظیمه نك دخی دفع ورفی اهم  
اموردر .

برده باشلی شکایت بزم محکمه لردن اولدیغندن اولبابده دخی برنول  
ومصرده یاپلقده اولدینی کبی بزده دخی [ قود سیویل ] دیکلری  
قانوننامه ترجمه ایتدیریلوب دعاوی مختلطه محاکم مختلطه ده واول  
قانوننامهیه تطبیقا رؤیت ایتدیرلک امر ضروری کورینور وبونك دخی  
احکام جلیله شرع شریفه قطعاً طوقتمیه رق سائر نظامی محاکم مثللو  
تنظیمی قابل اولور ظن اولنور .

الحاصل بالجمله تبعه نك دین ومذهبدن بشقه موادده يك دیکرینه  
مخرج وتخلیصی وبینلرنده اولان محاسده ورقابتک کلیاً الغاسی میدانده  
اولان مهالکی احایه بعونه تعالی اساس احکامه علاج منفرد عدوشمار  
قلنور هر حالده امر وفرمان  
فی ۳ شعبان سنه ۲۷۴





سلطان عبدالعزيز خان مرحومك شوراي دولت وديوان احكام عدليه  
تشكيلي مناسبتيه ۱۷ محرم ۱۲۸۵ تاريخنده ايراد بويورمش  
اولدقلى نطق هايون

« چونك بر حكومتك وظيفه سى هر براحوالده اهااليسنك »  
« حقوق حريتنى محافظه امرندن عبارت اولوب رهااليسى حقنده »  
« اولان اداره سى دنخي جبر وتغلب صورتيله اولماق لازمدر . »  
« وصورت جبر وتغلبده اولان اداره ايسه حكومتك حقوقنك »  
« خارجنده برفضله ظلم وتعدى ديمك اوله جفندن بوجائز »  
« ومناسب اولمدينى كبي اهاالينك حريتلرندن فضله اولدقدها »  
« مساعدات اعطاسنه دنخي حاجت يوقدر ظننده يم . و ذكر »  
« اولنان حريتندن دنخي مراد هر كس كيف مايشاء فعلنده »  
« مختار اولوب حكومت اصلا مداخله ايتسون مغاسى »  
« اوليوب زيرا بويه اولسه البته بر شخصك منافعى لاجرم »  
« آخرينك خلافنده اوله جفندن ارتق حيواناتك تعيشى كبي »  
« يكديكرينى يمك اقتضا ايدر . واقعا برى مستفيد اولور »  
« ايسه ده انك استفاده سيچون اوبرينك حياتى فدا اولنمق »  
« لازم كلور . بناءً عليه ذاته تعلق واختصاصى اولان »

« برمنفعت جزئیہ نك استحصالی البتہ سائرہ مضر اولہ جنی »  
 « امور ضروریہ دن اولدینی کبی هر کس منافع ذاتیہ »  
 « ومخصوصہ سنی عمومہ عائد واشمالی اولان برمنافع کلیہ »  
 « ومشرکہ داخلندہ آرامق موافق انصاف وحقانیتدر . »  
 « حاصلی برادارہ نك هر نقدر اصول وفروعندہ قوانین »  
 « ونظاماتی محق ومستقیم وعدالتہ مقارن اولور ایسہ اولقدر »  
 « وظایفی اجرالیتش اولور . زیرا کافۃ عاجزین ومظلومینك »  
 « مرجع وظہیری ومدار استنادی اولان محل آنجق باب »  
 « معدلتدر . یوخسہ یالکنز باب حکومت دکلدرد . وبوبادہ »  
 « اك زیادہ الزم اولان حکومتك بردرجہ قوتیدرکہ حتی »  
 « اداره سندہ موجود اولان بالجلہ اہالیسنك حقوقنی تمامیہ »  
 « محافظہ یہ مقتدر اولہ . بودخی اہالیسنك ثروتی ومملکتك »  
 « معموریتیلہ حاصلدر . ثروت اہالی واعمار مملکت قضیہ سی »  
 « ایسہ اہالینك حقوق ذاتیہ وشخصیہ سی وكافۃ اموال »  
 « واملا کی هر بر مفاسد ومظالمدن بری اولان برادارۃ منتظمہ »  
 « ومستقیمہ واسطہ سیلہ حفظ اولنقلہ اولور . آنجق »  
 « ادارۃ مملکتہ متعلق اولان هر بر اصول وقوانینك »  
 « مشروعتی من القدیم منافع مملکت واهالی ضمنتندہ وضع »  
 « اولنمش برقاعدۃ معتبرہ ومعتدلہ در . یوخسہ حقوق شخصیہ »  
 « وتصرفیہ جہتلیلہ عامك نائل اولدینی مساعداتہ مغایرت »  
 « ومخالفتی استلزام این برامرك اصول مشروعتنی بیلیمہ رك »  
 « حکم ایتك وافراد اہالینك تصرفات واملا کنہ شو وجہلہ »  
 « تصدی ومداخلہ اولنق قطعالایق ومناسب دکلدرد واعصار سالفہدہ »

« منافع اهالی و مملکت ضامنند یا پیش اولان شیلردن عصر مزده »  
 « اگرچه استفاده قابل دکلدر. لکن سابقده موضوع اولان »  
 « اصول و قانونک دخی کفایتی مملکتک و اهالیزک احتیاجاتی »  
 « درجه سنده اولمش اولیدی شو وقتده اوروپانک انک قتمدن »  
 « و منتظم حکومتلری صره سنده اولماز ایدر ایدی . »  
 « کذلک بر مملکتک خرابیتنی و اهالیسنک فقر و ضرورتنی مؤدی »  
 « اولان حالانک انک باشلوجه علت تامه و فاعلیه سی بین الاهی »  
 « موجود اولان تضاد و تباین و تخالف افکار و عدم امنیت »  
 « خصوصلریدر که شو خصوصیات مذکور دن دوامیله معاملتزم »  
 « اولان توسیع معاملات تجارت و ترقیات ثروت اهالی و مملکت »  
 « جهتلری بروجهله متصور دکلدر . اشته شو امرک تألیف »  
 « و اصلاحی و بومنازعاتک اندفاع و ازاله سی نتیله و مجرد تأمین »  
 « حقوق تبعه و اهالیز ایچون اعضاسی بلا استثناء هر صنف »  
 « تبعه دن اوله رق [ شورای دولت ] نامیله مجدد و منتظم بر مجلس »  
 « ترتیب و تشکیل اولمشدر. و برده امر معنای محاکمات که حقوق »  
 « عبادی یعنی امنیت جان و عرض و مال مواد مهمه سنی محور »  
 « لایقنده اداره ایتمک املیه [ دیوان احکام عدلیه ] نامیله »  
 « بر مجلس مستقل دها ایجاد اوله رق انکه دخی حکومت »  
 « شرعیه و قانونیه نک حکومت اجراییه دن تفریقی اساسی وضع »  
 « ایدلمشدر. و بوبابده اعضایه دخی لازمدر که هر نوع تبعه مزک »  
 « مؤلف اولان هیأت مجتسمه دولتمیزی وجود واحد حکمنده »  
 « بیلوب دولتمزک مضرت و منفعتنده و کافه احوالنده خالصانه »  
 « و متفقانه چالیشمالیدرلر . تا که مقصود اولان استکمال »

« رفاد اهای و عمرانیت بلاد و ترقی علوم و معارف قضیه لری »  
« تمامیه حاصل اوله . و امور دینیه و مذهبیه بجزلرینه »  
« کمنجه هر کس دینیه معتقد و متدین اولور . بویابده اندن »  
« بحث یوقدر . شو قدر که قنی دینده ونه مذهبه اولورایسه »  
« اولسون مادام که مختلط و متحد اوله رقی بروضن اهانسی اولمش »  
« اولورلر . شو حالده تعصبات و مبانیت دینیه نامیله تعبداته متعلق »  
« اولان مغویاتی وسیله ایدرک یکدیگری تحقیر و خصومت »  
« ایتملری لازمدر . »

« خلاصه ذات مصلحتی مقتضی و حکم زمانه موافق »  
« اصول و نظاماتک تعدیلی بر امر ضروری اولدینی کی الیوم »  
« اوروپا اهلینک دخی درجه اقتدار و ترقیلری شودعوایه »  
« بردلیل اقعایدر . هله شو یوقارودن برو ذکر اولنان تفصیلاتدن »  
« غرض آنجق لوجه اه حقوق عبادی تعیین و شوپائش اولان »  
« نظاماتک وضعیتی نه اساس اوزرینه مبتنی اولدیغنی بیاندن »  
« عبارتدر . همان جناب حق جمله بی موفق بیورسون . »





بیروت متصرفلغندن باش وکالته یازیلان برجواننامه دن[\*]

ایشته حکومتجه بوتقنه مهمه نظر دقت واعتنایه انه حق و بونک محاسی ممکن اولمز ایسه هیچ دکلسه توسع و تآ کدینی مستلزم اسباب منع ایدیه جت ایکن حیفاکه بونک ضد و مخالفی اولان احوال اجرای حکم ایتمکده و بوسبیلله خلقده بالطبع خشنود سزاق آرتمقده در . بونک اسبابی ایسه کزوب کوردیکم یرلرک جمله سندن زیاده بوحوالی اصول اداره سیله یرلی یبانجی مأمورین حکومتک غایت بوزوق و فنا اولمسیدر . ششده حقیقی اکلاتمق ایچون بواجمالی تفسیر ایتمک و علل واسبابی کوسترمک لازم کلدیکندن انک ایضاحنه شروع ایدرم .

برنجیسی: حکومتک وجودندن مقصد هر کسک جان و مال و عرضندن امین اولمسیدر که بواساس سوریه نک اکثر طرفلرنده جاری دکلدر . مثلاً سکان اهالی و تجارک عربان طرفندن ماللری غصب و نفوسلری قتل اولنور . مظلومار حکومته مراجعت ایدر . حکومت لازم اولدینی کبی تشبثانده بولنور . لکن نتیجه حاصل ایده مز و بومقوله منهوباتک ناهبلیری طوتوب تربیه ایتمک شویله طورسون یالکز مال منهوبک بیله اونده برینی استرداد ایله اصحابنه رد و اعطا ایلیه مز . چونکه یاناهبلیر جبل دروز

[\*] اعیان کرامدن رائف پاشا حضرتلرینک باش وکیل صادق

پاشا مرحومه لایحه سی .



اهالىسىندىر . اورايە حكومتچە انفاذ نفوذ ممكن دكل . ياخود  
 عرباندىر . انلر دە چكلمش كىتمش ويا اركان حكومت طرفندن  
 مستصحب بولمىشدر . انك ايچون برشى يايىلەمز . بو حالە  
 مالى نەب اولنان آدمە كۆرە حكومتك عدميله وجودى مساوى  
 اولور وبالطبع مايوس وناخشىنود قالور واك محق برايش كندى  
 استقامتى قوتيله ازچوق براعتسافە مصادف اولمىسزىن نتيجه  
 طبيعيسەنە واصل اولەمز وحقلى حقلى الەمز . زىرا مأمورىنىك  
 اك بيو كندن اك چو كنه يعنى ضبطيه نقرىنە وارنجە يەقدر اخلاق  
 بوزولمىشدر . بوايسە اساساً عموم مأمورلك انتخاب وتعيينلارندە  
 ومكافات ومجازاتلارندە مبالات ايدىلماسىندىن ومأمورىتلارندە بقا  
 وعدم بقالرى نەيە مربوط ومشروط اولدىنى مجهول اولمىسدىن  
 ومستقبلارى هيچ برقاعدە وقانونلە تامين اولنماش اولدىنى كى  
 معاشلىرى دىخى اكثريت اوزرە پك دون اولمىسدىن و تخصيص  
 دولتجە حاصل اولان ضرورت مجبرەيە مبنى قائمەك ميدان  
 تداولە قونسيله احوال واوصافى شويولە اولان مأمور و ضبطيه  
 معاشلىرىك ثلث درجەسەنە تنزل ايتىسدىن ناشى اداره حكومت  
 بتون بتون دائرە استقامتدن چىقمش وارتنق ذاتاً جزؤى معاشە  
 نائل اولان مأمورلر كندولرىنە توديع اولنان وظيفەيە نسبتلە  
 و ويرىلان معاشاتك كميته كۆرە ضناً ارتشا و ارتكابه مأذون  
 ايدلمشكىن مصائب اخيرهك انضماميله بو مأذونيت ضمنيە عادتا  
 برصلاحيت رسميه حكم وقوتى المشدر .

امور عدليه كنجە بونك تشريحات وتعريفاتنە كيريشلەجك  
 اولور ايسە ايچندن پك قولاي چيقيلمەيەجنى كى اشبو عريضەم

دخی او تفصیلاتی احاطه یه مستعد اولمديغندن اساساً برايکي شی سويلکله اکتفا ایدرم .


ولایت نظامنامه سی اقتضاسنجه مرکز لوا و ولایاتده برر قضاو لوا دعاوی و تمیز مجلساری موجود اولمق لازم کلورایکن مرکز قائم مقام و متصرفلقرینک لغویله برابر عموم سنجاغک استناف و مرکزده بولنان خلکک حقوق و جنایت ایشلری فقط بر مجلسه منحصر قلمش اوله یور . و دائماً اصحاب حقوقک ایشلری تأخیر ایدیلوب سرعتله کورلمسی و حبسخانه لرده بلا حکم آدم قالماسی او امر متعده ايله تنیه و تأکید بیسور یله یور . حالبوکه علتک اساسنه چاره کورلمدیکی جهتله طبیعی او امرک حکمی بحق انفاذ واجرا ایديله مامکده و بوسیله خلکک شکایت و عدم خشنودیلرینه و اجانبک تعریضاتنه سبب ویرلمکده در . زیرایکرمی بیک نفوسی شامل اولان بر قصبه ايله ایکی یوز بیک نفوسی شامل بولنان دیگر بر شهر خلقی ، مرکز لرنده بولنان فقط بر محکمه یه مراجعت ایده جک اولور لر ایسه برنجیسی نه امورینی و قتیله کورور و ایکنجیسی نه حقوق و نه ده جنایته حقیله و و قتیله باقه مدقن بشقه مصالح تراکم ایدوب قالور . و حبسخانه لرده خلاف امر و رضا بر طاقم اشخاص ضروری موقوف بولنور . حاصلی بومثالو قصبات ايله سکسان ، یوز ، یوز الی وایکی یوز بیک نفوسی شامل اولان بعض لوا و ولایت مرکز لرنده محکمه لک عددی آرتیرلمدجه و تخصیص بر طاقم نااهل و اکثریسی جاهل رؤسا و بونلره هم حال اولان اعضانک اصلاح احوالرینه صحیحاً

مدار اوله جق بر تدبیر مؤثر اتخاذ قلند بجه محاکم حقه کړک  
تأخر اموردن وکړک اعتسافدن طولانی وقوع بولمده اولان  
شکایاتک اوکی الهامق وخلقک خشنودیسی استحصال قلنه مامق  
ضروریدر .

بوحوالینک اعشاری دخی سائر احوال واداره سنه متناسب  
اولمق ایچون دولت کرچه بالزایده عشر صانار . لکن خلقدن  
عشره بدل برقاج عشر چیقارکه بویولده وقوع بولان وهیچ  
برطرفه مقیس اولمیان معامله ظلمینه نک درجه سنی مختصراً  
عرض وتعریف ایده بیلیمک ایچون بوحوالیجه عشرک وضعی  
تاریخی اولان سکسان اوچ سنه سندن شمیدی به قدر یالکز  
بلاد بشارده ملتزم لک تخمین مظالمندن یعنی عشره بدل اغاجک  
تکمیل محصولاتتی ویردکدن صکره اوسته برده نقداً جریمه  
ویرمکدن قورتمق ایچون اهل قرا طرفلرندن اقل قلیل اون  
بش بیکدن متجاوز زیتون اغاجی قطع واحمالیدنش اولدیغنی  
بیان ایتمکله وبویولده مظالمک جریانه نیچون میدان ویرله یور  
سوال مقدرینه دخی بالاده تعریف وتوصیف قلنان ملکيه  
وضبطیه وعدلیه مأمورلری واسطه سیله بوکبی شیلرک منعی وارباب  
تعدینک ظاهره اخراجی ممکن اولوب اولمیه جغنگ محاکمه سنی  
وجدان باهر العرفان ولی النعمیلرینه عرض وترک ایتمکله اکتفا یلرم .  
اداره عمومیه حقه بروجه محرر درمیان اولنان تفصیلاتک  
قسم اکثری حربک وقوعندن اول موجود اولوب محاربه نک  
ظهور ایتمی وعسکرک چکیلوب کیتیمی وکافه معامله وتجارتک  
طوروب ضرورت واضطرابک جهت جهت تزايد ایلمی ملا .

بسه سیه امر انضباطده شو کون اوزماندن زیاده ضعف وفتور و اداره و معاملاتده دهازیاده قصور اولدیغی منکر دکل ایسهده بونلر حکومتک روحی مثابه سنده اولان قوه جنودیه نك فقدانندن واسباب محرره دن طولانی ضرورت و احتیاجک آرتمسندن منبعث اولدیغنه و بونلرک تدبیرایله یرینی طولایرمق غیر قابل بولندیغنه بنساءً حل حاضر ایچون سه ابقه نسبتله حق الانصاف فنا دنیله مامک ضروری اولمسیله برابر حزم و احتیاطه رعایت و بورانک احوال خصوصیه سه عطف نظر دقت و اهمیت مرتبه وجوده کوریه جکی تفصیلات مبسوطه نك مطالعه سیه دخی نزدعالیده ظاهر اوله جنی درکاردر .

واقعا شوزمانده حکومت سنیه برچوق اصلاحات وفدا کارلق اجرا سینه مضطر و مجبور ایسهده قونیه و انقره کبی اناطولی ایچلرنده کی خلقک خشنودیسنی موجب اوله جق درجه اصلا - حاتله بویه جبل لبنان کبی ممتاز براداره یه بیتیشمش و سواحل اهالیسی اجنبی تربیه سیه بیتیشمش مهم و نازک مواقعک و بو حالک تماماً ضد و نقیضی اولان و عربان و دروز متوطن بولنان محللرک اصلاحاتجه خصوصیت حال مطالعه دن بعید طوطیه جنی و الحاصل سیف و قلمک امتزاجی کبی مهم بر مسئله دائماً کوز اوکنده طوره جنی ظاهر اولوب شوراسیده من غیر حد عرض اولنورکه سوریه قطعه سی ایچون دولتمزک ایده جکی فداکارلقده نه قدر سرعت و سماحت ایدیلورایسه اولقدر مستفید اولمق طبیعی ایدوکندن بوبابده وارد افکار قاصره چا کرانه م اولان مطالعات و محسوسات امر دولترینه امثالاً عرض و اشعار قلندی اولبابده ۱۳ حزیران سنه ۱۲۹۴



صفوت پاشا مرحومك معلوم اولان عصيت حالى اقتضاسنجه  
 يوزنى و كوزنى صيق صيق بوروشديروب طورماسى جنت  
 مكان سلطان عبدالعزيزخان حضرتمرينك موجب حدتى اولور..  
 زاواللى پاشايه هرزمان اخطارات وقوع بولور ايدى . بركون  
 سفر اى اجنييه دن برينك قبولى مقرر اولديغندن ، صفوت پاشا  
 مرحوم خايلى وقت صوراتى بوروشديروب طورمش و حضور  
 هايونه چيقيديغنده حال عصيتك مبدل سكون اولاجنى اميدنده  
 بولونمش ايسه ده عكس حال ظهور آدرك پاك زياده صيقيلسشدر:  
 كويا اعصابى يورمش اولمق زعم و ذهابيله بر آره لق ييهوده يره  
 اوغراشدغنى شويلاه طورسون ، آلچى ايله نزد شاهانه يه كيدير  
 كيتمز وجهنده باشلايان احتمالات بر معتاد جنت مكانك نظر دقتى  
 جالب اولمق دن قورتولاماشدر .

پادشاه : صفوت پاشا ، ينه صوراتكى اويناتنيورسيك  
 مؤآخذ سنده بولونديغندن داها زياده متأثر اولان خارجيه  
 ناظرينك آرتق نه حاللره كيديرگنى كوز اوگنه كديرمه ليدير .

\*  
\* \*

بركون ، ضبطيه مشيرى مشهور حسنى پاشا اوتده بريده

یا قالاتمش اولدینی [حریت] غزته لرینی برچو واله قویوب باب عالی یه کورتورمش و صدر اعظم عالی پاشایه عرض حال ایله مش .

عالی پاشا مرحوم ، نشریات واقعه دن ذاتاً مغیر و منفعل اولدینی جهته ، یاننده بولونان خارجییه نظری فؤاد پاشا مرحوم ایله بومضر أوراق مطبوعه نك منع ادخال وانتشاری اسبابنه دائر تعاطی افکار و مطالعات ادوب طورورکن شورای دولت رئیس مدحت پاشا مرحوم او طه یه کیرمش ؛ فؤاد پاشا، در حال : — ایسته أبوالا حرار کلدی . دوشوندیگمز تدیری کندیسندن

صورالم !

تکلیفنده بولونمش . عالی پاشا ، نشریات واقعه نك مضراتندن و مناسبتنز لگندن بحث ایله سؤال مطالعه آدینجه ، مدحت پاشا مرحوم ، کمال صفوت و خالصیتله :

« غزته لرك منع دخولنه امکان یوقدر . نه قدر تدابیر مانعه اتخاذ اولونسه او قدر توسیع دائره انتشاره سببیت ویریش اولور . بنم فکر مجه ، یالکثر برچاره واردر ، که علیهمزده کی نشریاتك تأثیرینی ازاله آده بیلیلر . اوده دولتجه [حریت] کبی بر قاچ غزته نك مملکت مزده نشرینه مساعدده اتمکدر . شو شرط ایله ، که حکومت ایله غزته لرك تدابیر متخذة دولت حقنده کی انتقادات و موأخذاتی بحق نظر دقته آلمالی ؛ خطیأت واقعه یی تصحیح ایله مه لیدر . بویا بیلیلر ایسه نه خار جده علیهمزده غزته چیقار ؛ نه غزته چیقار ایسه اهمیتی اولور . بوندن باشقه چاره بیله نم . » جوابی ویرمشد .



آوروپا سياحتمندن عودتتندە ، جنت مەكان سلطان عبدالعزیز خان ، فرانسه و پروسیا عسکری رسم چکیدلرینی مقایسه ادهرک پروسیا طابورلرینک کتله واحده حالندە حرکتلرینی لسان تقدیر و حیرتله قرناسنه سویله و بر محاربه وقوعی حالندە ، فرانسه عسکرینک پروسیا نیلره غالب کله سی ممکن اولامایه جنی مطالعه . سنده بولونورایدی . ۱۸۷۰ محاربه سی . جنت مکانک اصابت رای و فکرینی مؤید چیقمشدر .

\*  
\* \*

ایلیک عثمانلی پارلامنتوسی ریاستندە بولونمش اولان حسن فهیمی پاشا مرحوم ، بر آردلق . مأموریت مخصوصه ایله لوندرايه کیتیش ایدی . انکلیز رجالندن بریله وقوع بولان خصوصی ملاقاتندە ، دولت عثمانیه ناک احوال داخلیه سی وخامتندن بحث اولونارق بو کیدیشه - بر مدت صوگرا - ایشلرک فنایه و اراجنی افده قیلمیش و پاشا مرحومده بعض مدافعاتده بولونمش ایسه ده انکلیز دیپلوماتی : « تورکیا ، روسیا پولیتیکه سی تعقیبده بر دوام اولدجه ، کندی بناسنک تمللرینی کندی آلریله قازوب ییقمش اولاجقدر . روسیانک مقصدی ایسه آرتق بوتون جهانە معلومدر ! » تهیدیدی ایما آدیجه ، پاشا مرحوم ، کندینه خاص اولان ساده لگی و جدیتی ایله : « اوحالده بز آتمزدن آمین اولایلیرز . چونکه روسیانک املی اولسه اولسه قارده کیزه مستولی اولمق ، استانبوله چوکنک اولاجقدر ! سز انکلیزلر بوگا موافقت اده بیلیر میسیگر ؟ » سوالندە بولونمش . بونک اوزرینه انکلیز دیپلوماتی : « ایشته ، دنیاده یالکیز بو ممکن دگل ! » سوزلریله مقابله اتمشدر .







### بیرنجی کتابک مندرجاتی :

سلطان عبدالمجید خانک تلطیفات و تشویقاتی — فرانسه یه سیاحت  
تصوری — پرنس ناپولیون — ناپولیون ایله ایمپراطوریچه نیک  
دوسعدانه تصور سیاحتلری — استانبولده تدارکات و تشریفات —  
ناپولیونک نطقی — عبدالمجید خانک فرانسیز نشانی قبولی — مشارالیهک  
سفارتخانه بالوسنه عزیمتی — پارسده ناپولیونک مقابله بالمثلی — صدر  
اعظم عالی پاشایی، ناپولیونه، شاهانه توصیه — باب عالیده پادشاهک  
یعنی و اصول تحلیف — باب عالی بی وقیشلائی هایونلری تشریف — کریده  
سیاحت شهر یاری — خطوط هایون — مراتب و مناصب نظامنامه سی  
— وکلای نشانی — امتیاز نشانی — نشان آفرین — نشانلرک استرداد ی  
— عزل و نصب مأمورین — مجازات — تنبیها ت — مطبوعات و سانسور.  
ویانه قونقه رانساری : بویوک رشید پاشا — عالی پاشا — ویانه سفیری  
عارف آفندی — رضا بک — انکلتزه سفیری لورد ایستراتفورده  
— فرانسه سفارتی مصلحت کذار ی به نه ده ت قی .

### ایکنجی کتابک مندرجاتی :

عالی پاشانک : مهم مکتوبلری و صدارت خط هایونی — ولی الدین  
رفعت پاشا مسأله سی — مدحت پاشا مرحوم ؛ عالی ، فوآد ،  
مدحت پاشالر — بویوک رشید پاشا ایله لورد پامهرستونک ایکی  
مکتوبی — آلمان مورخلرینک باطل ذهابی — صدر اعظم قبریسی  
محمد آمین پاشانک مطالعات اصلاحیه سی — جزانامه لایحه سی —  
سرای عبدالمجید خانیده اقتصاد : خط هایون ، سفارت دیدی  
قودیلری — جنت مکان سلطان عبدالعزیز خان : مشروطیته  
دوغرو — آوروپاده دایاق — \*\*\* سفیرینک رسم قبولی — کلمات الملوک

— قدیم عاتلر — سفرای آجنبیه مکتوبلری : یونان قرالی .  
مه غالی ایده آ. ملاقات سینه — سفیرلر : روسیا سفیری و تخصیصاتی ،  
استخبارات و سایطی — پرنس دو بيسمارق و شرق پولیتقه سی : پارس  
معاهده سی ، براین قونغرہ سی ، مقاسمه خیلاتی — سویش قانالی :  
عالی پاشانک سبب صدارتی — تورکیاده بعض دیپلوماتلرک تصویر حالی .

### اوچونجی کتابک مندرجاتی :

بودولت برینچونجی ایستهر — مشیر احمد ایوب پاشا مرحوم —  
حاکمیت ملیه انسانلره آک زیاده توزیع عدالت و تشمیل حقانیت  
آدن مشروطیتدر — اون دو تونجی عصرده : بویوک ناپولیون ،  
چار برنجی آله کبندر ، آلمانیا پرنس لری ، اسپانیا قرالی ، ماجارلر —  
۱۸۲۵ : چار نیقولا و اختلال — ۱۸۳۰ : فرانسه ده اودون یاریجی ،  
ایتالیا ، پولونیا — ۱۸۴۸ : فرانسه ده لوئی فیلیپ ، فراغت و نکاترہ به  
التجاء آوستریا — ماجارستان : ایمپراطور فرناندک فراغتی ، مه ترنیک ،  
ماجارلرک فدیایلکی — دعوای مشروطیت دعوای انسانیتدر ، عدم  
مسئولیت حکمدار — قرالیچه و یقتوریا ایله قرال له توپولدک و قرال  
فره ده ریق کیلیومک و چار نیولانک مکتوبلری — ۱۸۴۸ ده باب  
عالی پولیتقه سی ، فوآد افندیانک مطالعه سی — برملت دیز کییدر :  
فیرطینا ، سکونت — یکرمنجی عصرده شرق انتباهی : روسیا ، ایران ،  
تورکیا — مجاهدین و مجاهده عثمانیه یی تجیل — تأیید اخوت  
و مشروطیت .

### دوردنچی کتابک مندرجاتی :

بزده وثایق دولت و حکومت انجمنی — جنت مکان عبدالحجید  
خان و فرانسه سفیری طووه نهل — بویوک رشید پاشا ایله قونت به نه .  
دهدتی نک ملاقاتی — آمین بکک سفارتہ تبلیغاتی — رشید پاشا علیهنده  
وکلا آنتریقہ لری — دیپلوماسی مسلکندنه مزایات و اوصاف مطلوبه —  
فرانسه حکومتک سفارتک اشعاراتنه رغماً ، بی طرفانه حرکتی .  
مدحت پاشا مرحوم ایله صدر اعظم قبریسی محمد پاشا : نیش آیالتی  
تشکیلاتی ، تعقیب و تنکیل أشقیما — مدحت پاشانک وفادارلنی ،

آوروپاده ملتجیلکی . قرالیچه ویتوریا وقرال أدوار ایله مناسباتی ،  
توقیفدن أول کندیسنه انگلیز تکلیف مخاندنکارانهسی ، ابراهیم شکری  
پاشا وحمدی بك وتهئودور قاصاپ — آلمانیاك ۱۸۷۰ روسیا  
پولیتیکهسی : بيسارق وغورچاقوف . قاره دكیز مسألهسی ، چار  
آلهكساندر ، باویه را قرالی ، اتفاق ثلاثی تشبثات ابتدائیهسی — سويس  
قانالنه دائر مطالب حكومت — مكاتب رشديه حقنده مدحت پاشا  
مرحومك مطالعاتی .

### بشنجی كتابك مندرجاتی

پرنس دو بيسمارك برلین قونغره-سی خاطره لری — قونغره-یه  
وروسیا به متعلق مطالعه لری — ایکی مهم مکتوب سیاسی — پرنس  
دوهوهه نلوهه نك برلین قونغره-سنده مرخص صفتیله مشاهدات  
واطلاعاتی — پارس قونغره-سندن صوگرا : اصلاحات عثمانیه به عائد  
تبعات ، رشید پاشا ایله عالی پاشانك اجتہاداتی ، خدایی نابت رجال دولت ،  
آوستریا وروسیا دیپلوماتلری — رشید پاشا مرحومك عبدالمجید خانہ  
لایحه سی ، باش کتابته تذکره سی — عالی پاشا مرحومك اصلاحات  
لایحه سی — جنت مکان عبدالعزیز خانك بر نطق هایونی — اعیانندن  
رائف پاشانك بر مطالعه سی — فقرات تازیخیه .



476  
xii/600














3 1761 06978148 2